

清 張廷玉 等撰

聊地



中 華 書 局

卷二二七至卷二四〇(傳)

明史卷一一一十七

列傳第一百十五

龐尙鵬 宋儀望 張岳 李材 陸樹德 蕭廩

賈三近 李頤 朱鴻謨 蕭彦 弟雍 查鐸 孫維城

謝杰 郭惟賢 萬象春 鍾化民 吳達可

役,爲舉行一條鞭法。按治鄉官呂希周、嚴杰、茅坤、潘仲駿子弟僮奴,請奪希周等冠帶。詔 羅嘉賓出覈南京、浙江軍餉,請罪參將戚繼光、張四維,而盡發胡宗憲失律、貪淫及軍興督 撫侵軍需狀。還朝,出按河南。巡撫蔡汝楠欲會疏進白鹿,尚鵬不可。改按浙江。 龐尙鵬,字少南,南海人。嘉靖三十二年進士。除江西樂平知縣。 擢御史。 偕給事中 民苦徭

盡黜爲民。

列傳第一百十五 龐尚鵬

延見大臣, 尙 鹏 介直 無所倚 恤建言得罪者馬從謙等。 0 所至搏擊豪强,吏民震慴。 已,又申救給事中胡應嘉,論大學士郭朴無相 已,督畿輔學政。 隆慶元年請帝 時御便

體。擢大理右寺丞。

擅殺 東、宣、大者各十一,寧夏者四 鹽政二十事,鹺利 鵬 轄 人 兩淮 明 、年春,朝議興九邊屯、 兩淮巡鹽孫以仁贓罪,皆獲譴。 、長蘆、山東三運司、兼理畿輔、 大興。 乃自江北躬歷九邊,先後列上屯政便宜,江北者四,薊鎭者九, 鹽。 ,甘肅者七。 擢尙鵬右僉都御史,與副都御史鄒應龍、唐繼 河南、山東、江北、遼東屯務。 其秋,應龍等召 奏輒報可 還, 命尚鵬兼領九邊屯務。 抵昌平,劾內侍張恩 禄 分 理。 疏 尙 列

巡鹽部永春刻尚鵬行事乖 鵬 職 尙 一、汰屯 鵬權既重,自負經 鹽都御史官。 濟才,慷慨任事。 違,吏部 時三年十二月也。 尙 書楊博議留之。 諸御史督鹽政者以事權見奪, 明年復 坐按浙時驗進宮幣不 會中官惡博,激帝怒,譙讓,罷 欲攻去之。 中程,斥 博 民。 而 河東

者。 建。 逐罷去。 尚 奏蠲 神 宗 鵬 逋餉 立,御史計 書 家居 救 銀 推行 四年卒。 居正 坤亨等交薦, 深銜 條鞭法。 浙江、福建暨其鄉廣東皆以徭輕故德尚鵬,立祠祀 之。 會拜 劾罷 保定巡撫宋纁 左 總兵官胡守仁, 副 都 御 史, 亦白 居 其 IE 屬吏咸 、無罪。 令吏科 奉 萬曆 陳三謨以 職。 四 張 年冬,始以故官 居正 給 由 奪情 歲 天啓中,賜 月 重 有 一譴言 撫福 誤 劾

破家。儀望令諸區各出公田,計役授田贍之。禁火葬,創子游祠,建書院,惠績甚著 宋儀望,字望之,吉安永豐人。嘉靖二十六年進士。授吳縣知縣。民輸白糧京師,輒

尚書<u></u>
聶豹言:「河成便漕,兼制敵騎。」工部尚書<u>歐陽必進言:「道遠役重。」</u>遂報罷 十石達之古定河,足利漕可徵。」時方行穵運,率三十石致一石。儀望疏至,下廷議。 易。靈大同巡撫侯鉞嘗乘小艇赴懷來,歷卜村、黑龍灣,安行無虞。又自懷來泝流,載米三 其間惟大同卜村有叢石,宣府黑龍灣石崖稍險,然不踰五十里,水淺者猶二三尺,疏鑿甚 乾河通宣、大餉道,言:「河發源金龍池下甕城驛古定橋,會衆水,東流千餘里,入盧溝橋。 徵授御史。劾大將軍仇鸞挾寇自重,疏留中。已,陳時務十二策。巡鹽河東,請開桑

部,逐坐以浮躁,貶夷陵判官。嵩敗,擢霸州兵備僉事。 擢大理右寺丞。 及受命督三殿門工、嵩子世蕃私賈人金、屬必進俾與工事、儀望執不可。工竣、敍勞、 儀望尋省母歸。還朝,發胡宗憲、阮鶚奸貪狀,鶚被逮。二人皆嚴嵩私人,嵩由是不 世蕃以爲德,儀望請急歸,無所謝,世蕃益怒。 請城涿州,除馬戶逋稅。 會災異考察京官,必進遷吏

備 副使,改福建。 與總兵官戚繼光合兵破倭,因列海防善後事。 韶從其請

隆慶二年,東部尚書楊博欲黜儀望,考功郎劉一儒持之,乃鐫二秩,補四川僉事。 匹

大理少卿。

儀望薦之朝,漸失居正意。 寧,歲久漸湮,儀望爲封其墓,載其祠祀典。故太常卿袁洪愈、祭酒姜寶皆不爲居正所喜 都御史。 海警稍定,將東諱言兵,儀望與副使王叔果修戰備。倭果至,禦之黑水洋,斬獲多,進右副 萬曆二年,張居正當國,雅知儀望才,擢右僉都御史,巡撫應天諸府。 先有韶雪建文諸臣,儀望創表忠祠祀之南京。 四年稍遷南京大理卿。 踰年改北,被劾罷歸 宋忠臣楊邦乂,儀望鄉人也,葬江 奏減屬郡災賦

儀望少師聶豹,私淑王守仁,又從鄒守益、歐陽德、羅洪先遊。 守仁從祀,儀望有力焉

家居數年卒。

風。 藏,奏行釐弊八事。 張岳, 又今吏治方淸,獨兵部無振刷,推用總兵黃印、韓承慶等,非庸卽狡。 字汝宗, 已,又陳時政,極言講學者以富貴功名鼓 餘姚人。嘉靖三十八年進士。 授行人。 動士大夫, 擢禮科 給 談虚 事 曹司 t|1 諭 條例淆 巡 寂, 視 靡 內 府庫 **亂**無 然 成

人 章,胥吏朋 也。 博 奏辨乞罷 奸,搏噬將校,其咎必有 ,帝慰留之。 博自是惡岳 所 歸。 時徐階當 及掌吏部, 國 ,爲講學會,而 岳已遷 工科左給 楊博 在 事 兵部,意 中, 遂出 為雲 指

南參議。再遷河南參政。

居正 正 御史呂藿、給事 父喪謀奪情,南京尚書潘晟 大怒。 萬曆 初,張居正 會大計京官、給事 中吳縮知居正憾未釋,摭劾岳落職閒 雅知 压 ,用爲太僕少卿。 中傅作舟等承風 及諸給 事、御史,咸上疏請留居正。 再遷南京右僉都 劾岳, 貶一 住 秩調外,岳 御史,督操江。 压 逐歸。 獨 馳 疏請 **外之**,操江僉都 甫 令馳驛 到官,會居 奔喪,

俾習四民之業。 都 疏 御 評 史,巡撫南、贛。 甫 議 兩 廷臣賢否,爲給事 月~ 居正 其一言治河之策, 死,南京御史方萬 入爲左僉都御史,獻時政 中袁國臣等所 夏鎭 Щ 薦岳 (固當 論。 対作 開, 時已遷刑部右侍郎,坐罷 四 沽頭 議。 舟。 其一言宗藩宜以 亦 作 不 舟 ·可廢。 坐斥,起 並 岳 報寢 四川 世 歸 次 參議。 遞殺 進左 副 親 旋擢 都御 盡 則 右愈 . :史

溢 講 學。 李材, 自 字孟誠, 以 學未 成 豐城 () 乞假 人,尚書遂子也。 歸 訪 唐樞、王畿、錢德洪,與問 舉嘉靖四十一 年 難 進士, 授 刑 部 事 素從鄒守

言大 賊 贼 於陽江 石 城 Ŧi. 有 軍數道 百 三巢在 隆 設伏 級, 慶 錄 中 燬廬舍千餘,空其地,募 海 至 功,進 新 還 口 會境。 朝 以疑賊,而返故道迎擊,盡殺之。 こ, 伺其に 副 由 使。 調 兵 遁 部 副 而 郎 總兵梁守愚由 殲之,奪還婦女三千餘。 中稍遷廣 人 田之。亡何, 東 僉事 恩平,遊 o 又追襲雷州倭至英利,皆遁去,降賊渠 羅旁賊猖 沙撃 王瑞· 倭五千攻陷 會奸 由 人引 獗, 德慶入, 材襲破之周 倭 電白,大掠 自黄山 身出 間道: 肇慶中道, 而 潰 Щ 去。 而 設屯 材追 東 夜 以守 於許恩 材 半 破 斬

境,數 令覆 常。 兵會 象陣 逐散 雲南 司 大學 勘 遮 奪 來 緬 洱 萬 爲緬 浪 去。 部 歸 海 曆 復 目日 迎 未 初,張 參政,進按察使,備 而 侵奪,舉族 響,兩 擊之。 緬 上,而材擢右僉都御史,無治鄖陽。 間 帥 大曩長、 居正 討抗命 莽 土司 賊大敗, 應裏益兵至孟養, 柄國,不 內徙,有司居之戶碗。 告急。 夷 日散 阿坡。 生 奪者,率數千人據其地。 兵 悦材,遂引疾去。 材遣 擒 金 居頃 繡衣 騰。 遊 擊 之,緬遺兵爭蠻莫, 賊 復擊沈其舟, 金騰地接緬 劉 將 天俸 三人。 至是, 率 居正卒,起官山東。 把總定崇德等出威 巡撫劉世曾、總兵官沐昌祚以大捷聞 甸,而 緬勢稍屈, 斬其將一人, 材謂 材合兩 孟養、 不收兩 材資遣 蠻莫 土司兵敗 乃退。 上司 以才 緬 兩土司 還故土。 無 調 渡金 有猛 以 緬 遼東 介 制 衆, 密 沙 亡何 其 緬 開 者, 間, 殺 遣 原。 大襲長 與孟 地 叛 緬 人 在 招 服 尋

不

枫

遷

春脅材 萬 諷 門卒 春 ,萬春欲殺惟寧,跳而免,材遂復劾惟寧激變。 材 更軍 好講學,遣部卒供生徒役,卒多怨。又徇諸生請,改參將公署爲學宮。 梅林等大譟,馳入城,縱囚毁諸生廬,直趨軍門,挾賞銀四千,洶洶不解。 中不便十二事,令上疏歸罪副使丁惟寧、知府沈鈇等,材隱忍從之。 韶下餘等吏,貶惟寧三官,材還籍候勘。 參將米萬春 居二日, 惟寧責數 萬

時

十五五

年十一月也。

罪爲 籍,奪昌祚祿一年,材、嚴之、天俸俱逮下詔獄。刑部尚書李世達、左都御史吳時來、大理少 五 爲解,給事中唐堯欽等亦言:「材以夷攻夷,功不可泯。奏報偶虛,坐以死,假令盡虛無實,掩 亦解官。 卿李楝等,當材、天俸徒,嚴之鐫秩。帝不懌,奪郎中、御史、寺正諸臣俸,典詔獄李登雲等 無驗,猛密 又以雲南 十餘疏。 功,何以罪之?設不幸失城池,全軍不返,又何以罪之。」帝皆不聽。 御 史楊紹程勘萬春首亂,宜罪。大學士申時行庇之,置不問,旋調天津善地去。 於是改擬遣戍。特旨引紅牌說謊例,坐材、天俸斬,嚴之除名。 事被訐,遂獲重譴。初,有詔勘征緬功,巡按御史蘇酇言斬馘不及千,破城拓地皆 地尙爲緬據,材、天俸等虛張功伐,副使陳嚴之與相附和,宜並罪。 已,天俸以善用火器,釋令立功,時行等復爲材申理,皆不省 幽繁五年,論救者 大學士時行等數 帝怒,削世 而材 曾

亡何,孟養使入貢,具言緬人侵軼,天朝救援,破敵有狀,聞典兵者在獄,衆皆流涕,而

錫爵等

再

疏

爲言,帝故遲之,至二十一

年四

月,始命

海

衞

楚雄 士民閻 世祥 等亦 相 率詣 闕 訟 冤。 帝意乃稍解,命再勘。 勘至,材罪不 掩 功。 大學

学遠方巡撫福建,日相過從,材以此忘羇旅。 材所 至,輒聚徒講學,學者稱見羅先 生。 繫獄 久之赦還。 時,就 問 卒年七十 者不 絕。 ル。 至戍所,學徒益衆。

陸樹德,字與成,尚書樹聲弟 也。 嘉靖末進士。 除嚴州推官。 行取當授給事、御史,會

樹聲拜侍郎,乃授刑部主事。

躬,宜法大禹之惡旨酒,成湯之不邇聲色,何必奉佛 皆留中。 爲災,當及時修省。」及帝不豫,又請謹藥餌,善保護,仲夏亢陽月,宜益愼起居。 此,何以劘君德,訓萬幾。」不報。 月迄八月,爲時甚遙,請非盛暑,仍御講筵。」不聽。 隆慶四年改禮科給事中。 內臣 請祈福戒壇,已得旨,樹德言:「戒壇度僧,男女擾雜,導淫傷化。 穆宗御朝講, 屢遷都給事 不發 中。 語。 六年四月詔輟東宮講讀, 穆宗頗倦勤, 樹德言:「上下交爲泰, 樹德言:「日月交蝕,旱魃 樹德言:「自 陛下欲保聖 帝不悦,疏 今睽隔岩 四

未幾,穆宗崩,神宗嗣位,中官馮保擠司禮孟沖而代之。 樹德言「先帝甫崩,忽傳馮保

茶馬。 掌 塞下,與寇接,王所收四五百金, 德爭不得,乞休歸。 戍薊門 京太僕卿 民運白 暇 占卒數萬 士,授行 不從,而 念 司 中 禮 蕭廩 樹德 官。」疏入,保大恨。 七苑牧地,養馬八千七百餘匹,而 ,隆慶末 糧之患,請領之漕臣,從之。 監,果先帝意,何不 爲発 人。 ,字可發,萬安人。 以以 居言職三年,疏數 人歸伍。 右 增 隆慶 輸 愈都御 令歲輸銀二萬 之數。 三年擢 固原 久之卒。 史巡 州 德府白雲湖故民田,爲王所奪,後已還民,王復結中官謀復 御史。 傳示 海 比議 撫 十上,率侃直。 祖乾元以御史劾劉瑾,廷杖下獄,終雲南 刺 四千, Щ 都之地, 數目前,乃在爛留後。 桃 東。 因地震,請加 而奸宄窟穴,弊甚大, 廟,樹德請毋祧宣宗,仍祀睿宗世室, 罷其戍役。 樹德素清嚴,約束僚吏,屏絕聲伎。 密邇松山, 為楚府牧地。 占地五萬五千三百頃有奇。 會樹聲掌禮部,乃量遷尙 禮中 尋命 宫。 增輸三萬, 果陛 宜諭使獻 已, 下意,則哀痛 出 覈 陝西 樹德請 之朝廷。 廩言 整府封武 寶卿。 四鎭 副 廩但給萬二千二百餘 方深 使。 如 格 Ш 、兵食。 詔 河 不 東 歷太常 廩舉 南 萬 可。 民壯 例 昌,牧 幾未 嘉 斥 已, 罷 改民 少卿,南 靖末 將 之。 御 改巡 極 地 吏 兵, 一,何 帝 在 樹 陳 進

列

傳

第

百

+

五

陸

樹

德

薊

廮

五九五

JL

頃,歲益課二萬。

之,戮數人,變遂定,令拾麥毋帶兵器,儕偶不得至十人。 居正指增賦,廩令如額而 遷南京太僕 萬 曆元年巡按浙江。 卿。 九年,由 止。 光祿卿改右僉都御史,巡撫陝西。 請祀建文朝忠臣十二人,從祀王守仁於文廟。 境內回回部常羣行拾麥穗,問或草竊,耀州以變告。 時方覈天下隱 尋擢太僕 田, 大 東爭 少卿,再 |廩撫 希 張

府, 贈尙書。 從之。 進右副都御史,移撫浙江。 已, 請減上供織造, 不許。 先以賞貢使,歲增造綵幣二千。 遷工部右侍郎,召改刑部。 廩請均之福建及徽、 進兵部左侍郎,以官卒。 寧諸

| 廩初從| 歐陽德、鄒守益遊。 制行醇謹,故所至有立。

費,雖欲損毫釐不 租矣而催科愈急,振 「善治者守法以宜民,去其太甚而已。 賈三近,字德修,嶧縣人。 可得。 濟矣而追逋自 形格勢制,莫可如 隆慶二年進士。 如, 今廟堂之令不信於郡縣,郡縣之令不信於小民。 恤刑 矣而 何。 選庶吉士,授吏科給事中。 冤死 且監司考課,多取振作集事之人,而 相望。 正額之輸, 上供之需, 四年六月疏言 邊 輕寬 疆之 蠲

爲精 夫鄉舉豈乏才良,宜令勉就是途,因行激勸。」詔皆**兪**允。 司 平 率重甲科而 務 和易之士,守令雖賢,安養之心漸移於苛察,撫字之念日奪於征輸,民安得不困。 明 守 ,在舉人則爲苛戾。 法,而監司殿最毋但取旦夕功,失惇大之體。」 已,復疏言:「撫按諸臣遇州縣長東, 輕鄕舉。 同 寬也,在進士則爲撫字,在舉人則爲姑息。 是以爲舉人者, 非華顚豁齒不 就選,人或裹足毀裳,息心仕進。 再遷左給事中,勘事貴州。 同一嚴也,在進士則 乞戒有 中道

罷 造,遂請 急歸。

計。 課於 王縉嬇 賦 近劾其垢穢,乃不遣。 供 用 以以八 內庫 神宗嗣 庫黃蠟歲二萬五千,三近等又諫,皆不從。 議乃寢。 , 隆慶間用賄以輔國將軍襲封, 至是又請復莊田, 三近再疏爭, 遂弗予。 分爲率,不及者議罰。 ,

三近言課稅本饟邊,

今屯田半蕪,

開中法壞,

塞下所資惟此,

奇歸內帑,

必誤邊 位,起戶科給事中。 頃之,擢太常少卿。再遷南京光祿卿,請假歸 給事中維遵,御史景嵩、韓必顯劾譚綸被謫, 三近請地凋敝者減一分, 萬曆元年,平江伯陳王謨以太后家姻,夤緣得鎭湖廣。 時方行 海運,多覆舟,以三近言罷其役。 韶從之。 中官溫泰請盡輸關 三近率同 列救之,詔 初, 有令征 稅、 鹽 庸 增

未 上,以親老歸養。 十二年召掌光祿,其秋拜右 起兵部右侍郎,復以親老辭,不許。 **愈都御史,巡撫保定。** 畿輔大饑,振貸有方。 尋卒。 召拜大理卿。

列

傅

請発 御 史。 土民 李 頤 司 遠戍, 官胡涛、景嵩、韓必 字惟貞,餘干人。 祇 兵變,知 充傍 近 衞 沈鈇 所軍 顯 隆慶二 給給 事 制 一年進 可 中 ',頤爲白其 雒 O 士。 件 遵 張居正 相 授中 繼 獲 (冤,而 書舍 譴 , 出 人。 抗 爲 湖 疏 博習典故,負才 州 申 救, 知 府 者。 不 聽 遷蘇 清軍 松 名。 兵備 湖 萬曆 廣 副 使、 廣 初,擢 西 湖

伯 亂 牙 兵 入寇,督將 起 進兵部 故官 一一莅陝西 右 侍 土 敗 郎。 之羅文峪,進左侍 進 長昂 河 南 桀驁,頤 右布 政 與 使。 郎。 總兵王保擒其心腹 擢 **外之**公 右 一僉都 進右 御 史, 都 御史。 巡 小 郞 撫 見等七 順 天。 人,贼 進右副 逐響。 都御 史。 已,別部 以定

廣

接

深使。

鄖陽

府

且

得

罪

密

殲首亂

以

母

喪

歸

不報。 盡 激 統 E 落 攝 變 氣 宦 之慘,復 所 時 且 豎手 鍾 頤在鎭十年,威望大著。 礦 遼陽 去 稅 使四 見輦 朝 礦 陵 寝近, 奏 稅 世。 電影下。」 分報 何 預 馬堂 開 薊門? 鑿必 如響 已, 駐 應聲。 遼東稅 損 天津,王忠駐昌平,王虎駐保定,張曄 若皆 靈 中使憚頤廉正, 畿民少安。 氣。」又言:「畿 效淮所為,有 使高淮 縦 所 幼當 誣 劾 罪,尚非所 輔 司 Щ 將 海 地 完 同 無 歲 遺 知 以爲 羅 類 儉,而敕 大器,頤 二十九年,以工部右侍郎代劉 名, 陛 下奉天之權,制 何 使誅求不 駐 況 復言一內 通 (無辜) 州。 遺纖 暴加 頥 監 疏 屑 馭字內,今 外僚,初 摧 、恐臨清 折。 燕京 皆 無

東星管 理 河 道。 議上築決口 ,下疏故道,爲經久計。 甫 兩月,以勞卒。 贈兵部尚 書。

居仁裔 頤 孫希祖幼且貧,字以女,養之於家。 仕 ·宦三十餘年,敝車贏馬,布衣蔬食。 弟謙早卒,以己廕畀其子。 初 爲 御史,首請祀胡居仁於文廟,寢未行。

見

朱鴻謨,字文甫,益都人。 隆慶五年進士。 授吉安推官。 識鄒元標於諸生,厚禮之。擢

南京御史。 鴻謨 歸,杜門講學,不入城市。 元標及吳中行等得罪,鴻謨疏救,語侵居正,斥爲民。 居正卒,起故官,出按江西。 奏蠲水災賦,請減饒州

磁

操江。 器,不報。 一以田爲準,不及百畝者無役,縣爲立籍,定等差。 改撫應天、蘇州十府。 又疏薦 建言削籍者,忤旨,奪俸。 引二祖節儉之德,請裁上 擢光祿少卿。 貴游子弟恣里中, 一供織造 由大理少卿擢 一,報聞。 無賴者與共爲 吳中徭 右僉都御史,提督 役不均? 非,遠 令

近訛言謂有不軌謀。 鴻謨盡捕之,上疏告變。 朝議將用兵,兵部主事伍袁萃亟言於尚書石

星,令覆勘 乃解。 鴻謨尋入爲刑部右侍郎,卒官。 不能斂,僚屬醵金以辦。 贈刑部尚書,

諡恭介。

給 李俊、滿四等休養百 上 事 多 警,邊 中 肅 彦 閱 視 吏 字 陜 輒 思學,涇 西 假 四 招 鎭 降倖 年 邊務。 縣 稱 人。 賞 亂 隆慶 還奏訓兵、儲 一旦,降 彦言 Ŧi. 年進 議招 人不 士。 餉 可 逆 處 黨 + 除杭 為 事 內 並 地 中 州 允行 明 推 或 矣。 官。 逋亡設耳 萬曆 宜 切報 · 乃 欲 三年擢兵科 罷 以 此招 從之。 漠 事 北 以工 中。 敵 科 自 惠 夫

民 詔 必 至萬 聽。 志 征 受 如 重 赋 遂除 新 以 曆 尋 **)** 彦言: 尋 分之 令。 Ŀ 敲 四 進 扑 年 前 戶 賜 科都 詔 則 察 令。 西 取 也。 民 叉 北 黄金三千二百兩,彥請 力 以 詔 給 吏之道, 部 墾 九 不 購 事 荒 分爲 議 勝 金 中。 允行 永 珠 , 不 則流 觅 及格, ٠, 初 已, 科 宜 ,行丈量 亡隨之。 視 税, 未 停 仍 催 幾,浙 र्ता 令帶 祖 科 法, 制 爲 而 江 納 也。 臣 征 殿 延、 命 巡 戶 宿 最 以 以 部言 撫 況二 負二 爲 寧二鎭 其直 張 阼 九 減 鎭 佳 分, 隆慶 分 輸 多沙 其 胤 與 益 內庫。 是民 半 復 帶 五. 田 ·, 不 以舊 磧, 征 年萬 歲輸十 詔 八千餘頃。 彦言 奈 例 一義 征 何 請 赋 定 不當虛外府 不 分 不 部 永 宜 以 及 叉從之。 額 並 上 八分者 總督高 行 也。 使初 以 所 有 文薦 集流 彦 實 謂 停 司 疏 內 憚考 寬 有 請 庸 藏 司 懷 分, 成 俸。 不 乃 去 年

楊 寅 秋 擢 太常 破 擒 之。 少 卿 宣慰安國亨詭言獻大木,被賚。 ,以右僉都御史巡 漁撫貴 州 都勻答千巖 及徵 木無有, 苗 為彦所 土官蒙詔 劾。 不能制, 國亨懼, 彦 誣 檄 商 副 奪 使

其木,訐彥於朝。 帝怒,欲罪彦。 大學士申時行等言國亨反噬,輕朝廷,帝乃 此。

八十,脅從皆撫散。 驕,給餉少緩,遂作亂。 改撫雲南。 時用師 事聞,賚銀幣。 隴 鼓行至永昌,趨大理,抵瀾滄,過會城。 川,副將鄧子龍不善御軍,兵大譟,守備姜忻撫定之。 自緬甸叛, 孟養、車里二宣慰久不貢。 |彥調土、漢兵夾攻之,斬首 至是修貢,彦 而其兵素 撫

其使請勤王,尚書石星因令發兵搗日本。 罷其議,星執不從。 尋 以副都御史撫治鄖陽。 旣而 暹羅兵卒不出。 進兵部右侍郎,總制兩廣軍務。 召拜戶部右侍郎, 尋卒。 彦言暹羅處極西,去日本萬 日本躪朝鮮。 里,安能飛越大海,請 會暹羅入貢,

納之。

彦從同縣查鐸學,有志行。 服官明習天下事,所在見稱。 後贈右都御史,諡定肅。

弟雍,廣東按察使。 宦績亞於彥,而學過之。 時稱「二蕭」。

西參議。 查鐸,字子警,嘉靖四十五年進士。 萬曆初,官廣西副使,移疾歸。 隆慶時,爲刑科左給事中。 繕水西書院,講王畿、錢德洪之學,後進多歸之。 件大學士高拱,出爲山

櫃以聞於居正。 會有僞爲海瑞劾居正疏者,播之邸抄。 宗武意仕期,遂置獄,搒掠七日 御 下快之。中官田玉提督太和山請兼行分守事,帝許之,維城援祖制力陳不可 一史。初,張居正不奔喪,寧國諸生吳仕期欲上書諫。未發,太平同知龍宗武告之操江胡 居正死,仕期妻訟冤,維城疏言狀。櫃已擢刑部侍郎,宗武湖廣參議,皆落職戍邊,天 孫維 城,字宗甫,丘縣人。隆慶五年進士。 歷知濬、太康、任丘三縣。萬曆 十年擢 南京

騎邀賞,維城請於督、撫,革其市賞而責之,戢不敢肆。尋以右布政使移守宣府,改廣東左 繕亭障二百六十所,招史、車二部千餘人。以功屢進按察使,兵備 俄以救言官范儁,奪俸一年。忤座主大學士許國,出爲永平知府。遷亦城兵備副使。 如故。 部長安兔挾五千

著宰,亦請之巡撫楊時寧。 諸 亦遷去,以黃嘉善代,二人並申約束。 部 長恐,益侵軼。 二十九年拜右僉都御史,巡撫延綏。 至是,吉囊、卜莊等乞款。[]聞巡撫王見賓當去,請 兩鎭交奏,給事 維城 河套常犯順,罷貢市十餘年。 又條善後六事,款事 ·中桂 有根 清聽 邊臣自主。 復堅。 維城方代見實, 益切。 後復松山 在寧夏者日 ,築邊城

及城,命餘丁除之。 初 維 城在宣府,與總兵官麻 承恩給其衆曰「食不宿飽,且塞沙可盡乎。」卒遂課。 承恩不相能。 會承恩亦 移鎭 延綏。 日 維 維城曉之曰一除 城 見城 外 積

城 坐是得疾,不數月卒。 沙 ,以防寇耳,非謂塞上沙也。」**卒悟而散**。 將吏入視其橐,僅俸數金,賻而歸其喪。 維 城因自劾,帝慰留維城,治譁者。 然維城竟

府 御 干戈之盗。 魄,卒言於 愈書。 名,而遣賤者將事,於禮爲褻。 謝杰,字漢甫,長樂人。 累遷順 朝 薦而 而 返之。歷 天府 後賄,衣冠之盜。」 尹。以右副 兩京太常少卿。 萬曆初進士。除行人。 都御史巡撫南、贛。屬吏被薦者以賄謝,杰曰:「賄 請如哀沖、莊敬二太子例,遺列侯。」帝是之,乃用南京五 人以爲名言。 南京歲配懿文太子,以祠 進南京刑部右侍郎 册封琉 城,却 其 祭司官代,杰言:「 飽。 其使入謝, 而 祝 仍 版署 以金

聖學 賀亦 取 採 步 之逾 礦 禱 小疏。 樎 日勤 郊 二十五年春,杰以帝荒於政事,疏陳十規。言:「前此兩宮色養維一,今則 壇 ,今則講官徒設,講席久虛。 ,今則圜 孝安太后發引, 前 前 此 此 用 樂 丘大報,久缺齋居,宸宮告災,亦忘修省。 聞 財 讞 有節,今則歲進月輸,而江右之磁,江南之紵,西蜀之扇 言, 並不親送。 今則 封 事甫陳,嚴綸隨降, 前此太廟時饗皆躬親,今則皆遣代。 前此披星視朝,今則高拱深居,累年不出。 但經廢棄, 前此四方旱澇,多發帑金,今則 永不 · 賜環。 前此經筵臨 ,關中之絨,率 定省 前 前 此撫卹宗 久曠,慶 此 成學

列

傅

第

室, 改折,杰請歲運必三百萬 親、賢賢,皆不克如 鰥,今則 恩義 有 大僚屢虛,庶官 加 ,今則楚藩 初矣。」不 不 見 以上方許議 補 誣, 報。 中璫旋出,以市井奸宄間骨肉懿親。 是陛 召為 下 折,從之。 刑部 孝 親 、算祖 左侍 三十二年卒官 郎,擢 、好學、勤 戶部 尙 政、敬天、 書 督倉場。 前 愛民、 此官盛 時 節 四 方 用、 任使,下無曠 遇災,率請 聽言 親

幾斃。 初 後撫贛,禹龍家居,未嘗修隙,時服其量。 杰父教諭 廷袞家居老矣,族 人假其名逋 賦。 縣令劉禹 龍言於御史逮之。 杰代訊,

帝怒, 罷 丞。 中行 基 去。 諫 保敗,還故官。 內操被謫,惟賢救之,忤旨, 奪俸有差。 趙用賢等猶未錄。 又薦王錫爵、賈三近、孫鑨、何源、孫丕揚、耿定向、曾同 惟 賢,字哲卿,晉江人。萬曆二年進士。 惟賢尋遷戶部主事 劾左 都御史陳炌希權臣指,論罷御史趙耀、三趙應元,不可總憲紀。於 會皇長子生,詔赦天下,惟賢 調 南 ,歷順天府丞。 京大理評事。 自淸江知縣拜南京御史。 給 事 因請召 中阮子孝、御史潘惟岳等交章教。 亨、詹仰庇、皆獲召。 諸臣。 馮保 惡其言,謫江 張居正旣死,吳 主專董 Ш

二十年以右僉都御史巡撫湖廣。 景王封德安,土田倍諸藩,國絕賦額猶存。 及帝弟路

永州、寧遠諸衞遠戍廣西,瘴癘死無數。請分番迭戍武岡,罷其戍廣西者。」帝悉報許。 無不當問。今中官問,而臣等爲勾捕,臣實不能。」帝直其言而止。尋請以太和山香稅充王 天守備中官以徵興邸舊賦,請罪潛江知縣及諸佃民,旨下撫按勾捕。惟賢言「臣撫楚,事 田。今襄、漢水溢,王佃民流亡過半,請蠲如例。」又言:「長沙、寶慶、衡州三衞軍戍武岡,而 不足,何也?且潞去楚遠,莫若徵之有司,轉輸潞府。會典皇莊及勳戚官莊,遇災蠲減視民 王之國衞輝,悉以景賦予王。王奏賦不及額,帝爲奪監司以下俸,責撫按急奏報。 景府賦額皆奸民投獻,妄張其數。臣爲王履畝,增賦二萬五千,非復如往者虛數,王反稱 惟賢言: 承

不納。 之,以憂歸。 故,乃自大僚至監司率有缺不補,政日廢弛,且建言獲譴者不下百餘人,効忠者皆永棄,帝 入爲左僉都御史。言行取不宜久停,言官不宜久繫,臺員不宜久缺。 尋遷左副都御史。 起戶部左侍郎,未上卒。贈右都御史。天啓初,諡恭定。 請早建皇儲,愼簡 一輔弼,亟行考選,盡下推舉諸疏,俱不報。 已,復言天下多

府逋祿,免加派小民,又請以周敦頤父輔成從祀啓聖。

詔皆從焉

萬象春,字仁甫,無錫人。 列 傳 簛 百 -}. Ŧi 郭 惟 鬒 萬曆五年進士。 薦 象 夵 選庶吉士,授工科給事中。 皇女生, 詔戶

部、光祿寺各進銀十萬兩。象春力諫、不聽。

西、陜 已 內 年伯 著 年 命 白 陸 封 臣 樫 號,加景帝 爲 因災異、言:「外 皆 . 有 令。 幾死 繁衍 王 屢 西諸 始賜肩 犯當 偉 不 遷 眞 乘 禮 王府, 歲 肩 象春 付外廷按治。」 科 人 廟諡,尤爲 輿。 張 旅 孟 都 輿,象春言:「勳成不 不繼, 計畫 秋 以狀 給 國祥乞三年一觀, 定國公徐文璧班首重 吏貪殘不當遣 將享廟,帝齋宿宮中,象春言當在便殿,不當於內寢。 事 一以聞。 聞,帝爲 中。 象春 時所稱。 帝報聞。 鄭貴妃 議變通。 象春抵 有諸 **緹騎遠問,宮禁邃密不當宿重兵,廷臣** 有 家春言左道無民社寄,不當在 乘輿、祖 人歲祿。 象春 盛 河南方集議,而 會河 寵 臣,嗣爵 在諫垣久,前後七十餘疏,多關軍國計。 南巡撫褚鈇 制也。 而 象春復 帝耽於酒。 久,故亦蒙殊典。 固安伯陳景行、 周府諸宗人疑鉄 以次詣秦、晉諸 亦 奏其 象春因慈寧宮災疏諫,報 事 T,帝即⁶ 述職 武清伯 藩 今偉非三人比,乞寢前 疏 之列。 ,奏上便宜十 命象春 出 李偉, 宗正 建言貶黜當敍遷, 帝怒,停俸三月。 時 遍 陸 詔 太后 品 樫 請復建文 許 河南 五. 意,羣毆 聞 后父永 父,衰 事 ', 多 Ш 時

史巡 礦 、稅至)撫山 出 一、象春疏論其害。 爲 東。 山 東參政。 倭躪朝鮮,濱海郡邑悉戒嚴。 妖賊郭大通 福山知縣韋國賢忤增被侵辱,象春力保持之,增遂劾國賢沮撓,象 為亂, 計擒之。 象春拊 歷山 軍民,供饋運, 西左布政使。 應機立 二十五年以右副都御 辧 中使陳增以

春黨 庇。 韶遠國賢,奪象春俸, 遂引疾歸。 起南京工部右侍郎,未上卒。 贈右都御

鍾化民,字維新,仁和人。 萬曆八年進士。 授惠安知縣,多異政。 御史安九域薦於朝,

以俸未及期,移知樂平,治復最

官銀交際,爲尚寶丞周 民。 踰境販鬻,特不得入番中。 畜馬 爲業。 請以 徵 授御史。 墾田栗補之,永停徵派。」俱報 今慮其闌出爲厲禁,於是民間孳息與境內貿易俱廢,公私緩急亦無所資。 與同官何卓、王愼德交章請建儲,不報。 弘論 又曩寧夏乏餉,歲發萬金易米二萬七千石,後所司乾沒,濫 所刻,調行 人司 可。 正。 巡按山東,歲旱請蠲振先發後聞。 出視陝西茶馬,言一邊塞土寒,獨 坐寧夏時 請聽 征 取

之

錫爵於朝房。 即立,不慮妨豫敎乎。」帝怒,以化民辭直無以 予虛名,令藉是婚娶耳。」化民奏曰:「瀋王子 累遷儀制郞中。 尋進光祿丞。 籓王珵堯由支庶嗣,請封 與元子孰親? 難。 其庶子爲郡王,化民持不 帝命並封三王,化民 王子不卽封,慮妨 可。 與顧允成等面詰王 婚娶。 帝傳諭 元子不 曰「第

一十二年,河南大饑,人相食, 列 傅 百 +-五 鍾 化 民 命化民兼河南道御史往振。 荒政具舉,民大悅。 五九七

繪圖 以進。 帝嘉之,褒諭者再。 擢太常少卿。 二十四年以右僉都御史巡撫河南,討平南陽

礦盜 夾河 贼 嘯聚數千人,復督兵破之。 時方采礦,抗疏力諫

士民 化民 相率頌於朝。 短 小精悍,多智計。 韶贈右副都御史,賜 居官勤厲,所至有聲。 祠曰忠惠。 偏 歷 八府,延父老問疾苦。 勞瘁卒官,

吳達可,字安節,宜興人,尚書儼從孫也。 萬曆五年進士。 歷知會稽、上高、豐城,並

有聲。

戶 稅使馬堂、張日華議加鹽稅,好商妄稱嘉靖中大同用兵貸其貲三萬六千金,請於鹽課補給, 休,未得請。 冠婚禮,簡 部許之。 選授御史。 輔臣補臺諫,撤礦稅中使,不報。 達可皆抗爭,事得已。 達可力言志皐衰庸,宜罷,不納。 疏請御經筵勤學,時與大臣臺諫面議政務,報聞。 視鹽長蘆。 二十八年正月請因始和布令,舉皇長子册立 歲侵,繪上饑民十四圖,力請振貸。 大學士趙志皐久疾乞

鴻主使。 改按江西。 帝切責謀比等,奪鴻官。 稅使潘相歐折輔國將軍謀圮肢,並繫宗人宗達,誣以劫課,劾上饒知縣李 達可言:「宗人無故受刑,又重之以詰責,將使天潢人人

是,抗相 西梁永、山東陳增、廣東 自 可,閣臣亦爭之,乃寢 大學士申時行之壻。 危。 鴻無辜,不當黜。 ,以强直稱。 萬曆十六年舉北闡鄉試, 相又請開廣信銅塘山,採取大木,鑿泰和斌姥山石膏,達可復極諫不 李鳳、雲南楊榮皆元惡,爲民害,不可一 願亟正相罪,復鴻官。」同官湯兆京 爲吏部郎中高桂所攻。 亦極論相罪,且言遼東高淮、陝 日留。 皆弗聽。 後七年成進 鴻,吳人, 至

封其疏三 乞休去。 小 卿,再遷南京太僕 還掌河南道事。 而劾之,晉尋得罪。 卒,贈右副都御史。 卿。 佐溫純大計京官。 召改光祿, 進通政使。 奏請正疏式、屛讒邪、重駁正、懲奸宄數事,帝嘉納焉。 尋陳新政要機,痛規首輔沈一貫。疏留中。 鎭撫史晉以罪罷,妄投封章詆 朝貴。 葬上疏 擢太僕 達可

資格、深中積弊。 **贊曰:龐尚鵬諸人歷官中外,才諝幹局,咸有** 謝杰却屬吏饋,亦無愧楊震云。 可稱。 賈三近陳時政,多長者之言,其言

校勘記

列傳第一百十五 吳遠可 校勘記

吉養卜莊等乞款 ト莊, 神宗實錄卷三六二嘉靖二十九年八月辛卯條、 國權卷七九頁四八八

一作「莊卜」。

論罷御史趙燿

月癸未條改。

趙燿,原作「趙耀」,據本書卷二二五趙煥傳、神宗實錄卷一三九萬曆十一年七

明史卷二百二十八

列傳第一百十六

魏學曾 葉夢熊 梅國楨 李化龍 江鐸

神樞營。 乃易置將吏,招納降附,釐屯田二千餘頃,數破敵,被賞賚。以疾去。起兵部右侍郎,提督 蠻大入永平。學會入駐山海,傲諸將王治道等追擊至義院口,大捷。進右副都御史。學會 支芻糧銀鉅萬、學會持不可,乃已。尋擢光祿少卿,進右僉都御史,巡撫遼東。隆慶初,土 魏學會,字惟貫,涇陽人。嘉靖三十二年進士。除戶部主事,遷郎中。 旋改吏部、轉左侍郎。 中官爲商人請

獨大言曰:「上踐阼伊始,輒逐顧命大臣,且詔出何人,不可不明示百官。」要諸大臣詣居正 與保有謀,遺詔亦出公手。今日之事,不宜復護此閹。」居正怒。及拱被逐,舉朝失色,學曾 穆宗崩,大學士高拱欲去馮保,屬言官論劾。 學曾遺書大學士張居正曰:「外人皆言公

五九七五

列

傳第

百十六

魏學

弘暹 邸 爭 之。 希 居 IE. 諸 指 大 劾 臣 多不 之。 往 詔 以 ,居正亦辭以疾。 故官候調,學會 逐歸。 自是盆件。 居正 殿踰年,起南京戶部右侍郎。 出為南京右都御史。 未上,給 召 事 中宗

都

御

史,督

信場。

尋以南京戶

,部尚

書

致

保。 遊 間。 狀, 熊 部 被 擊李紹祖出 欲 尚 殺 又選書責夢熊。 於 初 書 未幾,河套部長土味明安 遂討之,祗洛玩寇。 而 萬 /嘉峪, 明安子擺言太聲言復仇,號召諸部 順 一,總督陝西、延、寧、甘肅 朝 曆 命 十八年,順義王撦力克西 義 尚 王 欲助火落赤、眞相 不意擊斬明安, 書鄭洛經略 封,夢熊以諫沮 而兵部尚書石星以順義旣東,宣、大事急, 會籍力克東歸,火落赤諸部亦徙去,學會奏籍力克雖歸,陰留精兵 七鎮兼領總督, 入市畢,要請 俘馘四百八十餘級, 軍務。 坐得罪,學會亦爲高拱言不便。 。其說 一赴青海,火落赤、 時洛 本採諸道路,朝士 洛固辭總督。 增賞。 專主款。 學曾令總兵官杜桐、神木參將張剛、孤 眞相犯洮河,副總兵李奎、李聯芳先後 奪馬畜器械稱是。 學曾至,與議不合,陝西巡撫葉夢熊助 明年春,閣臣王錫爵薦 乃爭附和之。 召洛還定撫議,置學會疏 至是,撦力克助叛,學會、夢 學曾以功加太子 錫爵意悔,具疏言 學會。 起兵 Щ

脫 來降, 驍勇屢立戰功。 明 年,哱拜反,遂煽諸部爲亂。 前督撫王崇古、石茂華先後奏加副總兵,遂多畜亡命。 拜,西部人也。 嘉靖中得罪其部長,父兄皆 見殺,拜跳 子承恩,拜

武河 副 亦 取 子 周 夢 奉拜爲謀主,承恩、朝爲左、右副總兵,雲、文秀爲左、 誘河套著 妖 道 使石 以 承恩 弘 他 物 龠 塞外還,寇騎遇之皆辟易,遂有 西望 入妻施 從 繼芳,日逼總兵官張維忠縊死。 故怨馨。 舉承恩 力冤、宰僧 出 風靡。 師 及指 移而 馨惡其自薦,抑損之,拜以故 會戍卒請衣糧 惟文秀徇平房,參將蕭 揮土文秀、拜義子 生 犯平廣、花馬 ; 狼形梟啼, 久弗給,拜遂嗾 池。 性狠 輕中外心。 哱雲等。 全陝皆震動 戾。 雲、文秀殺遊 如 薰 拜老, 心怨。 堅守不下。 巡撫 軍鋒劉 >

響數裁拜,且按承恩罪

定二十, 承恩襲父爵。十九年,姚、阿告警、御史 黨馨檄文秀西援,拜謁 至金城,見諸鎭兵皆出 學梁琦 右參將。 東陽、許朝作亂。二十年三月殺馨及 賊旣 取河西四十七堡,且渡河,復 守備馬承光 承恩遂陷玉泉營、 經路 其下 東暘 鄭洛, 稱 中衞 雲、文秀 此 總 | 賊退, 願 廣

亦解 駐花 如薰 等中 爲 學曾 代一奎,而 外 馬 四月 相 池 |機副 呼 當賊 官軍 响 應,弄、文秀攻趙武 總兵李昫率遊擊吳顯趨 以麻 引 衝 撃之, 兵與故總兵牛秉忠抵鎭城下。 貴代 **昫等渡河**, 奪 其 責。 車 未至, 自 賊將 於 斬 玉泉。 多遁去,四十七堡皆復,惟寧夏鎭 追 旧句 靈州 奔 等攻城。 雲引著力冤攻平虜, 入湖, 別遺 賊溺 賊於東西二門各出 帝已 遊 擊趙武趨鳴沙州,沿 死無算。 擢董一 奎爲總兵,李寶副 如薰設伏射 副總兵王 . 驍騎 城 尙 通戰尤力。 河 三千搏戰 殺雲。 爲賊 扼 賊 之, 據 南 响 渡, 三,復 救 步 著力 家 武, 卒列 而 発 擢 重 自

列

傅

東

益等 乘 城 勝入 きょ 暫罷 北 門,後兵不繼被殺,通亦負傷,楡林遊擊愈尚德戰死。 兵,詭 言願! 獻首 惡 會官軍 糧盡,乃引 退,休近 堡。 翼 日,朝、文秀脅慶王

俟 軍 至 學 曾 移靈州。 H 夜 趣芻 頃之,延 餉 調 延綏、莊浪、蘭、靖、楡 級遊擊姜顯謨、都 司 蕭 林兵。 如 蕙 计州 道 回遠,所治 故總兵張傑及 舟亦未具,乃駐花馬池, 麻 貴軍皆至, 復 抵

掠舊 熊、 還 鎭 右 靈 股, 城 ء 州 攻 安 軍御 乃 〈邊、磚: ,被圍,救 復 史梅 退 賊計 井堡以牽 師。 國楨、三諸大將劉 至而 延綏、楡 帝用尚 解。 我 兵。 林 書星言,賜學曾尚方劍督 貴等數攻城不能克,賊殺 兵出 承 恩復以問 內虛 一套、李如松先後至軍,六月復攻城,連戰 ,勾黃台吉妻,令其子捨達大、 合寇兵,伏延漢渠,掠糧 戰。 慶王妃,盡掠其宮人金帛。 會寧夏巡撫朱正色、甘肅 車二百。 從子火落赤、 學曾 牛 東忠戦 土味 自花 巡撫葉夢 馬 鐵 傷 池

肅, 與經略洛 以諫受把漢那吉降,貶郃 年冬,由 夢熊,字男兆 與學曾 議相左。 Щ 共 東 事。 布政 ,歸善人。 夢熊有膽決,敢任事 使擢 廷議方右洛,絀其議 右愈都御史,巡撫貴州。尋改陝西 陽丞。 嘉靖四十年 累遷 進士。 不用。 會拜反, 知府 由 ,平黃鄉賊。 福清知縣入爲戶部主事,轉餉 會撦力克 上疏自請討賊,帝然之。以六月至靈 東歸,洛亦還宣、大,乃移 门進右 遷浙江 副 都御史。 副使、改永平。 以請討 寧夏。改御 夢 瘩 萬 熊 曆

州

與學曾合。

詣 梁子如松爲提督,將遼東、宣、大、山西諸鎭兵以往 會 師 或 久 楨 或 無 請 楨 功。 收責於民,國楨爲令民鬻妻以償。 字克生,麻城 時寧遠伯李成梁方被論,廷議欲遣爲大將,未敢決,國楨獨疏保之。乃遣成 人。 少雄 傑自喜、善騎 民夫婦哀慟,中官爲毁券。 射。 舉萬曆十一年進士。 植監其軍,遂與如松至寧夏。 擢御史,會拜反,學 除固安知縣 で中官

0

而

國

僧 益決 味鐵雷 之獄。 雷 挫,分趨下馬關 來奔。 新見傑,得新大罵賊,被殺,傑亦繫不遣。 定計,決黃河大壩水灌之,水抵城下。時套寇 復 巢,斬首百三十餘級,寇大驚引 姚欽、武生張 入李 大壩水。 初,學會欲招東陽、朝,令殺拜父子贖罪,遣卒葉得新 爲前鋒,而 當是時,賊外以求撫緩兵,而 巡撫朱正色以賊詭請降,而 剛 堡 八月,河 及鳴沙洲 遐 如 龄 別遺宰僧以萬騎從花 松、貴等擊敗之,追奔至賀蘭山 射書城外,約內應,夜半舉火。外兵不至,賊殺其黨五十人,欽縋 決隄壞,復繕治之,城外水深八九尺,東西 學曾令遊擊襲子敬扼 去。 張傑嘗總寧夏兵,故與拜善,遺傑 陰結寇爲助,然糧盡,勢且困 遇子敬, 馬池 而學會以賊求撫爲之請,帝切 西沙湃 卜失兔、莊禿賴以三萬騎犯定邊、小 圍之十重,子敬死,寇亦去,賊援遂絕。 沙 口 湃 賊益懼求款,未決,會學會得罪能 入,爲拜聲援。 ,而檄延綏總兵官董 往。 四人 0 城 大方約 七月,學曾與夢熊、國 崩 入城招之。 麻貴學之右 百餘丈。 同死,折得新 責。 一元搗土 及是,城 鹽池 著力冤 朝乃异得 溝, 用用 城 學會 寇稍 味 鐵 楨

命以夢熊代,夢熊遂成功。

贼 我 誤 頗 Щ 、城之。 竟 糧 國 河套 事 以 道 初 破 寇先 學會 殺 滅 圆 及 鋫 至 楨 無算 之遣 入,官軍 又言 軍 , 一、匿不 人 劾諸 | 僉事 招 用 東 將觀望,而 以奏。 隨府從 是 暘、 再 朝 失 城 帝 利。 也,留固原十餘日以俟之,帝責 上躍 逐大怒, 頗 學會嘗· 以玩 下,贼 速學會 寇爲學曾罪。 上疏 令四 令監軍 人下 至京。 取, 無與 給事 然學曾逮 我 兵事 軍咫尺不 中許 其玩寇,李昫 ,帝 子偉亦 未踰月, 爲 ·敢前; 飭 劾 國 城 渡河 學曾惑於招 楨 叉 壞而 如 北 又稍 其言,國 寇數萬斷 大軍入, 遲,松 楨

職 承 慰 如 殺 數 城 承 恩於 問 受水 爲民,敍功,以原官致仕。 松 日 宗 恩 不 率 夢 兵 熊 室 下。 黨文秀。 市,夢熊、正 浸,盆大崩。 旣 圍 上 庶。 代學會,亦賜尙方劍。 拜 國 植 家。 寧 承 使 恩 夏平。 間給 色、國楨各廕世官, 拜 國楨挾諸將 亦 倉皇縊, 與其 東陽、朝、承恩 夢熊、正色、 、黨周 闔 趨南 室 或 時調度靈州 自 柱 關 焚死。 國楨 誘 亙. 如松 東陽、朝 相 秉忠 各上捷 殺, 功第一, 夢熊自靈 先登, ,獨國楨監軍寧夏。 以降 殺之;盡懸束陽、朝、文秀首城 奏,而俘承恩獻 貴 國 如薰、貴、秉忠等加恩有差。 人其罪。 州 楨 馬也 大 至,下令盡誅拜黨及 (呼)諸 三人 京師。 將畢登。 內 賊被圍 猜疑,東暘、朝 帝 久,食盡 賊 御 退據 菛 Ē, 降 受賀、韶磔 學曾初 開 人二千, 大城,攻 無援,而 遂先誘 門降。

□阜、位力爲學會解,尚書屋以下多白學會無罪。 將以振士氣,而逮學曾之命,發自臣疏,竊自悔恨。 學曾被逮時,三軍雨泣。」夢熊亦推功學會。 曾任事勞勩。 灌城招降之策,本其所建。 帝初不聽,旣而復其官。居家數年卒。 國楨亦上疏言「學曾應變稍緩,臣請責諸 及宣捷,帝召見大學士趙志皐、張位 學會不早雪,臣將受萬世譏。」 如松亦 志

夢

熊以功進右都御史。

諸部 下。 拜為 頗 復 幾,切盡台吉從子青把都兒犯甘肅,總兵官楊濬 賴等頓首花馬池塞下,悔罪求款。 鄭洛專事羈縻。 相仗莫敢決,卜 輕 加 卒官。 縛叛 H 太子太保、兵部尚書。 一家,而卜失冤、莊禿賴亦引兵助之。及拜誅,切盡台吉之比吉率著力冤、宰僧、莊禿 初 國 ,卜失冤爲都督,其部長切盡台吉最用事。 贖罪。 招撫議旣絕,諸部數入犯,四鎭遂頻歲用兵云。 失冤遂率諸部大入定邊。 學會以洮河之變惡諸部爲逆,襲殺明安。會拜反,著力冤、宰僧遂聲言與 著力觅等求款益堅,夢熊乃與巡撫田樂奏上四鎮款戰機宜,俟朝議。 尋入爲南京工部尚書,而以都御史率汶代。[三自洮河 夢熊爲奏請。 總兵官麻貴等擊却之,夢熊以功加太子少保。 、副總兵何崇德禦之,斬首六百餘級。 帝以夢熊初主學會,責其前後異議, 切盡台吉死, 夢熊雖功多,其品望遠出學會 ,卜失冤不能制諸部。 變後,寇 夢熊 中外 經略 未

太僕 在鎭三年,節省市賞銀十五萬兩有奇。 二日東陽、朝黨復集,必再亂。 少卿。 國楨 旣招降承恩,以夢熊貪功殺降劾其罪。夢熊奏辨,言:「拜所畜家人皆死士,緩 踰年,遷右僉都御史,巡撫大同。 久之,遷兵部右侍郎,總督宣、大、山西軍務。 臣寧負殺降名,以絕禍本。」帝爲下詔和解之。論功,擢國楨 父喪歸,未起而卒。 贈右都御史。

李化龍,字于田,長垣人。萬曆二年進士。 除嵩縣知縣。年甫二十,胥吏易之。

陰察其奸,悉召置之法,縣中大治。遷南京工部主事,歷右通政使。

功,而把冤傷重竟死,邊塞響服。詳具一元傳。 兒等寇鎭武,又約土蠻子卜言台周犯右屯。 見弟炒花據舊遼陽以北,居兩河之中,益結土蠻爲患。 是把冤、小歹青、卜言台周益相結,謀復前恥。 計先擊把兔、伯言兒,伯言兒中流矢死,把兔被傷。 青、福餘伯言兒分犯錦、義,掠淸細河,巡撫韓取善坐免。 二十二年夏,擢右僉都御史,巡撫遼東。 把冤兒先至吳家墳。 初,總兵官李成梁破殺泰寧速把亥,其子把兔 化龍進兵部右侍郎。 化龍與一元嚴備之。 卜言台周至, 攻右屯不利, 亦解去。 其年四月,把兔兒圍遼陽,杂顏 化龍受事甫兩月,把兔兒與伯言 化龍與總兵官董一元定 一元叉出塞,搗巢有 小歹 於

明 年,小歹青悔禍款塞,請開木市於義州,且告朶顏長昂將犯邊。 已,長昂果犯錦、義,

副總兵李如梅擊却之。 歹青言既信,化龍遂許 其詩。 上疏 目

受罰,入市廣寧,遼、瀋、開、鐵間警報漸希。所未馴伏者,惟小歹靑與長昂耳。 羅 那卜被剿,數年東陲無事。 青,直廣寧、遼、瀋則把兔、炒花、花大,直開、鐵則伯言、煖兔,其在東邊海西 、那林孛羅、卜寨,皆與遼地項背相望。 環遼皆敵也,迤北土蠻種類多不 去年把兔、伯言戰死,炒花、花大一敗塗地。今伯言子宰賽 ·可數。近邊者,直寧前則長昂,直錦、義則小歹 並牆圍獵,則刁斗聲相聞,蓋肘腋 憂也。 則 猛骨孛 自

沒錦 骨,民無寧宇。遠慮者每以河西不保爲虞。今乃叩關求市,臣遍詢將領及彼地居民, 僉言木市開有 義間。 小歹青素兇狡,雄長諸部。西助長昂,東助炒花。 自周之望、柏朝翠戰歿,無敢以一矢加遺。凌河上下方數百里,野多暴 五利。 大舉動以數萬,小竊則飛騎出

掠。 賞,本聽商民與交易。 市通則材木不可勝用。利一。所疑於歹青者無信耳。 即今年市而明年掠,我已收今年不掠之利矣。利二。遼東馬市,成祖所開,無他 河 !西無木,皆在邊外,叛亂以來,仰給河東,以邊警又不時至。 木市與馬市等,有利於民,不費於官。利三。大舉之害酷而希, 彼重市爲生路,當市時必不行 故河西木貴於玉,

列

漸 零竊之害 分。 卽 寧前 輕 m 、廣寧患亦漸 數。 小歹青不掠錦、義,零竊少矣。 減。 且大舉先報,又得預爲備 又西不助長昂 利四 ,東不助 ö 零竊旣希, 炒花 邊人益 則 敵 勢

得修備。利五。

旐 入,從之。 化龍尋 以病去,木市亦停止。 其後總兵官馬林復議開市,與巡撫李植 相 左,論

成都 脆弱 死。 命 征 司 龍之先日楊鏗。四 四十八屯以畀之,臣歲出侵掠。 **人不決,小歹青遂復爲寇** |倭 邢玠總督。 七姓不堪其虐,走貴州告變。 院有據蜀 自效,得脫歸。 ,劫蜀王爲質,而應龍遷延,聲言爭地界,冀曲赦如曩時。 已,復破殺綦江參將房嘉寵、遊擊張良賢,投屍蔽江下。 二十七年三月,化龍起故官,總督湖廣、川、貴軍務兼巡撫四川,討播州叛臣楊 值東西用兵,勢未能窮治,因招撫之。 志,間 明初內附,授宣慰使。 復逮,不出。 出剽 州縣。 巡撫葉夢熊疏請大征。 嬖小妻田雌鳳,讒殺妻張氏,屠其家。用誅罰 是年二月敗官軍於飛練堡,都司楊國柱 四川巡撫王繼光發兵討,覆於白石,應龍諉罪諸苗 應龍性猜狠嗜殺。 應龍益結生苗,奪五 詔不 數從征調,恃功驕蹇。 聽,逮繫重慶獄。 偽軍師孫 化龍至成都、徵兵未至、亦謬 時泰請直 指 司七姓地,并湖 揮李廷棟等皆 立威,所屬 應龍 取 應龍 重慶,搗 知川 詭 朝 將 兵 廷 兵 五

好語縻之。

賊 賊 帝 焚 聞 綦江 東 坡 破,大怒。 爛 橋 梗 湖 追 貴 褫 路 前 四川 又焚 貴 龍 州 泉 巡撫譚希思、江 走 都 司 楊惟 忠。 東之職 化 酯 刻諸 加 賜化 大 削 龍 不 劍, 用 命 假 者 便宜 沈 尙

路 路 孔 文 地 由 土 建治 鳥 英 「; ア**ງ** 潦 司 分 七之。 兩 由 誾 江 移 一多將 叉 南 翼 重慶,大誓文武。 童元鎭、 Ш 擢 總 貴 朱鶴齡 兵官 江 總兵官吳廣 州 一鐸為 巡 陳璘 劉 撫 艇皆 受元 愈都御 郭 由 子章駐 鎭 由 革 偏 明 合江 史, 橋 節 職 年二 充 制 巡撫偏、 貴陽 副 , 爲 月分 副 總兵陳良 統 事官。 將 宣 湖 八 沅 曹 慰 廣巡 希 道進兵。 使安 諸 玭 彬 湖 軍 撫支可 受璘節 受 疆 廣 大 廣 臣 設偏 集, 節 [][由 大移 制 制 師 化龍 沙 沅 四路 溪 沅 巡撫 由 由 先 州 永 龍 總 /檄水西 寧。 總 泉。 自 化 兵 兵官 〈官李 |鐸 龍 黔 毎路 自 始 兵三 劉 師 將 應 也 綎 兵三萬, 祥 中 萬 路 由 軍 由 守 [綦江 策 總兵 興 貴州 隆 應。 一,總 官 官 帝 童 兵官 斷 楚 以楚 招 師 元 鎭 出 馬

遣 下 用 日 元 使 時 會 詐 鎭 泰 爾 推 画 降 計 官 於 破 綦江 · , 今 死 下 理 高 言諸 折 、築長 龍 馬 枝 將 矣 先 檄諸將 益 」或言水西佐 韋 南 以南 jij 奮 困之,更番迭攻。 盡 斬]]] 艇先 使、焚書。 兵 焚積聚,彼無能 進, 入 婁 賊 據桑木鎮 化龍 Щ 關 以 六月,艇破土、月二城, 直 綎 詰之疆臣, 爲 與 抵 應電 也。 海龍 綎 復 比 有 **画**,璘、疆臣兵亦至。 自綦江入。 舊 斬 抗諸路兵皆大敗 贼 諭 使, 無通 二氏 應電 應龍 財 交遂絕。 艇械 窘, 以 應龍 勁 與二 賊 兵二 其 勢急 頓 人 一妾俱 烏江 一萬屬 足歎 以 自 兵敗績,逮 明。 日 其 屯 (子朝棟 明晨, 死 八路

列

傅

唐乾符中入楊氏,二十九世,八百餘年,至應龍而絶以其地置遵義、平越二府,分屬川、貴。 官軍入城,七子皆被執。詔磔應龍屍幷子朝棟於市。 自出師至滅賊,凡百有十四日。 播自

憂去,未代。敍前平播功,晉兵部尙書,加少保,廕一子世錦衣指揮使。 與淮、揚巡撫李三才奏開淤河,由直河入泇口抵夏鎭二百六十里,避黃河呂梁之險。再以 |化龍初聞父喪,以金革起復,至是乞歸終制。 三十一年四月起工部右侍郎,總理河道,

掌部事。三十七年正月,京師訛言寇至,民爭避匿,邊民逃入都門者亦數萬,九門畫閉。輔 國、少傅兼太子太保。卒官,年七十。 遼人切齒。 臣言兵部尚書惟一人,何以應猝變,帝亦不報。 二事,皆置不理。兵部自二十七年後,左、右侍郎皆空署。未幾,尚書蕭大亨亦致仕,化龍 三十五年夏,起戎政尚書。化龍以京營根本,奏陳十一濫、十二苦、十九宜,又上屯政十 化龍請停稅課且增兵萬人,又條上兵食款戰之策,帝皆不報。 諡襄毅、贈少師、加贈太師。 遼戰士二萬餘皆老弱,而稅監高淮肆虐, 一品秩滿,加柱

化龍具文武才。 播州之役,以劉綎驕蹇,先摧挫之而薦其才,故凝爲盡力。 開河之功,

爲漕渠永利,詳見河渠志。

江鐸,字出振,仁和人。 高祖班、景泰時爲禮科給事中。 劾石亭怙寵罔上,有直聲。 官

萬曆 至 山東參政。 卒,門人私諡爲孝端先生。 初廣西提學僉事。 曾祖瀾,正德時南京禮部尚書。 父母疾、嘗藥舐 自班至鐸五 糞。 居 世皆進士。 喪寢苫三年,經寢室必俯其首,妻經夫廬亦 卒諡文昭。 而曉弟暉, 祖曉,嘉靖中工部侍郎。 正德中爲庶吉士,與舒 父圻,

與 以勞疾歸。 郭子章皆廕一子世錦衣指揮。 鐸登第在萬曆二年。 卒,贈兵部右侍郎。 授刑部主事 丁母艱去。 累官山西按察使,擢撫偏、 奪情,命留討皮林諸洞蠻,平之。詳具陳璘傳 沅。 夾攻楊應龍 有

芬等諫南巡受杖。

世宗時,由編修出爲河南僉事

力,奏績豈易言哉。 騒然,武備之弛 贊曰:"哱拜一降人耳,雖假以爵秩而憑藉未厚。 有由 【來矣。 李化龍之功可與韓雍、項忠相埓,較寧夏之役,難易懸殊矣。 楊應龍惡稔貫盈,自速殄滅。 倉猝發難,據鎭 然盤踞積 久,地形險惡,非師武臣 城,聯外寇, 邊鄙 爲之

校勘記

「こ」二十年三 列 傳 第 月殺馨及 百 + 大 副 使石繼芳 校 勘 記 三月,原作「二月」,據本書卷二〇神宗本紀、神宗實錄 卷二

四

六萬曆 二十年三月戊辰條改。

梅國楨 原作「梅國禎」, 據本書卷二三八及明史稿傳一一五李成梁傳附李如松傳、 神宗實録

卷二四七萬曆二十年四月甲辰條、明進士題名碑録癸未科改。下同。 卷目照改。

以都御史李汶代

同。 本書卷三二七韃靼傳作「李收」,又作「李旼」,明史稿傳二〇一韃靼傳統作「李旼」。

李汶,神宗實錄卷二八四萬曆二十三年四月己未條、國權卷七七頁四七四九

應龍之先日楊鏗 楊鏗, 原作「楊鑑」,據本書卷三一二及明史稿傳一八六播州宣慰司傳、

}太

껃

祖實録卷七一洪武五年正月乙丑條、萬曆武功録頁五○八播首楊應龍列傳中改。

Ŧ. 并湖廣四十八屯以界之 傳、萬曆武功録頁五二一播酋楊應龍列傳下改。 湖廣,原作「湖貴」, 據本書卷三一二及明史稿傳一八六播州宣慰司

明史卷二百二十九

列傳第一百十七

劉臺 馮景隆 孫繼先 傅應禎 王用汲 吳中行 子亮 元 從子宗達

趙用賢 孫士春 艾穆 喬壁星 葉春及 沈思孝丁此呂

誤奏捷,奉旨譙責。四年正月,臺上疏劾輔臣張居正,曰: 劉臺,字子畏,安福人。隆慶五年進士。授刑部主事。 萬曆初,改御史。 巡按遼東,坐

稱。 威福者,尚惴惴然避宰相之名而不敢居,以祖宗之法在也。 自處,自高拱被逐,擅威福者三四年矣。諫官因事論及,必曰:「吾守祖宗法。」 而 輔臣無容言之量也。高皇帝鑒前代之失,不設丞相,事歸部院,勢不相攝,而職易 文皇帝始置內閣,參預機務。其時官階未峻,無專肆之萌。二百年來,卽有擅作 臣聞進言者皆望陛下以薨、舜,而不聞賣輔臣以阜、夔。何者。陛下有納諫之明, 乃大學士張居正偃然以相 臣請卽

列傅第一百十七 劉臺

以祖宗法正之。

宗之法若是乎?

籍 籍,則 祖宗進退大臣以禮。 抵拱書,令勿驚 死。 先帝臨崩,居正託疾以逐拱,旣又文致之王大臣獄。 既迫逐以示威,又遺書以市德,徒使朝 廷無禮於舊臣。 及正論 祖

訓 布 賄厚施、緣例陳乞、將無底極。 贈以王飦。 祖 宗朝,非開國元勳,生不公,死不王。 給事中陳吾德一 言而 祖宗之法若是乎? 外遷,郎中陳有年一爭而斥去。 成國公朱希忠,生非有奇功也,居正遠祖 臣恐公侯之家,

也。 居正。所指授者,非楚人親戚知識,則親戚所援引也,非宦楚受恩私故,則恩故之黨助 之,夫亦 者數矣。 後託平? 臺諫毋議及冢宰,則居正之脅制在 瀚惟 祖宗朝,用內閣冢宰,必由廷推。 以四維善機權,多憑藉,自念親老,旦暮不測,二三年間謀起復,任四維,其身 瀚生平無善狀。巡撫陝西,贓穢狼籍,及驟躐銓衡,唯諾若簿吏,官缺必請命 其始去也,不任教習庶吉士也。 日取四方小吏, 權其賄賂, 而其他則徒擁虛名。 今居正私薦用張四維、張瀚。 朝言官,又可知矣。 四維之爲人也,居正知之熟矣。 祖宗之法如是乎? 聞居正貽南京都御史趙錦 四維在翰林、被論 知之而 顧 用

祖宗朝,詔令不便,部臣猶訾閣擬之不審。 今得一嚴旨,居正輒曰「我力調劑故止

是」,得一溫旨,居正又曰「我力請而後得之」。 由是, 畏居正者甚於畏陛下, 咸居正者

甚於感陛下。威福自己,目無朝廷。祖宗之法若是乎?

職也。 令。 蔽,則科臣糾之。六科隱蔽,則內閣糾之。夫部院分理國事,科臣封駁奏章,舉劾,其 令,撫按考成章奏,每具二册,一送內閣,一送六科。 撫按延遲,則部臣糾之。 六部隱 祖宗之法若是乎? 祖宗朝,一切政事,臺省奏陳,部院題覆,撫按奉行,未聞閣臣有舉劾也。 閣臣銜列翰林,止備顧問,從容論思而已。居正創爲是說,欲脅制科臣,拱手聽 居正定

年,趙參魯以諫遷,猶曰外任也,余懋學以諫罷,猶曰禁錮也,今傅應禎則謫戍矣,又以 旣噉之以遷轉之速,又恐之以考成之遲,誰肯舍其便利,甘彼齮齕,而盡死言事哉。往 應禎故,而及徐貞明、喬巖、李禎矣。 摧折言官,譬視正士。 貫以不聽指授,調之南京。由是巡方短氣,莫敢展布,所憚獨科臣耳。居正於科臣 至於按臣回道考察,苟非有大敗類者,常不舉行,蓋不欲重挫抑之。近日,御史兪 祖宗之法如是乎?

施堯臣以巡撫矣。 重罪,而奪其府地,今武岡王又得罪矣。爲子弟謀舉鄕試,則許御史舒鼈以京堂,布政 至若爲固寵計,則獻白蓮白燕,致詔旨責讓,傳笑四方矣。規利田宅,則誣遼王以 起大第於江陵,費至十萬,制擬宮禁,遺錦衣官校監治,鄕郡之脂膏

列

傳

第

盡 輔 豪富,不 矣。 政 未 惡黃州 ·幾,卽富甲全楚,何由致之。宮室輿馬姬妾,奉御同 旋 踵卽外斥矣。 生儒議其子弟倖售,則假縣令他事窮治無遺矣。 蓋居正之貪,不在文東而 在武臣,不在 於王 一者,又何由致之? 內地而在邊鄙。 編修李維楨偶談及其 不然,

强諾 得。 百, 應降 西,廉臺里中事 厚善,實有所主。 師 遠戍。 調。 長者、計惟一去謝之。」因辭政,伏地泣不肯起。帝爲降御座手掖之,慰留再三。居正 臺至潯州未幾,飲於戍主所,歸而暴卒。 至是學顏爲戶部,誣臺私贖鍰,居正屬御史于應昌巡按遼東覈之,而令王宗載巡撫江 ,猶不出 裁。 私 疏 恩 上,居正怒甚,廷辯之,曰:「在令,巡按不得報軍功。 臣 臣第請旨戒諭,而臺已不勝憤。後傅應禎下獄,究詰黨與。 有 在 居正 任 朝 不 視事,帝遣司禮太監孫隆齎手敕宣諭,乃起。 得 部曹,居正 臣工,莫不憤歎,而無敢爲陛下明言者,積威之劫也。 ٠, 陽具疏救,乃除名爲民,而居正恨不已。 而 應昌、宗載等希居正意,實其事以聞,遂戍臺廣西。 乃妄自驚疑,遂不復顧藉,發憤於臣。 顧也。 |薦改御史。臣受居正恩亦厚矣,而今敢訟言攻之者,君 願陛下察臣愚悃,抑損相權,毋俾僨 是日居正亦卒。 且臺爲臣所取士,二百年 逐捕 臺按遼東時,與巡撫張學顏 去年遼東大捷,臺違制妄奏,法 事誤國,臣死且 臺至京師, 初不 臺父震龍、弟國、俱坐 臣舉進士,居正 知臺與應禎同邑 下詔獄,命廷杖 不 朽 臣誼 來無門生 重 一爲總 不相 一,則

刻

給 事 中馮景隆因言遼東巡撫周詠與應昌共陷臺, 明 年,御史江東之訟臺冤,劾宗載、應昌。 詔復臺官,罷宗載、應昌,下所司 應昌已罷,詠尙爲漸遼總督,亦宜罷。 廉問。 南京

京 御 一史孫繼先亦發學顏陷臺罪。帝方嚮學顏。 以景隆疏中幷劾李成梁,學顏爲成梁訟。

撫曹大埜、遼東巡撫李松,勘報宗載、應昌等朋比傾陷皆有狀。 繼先又並劾學顏、成梁。 乃謫景隆薊州判官,繼先臨淸州判官,置學顏不問。 刑部以故入論,奏宗載等遣 已而江西巡

、除名、降黜有差。 贈臺光祿少卿,廢一子。天啓初,追諡毅思。

馮景隆 ,浙江山陰人。 萬曆五年進士。 嘗訟趙世卿冤,且請召張位、習孔教,申救御史

魏允貞,至是謫官。後量移南陽推官。

思孝 孫繼先,字胤甫,盂人。 鄒元標幷及余懋學、趙應元、傅應禎、朱鴻謨、孟一脈 隆慶五年進士。 居正旣敗,繼先請召吳中行、趙用賢、艾穆、沈 、王用汲。 又薦魏學會、宋纁

岳 毛綱 、胡執 禮 、王錫爵、賈三近、溫純、曹科、陳有年、朱光宇、趙參魯等諸人。 旣坐謫,終

南京東部主事。

傅應禎,字公善,安福人。 隆慶五年進士。除零陵知縣。 殲洞庭劇寇,論殺祁陽巨猾,

民賴以安。調知溧水。

萬曆三年徵授御史。張居正當國,應禎其門生也,有所感憤,疏陳重君德、蘇民困、開

言路三事"言:

戒也。 比,乃竟留中不報,豈真以人言不足恤耶?此三不足者,王安石以之誤宋,不可不深 欲踵行失德之事, 豈真以祖宗不足法耶? 給事中朱東光奏陳保治, 初非折檻 解 衣 者 耶?」真定抽分中使,本非舊典,正統間嘗暫行之,先帝納李芳言,已詔罷遣,而陛下顧 邇者雷震端門獸吻,京師及四方地震疊告,曾未聞發詔修省,豈眞以天變不足畏

流離接踵,怨咨愁歎,上徹於天。是豈太平之象,陛下所樂聞者哉。請下明詔,自非官 無遺力以償負也。近乃定輸不及額者,按撫聽糾,郡縣聽調。諸臣畏譴,督趣倍嚴。致 吏乾沒,並曠然除之。民困旣蘇,則災沴自弭。 上軫恤已至,而下延玩自如,曾未有擔負相屬者,何哉?小民一歲之入,僅足給一歲, 陛下登極初,自隆慶改元以前逋租,悉賜蠲除,四年以前免三徵七,恩至渥也。乃

陛下登極初,召用直臣石星、李已,臣工無不慶幸。 近則趙參魯糾中涓而謫爲典

史,余懋學陳時政而錮之終身,他如胡執禮、裴應章、侯於趙、趙煥等封事累上,一切置

之,如初政何? 臣請擢參魯京職,還懋學故官,爲人臣進言者勸。

與。 應禎瀕死無所承,乃謫戍定海。 疏奏,居正以疏中王安石語侵已,大怒,調旨切責;以其詞及懋學,執下詔獄, 給事中嚴用和、御史劉天衢等疏救,不聽。 方應禎 窮治黨

移疾歸,三年而卒。 行,且陳邊備甚悉。 獄,給事中徐貞明偕御史李禛、喬巖入視之。錦衣帥余廕以聞,三人亦坐謫。 人並祠祀之。 十一年,用御史孫繼先言,召復官。日帝將幸昌平閱壽宮,而薊鎭告警,應禎 贈本寺右少卿。 優詔答之。俄擢南京大理寺丞。將行,奏薦海內知名士三十七人。 應順與同邑劉臺同舉進士,爲御史,同忤居正得禍,鄉 止帝勿

尋

耶。」舉隆慶二年進士,授淮安推官。 知 府曰:「此何與諸生事。」用汲曰:「范希文秀才時,以天下爲己任,矧鄕井之禍乃不關諸生 王用汲,字明受,晉江人。爲諸生時,郡被倭,客兵橫市中。 稍遷常德同知,入爲戶部員外郎 會御 史按部至,用汲言狀。

萬曆六年,首輔張居正歸葬其親,湖廣諸司畢會。 傳 第 + 七 傅 醎 巡按御史趙應元獨不往,居正嗛之。

列

百

應

王

用 汲

及應元事竣得代,即以病請。 **愈都御史王篆者,居正客也,素憾應元,且迎合居正意,屬都**

御史陳炌劾應元規避,遂除名。用汲不勝憤,乃上言:

夤緣攀附,驟列要津。以退為進,宜莫如炌。已則行之,而反以責人,何以服天下。 以巡方事訖引疾,與應元不異也,炌何不並劾之。 夫 下但見燉論劾應元,以爲恣情趨避,罪當罷斥。至其意所從來,陛下何由知之。 /疾病 御 如 昨歲星變考察,將以弭災也,而所挫抑者,半不附宰臣之人。如翰林習孔教,則 人所時有,今在廷大小諸臣,曾以病請者何限。 史應元以不會葬,得罪輔臣,遂爲都御史炌所論,坐託疾欺罔削籍,臣竊恨之。 即炌當世宗朝,亦養病十餘年。 御史陸萬鍾、劉光國、陳用賓皆 後

之潘晟,且得以不次蒙恩;苟失輔臣之心,則雖素負才名之張岳,難免以不及論調。 推 以 回 不意陛下省災塞咎之舉,僅爲宰臣酬恩報怨之私。 戈 鄒 不爲太息矣哉 元標之故;禮部張程,則以劉臺之故,刑部浮躁獨多於他部,則以艾穆、沈思孝而 ,考後劣轉趙志皋,又以吳中行、趙用賢而遷怒。蓋能得輔臣之心,則雖屢經論列 且凡附宰臣者,亦各藉以酬其私, 臣

咈。 諸臣熟知其然,爭欲碎首批鱗以自見。陛下欲織錦綺,則撫臣、按臣言之,欲採珍 孟子曰「逢君之惡其罪大」,臣則謂逢相之惡其罪更大也。 陛下天縱聖明,從諫勿

望風張其焰者,是臣所謂逢也。今大臣未有不逢相之惡者,炌特其較著者爾 止,或不爲例。至若輔臣意之所向,不論是否,無敢一言以正其非,且有先意結其歡, 異,則部臣、科臣言之,欲取太倉光祿,則臺臣、科臣又言之。陛下悉見嘉納,或遂停

之倒持。政柄一移,積重難返,此又臣所日夜深慮,不獨爲應元一事已也。 鑒。夫威福者,陛下所當自出,乾綱者,陛下所當獨攬。寄之於人,不謂之旁落,則謂 政於衆所阿奉之大臣。大臣益得成其私而無所顧忌,小臣益苦行私而無所愬告,是驅 可否焉,然後宣付輔臣,俾之商搉。 天下而使之奔走乎私門矣。陛下何不日取庶政而勤習之,內外章奏躬自省覽,先以意 以臣觀之,天下無事不私,無人不私,獨陛下一人公耳。陛下又不躬自聽斷,而委 閱習旣久,智慮益弘,幾微隱伏之間自無逃於天

疏入,居正大怒,欲下獄廷杖。會次輔呂調陽在告,張四維擬削用汲籍,帝從之。 輕,移怒四維,厲色待之者累日。 居正以罪

斬、妻子爲奴、財產入官之律也。 尋召爲尙寶卿,進大理少卿。會法司議胡檟、龍宗武殺吳仕期獄,傅以謫戍。 「按律,刑部及大小官吏,不依法律、聽從上司主使、出入人罪者,罪如之。 用汲歸、屛居郭外,布衣講授,足不踐城市。居正死,起補刑部。未上, 仕期之死, 檀非主使者乎。 宗武非聽上司主使者乎。 今 蓋謂 用汲駁奏曰: 擢廣東僉事 如 上文,罪

列傳

第

百十七

王用汲

謫 成,不知所遵何律也。」上欲用用吸言,閣臣申時行等謂仕期自斃,宜減等,獄遂定。

遷順天府尹。歷南京刑部尚書,致仕。

用 汲 爲人剛正,遇事敢爲。 自尹京後,累遷皆在南,以强直故也。卒,贈太子太保,諡

恭 質 。

吳中行,字子道,武進人。父性,兄可行,皆進士。性,尚寶丞。可行,檢討。日中行甫

冠 舉鄉試,性誠無躁進,遂不赴會試。隆慶五年成進士,選庶吉士,授編修。

首上疏曰:「居正父子異地分睽,音容不接者十有九年。一旦長寨數千里外,陛下不使匍匐 給事中陳三謨倡疏奏留,舉朝和之,中行獨憤。適彗出西南,長竟天,詔百官修省,中行 吏,匿喪有禁,惟武人得墨衰從事,非所以處輔弼也。 也哉! 居正每自言蓮守聖賢義理,祖宗法度。 星奔,憑棺一慟,必欲其違心抑情,銜哀茹痛於廟堂之上,而責以訏謨遠猷,調元熙載,豈情 大學士張居正,中行座主也。萬曆五年,居正遭父喪,奪情視事。御史曾士楚、吏科都 』王子請數月之喪,孟子曰:『雖加一日愈於已。』聖賢之訓何如也?在律,雖編氓小 宰我欲短喪,子曰:『予有三年之愛於其父 即云起復有故事,亦未有一日不出國

門,而 遽起視事者。 祖宗之制何如也? 事繫萬古綱常,四方視聽,惟今日無過舉,然後後世

議 銷變之道 無踰此者。

張位 賢 杖。 性挾醫至,投藥一匕,乃蘇。輿疾南歸,刲去腐肉數十臠,大者盈掌,深至寸,一肢遂空。 行等受杖畢,校尉以布曳出長安門,异以板扉,即日驅出都城。 爵 疏 、于慎行、張一桂、田一儁、李長春,修撰習孔教、沈懋學俱 疏旣 五. 九年大計京官,列五人察籍,錮不復敍。 人者,直聲震天下。中行、用賢並稱吳、趙。 叉明 臣數十人,求解於居正,弗納。遂杖中行等四人。 上,以副封白居正。 日,艾穆、沈思孝疏入。 居正愕然曰:「疏進耶?」中行曰:「未進不敢白也。」明日,趙用 居正怒,謀於馮保,欲 居正死,士楚當按蘇、松,無然曰:「吾何面 南京御史朱鴻謨疏救五 廷杖之。 明日,進士鄒元標疏爭,亦廷 具疏救,格不入。 中行氣息已絕,中書舍人秦 翰林院侍講趙志皐、 人,亦被斥。 學士王錫 1

吉嘗訟中行,事已解,給事中王嘉謨復摭舊事劾之,命家居俟召。 見吳、趙二公一。遂引疾去。三謨已擢太常少卿、尋與士楚俱被劾削籍。廷臣交薦中行,召 因乞罷,不許。 復故官,進右中允,直經筵。 ,馳傳歸。 言者屢薦,執政抑不召。 再遷右諭德。 大學士許國攻李植、江東之、抵中行、用賢爲其黨。 御史蔡系周劾植,復侵中行,中行求去,章四上。 久之,起侍講學士,掌南京翰林院。 尋卒。 後贈禮部右侍郎。 同 里僉事徐常 詔賜 中行奏辨, 白金、

目

列

傅

傳、建極殿大學士。[E] 亮尙志節,與顧憲成諸人善。 兄弟異趣如此。 子亮、元,從子宗達。 亮官御史,坐累貶官,終大理少御。元,江西布政使。 。而元深疾東林,所輯吾徵錄,詆毀不遺 宗達,少

中行同杖除名。 請留,背公議而徇私情,蔑至性而創異論。 者,得區區稍伸其痛於臨穴憑棺之一慟也。國家設臺諫以司法紀、任糾繩,乃今曉曉爲輔臣 莫若如先朝楊溥、李賢故事,聽其暫還守制,刻期赴闕,庶父子音容乖暌阻絕於十有九年 數年,不能以父子之情少盡於一日。臣又竊怪居正之勳望積以數年,而陛下忽敗之一旦。 激用賢。 之彥懼及,深結居正,得巡撫福建。 趙用賢,字汝師,常熟人。父承謙,廣東參議。用賢舉隆慶五年進士,選庶吉士。 萬曆初,授檢討。 用賢怒,已察知其受居正黨王篆指,遂反幣告絕。 用賢體素肥,肉潰落如掌,其妻腊而藏之。 張居正父喪奪情,用賢抗疏曰:「臣竊怪居正能以君臣之義效忠於 過里門,不爲用賢禮,且 臣愚竊懼士氣之日靡,國是之日淆也。」疏入,與 之彦大喜。 坐鎭於其弟下,曰「婢子也」,以 用賢有女許御史吳之彥子鎭。

性 剛 ,負氣傲物,數訾議大臣得失。 居正死之明年,用賢復故官,進右贊善。 申時行、許國等忌之。 江東之、李植輩爭嚮之,物望皆屬焉。 會植 、東之攻時行,國逐 力
抵
植
、 而用賢

子。 風 東之,而陰斥用賢、中行,謂:「昔之專恣在權貴,今乃在下僚,昔顚倒是非在小人,今乃在君 不 意氣 可長。」於是用賢抗辨求去,極言朋黨之說,小人以之去君子、空人國,詞甚激憤。 感激,偶成一二事,遂自負不世之節,號召浮薄喜事之人,黨同伐異,罔上行私,其 帝不

叉請 尋以本官 尋 充經筵講官。 建儲,宥言官李沂罪。 兼教習庶吉士。 再遷右庶子,改南京祭酒。 居三年, 擢南京禮部右侍郎。 薦舉人王之士、鄧元錫、劉元卿,清修積 以吏部郎中趙南星薦,改北

聽

其去。

黨論之興遂自此

始。

盟 使其子與計用賢論財逐壻,蔑法棄倫。 成 其門生, 政 辨論 安之。 ,吳男未婚,無容反坐。 二十一年,王錫爵復入內閣。 人才,羣情益附,錫爵不便也。 引嫌力辭。 及是,用賢復以爭三王並封語侵錫爵,爲所銜。 錫爵乃上議曰:「用賢輕絕,之彥緩發,均失也。 欲折其衷,宜聽用賢引疾,而曲貸之彦。 韶從之。 初,用賢徙南,中行、思孝、植、東之已前貶,或罷去,故執 用賢故所絕婚吳之彥者,錫爵里人,時以愈事論罷, 用賢疏辨,乞休。詔禮官平議。 會改吏部左侍郎,與文選郎顧憲 今趙女已嫁,難問初 尚書羅萬化以之彦 用賢遂発歸。

傳

第

黨論 執政日與枝拄,水火薄射,訖於明亡云。 兩人讒諂,遂爲所攻。高攀龍、吳弘濟、譚一召、孫繼有、安希范輩皆坐論救褫職。自是朋 戶部郎中楊應宿、鄭材復力詆用賢、請據律行法。都御史李世達、侍郎李禛疏直用賢、四一斥 益熾。中行、用賢、植、東之創於前,元標、南星、憲成、攀龍繼之。言事者益裁量執政,

事,調旨切賣,寢不行。家居四年卒。天啓初,贈太子少保、禮部尚書,諡文毅。 用賢官庶子時,與進士袁黃商摧數十畫夜,條十四事上之。時行、錫爵以爲吳人不當言吳 用賢長身聳肩,議論風發,有經濟大略。蘇、松、嘉、湖諸府,財賦敵天下半,民生坐困

東布政司照磨。 故 **尙書楊嗣昌奪情視事**,未幾入閣。 怛之念,何奸悖一至此也。 功名、薄忠孝致之。 相 ,既已罔效。 奪情,幾斃杖下,腊敗肉示子孫。 孫士春、士錦,崇禎十年同舉進士。士春,字景之。第三人及第,授編修。 陛下簡入綸扉,自應力辭新命。 祖孫並以攻執政奪情斥,士論重之。後復故官,終左中允。 且無事不講儲材,有事輕言破格,非用人無弊之道也。 陛下破格奪情,曰人才不足故耳。不知人才所以不振,正由愛 少詹事黃道周劾之,下獄。 臣敢背家學,負明主,坐視綱常掃地哉。」帝怒,謫廣 乃閱其奏牘,徒計歲月久近間,絕無哀 士春上疏曰:「嗣昌墨縗視 臣祖 明年,兵部 用賢,首論 痛惻

艾穆,字和父,平江人。 以鄉舉署阜城敎諭,鄰郡諸生趙南星、喬璧星皆就學焉。

國子助敎。張居正知穆名,欲用爲誥敕房中書舍人,不應。

「主上沖年,小臣體好生德,佐公平允之治,有罪甘之。」揖而退。 史議,止決二人。御史懼不稱,穆曰:「我終不以人命博官也。」還朝,居正盛氣譙讓。 萬曆初,擢刑部主事。進員外郎,錄囚陝西。時居正法嚴,決囚不如額者罪。 穆與御

欲出 正今以例留,腆顏就列矣。異時國家有大慶賀、大祭祀,爲元輔者,欲避則害君 者,例也,而萬世不易者,先王之制也。今棄先王之制,而從近代之例,如之何 所重,莫如綱常。而元輔大臣者,綱常之表也。綱常不顧,何社稷之能安?且事偶一爲之 曰:『臣方寸亂矣。』居正獨非人子而方寸不亂耶?位極人臣,反不修匹夫常節,何以對天下 災繼起。臣敢自愛其死,不灑血一爲陛下言之。陛下之留居正也,動曰爲社稷故。夫社稷 逼中天。言官會士楚、陳三謨甘犯淸議,率先請留,人心頓死,舉國 則傷父子之情。臣不知陛下何以處居正,居正又何以自處也。 及居正遭喪奪情,穆私居歎息,遂與主事沈思孝抗疏諫曰:「自居正奪情,妖星突見,光 如狂。今星變未銷,火 徐庶以母故辭於昭烈 其可也。居 臣 之義,

常紀墜矣。 後 以 所 奪 世 全大節 也 ! 臣聞 以 則綱常植 異時 醴 古聖帝明王勸人以孝矣,未聞從而奪之也。 義 即欲 廉 恥 而 以法 風 朝廷正,朝廷正而百官萬民莫不一 天 度整齊之,何可得耶 下猶恐不足,顧乃奪之,使天下爲人子者,皆忘三年之愛 ! 陛下誠眷居正,當愛之以德,使奔喪終制, 爲人臣者,移孝以事 於正,災變無不可弭 君矣, 矣。」 於其父, 未聞爲

鄕 創 行 攻擊者,我不得比分宜矣。」九年,大計,復置穆、思孝察籍 重不省 用賢杖六十,穆、思孝皆八十加梏孝,置之詔 時 吳 中行、 人事, 旣而 趙用賢請令居正 復甦,遂詣成所。 奔喪,葬畢還朝,而穆、 穆,居正鄉 獄 人也。 越三日,以門扉舁出城, 思孝直請令終制,故居正尤怒。 居正 語 人曰:「昔嚴分宜 穆遣戍涼州 時未有 中 同

贖 穆亦 都 之官,有 御 放之還。 亦 史,巡撫 及 欲 居正死,言官交薦,起戶部員外郎。 告播 加 兵,與夢熊異。 四川。 穆病歸,未幾卒。 州宣慰使楊應龍 故崇陽知縣周 朝命 叛者,貴州 後應龍復叛,議者追咎穆,奪其職。 兩撫臣會勘,應龍 應中、賓州 巡撫葉夢熊請 遷四川 知州 僉事 不願赴貴州,乃逮至重慶,對簿論斬,翰 葉春及行義過人,穆舉以自代,不 征 ,屢遷太僕少卿。 之。 蜀人多言應龍强,未易輕 十九年秋,擢右愈 報。 旣

喬壁星, 臨城人。官右僉都御史, 亦巡撫四川。

思孝辭焉,乃授番禺知縣。 沈思孝,字純父,嘉興人。 舉隆慶二年進士。 殷正茂總制兩廣,欲聽民與番人互市,且開海口諸山徵其 又三年,謁選。 高拱署吏部,欲留 「爲屬

税,思孝持不可。

慶希指詆之,思孝遂求去,不許。 三品服自若,被劾,調南京太僕卿,仍貶三秩。 居正死,召復官,進光祿少卿。政府惡李植、江東之及思孝輩。思孝遷太常少卿,御史襲仲 萬曆初,舉卓異,又爲刑部主事。 專遷<u>順</u>天府尹,坐寬縱冒籍舉人,貶三秩視事。 張居正父喪奪情,與艾穆合疏諫。 未幾,謝病歸。 廷杖、戍神電衞 思孝御

不赴。 不合,給事中侯慶遠劾思孝舍門戶而守堂奧、設邏卒以衞妻孥,不任封疆事。 軍 移 ,并乞宥故都御史李材罪,令立功。 駐下馬關,爲總督魏學曾聲援。 吏部尚書陸光祖起爲南京光祿卿。 思孝以兵少,請募浙江及宣、大騎卒各五千,發內 韶思孝近地召募, 而罷材勿遣。 尋進右僉都御史,巡撫陝西。 寧夏哱拜叛,詔 思孝與學會議 改撫河南、辭 思孝 | 帑供 軍事

東明指,謫東明,奪廷彥俸。 爲首,思孝次之,帝特用思孝。 左侍郎。 頃之,召爲大理卿。中官郝金詐傳懿旨下獄,刑部薄其罪,思孝駁誅之。 陜西織羊絨爲民患,以思孝奏,減十之四。 進右都御史,協理戎政。 或疑有奥援,給事中楊東明、鄒廷彥相繼疏劾。 帝悅,進工部 初,廷推李禎 帝以廷彦受

帝降詔慰留丕揚,逮此呂,詰讓思孝。 察時,咨公論以定賢否,廷臣因得書所聞以投掌察者。 去。 之述思孝意,迫之救此呂、劾時馨,非己意也。」帝皆置不問 之疏由思孝,藉以搖丕揚也。 爲時馨訟冤,語侵思孝、東之。給事中楊天民、馬經綸、馬文卿又各疏劾思孝,大抵言文炳 事憾己,遂結江東之、劉應秋等,令李三才屬文炳。帝惡時馨,罷其官。 文炳劾文選郎蔣時馨受賄,時馨疑思孝嗾之,遂訐思孝先庇此呂,後求吏部不得,以此二 ,似並論丕揚、思孝,而其指特攻時馨以及丕揚。 丕揚言時馨無罪,此呂受贓有狀,思孝不當庇。 一十三年,吏部尙書孫丕揚掌外察,黜參政丁此呂。思孝與東之素善此呂。會御史趙 思孝屢乞罷,因詆丕揚負國。 御史兪价、强思、馮從吾,給事中黃運泰、祝世祿,皆 因上此呂訪單,乞歸。訪單者,吏部當 疏方上,文炳忽變其說,謂「元聲、東 事率覈實,然間有因以中所惡者。 員外郎岳元聲言大臣相攻,宜 思孝等疏辨, 且求

思孝素以直節高天下,然尙氣好勝,動輒多忤,以此呂故,頗被物議。 然時馨、此呂皆

國。 史記事復詆思孝與顧天埈合謀欲搆陷丕揚。 思孝請行皇長子冠禮以回天心。又以日本封事大壞,請亟修戰守備,幷論趙志皐、石星誤 朝廷不難去言官五六人以安我。 非端人,丕揚、思孝亦各有所左右。 「丕揚杜門半載,辭疏十上,意必得請而後已。思孝則杜門未幾,近見從吾、運泰等罷,謂 其秋,丕揚去位,思孝亦引疾,詔馳傳歸,朝端議論始息。 久之,丕揚復起爲吏部,御史 此人不去,爲朝端害。」帝顧思孝厚,謫培官。乾淸宮災, 其明年,御史林培請辨忠邪,又力詆思孝、東之,且言: 顧憲成、高攀龍力辨其誣,而思孝卒矣。

中,贈太子少保。

呂無逮問條,乞免送詔獄。 黜,復遣官逮之。 郎高啓愚命題示禪授意,謫潞安推官。 山,停織造、燒造,還建言譴謫諸臣,去張居正餘黨,速誅徐爵、游七。 此呂,字右武,新建人。 大學士趙志皐等再疏乞宥,且言此呂有氣節,未必果貪汚。 帝皆不從,逮下鎭撫,謫戍邊。 萬曆五年進士。 語詳李植傳。 由漳州推官徵授御史。 尋遷太僕丞,歷浙江右參政。 報聞。 慈寧宮災,請撤鼇 尋劾禮· 不揚亦言此 考察論 部侍

論之,居正爲相,於國事不爲無功 贊曰 虧盈好還,禍釀身後。 劉臺譜 人,皆以論張居正得罪。 傳曰「惟善人能受盡言」。 ;
諸人論之,不無過當。 罰最重者,名亦最高。 於戲難哉! 然聞謗而不知懼,忿戾怨毒,務快 用汲之免也,幸耳。 平心

校勘記

[1] 十一年用御史孫繼先言召復官 十一年,原作「十一月」。 明通鑑卷六六考異謂傅應禎萬曆三

年坐謫戍,在戍所八年,召復官應在萬曆十一年,「傳中『月』字蓋『年』字之誤」。 考異說是,據

改。

〔三〕可行檢討 檢討,明史稿傳一○八吳中行傳作「修撰」。

元江西布政使宗達少傅建極殿大學士 明史稿傳一〇八吳中行傳作「元,江西參政。 宗達,少

師、 中極殿大學士」。據本書卷一〇九宰輔年表,吳宗達于崇禎六年十二月晉少傅、建極殿大學

士,七年二月晉少師、中極殿大學士。

24 侍郎李禛疏直用 賢 李禛 原作「李楨」。 按本書卷二二一及明史稿傳一〇二有李禛傳, 事蹟

與此合,今改正。

明史卷二百三十

列傳第一百十八

蔡時鼎 萬國欽 王教 饒伸 兄位 劉元震 元霖

湯顯祖 李琯 逸中立 **盧明**諏 楊恂 冀體 朱爵

姜士昌 朱熹 馬孟禎 汪若霖

時鼎論救,語侵楊巍、申時行。 和山提督中官田玉兼分守事,時鼎言不可,並及玉不法狀。御史丁此呂以劾高啓愚被謫, | 蔡時鼎,字台甫,漳浦人。 報聞。 萬曆二年進士。 已,巡鹽兩淮。 歷知桐鄉、元城,爲治淸嚴。 悉捐其羨爲開河費,置屬邑學田 徵授御史。 太

子記純, 還朝, 又濫 會戚畹子弟有求舉不獲者,誣順天考官張一桂私其客馮詩、章維寧及編修 取冒籍者五 人。 帝怒,命詩、維寧荷枷,解一桂、飼官。 時行等為之解。 史鲄 帝益

第一百十八 蔡時鼎

列

傅

之廢籍,不報。已,起太平推官,進南京刑部主事,就改吏部。 謫馬邑典史,告歸。居二年,吏部擬序遷,不許。御史王世揚請如石星、海瑞、鄒元標例,起 時行,這中使就第勞問。 告,許國、王家屏僅擬停俸,且請稍減詩、維寧荷校之期,以全其命。帝不從,責時鼎疑君訕 鼎以事初糾發不由外廷,徑從中出,極言宵人蜚語直達御前,其漸不可長,且盡疑大臣言官 傷善類,害胡可言。 「人君貴明不貴察。苟任一己見聞,猜防苛密,縱聽斷精審,何補於治,且使姦人乘機得中 上,降極邊雜職。 有私,則是股肱耳目舉不可信,所信者誰也?帝怒,手札諭閣臣治罪。會時行及王錫爵在 怒,奪鈳職,下詩、維寧吏。 又使人詗知發遣冒籍者多寬縱, 責府尹沈思孝對狀。國、家屏復上言: 願停察訪以崇大體,宥言官以彰聖度。」帝不懌,手詔詰讓。 而國等旣被責,具疏謝,執爭如初。會帝意稍解,乃報聞。 法司廷鞫無驗,忤旨被讓。卒枷二人一月,而調一桂南京。 是日,帝思 時鼎竟

重,則奉公之意必衰;巧詐之機熟,則忠誠之節必退。自張居正物故,張四維憂去,時行卽 失,卽意向稍左,亦輒中傷。或顯斥於當時,或徐退於後日。 方且內託之乎雅量,外託之乎清明,此聖賢所以重似是之防,嚴亂德之戒也。 臣民呼籲莫聞。 十八年冬,復疏劾時行,略言:「比年天災民困,紀綱紊斁,吏治混淆。陛下深居宮闕, 然羣工進言,猶蒙寬貸。乃輔臣時行則樹黨自堅,忌言益甚。不必明指其 致天下諛佞成風,正氣消沮。 夫營私之念

述其私,盡去其維天下之心,而益巧其欺天下之術。徒思邀福一身,不顧國禍,若而人者, 尚可俾相天下哉」」因歷數其十失,勸之省改。疏留中。尋進南京禮部郎中。 如 爲首輔。 具含殮,士大夫賻而治其喪。 、患得患失之心勝,而不可則止之義微。貌退讓而心貪競,外包容而中忮刻。私僞萌生, 彌著。 懲前專擅、矯以謙退,鑒昔嚴苛、矯以寬平。非不欲示休休之量,養和平之福,無 夫居正之禍在徇私滅公,然其持法任事,猶足有補於國。今也改革其美,而紹

屬浙江巡按御史奏請存問。 避權貴。十八年劾吏部尚書楊巍,被詰讓。里居尚書董份,大學士申時行、王錫爵座主也, 加隆禮,事遂寢。 萬國欽,字二愚,新建人。萬曆十一年進士。授婺源知縣。徵拜御史。言事慷慨,不 國欽言份諂事嚴嵩,又娶尙書吳鵬巳字之女,居鄉無狀,不宜

屋、士昌,而其黨陳與郊爲助。刑部主事吳正志上疏,言春開、與郊媚政府,干淸議,且論御 史林祖述保留大臣之非。 初,東部員外郎趙南星、戶部主事姜士昌疏斥政府私人。口給事中李春開以出位糾南 於是御史赫瀛集諸御史於朝堂,議合疏糾正志,以臺體爲辭。 國

列

傾 善類 與周孔敎獨不署名。 為事,我不能苟同。」臟氣奪,疏不果上,而正志竟謫宜君典史。奄人袁進等歐殺平 瀛大恚,盛氣讓國欽。國欽曰:「冠豸冠,服豸服,乃日以保留大臣

民,國欽再疏劾之。

敢朋奸誤國乃爾。」因列上時行納賄數事。 不及三十金,而殺掠何止萬計。 矣,何景古城全軍皆覆?甘肅巡撫李廷儀延賊入關,不聞奏報,反代請贖罪。 得。三邊總督梅友松意專媚敵。前奏順義謝恩西去矣,何又圍我臨、鞏?後疏盛誇戰績 絕和,時行必欲與和。蓋由九邊將帥,歲餽金錢,漫無成畫。寇已殘城堡,殺吏民,猶謂計 活生靈百萬。西寧之敗,肅州之掠,獨非生靈乎。是陛下意在戰,時行必不欲戰,陛下意在 撫失機,則以爲咎在武臣。封疆償事,督撫果無與乎。陛下言款貢難恃,則云通貢二十年, 輔臣於召對時乃飾詞欺罔。陛下怒賊侵軼,則以爲攻抄熟番。臨、鞏果番地乎。陛下責督 尚書行邊,實用以主款醆也。國欽抗疏劾時行,曰:「陛下以西事孔棘,特召輔臣議戰守,而 專務媚敵,使心驕意大,豈有壓足時。」時行等奉諭而退。未幾,警報狎至,乃推鄭洛爲經略 邊備廢弛,督撫乏調度,欲大有所振飭。時行以款貢足恃爲言。帝曰:「款貢亦不足恃。若 十八年夏,火落赤諸部頻犯臨洮、鞏昌。七月,帝召見時行等於皇極門,咨以方略,言 欲仍通市, 臣不知於國法何如也。 帝謂其淆亂國事,誣汚大臣,謫劍州判官。 此三人皆時行私黨,故 計馬牛布帛

初,國欽疏上,座主許國責之曰:「若此舉,爲名節乎,爲國家乎?」國欽曰:「何敢爲名

節,惟爲國事耳。卽言未當,死生利害聽之。」國無以難。

士趙志皐疏救,亦被譙責。國欽後歷南京刑部郎中,卒。 貶,不宜遷,切責光祖,而盡罷文選郎中王教,員外郎葉隆光,主事唐世堯、陳遴瑋等。 二十年,東部尚書陸光祖擬量移國欽爲建寧推官,饒伸爲刑部主事。帝以二人皆特

王敎,淄川人。 佐光祖澄清吏治。給事中胡汝寧承權要旨劾之,事旋白。 竟坐推國

飲、伸、斥爲民。

有私。 試,大學士王錫爵子衡爲舉首,申時行壻李鴻亦預選。 **慎行以**大壯文獨劣,擬乙置之。 及衡,請得覆試。 饒伸,字抑之,進賢人。萬曆十一年進士。授工部主事。十六年,庶子黃洪憲典順天 尚書朱廣、禮科都給事中苗朝陽欲寢其事。 錫爵疏辨,與時行並乞罷。帝皆慰留之,而從桂請,命覆試。 都御史吳時來及朝陽不可。 禮部郎中高桂遂發憤謫可疑者八人,並 禮部主事于孔兼疑舉人屠大壯及鴻 |桂直前力爭, 乃如[[行議], 列 禮部侍郎于

列傳第

不 桂 甲 三年,放逐賢士,援引儉人。 分優劣,蒙面 然置之選首。 稱憲長。 خ 伸 以上。 乃抗 請俱賜罷。」 時行 疏言:「張居正三子連占高科,而 與桂力爭,遂朦 子不 、錫爵調旨盡留之,且奪桂俸二月。 與試,則錄其壻,其他私弊不乏聞。覆試之日,多有不能文者。 今又巧護己私, 欺罔主上, 勢將爲居正之續。 龐挺請。 至錫爵計桂一疏,劍戟森然 輔臣子弟遂成故 **衡實有才名,錫爵大憤,復上疏極詆** 事。 ,乖對君之體。 洪憲更謂一 時來附權蔑紀, 舉不 錫爵 足重、居 時來罔 阿用

引 胡 於 奏辨求罷。 汝寧、御史林祖述等復劾伸及桂,以媚執政。 時行私第,時行仍封還。 疾歸,遂不復出。 伸 疏旣入, 旣斥, 於是詔諸司嚴約所屬,毋出位沽名,而削伸籍,貶桂三秩,調邊方,孔無得 錫爵、時行並杜門求去。而許國以典會試入場,閣中逐無一人。中官送章奏 朝士多咎錫爵。 熹宗即位, 起南京光禄寺少卿。 帝驚曰:「閣中竟無人耶。」 乃慰留時行等而 錫虧不自安,屢請敍用。 御史毛在又侵孔爺,謂桂 天啓四年累官刑部左侍郎。 起伸南京工部主事,改南京吏部。 下伸韶獄。給 疏 其所使。 魏忠賢亂 発。 孔兼 事 中

兄位。 累官工部右侍郎。 母年百歲,與伸先後以侍養歸。

う請告歸。

所輯學海六百餘卷,時稱其浩博。

贈 禮 時皆以爲 部 先 尚 是,任丘 書, 諡. 樂。 劉元震、元霖兄弟俱官九列,以母年近百歲,先後乞養親歸,與伸兄弟相類。 文莊。 元震,字元東,隆慶五年進士。 元霖,萬曆八年進士。 歷官工部尚書。 由庶吉士,萬曆中歷官吏部侍 福王開邸洛陽,有 郎。 所營建。 天啓中,

元霖

執奏,罷之。

卒,贈太子太保。

之。 萬曆十一年始成進士。授南京太常博士,就遷禮部主事。 聞顯祖 湯顯祖,字若士,臨川人。少善屬文,有時名。張居正欲其子及第,羅海內名士以張 及沈懋學名,命諸子延致。顯祖 謝弗往,懋學遂與居正子嗣修偕及第。 顯祖至

於外。 漁厚利。 威福之柄潛爲輔臣所竊,故言官向背之情,亦爲默移。御史丁此呂首發科場欺蔽,申時行 间 屬楊巍劾去之。 今日固已富貴矣。給事中楊文舉奉詔理荒政,徵賄鉅萬。 十八年,帝以星變嚴責言官欺蔽,並停俸一年。顯祖上言曰:「言官豈盡不肖,蓋陛 於是無恥之徒,但知自結於執政。 輔臣 |乃及其報命,擢首諫垣。 御史萬國欽極論封疆欺蔽,時行諷同官許國遠謫之。一言相侵,無不出之 給事中胡汝寧攻擊饒伸,不過權門鷹犬,以其私人, 所得爵祿,直以爲執政與之。 抵抗, 日宴西湖, 縦他日不保身名, **鬻獄市薦以** 下

列

傅

第

百

十八八

湯頭配

縣。二十六年上計京師,投劾歸。 聖政可惜也。乞立斥文舉、汝寧,誡諭輔臣,省愆悔過。」帝怒,謫徐聞典史。稍遷遂昌知 正 輔臣不越例予人富貴,不見爲恩,是成憲可惜也。陛下御天下二十年。前十年之政,張居 以爵祿植善類,今直爲私門蔓桃李,是爵祿可惜也。 **猥**見任用。 奪官。家居二十年卒。 剛而 多欲,以羣私人,囂然壞之。後十年之政,時行柔而多欲,以羣私人,靡然壞之。此 夫陛下方責言官欺蔽,而輔臣欺蔽自如。失今不治,臣謂陛下可惜者四。 又明年大計,主者議黜之。李維順爲監司,力爭不得,竟 羣臣風靡,罔識廉恥,是人才可惜也。 朝廷

督漕潍上,遣書迎之,謝不往。 顯祖意氣慷慨,善李化龍、李三才、梅國楨。 後皆通顯有建豎,而顯祖蹭蹬窮老。

曆五年進士,嘗官御史。 睢,故時行益貪戾,請並斥以謝天下。 顯祖建言之明年,福建僉事李琯奉表入都,列時行十罪,語侵王錫爵。 既斥歸,家居三十年而卒。 帝怒,削其籍。 甫兩月,時行亦罷。 琯, 豐城人。 言惟錫爵敢恣 邁

顯祖子開遠,自有傳。

至至 而 國之正。 高攀龍,御 不能匡 一尊親 臣 途 . 率 中立,字與權,聊城人。萬曆十七年進士。由行人擢吏科給事中。 裁。 好 教者爲竊位。 若所斥者果正 修 史吳弘濟 士,使跧伏田 臣謂所斥者非正人也,則斷 ,南部郎譚 大臣 人也,出於輔臣之調旨,而 野,誠可惜也。 以人事君之道,當 一召、孫繼有、安希 自宸衷,固陛下去邪之明,即擬 陛下怒言者,則曰『出股 如是乎?陛下欲安輔臣,則罷言者,不知言 范咸 有 心斥逐者爲妬賢,即出 以爭趙用賢 (之罷 獨斷」,輔 被斥,中立抗 自輔 遇事敢言。 於至尊之親裁 臣王錫 臣,亦 育亦日 大臣為 就日: 行人

朝輔

臣益不自安。」疏入,忤旨,停俸一歲。

臣 煩言滋起。 繼屏斥。 顧 以 |恐今而後,非如王國光、楊巍,則不能一日爲冢宰,非如徐一檟、謝廷寀、劉希孟,則不能 日 憲成等以會推閣臣事被斥,給事中盧明諏救之,亦貶秩。中立上言:「兩年以來,銓臣相 拾遺劾罷。 爲 尋 選郎。臧否混淆,舉錯倒置,使黜陟重典寄之權門,用舍斥罰視一時喜怒,公議壅閼, 進 兵科右給事中。 尙 此人才消長之機,理道廢興之漸,不可不深慮也。 書孫蠬去矣,陳有年杜門求罷矣,文選一署空曹逐者至再三,而 諸御史言不當召。而中立詆虞夔尤力,並侵錫爵,遂寢召命。 有詔修國史,錫爵舉故詹事劉虞夔爲總裁。 且會推閣臣,非自十九年始。 虞夔,錫爵門生也, 未幾, 憲成又繼之。 文選郎

列

妄激聖 IIII **摮情思** 與廷 皇祖 貶中立陝西按察司 推 二十八 亂, 怒, 祖宗並行已久。 卽揭救數語,譬之强笑,而神不偕來,欲以動聽難矣。 識者懷憂。 年廷推六員, 知事。 乃朝議紛紜若爾,豈得不長歎息哉 而張治、李本二臣用, 即今元輔錫爵之入閣, 亦會推也。 廷推必諧於僉議,特簡或由於私援。 引 疾歸,家居二十年卒。 熹宗時、贈光祿 」帝怒,嚴旨責讓,斥明諏爲民, 今輔臣趙志皐等不 方今疆場交聳,公私 少卿。 稽故典 蓋特簡 耗敝,

盧明諏,黃巖人。萬曆十四年進士。

而劾武 請大加 楊恂,字伯純,代人。 庫 郎 裁汰,不 劉黃裳侵耗罪。 ·用。 累遷戶 萬曆十一年進士。 黄裳卒罷去。 科都給事 中。 尋上節財 授行人, 擢刑科給事中。 朝鮮 用 四議,格不行。 兵, 冒破帑金不 貲。 錦衣冗官多至二千 |怕請嚴敕邊臣,

怕復 憂,而所憂有大於是者。 極 論 志皐 王 錫 志皐,並及張位。 朩 爵 謝 可不去。 政,趙志皐代爲首輔。 帝怒、責對狀。 許茂辉罷閒錦衣,厚齎金玉爲奸,被人緝獲。 其略曰:「今之議執政者,愈曰擬旨失當也, 體抗辭不屈,貶三秩,出之外,以論救者衆,竟斥爲民。 御史柳佐、章守誠劾之。 志皐乞罷,不許。 貪鄙無爲也。 使大臣清節素字,彼 御史冀體 是固可

昔積 龍 皐 責。 糾繩 用 者 欲。 安敢 胸 創 票擬耳』。 貧固 而 臆。 專擅之說以蠱惑聖聰,陛下入其言而疑之。 北非梓 防位 位 怨 茍 其餘 獻 |素負物望,乃所爲若斯, 納, ,則近日深讐也? 非顯斥於建白之時,則陰中於遷除之日。 兩 不 味 ·里姻 服, 如 、嚴飭陳于陛、沈一 者俱無當,則駁令更推,少不如意,譴 四緘及黃金五百、白金千、虎豹皮數十,不言所投。 其職 夫票擬,輔臣事也,而使小醜得 此 執政貪其重餌,與之交通。 親, Ŷ 也。 乃緝獲者被責,而行 則門牆密契也? 邇來進 如是而 朋黨之說以激聖怒,陛下納其譖而惡之。於是假託天威,肆行 貫,毋效二人所爲。」 且其機械獨深,朋 **猶謂言官結黨乎**? 如是 賄者不問。 而 以利動哉?可憂者二。 如近日綦江 猶 日吏部專擅 於是內託上意,外該廷推,或正或陪,惟 滴加 欲天下澄清,其可得耶? 邪日衆,將來之禍,更有難言者。 倘謂斷 可憂者四。 焉。 捕 倘謂: 乎? 獲奸人,得所投本兵及提督巡 自宸衷,無可 臣細詢播人,始囁嚅言曰 簡在 可憂者三。 首輔志皐 推陞者,吏部 帝 心,非政府 挽救, 言官,天子耳目, 日薄西山、固 可憂者 何所斥者 職也。 所預, 請罷志 楊應 意所 何断 邇來 捕 無 非 足 宿

品調 陝西按察經 疏 入,忤旨。 歷。 命鐫 引疾歸。 一級,出之外。 久之,吏部尚書蔡國珍奉詔起廢。 志皐、位疏辨,且乞宥恂,于陛、一貫亦 及恂,未召卒。 論教。 乃 以原

|冀體,武安人。被廢,累薦不起,卒於家。

阜、位私同年羅萬化爲吏部。 失,因疏志皐、位寢閣壅藏罪,不報。尋切諫三王並封,且論救朱維京、王如堅等,復劾志 其時以論志皐獲譴者又有朱爵,開州人。 坐謫山西按察知事,卒於家。天啓中,贈太僕少卿。 由在平知縣召爲吏科給事中。嘗論時政闕

部主事,進員外郎。請帝杜留中,錄遺直,舉召對,崇節儉。尋進郞中。 令公侯伯子弟及舉人盡入監肄業,詔皆從之。累官南京禮部尚書。 爲四川提學僉事。再轉福建提學副使,累遷南京國子監祭酒。請罷納粟例,復積分法,又請 土 姜士昌,字仲文,丹陽人。父寶,字廷善。嘉靖三十二年進士。官編修。不附嚴嵩,出 昌五歲受書,至「惟善爲寶」,以父名輟讀拱立。師大奇之。舉萬曆八年進士,除戶 嘗割田千畝以贍宗族。 以省親去。

已,因風霾,請早建國本。貴妃父鄭承憲乞改造父塋,詔與五千金。士昌言:「太后兄陳昌 選,旌苦節之士,重贓吏之罰。疏入,給事中李春開劾其出位。遂下詔禁諸司毋越職刺舉。 鄒元標、參政呂坤、副使卒三才素著直讜,宜拔擢以厲士節。 還朝,言吏部侍郎徐顯卿搆陷張位,少詹事黃洪憲力擠趙用賢,宜黜之以警官邪,主事 又請復連坐之法,慎巡撫之

|言止五百金,而妃家乃十之,何以示天下。] 弗納。稍遷陝西提學副使,江西參政。

三十四年,大學士沈一貫、沈鯉相繼去國。明年秋,士昌齎表入都,上疏言

於己所欲用所欲爲者,又無不可置力而得志,所不欲者,輒流涕語人曰「吾力不能得之 以便於擇所欲用,空言路以便於恣所欲爲,空天下諸曹與部院、言路等,使人不疑。至 義、注意拔擢者,皆擯不復用,甚則借他事處之。其直道左遷諸人、久經遷轉在告者, 恐天下林居貞士與己齟齬,一切阻遏,以杜將來。即得罪張居正諸臣,皇上素知其忠 皇上」。善則歸己,過則歸君,人人知其不忠。 一貫亦擯不復用。在廷守正不阿、魁磊老成之彦,小有同異,亦巧計罷之。且空部院 皇上聽一貫、鯉並去,輿論無不快一貫而惜鯉。夫一貫招權罔利,大壞士風吏道,

惇而三矣。然竟無一人以鯉、一貫之賢奸爲皇上正言別白者,臣竊痛之。 事傾害,非皇上聖明,幾至大悞。臣以爲輔臣若一貫憸邪異常,直合古今奸臣盧祀、章 山,金玉堆積;鯉家徒壁立,貧無餘貲,較一貫貪廉遠甚。一貫忠鯉邪正相形,借妖書 夫鯉不肥身家,不擇利便,惟以衆賢効之君,較一貫忠邪遠甚。一貫旣歸,貨財如

一次上海,一次一次,然器量編狹,嫉善如響。高桂、趙南星、薛敷教、張納陛、于孔 且一貫之用,由王錫爵所推轂。今一貫去,以錫爵代首揆,是一貫未嘗去也。錫

遺佚。謂宜如其所請,召還諸臣,然後敦趣就道,不然,恐錫爵無復出理也。 徐、高攀龍、孫繼有、安希范、譚一召、顧憲成、章嘉禛等一黜不復。 頃聞錫爵有疏請錄 他臣,以觸忤被中傷異同致罷去者,請皆以次拂拭用之。 貫諸臣,如劉元珍、龐時雍、陳嘉訓、朱吾弼,亦亟宜召復,以爲盡忠發奸者之勸。 至論劾一

宜 嘗罷傅應頑、余懋學、鄒元標、艾穆、沈思孝、吳中行、趙用賢、朱鴻謨、孟一脈、趙世卿 上也哉。 蒙遷擢,其後未有一言忤主,而謂皇上忽復怒之,而調之南,而錮不復用,豈不厚誣皇 曾、李復陽、羅朝國 會乾亨、馮景隆、馬應圖、王德新、顧憲成、李懋檜、董基、張鳴岡、饒伸、郭實、諸壽賢、 郭惟賢、王用汲等,後又嘗謫魏允貞、李三才、黃道瞻、譚希思、周弘禴、江東之、李植、 有清名,乃用其學術驅斥諸賢,竟以禍宋。 顧允成、彭遵古、薛敷敎、吳正志、王之棟等,旋皆擢用。 潔清之臣表率之。 說者謂皇上於諸臣,雖三下明詔,意若向用,寔未欲用者,臣獨以爲不然。皇上初 蓋皇上本無不用諸臣之心,而輔臣實決不用諸臣之策也。 、趙邦柱、洪文衡等於南京,亦俱漸還淸秩。 然古今廉相獨推楊綰、杜黃裳,以其能推賢薦士耳。 爲輔臣者可不鑒於此哉 頃年改調銓曹鄒觀光、劉學 而鄒元標起自戍所,累 說者謂俗流世壞,

其意以陰諷李廷機。 廷機大恚,疏辨曰:「人才起用,臣等不惟不敢干至尊之權,亦何敢侵

廣西 廷機 部 「僉事。 指 職。」士昌見疏,復貽書規之,廷機益不悅,然帝尚未有意罪士昌也。 昌 ,帝乃下士昌疏,命罪之。吏部侍郎楊時喬,副 好學,勵名檢。 御史宋燾論救,復詆一貫,刺 居恒憤 、時疾俗,欲以 廷機。帝益怒,謫燾平定判官,再謫 身輓之。 都御史詹沂 故雖居散僚, 請薄罰,不許。詔 數有論 會朱廣亦疏辨如 士昌 建, 興安典史。 竟齟 鐫三 一秩爲 阿姆以

士昌

一滴之明年,禮部主事鄭振先劾廣等大罪十二,亦鐫三秩,調邊方用

疏 天啓初,贈士昌太常少卿,廣光祿少卿。 斥首輔朱廣。 泰安人。 廷臣 萬曆二十九年進士。自庶吉士授御史, .繼有請,皆責備輔臣,其端自燾發也。 任氣好搏擊。出按應天諸府, 及坐謫,旋請假歸。 卒於家。

卿 分 南京右都御史沈子木年幾八十未謝政,孟禎並疏論之。 ,爲戶部尚書趙世卿所劾,詔鐫二秩。甫三日,而民逋悉完。 續 馬孟禎,字泰符,桐城人。萬曆二十六年進士。 授御史。 文選郎王永光,儀制郎張嗣誠,都給事中姚文蔚、 授分宜知縣。 大學士李廷機被劾奏辨, 鄒元標、萬國 陳治則, 將內召, 以附政府 欽輩亟 以征賦不及四 稱 耀京 之。

列

僔

第

飾五 旨。 尋陳愈商之害,發工部郎陳民志、范鈁黷貨罪。又陳通壅蔽、錄直臣、決用舍、恤民窮、急邊 抑之至死。秉政未幾,姜士昌、宋燾、鄭振先皆得罪。 仕 以來,初無大謬。 事。 猶不謂之謬哉。」王錫爵辭召,密疏痛詆言者。 請召用鄒元標、趙南星、王德完,放廷機還田里。 皆不報 孟順駁之曰:「廷機在禮部昵邪妄司官彭遵古,而聶雲翰建言作時, 孟禎及南京給事中段然並上疏極論 姚文蔚等濫授京堂,陳用賓等屢擬寬 則

山西、河南,比歲旱饑。民間賣女鬻兒,食妻啖子,鋌而走險,急何能擇。 章奏。 合羣,將爲豪傑之藉,此民情可慮也。」帝亦不省。 流別戶,入主出奴,愛憎由心,雌黃信口,流言蜚語,騰入禁庭,此士習可 三十九年夏,怡神殿災。 而疏入旨出悉由 內侍,其徹御覽與果出聖意否,不得而知, 孟禎言:「二十年來,郊廟、朝講、召對、面議俱廢,通下情者惟 此朝政可慮也。 虚也。 一呼四應,則小盜 畿輔 山東 臣子分

不得與。 冬,考選科道,中書舍人張光房,[三 言:「楚宗一獄,死者已多,今被錮高牆者,誰非高皇帝子孫,乃令至是。」皆弗聽。 獲陽件稅 吏部侍郎蕭雲舉佐京察,有所庇,孟禛首疏攻之。 監,下獄死,孟禛爲訟冤,因請貸卞孔時、王邦才 孟禎不平, 具疏論之。 是時三黨勢張,忌孟禛讜直,出爲廣東副使。 知縣趙運昌、張廷拱、曠鳴鸞、濮中玉,以言論 論者日衆,雲舉引去。 、滿朝薦、李嗣善等之在獄者,且 移疾不赴。 山海參將李 四十二年 作時,抑

天啓初,起南京光祿少卿,召改太僕。 以憂歸。 魏忠賢得志,爲御史王業浩所論,遂削

籍。崇禎初,復官。

孟禎少貧。 旣通顯,家無贏資。 惟衡趙世卿抑己,旣入臺卽疏劾世卿,人以爲隘。

汪若霖,字時甫,光州人。 父治,保定知府。 若霖舉萬曆二十年進士,授行人。

民變,殺稅使楊榮,韶從巡撫陳用賓言,〔三命四川丘乘雲兼領。〔四]若霖言:「用賓養成榮 津,而京軍十萬半虛冒,非計」。兵部尚書蕭大亨被劾求去,吏部議留,若霖力詆部議。 惡,今不直請罷稅,而倡議領於四川,負國甚。乞亟斥用賓,追寢前命。」皆不報。 三十三年擢戶科給事中。 言「有司貪殘,率從輕論,非律,邊吏竭脂膏,外媚敵,內媚要

而久不決、下數言之而上不斷者:中外大僚之推補,被劾諸臣之進退是也。 有上言之而 進禮科右給事中。自正月至四月不雨,若霖上疏曰:「臣稽洪範傳,言之不從,是謂不 積鬱成災,天人恒理。陛下安得漠然而已哉!時南京戶、工二部缺尙書,禮部缺侍 恒暘。 :中變者:稅務歸有司,權璫猶侵奪;起廢有明詔,啓事猶沉閣是也。 今郊廟宜親,朝會宜舉,東宮講習宜開,此下累言之,而上不從者也。又 凡此皆言不從 有上屢言之

列傳

第

不報 不能 郎, 不具者。 飭 如 廷 若霖言,所推悉報寢。 無 推故 私 若霖疏劾之,停其俸。 尚書徐元 請自今廷推勿以一人主持,衆皆畫諾。 泰 貴州巡撫郭子章、故詹事范醇敬。 兵部主事張汝霖, 中官楊致中枉法拷殺指揮鄭光耀, 大學士朱賡壻也。 宜籍舉主姓名,復祖宗連坐之法。」 若霖言:「三人不足任,且 典試山東, 若霖率同官列其十罪, 所取士有篇章 舉者 詔 申

如 恥 也。 亦 不省。 徒 禮 謙讓未遑,或以人言,輕懷去就,則陛下何賴焉。」廣乃緣若霖指,力請帝急行新 方今紀綱壞,政事壅,人才耗,庶職空,民力窮,邊方廢,宦豎橫,盜賊繁,士大夫幾忘廉 朱賡 義, 而 獨相,朝事益弛。 小民愁苦冤痛之聲徹於寓內。 若霖言:「陛下獨相一廣,而又畫接無聞,補牘莫應,此最大患 輔臣宜慨然任天下重,收拾人心,以効之當宁。 政。

廬。 年巡 視 若霖復言大臣比 五. 月朔,大雨雹。 庫 藏,見老庫止銀八萬,而外庫蕭然,諸邊軍餉逋至百餘萬。 周相倚, 小臣趨風, 其流 岩霖謂用人不廣,大臣專權之象,具疏切言之。 |益甚; 意復詆賡及新輔 李廷機輩也。 疏 已而京師久雨,壞田 請 集 議長策,亦 三十六

先是,吏部列上考選應授科道者,知縣新建汪元功、進賢黃汝亨、南昌黃一騰與焉。 賡

留中。

黨給事中陳治則推轂元功、汝亭。 若霖劾二人囂競,吏部因改擬部曹。 級,出之外。廷臣論救,皆不省。若霖遂出爲潁州判官,卒。 帝以言官紛爭,留部疏。廷臣屢請乃下,而責若霖首倡煩言,並元功、汝亭、一騰各貶 治則怒劾一騰交

所言之是非,閝臣之賢否,黑白判然,固非私怨惡之所得而加,亦非可盡委之沽直好事,謂 人言之不足恤也。 比者不容於淸議,而爭則名高。 贊曰:明至中葉以後,建言者分曹爲朋,率視閣臣爲進退。 故其時端揆之地,遂爲抨擊之叢,而國是淆矣。雖然, 依阿取寵則與之比,反是則

校勘記

戶部主事姜士昌疏斥政府私人 姜士昌,原作「張士昌」。 明史稿傳一一二萬國欽傳、 神宗實

改

張光房 原作「張先房」,據本書卷二二五鄭繼之傳及卷二五四孫居相傳、 明史稿傳一〇四鄭

列

傳

繼之傳及傳一三四孫居相傳、明進士題名碑錄萬曆辛丑科改。

韶從巡撫陳用賓言 陳用賓,原作「趙用賓」,據本書卷二一神宗紀、卷三〇五梁永傳、神宗實

錄卷四四九萬曆三十六年八月癸亥條改。

命四川丘乘雲兼領 丘乘雲,原作「丘承雲」,據本書卷三〇五梁永傳、神宗實錄卷四一九萬曆

三十四年三月己卯條改。

 万 五 し 言之不從是謂不乂 中劉向所撰洪範五行傳作「不义」。據改。 不义,原作「不入」。 明史稿傳一一四汪若馭傳作「不义」。 按漢書卷二七

列傳第一百十九

顧憲成 歐陽東鳳 吳炯 顧允成 張納陛 買躯 諸壽賢

彭遵古

錢一本子春 于孔爺 陳泰來 史孟麟 薛敷教

安希范 吳弘濟 譚一召 孫繼有 劉元珍龐時雍 葉茂才

張居正病,朝士羣爲之禱,憲成不可。同官代之署名,憲成手削去之。居正卒,改吏部主事。 顧憲成,字叔時,無錫人。萬曆四年舉鄉試第一。八年成進士,授戶部主事。 大學士

請告歸三年,補驗封主事。

列傳第

百

十九

顧

憲 成

政意。 十五年大計京朝官、都御史辛自修掌計事。 給事中陳與郊承風旨並論起鳴、自修,實以攻自修而庇起鳴。於是二人並罷,幷責 工部尚書何起鳴在拾遺中,自修坐是失執

六〇二九

御史糾起鳴者四人。憲成不平,上疏語侵執政,被旨切責,謫桂陽州判官。稍遷處州推官。

丁母憂,服除,補泉州推官。舉公康第一。

擢

在,不可得而爵。今欲並封三王, 元子之封何所係乎?無所係, 則難乎其爲名; 有所 子稱太子。天子繫乎天,君與天一體也;太子繫乎父,父子一體也。主鬯承祧,於是乎 係、則難乎其爲實。 廷臣言甚詳,皇上概弗省,豈皇上創見有加列聖之上乎。有天下者稱天子,天子之元 思之,「待」之一言,有大不可者。太子,天下本。豫定太子,所以固本。是故有嫡立嫡, 無嫡立長,就見在論是也,待將來則非也。我朝建儲家法,東宮不待嫡,元子不並封。 皇上因祖訓立嫡之條,欲暫令三皇子並封王,以待有嫡立嫡,無嫡立長。臣等伏而

之大患乎? 皇后與皇上共承宗祧,期於宗祧得人而已。皇上之元子諸子,即皇后之元 不然,是無東宮也。又幸而如皇上之英明可也,不然,凡皇子皆東宮也。 子孫以皇上爲法。皇上不難創其所無,後世距難襲其所有。自是而往,幸皆有嫡可也, 理順、於分稱、於情安,有何不得已而然乎。耦尊鈞大,逼所由生。皇上以祖訓爲法, 皇上以爲權宜云耳。夫權宜者,不得已而行之也。元子爲太子,諸子爲藩王,於 無乃啓萬世

子踏子。 恭妃、皇貴妃不得而私之,統於尊也。 豊必如輔臣王錫爵之請,須拜皇后 爲

母,而後稱子哉?

叩閽 納皇上於無過之地,乃眞擔當耳。不然,皇上且不能如天下何,而況錫爵哉! 也。 皇上猶責輔臣以擔當。 上封事者不可勝數,至里巷小民亦聚族而竊議,是孰使之然哉,人心之公也。 今日「待嫡」,是未可以歲月期也。 况始者奉旨,少待二三年而已,俄改二十年,又改於二十一年,然猶可以歲月期 命方布而忽更,意屢遷而愈緩。 自並封命下, 而

宗廟之福,社稷之慶,悉在是矣。 乞令皇元子早正儲位,皇第三子、皇第五子各就王爵。父父子子,君君臣臣,兄兄弟弟。 有 能爲皇上解者。皇上盛德大業,比隆三五。而乃來此意外之紛紛,不亦惜乎。伏 皇上神明天縱,非溺寵狎昵之比。而不諒者,見影而疑形,聞響而疑聲,卽臣等亦

憲成又遺書錫爵,反覆辨論。其後並封議遂寢。

錫虧欲用羅萬化,憲成不可,乃用陳有年。 星被斥,憲成疏請同罷,不報。 二十一年京察。吏部尚書孫蠬、考功郎中趙南星盡黜執政私人,憲成實左右之。及南 尋遷文選郎中。 後廷推閣臣,萬化復不與。 所推舉率與執政抵牾。 錫爵等皆恚,萬化乃 先是,吏部缺尚書,

列

獲推, 會帝報罷而止。及是,錫爵將謝政,廷推代者。 憲成舉故大學士王家屏,忤帝意,削

籍歸。事具有年傳。

卿,力辭不就。四十年卒於家。天啓初,贈太常卿。魏忠賢亂政,其黨石三畏追論之,遂削 憲成旣廢,名益高,中外推薦無慮百十疏,帝悉不報。至三十六年,始起南京光祿少

<u>崇</u>禛初,贈吏部右侍郎,諡端文。

著,而忌者亦多。 焉。」故其講習之餘,往往諷議朝政,裁量人物。朝士慕其風者,多遙相應和。由是東林名大 憲成嘗曰:「官輦轂,志不在君父,官封疆,志不在民生,居水邊林下,志不在世道,君子無取 中,學者稱涇陽先生。當是時,士大夫抱道忤時者,率退處林野,聞風響附,學舍至不能容。 體」之說。邑故有東林書院,宋楊時講道處也,憲成與弟允成信修之,常州知府歐陽東鳳與 無錫知縣林宰爲之營構。落成,偕同志高攀龍、錢一本、薛敷教、史孟麟、于孔兼輩講學其 憲成姿性絕人,幼卽有志聖學。 暨削籍里居,益覃精研究,力闢王守仁「無善無惡心之

實。 者大華。而其時于玉立、黄正賓輩附麗其間,頗有輕浮好事名。 兆魁騰疏攻憲成,恣意誣詆。 旣而淮撫李三才被論,憲成貽書葉向高、孫丕揚爲延譽。御史吳亮刻之邸抄中,攻三才 謂滸壓有小河,東林專其稅爲書院費,關使至 徐光魁之徒遂以東林 東林朝以

成,小人卒大熾,禍中於國,迄明亡而後已。 日。 勘熊廷酮者,抗論張差梃擊者,最後爭移宮、紅丸者,忤魏忠賢者,率指目爲東林,抨擊無虛 絕,比憲成歿,攻者猶未止。凡救三才者,爭辛亥京察者,衞國本者,發韓敬科場弊者,請行 講學爲戒,絕口不談孔、孟之道,國家正氣從此而損,非細事也。」疏入,不報。嗣後攻擊者不 談時政,郡邑行事偶相左,必令改圖,及受黃正賓賄。其言絕無左驗。光祿丞吳炯上言爲一 書招之,卽不赴,亦必致厚飽,講學所至,僕從如雲,縣令館穀供億,非二百金不辦,會時必 一致辨,因言:「憲成貽書救三才,誠爲出位,臣嘗咎之,憲成亦自悔。今憲成被誣,天下將以 借魏忠賢毒焰,一網盡去之。殺戮禁錮,善類爲一空。崇禎立,始漸收用。而朋黨勢已

抗之。 於上官不應,遂自疏於朝。坐越奏停俸,然竟如所請。屢遷南京刑部郎中,擢平樂知府。撫 諭生瑶,皆相親如子弟。 縣令憫其貧,遺以田二百畝,謝不受。萬曆十七年成進士,除興化知縣。大水壞堤,請振 歐陽東鳳,字千仞,潛江人。年十四喪父,哀毀骨立。母病嘔血,跪而食之。舉於鄉, 以才調常州。 居四年,謝事歸。 布帷瓦器,胥吏不能牟一錢,擒奸人劇盜且盡。 因白督學監司,擇其俊秀者入學,瑤漸知禮讓。 起山西副使,擢南京太僕少卿,並辭不就。 憲成輩講學,爲建東 卒於家。 稅使橫行,東鳳力

列

僕 卿 o 置義田以贍族人。郡中貧士及諸生赴舉者,多所資給。嘗輸萬金助邊,被詔旌獎。 歸。 恬靜端介,不驚榮利。家居十二年,始起故官。久之,進光祿丞。天啓中,累遷南京太 吳炯,字晉明,松江華亭人。萬曆十七年成進士,授杭州推官。入爲兵部主事,乞假 魏忠賢私人石三畏追論炯黨庇憲成,落職閒住。崇禎初,復官。烱家世素封。無子,

陛下一。二則易間,一難圖也。」執政駭且恚,置末第。 罔上行私,陛下以為不足信,而付之二三匪人。恐居正之專,尙與陛下二。此屬之專,遂與 妃,非報罷則峻逐。或不幸貴妃弄威福,其戚屬左右竊而張之,內外害可勝言。頃張居正 策中有曰:「陛下以鄭妃勤於奉侍,册爲皇貴妃,廷臣不勝私憂過計。請立東宮,進封王恭 顧允成,字季時,憲成弟。性耿介,厲名節。舉萬曆十一年會試,十四年始赴殿試。

偉 人。 始寰疏出,朝野多切齒。 賢抗疏劾之,略言:「寰妬賢醜正,不復知人間羞恥事。 會南畿督學御史德清人房寰,連疏詆都御史海瑞,允成不勝憤。偕同年生彭遵古、諸壽 寰大肆貪汗,聞瑞之風,宜愧且死,反敢造言逞誣,臣等所爲痛心。因劾其欺罔七罪。 而政府庇之,但擬旨譙讓。及得允成等疏,謂懷已切讓,不當出位 臣等自幼讀書,即知慕瑞,以爲當代

貪, 廢。 鄒 絾 言矣,小 令堂官鉗束之。 言 妄奏,奪三人冠帶,還家省愆,且令九卿約束辦專進士,毋妄言時政。 智、孫 默 寰亦訐 取容。 震復詆瑞及思孝,其言絕狂 、磐、張 臣 年 鼎 又不許言。 此 來,今日以建言防 思請 風 | - - | | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - - | - | - - | - | - - | - | - - | - | - | - | - | - | - | - | - | - | - | - | - | - | - | - | - | - | - | - | - | - | - | - | - | - | - | - | - | - | - | - | - | - | - | - | - | - | - | - | - | - | - | - | - | - | - | - | - | - | - | - | - | - | - | - | - | - | - | - | - | - | - | - | - | - | - | - | - | - | - | - | - | - | - | - | - | - | 夫禁其作奸犯科 一開,流弊何 寄事。 萬一 諸給事中不平,連章攻震,寰與鼎思 權 奸 極。 人,明 誕。 擅 可 諫官避 朝,傾危宗社,陛下安從聞之。 也,而 日 自 以 是獲罪清議,出 越職加 洞 反禁其識言直 希寵 人罪, 不言矣,庶官 且 爲江 一移牒 凍; 一西副 敎 諸 並 又不當言; 其砥行立 一謫,遂不 司 使。 約禁,而 臣 歷稽先朝故事 南京太僕卿沈思孝上 給 入,忤旨被責,三人遂 ·復振 事 節 中張 大 進士 可 臣 也, . 持 鼎思劾 觀 禄 加 政 T,練網、 養交不 反教 者、 其奸 以 復

莫不引 得 輔 然 岳 歷 趙 獨 專之,而陛下安得創之。 元 任 任 聲 志皐、張位 南康、保定。 **外之,南京御** 一,臣 合 領。 疏 等實喜 諫曰:一册立大典,年來無敢再瀆者,以奉二十一年舉行之明詔。兹旣 而 元 亦 輔 ネ 且慰。 史陳邦科 入爲國子監博 王錫爵星駕趣朝,一 ·預聞。 不意陛下出禁中密札,竟付錫爵私邸,而三王並封之議 請錄 當是時,光祿丞朱維京、給事中王如堅疏先入。帝震怒,戍極邊。 夫天下 甪 士 事非一家私議。 ,遷禮部主事。 允成等, 不許 見禮部 尚書羅萬化、儀制郎 三王並封制下,偕同官張納陛、工部 巡按 元子 御史復言之,詔許 ·封王,祖宗以來未有 于孔兼,即戒之弗言,慨 以 教授用。 此 禮,錫爵安 遂成;即次 屆 期,羣臣 主事 允

列

傳

維京 同官涂 杰 主 學會繼之,斥爲民。 及是諫者益衆,帝知不可盡斥,但報「遵旨行」。 已

而竟寢。

不復出。 爵。 納陛 未幾,東部尚書孫鑨等以拾遺事被責。 亦 抗章極 一論,幷侵附執政者。 帝怒,謫允成光州判官,納陛鄧州判官。 允成謂閣臣張位 實為之,上疏力抵位,因及錫 皆乞假歸

孟 生 麟、吳正志爲麗澤大會,東南人士爭赴之。 平尙風 納陛,字以登,宜興人。年十六,從王畿講學。舉萬曆十七年進士。由刑部主事改禮部。 節。 鄉邑有利害,輒爲請於有司 而 後已。 東林書院之會,納陛與焉。 又與同邑史

投劾歸,卒。 時與允成等同以部曹爭三王並封,又爭拾遺事者,戶部主事職人賈巖,亦貶曹州判官。 天啓中,贈允成、納陛光祿 少卿,巖尚寶丞。

不奏。 諸壽賢,字延之,崑山人。 既斥歸。久之,起南陽教授。 旣釋褐,上疏 入 、為國子助教,擢禮部主事。 願放 歸田,力學十年,然後從政。 戚里中貴干請,輒拒之。 章下所司,寢

彭遵古、麻城人、終光祿少卿。

遘疾,請告歸,授徒自給。

久之 卒。

西巡按祝大舟貪墨狀,大舟至遣戍。已,論請從祀曹端、陳眞晟、羅倫、羅洪先於文廟。出按 錢一本,字國瑞,武進人。萬曆十一年進士。除廬陵知縣,徵授御史。入臺卽發原任江

廣西。

帝以張有德請備大禮儀物,復更册立東宮期,而申時行柄國,不能匡救。一本上論相、

建儲二疏。其論相曰:

皇上斷謂之聖旨,時行斷亦謂之聖旨。 之遺,遇有章奏,閣臣宜各擬一旨。今一出時行專斷。 昨俞旨下輔臣,令輔臣總政。 夫朝廷之政,輔臣安得總之。內閣代言擬旨,本顧問 惟嫌怨所在,則以出自聖斷爲言,罪何可勝誅 皇上斷者十一,時行斷者十九。

所當論者一。

盡留中不下。 評事雒于仁進四藥之箴,陛下欲見之施行,輔臣力勸留中。旣有言及輔臣之章,亦 道吾君以遂非文過如此,復安望其盡忠補過耶?所當論者二。

人指摘者,除名改廕。 科場弊竇,汙人齒頰,而敢擬原無私弊之旨,以欺吾君。臣請執政子弟有 又與見從仕籍者,暫還里居,俟父致政,乃議進止。 毋令犬馬報 中 式 而被

第一百十九 錢一本

列傅

主之心,不勝其牛馬子孫之計。所當論者三。

門受賂自執政始,而歲歲申餽遺之禁何爲哉?所當論者四。 大臣以身殉國,安復有家。 乃以遠臣爲近臣府庫,又合遠近之臣爲內閣府庫。 開

言公,當與天下公言之,所言私,忠臣不私。 類具揭帖以進,雖格言正論,讜議忠謀,已類斜封密啓之爲,非有公聽並觀之正。 怨之所由,示威福之自己。所當論者五。 墨 敕 (斜封,前代所患;密啓言事,先臣弗爲。今閣臣或有救援之舉,或有密勿之謀, 奈何援中書之故事,啓留中之弊端,昭恩 況所

者六。 之權,歸一人掌握,而六卿又頫首屛氣,唯唯聽命於三公,必爲請敎而後行也。 所當論 我國家傲古爲治,部院卽分職之六卿,內閣卽論道之三公。未聞三公可盡攬六卿

多疾爲辭,是何保也。其兼銜必曰太子之師、傅、保,而册立皇元子之儀,至今又復改 帑匱乏,私藏充盈,不能一爲救正,是何傳也?保,保其身體。今聖躬常年靜攝,尚以 遲〕臣不知其所兼者何職矣。所當論者七。 三公職在論道。師,道之敎訓。今講幄經年不御,是何師也?傅,傅之德義。今外

翰林一途,謂之儲相。累貲躡級,循列卿位,以覬必得。 遂使國家命相之大任,

閣 敗不止。嵩之鑒不遠,而居正蹈之,居正之鑒不遠,而時行又蹈之。繼其後者庸碌罷 駑,或甚於時行,編隘執拗,又復爲居正。若非大破常格,公天下以選舉,相道終未可 僅爲閣臣援引之私物。 表裏。始進不正,安望其終。故自來內閣之臣一據其位,遠者二十年,近者十年,不 庸者習軟熟結納之態, 黠者恣憑陵侵奪之謀。 外推內引, 璫

爲奸、爲邪、爲浮薄,必詈之爲讒、爲謗、爲小人。目前之耳目可塗,身後之是非難罔。 先民詢芻蕘之言,明王設誹謗之木。今大臣懼人攻己,而欲鉗天下之口,不目之

所當論者九。

言。所當論者八。

其姑息委靡,而賢愚共貫。前之政自居正總,今之政自時行總,而皆不自朝廷總故也。 坑,滔滔而莫之止。是故陛下之治,前數年不勝其操切慘刻,而勢焰爍人,後數年不勝 所當論者十。 旣無難進易退之節,天下安有頑廉懦立之風。舉一世之人心風俗,糜爛於乞墦登壟之 耐彈忍辱,必老死於位而後已。古所謂元老大臣,乃如是其不知進退存亡者耶?大臣 君臣之分,等於天地。今上名之曰總政,己亦居之曰總政。以其身居於寵利之極,

然君道莫先論相,而取人亦在君身,願陛下勿以國本爲兒戲。昔孔子以九經告君,

列

陛 而 下之方寸,臣知其不能自持者多矣,抑何以貴德尊士,而修身取人哉! 決 · 先之修身、勸賢。 大抵讒夫女謁貨利之交,一有惑溺,則內之心志決不淸明,外之身 不强固。 矧以豔處之褒姒,而爲善譖之驪姬,狐媚旣以蠱其心,鹿臺又復移其志。

其論國本曰:

惑日深,剛斷日餒,事體日難。此世宗時所無也。 功。此世宗時所無也。傳聞陛下先曾失言於皇貴妃,皇貴妃執此爲信。及今不斷,蠱 倘一日遂其奪嫡之心,不審陛下何以處此。此世宗時所無也。景王就封,止皇考一人 在京。今則章服不別,名分不正。弟旣憑母之寵而朝夕近倖,母又覬子之立而日夜樹 必依於母,皇元子之母壓於皇貴妃之下。陛下曰「長幼有序」,皇貴妃曰「貴賤有等」。 慮,無一日而不萌奪嫡之心,無一日而不思爲援立其子之計。此世宗時所無也。 皇考爲裕王,非終不立太子也。矧今日事體又迥然不同。皇貴妃寵過皇后。其處心積 陛下所以遲遲建儲者,謂欲效皇祖世宗之爲耳。然皇祖中年嘗立莊敬爲太子,封 凡子

無一人言及,則佯爲不知,以冀其遲延。有一人言及,則禦之曰「此來激擾我也」,改遲 年。明年又一人言及,則又曰「此又來激擾我也」,又改二三年。必使天下無一人敢 前者有旨不許諸司激擾,愈致遲延,非陛下預設機穽,以禦天下言者乎!使屆期

亂。 言而後已,庶幾依違遷就,以全其袵席昵愛之私,而曾不顧國本從此動搖,天下從此危 臣以爲陛下之禦人至巧,而爲謀則甚拙也。 此等機智不可以罔匹夫匹婦,顧欲以

欺天下萬世耶!

疏入,留中。

預剋卒日,賦詩誌之,如期而逝。 天啓初,贈太僕寺少卿。 經,濂、洛諸書,尤研精揚學。 所逞之詞根托一本,造言誣君,搖亂大典,遂斥爲民。 時廷臣相繼爭國本,惟一本言最戆直。 與顧憲成輩分主東林講席,學者稱啓新先生。里居二十五年, 帝銜之。 屢薦,卒不用。 一本旣罷歸,潛心六 無何,杖給事中孟養浩。中旨以養浩

湖廣 且備 至。 李三才,因痛詆顧憲成。春三疏首發其儉邪。 顧 憲成 地為 咸寧 陳採權之害,言:「臣不忍皇上聽小人之謀,名出漢桓、唐德下,爲我明基禍之主。」帝以 子春,字若木,萬曆三十二年進士。 卹 福王 知 典。 縣滿 楚宗人以訐偽王事,錮高牆者甚衆,春爲訟冤,尋復請釋回故宗家屬,語甚切 莊 田。 朝薦久繫,奏請釋之,因請幷釋王邦才、卞孔時。 |春三疏力爭,帝降旨切責。 歷知高陽、獻二縣,徵授御史。 出按湖廣,請予禮部侍郎郭正域及光祿少卿 又再疏劾守備中官杜茂, 太僕少卿徐兆魁攻

列傳

第

從哲 寶 辨乞去。 聞 王家屏、沈鯉,又俱不信用。其餘大抵庸惡陋劣,奸回娼嫉之徒,不意至從哲而 少卿,歷遷光祿卿。五年,魏忠賢黨門克新劾春倚恃東林,父作子述,削籍歸。 從哲每向人言,輒云內相之意,是甘爲萬安、焦芳,曾趙志皐、沈一貫之不若也。」從哲疏 不能救正,而第於福王則無事不曲從。臣嘗歎皇上有爲堯、舜之資,而輔佐無人。僅得 向 帝慰留,而責屠妄言瀆奏,出爲福建右參議。尋丁父艱。天啓初,起故官。召爲尙 高 致政去,方從哲爲首輔。春抗疏言:「今天下人材則朝虚野實,貨財則野虚朝實。 風益下。 臣

景文等疏救,春名與焉。 策,幷論賊三可擊狀。帝如議敕行。十一年,黃道周、劉同升等諫楊嗣昌奪情,被貶謫。 職無咎。 會上疏請改折白糧,忤旨,罷歸。 是年卒。 未幾,起南京戶部尚書。疏請皇太子出閣,從之。 崇禎九年召拜通政使。遷戶部右侍郎,歷尚書。總督倉場,條行釐弊十事。以勞瘁予 明年正月削景文籍,置春不問。 累疏引疾,不允。九年條上戰守之 |春爲御史,甚有聲。及居大僚,循 范

疏論都御史吳時來晚節不終,不當諡忠恪,因請諡楊爵、陳瓚、孟秋。 于孔氣,字元時,金壇人。萬曆八年進士。授九江推官。入爲禮部主事,再遷儀制郎中。 乃奪時來諡,而諡爵

忠介。

圖 再見於今,此宗廟之不利,非直臣等憂也。」帝得疏,怒甚。已,竟留中。 獲罪於陛下也。 之言,反重諫官之罰。 耶。 大學士王家屛以爭册立求去。 自陛下有近日之舉,而善類寒心,邪臣鼓掌。 輔臣於數千里外,能遙制朝權若此,毋乃陛下以此示恩,欲其復來共成他 且移怒吏部,削籍三人。夫萬國欽獲罪申時行,饒仲獲罪王錫爵,非 孔兼上言:「陛下徇內嬖之情,而搖主鬯之器。不納輔臣 將來逢君必巧,豫發無期,申生、楊廣

盛 歷考祖宗以來,未有虛東宮之位以候嫡子者。昔陛下正位東宮,年甫六歲,仁聖皇太后方在 |年,先皇帝曾不少待,陛下豈不省記乎? 地逼則嫌生,禮殊則分定。願收還新諭,建儲、封 時並舉、宗社幸甚。」未報。 明 年正月,有韶並封三王。孔兼與員外郎陳泰來合疏爭曰「立嫡之訓,自古有之。然

者,何以服人心,昭國法?臣又惟巫蠱之謗啓於堯母,承乾之誅成於偏愛。 不窺人君之隙而逢迎以遂其奸者。 逢上意者,小人也。 之罪。 孔兼又言:「陛下堅持待嫡之說,旣疑摹臣謗訕,又謂朝綱倒持,遂欲坐諫者以無禮於 夫謂元子當立不容緩者,君子也。 此無禮於君者,許夢熊一人是也。今欲以無禮之罪,而加之有禮於其君 始錫爵之兩諭並擬,其負國悞君大矣。 此有禮於君者,王如堅諸人是也。謂並封可行 自古亂臣、未有 旣不能轉移君

列傅

百十

九

于

臣 不足塞責矣。 **感学之未至。** S) 多諫者,其事竟寢。 決計於初,乃以杜門求去爲計。 人謂! 若姑云徐徐,坐視君父之過舉,錫爵縱不爲宗社計,獨不爲身名計乎。」會廷 錫爵言無不盡,特苦陛下聽斷之不行。 夫前無失策,一去可以成名。 臣則云陛下悔心已萌,特憂錫爵 失而後爭,爭而 不得,雖去

泰來饒平典史。 亡何,考功郎中趙南星坐京察削籍。 孔兼投牒歸。 家居二十年,杜門讀書,矩矱整肅,鄉人稱之無間言。 孔兼、泰來各疏救。 帝積前 恨,謫孔兼安吉判官

與言路相水火,上書規之,坐是五年不調 泰來,字伯符,平湖人。年十九,舉萬曆五年進士,授順天教授,進國子博士。 見執政

帝 謫 卒,年三十六。 世臣,御史襲懋賢、蔡系周、孫愈賢、吳定,而盛稱吳中行、趙用賢、沈思孝、李植諸人。忤旨, 以 大同典史。 應 南京禮部郎中馬應圖,泰來同邑又同年生也,十三年上疏譏切執政,又力詆給事中齊 圖 旣貶不問。 給事 天啓中, 中王致祥、御史柴祥等希執政意,復連章劾應圖,且言泰來爲 泰來引 孔兼 疾歸。 、泰來俱贈光祿 久之, 起禮 少 部主 卿 事,進員外郎。 疏請建儲,不報。踰年遂 點定奏章。

于氏爲金壇望族。 孔兼祖湛,戶部侍郎。 兄文熙,大名兵備副使。再從弟仕廉,南京戶

自約 李春開三疏計南星、士昌妄言。帝止下春開疏,而留南星、士昌奏不發。給事中王繼光、萬 洪憲典試作好,左都御史吳時來沮抑言路。 孟麟竟自引歸。 相繼劾兩人,并及副都御史詹仰庇。執政滋不說。吏科都給事中陳與郊素附執政,屬同官 不平,復抗章論時來等,詞甚峻切。 史孟麟,字際明,宜興人。萬曆十一年進士。授庶吉士,改吏科給事中。疏劾少詹事黃 春開亦謝病去,後以考察罷。 孟麟亦上疏力攻春開,語幷侵執政,因求罷,不許。 執政庇之,格不行。員外郎趙南星、主事 孟麟尋召爲兵科右給事中。 姜士昌

見,類奏以聽上裁,則始以一部之事,分而散之於諸司,究以諸司之權,合而收之於禁密。事 令?曩太祖罷中書省,分設六部,恐其專也,而官各有職,不相侵越,則又惟恐其不專。蓋以 孟 久矣。陛下更置輔臣,與天下更始,政事歸六部,公論付言官,天下方欣欣望治,奈何忽有此 **| 麟疏爭曰:「自臣通籍以來,竊見閣臣侵部院之權,言路希閣臣之指,官失其守,言失其責** 事任一官,則專不爲害,即使敗事,亦罪有所歸。 二十年,大學士趙志皐、張位言「凡會議會推,並令廷臣類奏,取自上裁,用杜專權」。 此祖宗建官之意也。今令諸臣各書 所

列傳第

百十九

史孟麟

雖上 **勢其咎**? 正者,夤緣爲奸,授意外廷,小人趨承,扶同罔上,朝廷不得察其非,當官不能爭其是,又誰 裁,旨由閣擬。 臣竊謂政權分之六部,不可以爲專。惟六部不專,則必有專之者。 脫有私意奸其間,內託上旨,外諉廷言,誰執其咎?又 脫 是乃收攬威權 有馮保、張居

引疾歸。召拜太僕少卿,復以疾去。 別白尤力。尙書孫鑨、考功郎中趙南星掌癸巳京察,孟麟實佐之。南星以讒言斥,孟麟亦 再遷吏科都給事中。 三王並封議起,孟麟、于孔兼等詣王錫爵邸爭之。又進或問一篇,

之漸,必不可從也。」忤旨,不納。

立,稍遷南京禮部主事。 擊事,疏請册立皇太孫,絕羣小覬覦之望。 孟麟素砥名節,復與東林講會,時望益重。家居十五年,召起故官,督四夷館。 累擢太僕卿,卒。 且救御史劉光復。 帝怒,謫兩浙鹽運判官。熹宗 會親挺

功郎 中, 薛 敷教,字以身,武進人。祖應族,字仲常。嘉靖十四年進士。由慈谿知縣屢遷南京考 主京察。 大學士嚴嵩嘗爲給事中王曄所刻,囑尚寶丞諸傑貽書應族,令黜曄。 應

判。 百 不 年 失 歷 進士,與高 浙 0 江 以 提學副 大計 攀龍同 龍 使。 歸 ,顧憲成 應旂雅工場屋文字,與王鏊、唐順之、瞿景淳齊名。 出趙南星門,益以名教自任 兄弟方少,從之學,敷敎遂與善,用風節相 期許 其閱 文所品 及舉萬曆 題,

可救 罷斥。 國是。 薄罰 來因請力 慮 建言諸臣,帝亦不問 大學士 詖,又故繩庶寀,以崇九列,塞主 也。」時來亦乞休,力詆敷敎及主事饒伸。 止。 未爲 會 申 因 南 詔 申飭憲規,蕃臣坐停俸。 言 方今京師訛言東南赤旱,臣未爲憂,而 過。 時行等疏言:「故事,御史建白,北京即日投揭臺長,南京則 京 敷 敎 御史王藩臣疏劾巡撫周繼,不具揭都察院,爲其長耿定向 邇來 歸 必如敷敎言,將盡抑大臣 ,省過三年,以敎職用。 建言成風,可要名,可 敷教 上聰明。 上言:「時來壅遏言路,代人 而後可耶?」副都御史詹仰庇劾敷教煽惑人 '躐秩,又可掩過,故 大學士許國 宜嚴黨邪之禁,更易 帝慰留國、時來。 獨憂此區 以敷教 區者,彼止一時之災,此則世道之 人競趨之為捷徑,此 其門生而 都給事中陳與郊復上疏 兩都臺長,以清 狼噬。而二三輔臣 以三日。 所劾。 疏語侵己,尤憤 左都御 藩臣 風 風旣成,莫 憲。」疏上, 心,淆 廢故事, 曲曲 史吳時 了自請 學險 極 亂

以救南星,謫光州 一十年夏,起敷教鳳翔 學正。 省 母歸,遂不復出 教授,旋遷 國子助敎。 明年力爭三王並封,又上書王錫爵。

列傅第一百十九 薛敷教

用敷教言而止。後與憲成兄弟及攀龍輩講學。卒,贈尚寶司丞。 敷教禔身嚴苦,垢衣糲食,終身未嘗受人饋。家居二十年,力持淸議,大東有舉動, 多

安希范,字小范,無錫人。萬曆十四年進士。授行人。遷禮部主事,乞便養母,改南京

吏部

降斥之後,陽爲申救以愚天下耳目,而天下早已知其肺腑矣。吳弘濟辨別君子小人,較若蒼 旨下部科勘議,未嘗不是攀龍非應宿。及奉處分之詔,則應宿僅從薄謫,攀龍反竄炎荒 高攀龍一疏,正直和平,此陛下忠臣,亦輔臣諍友。至如應宿辨疏,塗面喪心,無復 表。鑓、世達先後去國,順亦堅懷去志,天下共惜諸臣不用,而疑閣臣娼嫉不使竟其用也。 窺意指,交章攻擊。至如孫雖之淸修公正,李世達之練達剛明,李禛之孤介廉方,並朝廷儀 臣誤國不忠,無甚於此。 爲選郎,秉公持正,乃次第屏黜。趙用賢節概震天下,止以吳鎭豎子一疏而歸,使應宿、材得 御史吳弘濟復爭,亦被黜。希范上疏曰:「近年以來,正直之臣不安於位。趙南星、孟化鯉 二十一年,行人高攀龍以趙用賢去國,疏爭之,與鄭材、楊應宿相訐。攀龍謫揭陽典史。 乃動輒自文,諉之宸斷。 坐視君父過舉,弼遠補袞之謂何!苟俟 人理。明

挾私 乞陛 素,乃與攀龍 植 下 黨,仇視正 立 斥應宿 相 繼 、材、為 得罪。 人。 則 小人媚竈之戒;復攀龍、弘濟官, 相 臣之所惜 業光而 , 聖德亦 不 爲二臣,正恐君子皆退, 光矣。」時南京刑部郎 以獎忠 中譚 良; 幷嚴 小人皆 一召、主事 進, 諭 誰 閣 爲 臣 孫繼有方 受其 王 錫 爵 禍 二,無 者 以

希 范恬靜簡易 ,與東林講學之會。 熹宗嗣位,將起官,先卒。 贈光祿少卿。 劾

錫爵被

譴

希范

疏

入,帝怒,斥爲民。

爲 以 大 民。 論 理 | 卿吳定 應宿 吳弘 未幾卒。 、攀龍 濟,字春陽,秀水人。 戎政侍 事 熹宗 · , 貶二 秩調 郎 時 郝杰、薊遼總督 ,贈官如 外。 希范同年進士。 希范 王 錫 顧 爵等疏 養謙 救、給 不納 由蒲圻 事 0 、御史、 三王並 知縣擢 執政疏 封 御史。連劾福建巡 詔 下,偕 毎上, 同 官抗 輒 重 疏 |其罰,竟斥 撫 爭 司 汝濟、 旣 而

孔兼 攀龍 救 怒 心 弘 横 、弘濟之黜,一 濟 薛 譚 (生,觸 則 一召,大庾人。孫 敷 罰 教 鄭 、張納 事 輒 材 傾陷善類 發,又安知是 陛等以申救 何 甚 也。 繼有 一 而 餘姚 自趙南 而斥 非 朏 罰 公論 人。一召疏曰:「輔臣國爵再輔政以來,斥逐言者 不加,何其舛也。 ,孟化鯉等以推 星秉公考察,錫爵含怒積憤。 耶 」繼有疏日 張 一吳弘濟救攀龍 棟 今所指爲攀龍罪者,以攀龍謂 而斥,李 世達、孫鑨 故 南 則黜,黃紀賢 星 掛 叉 相 彈 繼 軰 無虚 、吳文梓 罷 丽 唑 去矣。 斥, 厅 下 月。

列

傅

第

百

+

九

安

郛

給事中葉繼美疏救二人及希范。帝益怒,并除繼有名,遣官逮希范、一召,奪繼美俸一 |錫爵力救,詔発逮。 諸人遂廢於家。 龍,出股獨斷。 危所係,乃以匪人<u>石星、宋應昌任之,豈不</u>悞國家大計哉」」與<u>一</u>召疏並上。帝怒曰:「近罪攀 親一事,批答盡出輔臣。 小臣無狀,詆誣閣臣,朋好黨惡,不可不罪。其除一召名,謫繼有極邊雜職。」 然疏內初無此語,何以服攀龍心。然此猶小者耳。本兵、經略,安 繼有終知府。

起南京職方,釐汰老弱營軍,歲省銀二萬有奇。 劉元珍,字伯先,無錫人。萬曆二十三年進士。 初授南京禮部主事,進郎中,親老歸

純鷹犬。 機,非細故也。」疏奏,留中。 近見夢皐有疏,每以黨加人。從古小人未有不以朋黨之說先空善類者。 貫密為地,詔給事、御史被黜者皆留,且不下察疏。 以來,比暱儉人,叢集奸慝,假至尊之權以售私,竊朝廷之恩以市德,問上不忠,孰大於是! 三十三年京察。 疏皆不報。 未幾,敕諭廷臣以留用言官之故,貶元珍一秩,調邊方。 吏部侍郎楊時喬、都御史溫純、盡黜政府私人錢夢皐等。 一貫亟自辨,乞明示獨斷之意,以釋羣疑。 元珍方服闋需次,抗疏言:「一貫自秉政 夢皐 所關治亂安危之 亦詆元珍爲溫 一貫佯救,給 大學士沈一

俸,謫 疏 帝 頃 而 事 南 御 得 主 下 疏怒, 事 郊 元珍等 史侯慶遠、葉永盛等亦爭之, 雷 龎 震,正當一 時 被留 命幷元珍 雍 極 則 邊 者皆自 直 雑 攻一貫欺罔者十,誤 貫奏請頒行敕 、燦然貶三秩,調 職 冤 俄 去 御 史周家棟指陳 諭 不從。 之 極 時。 邊。 國 者 時員 意者 十; 時政、語 頃之,慶遠 外郎賀燦然、南京 且. 天厭其奸, 日 過激。 一貫之富貴 及御 帝遷怒元珍等,皆除 史李栴等申 以警悟陛下, 御 日崇, 史朱吾 救。 陛下 俾早除讒慝 弼 帝 之社 相 益 繼論 其名。然察 怒, 稷 察典。 日 奪 乎。」 壞。 其

亦

諸

兒,成 乃 欲 撫 爲 忽 議,逐 坐杜 名 擁 光宗卽位,起元珍光祿 梁棄封疆 投牒督餉 數萬 松 以 違制 衆,欲問道登、萊,竄處內 侍 國 郎 縉 創 ,令發舟 議 爲營発, 用遼 少 南濟。 人,冒官帑二十萬 逐基 卿。 禍 時遼、瀋旣沒,故贊畫主事劉國縉入南 議者 地。 本。 欲推爲東路巡撫,元 楊鎬 萬一敵中間諜闌入其間,何以備之。」疏下兵部巡 李 金募土兵三萬,曾不得一卒之用。被劾解官, 如 柏 喪師、國 珍 縉甫爲贊 Ŀ 疏 言「國縉 (畫, 卽 四衛,以招撫 乃李 奏保二人, 成梁義 軍民

未幾,元珍卒官。 初,元珍罷歸,以講學爲事。 表節義,卹鰥寡,行義重於時。

時 汶上人。 萬曆 二十年進士。 知丹徒縣,歷戶、兵二部主事。 旣除名, 未及起用

列 傳 第 百 +-九 劉 元 珍

而卒。

湖,課登,輒縱民舟去。 葉茂才,字參之,無錫人。萬曆十七年進士。 旣而課羨,請以餉邊卒,不取一錢。就改吏部,進郎中,三遷南京大 除刑部主事,以便養改南京工部。權稅無

理丞。復引疾。

使者將逮其子,茂才力救免之。未幾卒。 擢南京工部右侍郎。 之。茂才旣去,黨人益專,無復操異議者。天啓初,召爲太僕少卿,改太常,皆不赴。 庇之。 |虁攻之不已。|茂才||再疏折之,竟自引去。當是時,黨人悉踞言路,凡他曹有言,必合 中官應震輩遂連疏力爭。茂才更具揭發其隱,因移疾乞休。世濟益恚,偕同年金汝諧、牟志 四十年起南京太僕少卿。 御史湯世濟者,敬邑人也。疏陳時政,陰詆發敬奸弊者。茂才馳疏駁之。 明年抵官。甫三月,以時政日非,謝病歸。友人高攀龍被逮,赴水死, 時朝士方植黨爭權。 祭酒湯賓尹、修撰韓敬旣敗,其黨猶力 。其黨給事 力逐

龍並建言去國,直聲震一時,茂才祇以醇德稱。 茂才恬淡寡嗜好。 通籍四十年,家食强半。 及官太僕,清流盡斥,邪議益棼,逐奮身與 始同邑顧憲成、允成、安希范、劉元珍及攀

抗,人由是服其勇。 時稱「東林八君子」,憲成、允成、攀龍、希范、元珍、武進錢一 本、薛敷教

及茂才也。

雜,豈講學初心實然哉。語曰「爲善無近名」,士君子亦可以知所處矣。 列「君宗」、「顧」、「俊」之目,而負物望者引以爲重,獵時譽者資以梯榮,附麗游揚,薰蕕猥 甘陵之部,洛、蜀之爭,不烈於是矣。憲成諸人,清節姱修,爲士林標準。 院,相望於遠近。 之中 · <u>`</u>徐階講學於端揆之日,流風所被,傾動朝野。 於是搢紳之士,遺佚之老,聯講會,立書 贊曰:成、弘以上,學術醇而士習正,其時講學未盛也。 而名高速謗,氣盛招尤,物議橫生,黨禍繼作,乃至衆射之的,咸指東林。 正、嘉之際,王守仁聚徒於軍旅 雖未嘗激揚標榜,

瑷				
	3		es E	

明史卷二百三十二

列傳第一百二十

魏允貞 弟允中 劉廷蘭 王國 余松衡 李三才

魏允貞,字懋忠,南樂人。萬曆五年進士。 授荆州推官。 大學士張居正歸葬,羣吏趨

事恐後,允貞獨不赴,且挟其奴。

兒。 受指執政或司禮中官,以故用非其人。」帝納其言,特用嚴淸,中外翕服。 兇引去。 治行最,徵授御史。 吏部尚書梁夢龍罷。 允貞言:「銓衡任重。 往者會推之前,所司 俄劾兵部尚書吳 迩

臣之間以自行其私,則官方自肅。 宜 與輔臣精察二部之長,而以其職事歸之。 已,陳時弊四事,言:「自居正竊柄,吏、兵二部遷除必先關白,故所用悉其私人。陛下 自居正三子連登制科,流弊迄今未已。 使輔臣不侵部臣之權以行其私,部臣亦不 請自今輔臣子弟 ·乘輔

傅第一百二十, 魏允貞

列

明

轍。 中式, 遷敍逾格,賞罰無章,何以能國哉!」疏入,下都察院。 給、工諂媚、善逢迎者授之,致昌言不聞,佞臣得志。 自今考選時,陛下宜嚴敕所司 宿飽,何能 俺答自通市以來,邊備懈弛。三軍月餉,旣剋其半以充市賞,復剋其半以奉要人,士無 俟致政之後始許廷對,庶倖門稍杜。 禦寇。 至遼左戰功,尤可駭異。 軍聲則日振於前,生齒則日減於舊。 自居正惡聞讜言, 每遇科道員缺, 率 擇· 奏報失眞 1, 毋循: 才 性 便

判官。 帝 繼 因前 得舉。 並慰留, 久之,累遷右通政。 人行私,而欲臣不預聞吏、兵二部事,非制也。」因爲子白誣,且乞骸骨。 先是,居正旣私其子 給事 甲徵、用懋將廷對,而允貞疏適上。 中御 而責允貞言過當。 史周邦傑、趙卿等論教,不納。 ,他輔臣呂調陽子興周,張四維子泰徵 戶部員外郎李三才奏允貞言是, 四維大慍,言:「臣待罪政府,無所不當聞。 允貞雖謫,然自是輔臣居位,其子無復登第 、甲徵,申時行子用懋,皆相 並貶秩調外。 時行 允貞 亦 (得許州 疏辨。

萬, 市、省撫賞銀六萬。 府歲供及州 以所省 二十一年以 郵 縣
定費,以
其 傳羨補之。 右僉都御史巡撫山西。 汾州有兩郡王、宗人與軍民雜處, 、銀數萬繕亭障, 雁門、平定軍以 允貞素剛果,清操絕俗。 建烽 逋屯糧 堠,置器市馬易栗。 竄徙, 知州秩卑不能制, 允貞奏除其租,招 以所部地瘠民貧,力裁幕 又奏発平陽歲額 奏改爲府。 令復 業。 岢嵐 站 自款 銀 百

指 採 前 揮 礦 成,邊政 王 Щ 一守信 西 廢。 允貞抗疏 請開 允貞視要害,築邊牆萬有餘丈。 平定、稷山 極 諫, 諸 不報。 礦 帝並報允。 已, 西 河王 知燧請開 允貞 政聲大著。 、恐民 解州 愈擾, 帝亦數嘉 安邑、 請令忠兼領,亦 絳縣礦, 其能。 會詔中官張忠 以 不 儀 納 賓

陳 邊 恩 有 臣 踰 年 不 月兩宮災。 當言朝事 殿 、沈鯉、李世達、王汝訓 災,詔 求 、 因 直 今年又加 屢推 不用 允貞言咎在輔臣,歷數趙志皋、張位 恩,而三殿復災。 ,遂肆狂言,奪俸五月。 及小臣史孟 ||蘇、張 天意昭 棟、萬國欽、馬經綸、顧憲成、 然。」位等力辨,求罷。 頃之,允貞疏舉遺賢,請召 罪。 且. 曰:「前二臣以二月加 帝 趙南星、鄒元 慰留,責允貞 還 王家屏

標等,疏留中。以久次,進右副都御史。

寶秀 堂 金 握 報 率 利 取 國家大計,一 、高淮、孫朝輩,試之何事,舉之何人,乃令其銜 如 華鈺 權 於滇,不足不 響 一十八年 動 應聲。 諸 逾數萬。 人,禍 ·春,疏 皆寢閣,甚者嚴譴隨之。彼報稅之徒,悉無賴奸 臣不 止 至慘矣,而陛 解也。 陳時政缺失,言:「行取 有司不敢問,撫按不敢聞, 珠 取於海, 胥徒 下曾不一念及。 入鄉,民間猶擾,況緹騎四出, 不罄不止。 諸臣,幾經論薦,陛下猶不輕予一官。彼魯坤、馬 錦綺取於吳越,不極奇巧不止。 **豈無吮膏血以自肥者,而陛下曾不一察及。** 錢穀出入,上下相稽,猶多奸弊。 命橫行,生殺 如 人,鄉黨 予奪, 恣出其口。 廷臣所 虎若狼,家室 不齒,顧乃朝奏 立破。 乃元老聽其 敕使手 如 吳 夕 陳

列

投閒,直臣幾於永錮,是陛下之愛賢士,曾不如愛珠玉錦綺也。」疏奏,亦不省。

帝並 問。 疏不下,而下朝疏於部院。 史武三傑,朝使者逼殺建雄縣丞李逢春,允貞疏暴其罪。 留中。 明年,忠以夏縣知縣袁應春抗禮,劾貶之。 先是,張忠以開礦至,後孫朝復至権稅,誅求百方,允貞每事裁抑。 山西軍民數千恐允貞去,相率詣闕愬冤,兩京言官亦連章論救。 吏部尚書李戴、都御史溫純等力稱允貞賢,請下允貞疏平議。 允貞請留應春,不報。 朝怒,劾允貞抗命沮撓。帝留允貞 會忠杖死太平典 帝乃兩置不

郎。 之。 **尋卒。** 其年五月請益力,始聽歸。 允貞父已九十餘,允貞歲歲乞侍養,章二十上。廷議以敕使害民,非允貞不能制,固留 天啓初,追諡 介肅。 士民爲立祠。 已,閱視者奏允貞守邊勞,即家進兵部右侍

考功。 蘭各上書座主申時行,勸之補救。 第一,無伐鼓以傳也。」已而果然。 「三解元」。尋與廷蘭舉萬曆八年進士。 弟允中、允字。 未幾卒。 允学官刑部郎中,亦有名。 允中爲諸生,副使王世貞大器之。 時無錫顧憲成、漳浦劉廷蘭並爲舉首,負儁才, 時行不能用。 張居正專政,災異見,而中外方競頌功德。 允中尋授太常博士,擢吏部稽勳主事 歲鄉試,世貞戒門吏曰:「非魏允中 允中 時人 調調 廷

王國,字之楨,耀州人。萬曆五年進士。選庶吉士,改御史。

言不可,寢其命。已,極論中官馮保罪。且言「居正死,保令徐爵索其家名琴七、夜光珠 晟入內閣,帝從之。國與同官魏允貞、雷士楨及給事中王繼光、孫煒、牛惟炳、[1]張鼎思抗 尋出督南畿學政,以疾歸。 知,而國亦由此顯名。 因發會省吾、王篆表裏結納狀。國疏自外至,與李植疏先後上。帝已納植言罪保,植慾受 九、珠簾五、黃金三萬、白金十萬。居正子簡修躬齎至保邸,而保揚言陛下取之,誣汙聖德。」 出視畿輔屯田、清成國公朱允禛等所侵地九千六百餘頃。張居正疾篤,疏薦其座主潘 。還朝,薦王錫爵、陸樹聲、胡執禮、耿定向、海瑞、胡直、顏鯨、魏允貞。

持不可。時行以御史馬允登資在國前,乃起允登掌察,而國佐之。諸御史咸集,允登書十 出此語。」允登意不回。 九人姓名,曰:「諸人可謂公論不容者矣。」國熟視,叱曰:「諸人獨忤執政耳。 起掌河南道。 首輔申時行欲置所不悅者十九人察典,吏部尚書楊巍等依違其間,國力 國怒,奮前欲毆允登。 允登走,國環柱逐之,同列救解。 天日 事閒,兩人 監臨, 何

列傳第

百

二 十

王國

並調外,國得四川副使。移疾歸。而十九人賴國以免。

屢 復 上寬恤 出 爲 **外之,起故官** Щ 事 西 宜 副使,歷南京通政 大盜 一一蒞山 劉應第、 西。 改督 使。 董世 河南學政 三十七年以兵部 耀聚衆稱 、遷山 王 剽 東參政。 右侍 劫遠近, 郞 兼 所在以公廉稱。 督兵討滅之。 右 愈都 御 史巡撫保定。 進右都御史,巡 召爲太僕少卿。 歲 凶

國 剛 介。 興弟吏部侍郎圖並負時望,爲黨人所忌。 乞休歸,卒。

撫

如

故

襄 稅 殿 使 T_o 四出、三 余 懋衡,字持國,婺源人。 今避加賦之名,而爲竭澤之計,其害十倍於加賦。」忤旨,停俸 驕横。 懋衡上疏言:「與其 萬曆二十年進士。 騷擾里巷,権 除永新知縣。 及雞 派隊,曷 若明告天下,稍 徴授御史。 一年。 時以殿工,礦 增 田田 「賦,共

帝皆不 膳 吏民狀。 夫毒 巡按 省。 懋衡。 陝西。 巡撫顧其志頗爲永諱,永乃藉口辨。 永 慮軍民爲難,召亡命擐甲自 再中毒,不死。 稅監梁永輦私物於畿輔,役人馬甚衆。 拷膳夫,獲所予賄及餘蠱。 (衛) 帝疑御史言不實。 御史王基洪聲言永 懋衡奏之。 遂上疏極論|永罪,言官亦爭論|永, 而咸寧、長安二知縣持永 必反,具陳永 永大恨,使其黨樂綱賄 斬關 及殺掠

益 急。 朝薦,朝薦被逮。 相格關,已皆被繫,懋衡遂以反逆聞。永窘甚,爪牙盡亡,獨綱在,乃教永誣劾咸寧知縣滿 永黨王九功輩多私裝,恐爲有司所跡,託言永遺,乘馬結陣馳去。 冰不久亦撤還,關中始靖。 懋衡尋以憂歸。 起掌河南道事。 縣隸追及之華陰, 擢大理右寺

丞,引疾去。

資後三才等,力辭新命,引疾歸 郎,以曹于汴副馮從吾。帝皆用副者。 史,改兵部右侍郎,俱理戎政。三年八月廷推南京吏部尙書,以懋衡副李三才,推吏部 天啓元年起歷大理左少卿,進右僉都御史,與尚書張世經共理京營戎政。 大學士葉向高等力言不可,弗聽。 懋衡、于汴亦以 進右副都御 左侍

衡、從吾及孫愼行爲首,遂削奪。 明年十月再授前職。 懋衡以璫勢方張,堅臥不起。 崇禎初,復其官。 旣而奸黨張訥醜詆講學諸臣,以懋

郎 長 中。 垣 李化龍以經濟相期許。 李三才,字道甫,順天通州 會允貞、化龍及鄒元標並官南曹, 及允貞言事件執政,抗疏直之,坐謫東昌推官。 人。萬曆二年進士。 益相 與講求經世務, 授戶部主事,歷郎中。 名籍甚。 遷山東愈事。 與南樂魏允貞、 再遷南京 所部

列傳第

百

二 十

籴

懋

衡

李三

才

政

多

泛議

一、召爲

大理

少

卿

多 一大猾 積 盜。 廣設 方略,悉擒 滅之。 遷 河南參議,進副使。 兩督山東、山 西 學政,擢 南京 通

符,所 徐州 陳增、儀眞 至若補叛亡,公行攘奪。 十七年以右僉都御史總督漕運、巡撫鳳陽諸府。 野 禄 鹽課 則揚州 而 魯保 增尤甚,數窘辱 一蘆政 則沿 長 江 邢隆 吏。 時礦稅使四出。 , 獨三才以氣凌之,裁 棋 布 千里間 延引 三才所部,権 抑其爪 奸 徒, 牙肆惡 僞 鐭 稅 EII 則

宋後。 然 奸民以礦稅故,多起爲盜 與其黨孟化鯨、馬登儒輩聚亡命,署偽官,期明年二月諸 浙 人 趙 一平用妖術倡亂。 事覺,竄徐州,易號古元,妄稱 方並起。 謀洩,皆就捕。

平亡之寶坻,見獲

者,且密令死囚引

爲黨,輒捕

殺之,增

爲奪氣

梁 言。臣爲 志 未 何 畔土崩,小民皆爲敵國,風馳塵鶩,亂衆麻起,陛下塊然獨處,即黃金盈箱,明珠塡屋, 貨 有 唑 下欲 財。 朝廷之政令、天下之情形一至於斯,而 三才再 民請命,月餘未得請。 臣 崇聚財賄,而不使小民享升斗之需,欲綿 請渙發德音,罷除 疏陳礦稅之害,言:「陛下愛珠玉,民亦慕溫飽;陛下愛子孫,民亦戀妻孥。 天下礦稅。 聞近 日章奏,凡及礦稅,悉置不省,此宗社 欲心旣去,然後 可 幸無亂者。 祚萬年,而不使小民適 今闕政猥多,而 政 事可理。」踰月未報,三才又 陛 朝 存亡所關,一 下病 夕之樂。 源 則 自古 在 上 且 溺

爲守之。」亦不報。 三十年,帝有疾,詔罷礦稅,俄止之。 三才極陳國勢將危,請亟下前詔,

. 聽。 清口 水涸阻漕。 三才議濬渠建閘,費二十萬,請留漕栗濟之。督儲侍郎趙世卿力爭,

郎謝杰代世卿督儲,復請留。 避不敢出。 礦稅 年來中使四出,海內如沸。 于汴,御史史學遷、袁九皐交章乞留。 三才遂引 事。 疾求 他監司守令去者,不可勝數,今三才復繼之。淮上軍民以三才罷,欲甘心於增,增 三才不當去可知。」疏仍不答。三才遂去准之徐州。 去。 帝惡其委避,許之。 李盛春之去以王虎,魏允貞之去以孫朝,前漕臣李誌之去亦以 乃命三才供事俟代者,帝亦竟不遣代也。 而學遷言:「陛下以陳增故,欲去三才,託詞解其官。 淮揚巡按御史崔邦亮, 巡漕御史李思孝,給事中曹 連疏請代,未得命。 會侍

徐 夫使內府果乏,是<u>社稷之福也,</u>所謂貌瘦而天下肥也。 請死,陛下寧不惕然警悟邪!陛下毋謂臣禍亂之言爲未必然也,若旣已然矣,將置陛下何 地哉!亦不報。 金未遍 , 李大榮旋梟於毫, 而睢州巨盜又復見告, 人離極矣。 明 年九月復疏言: 「乃者迅雷擊陵,大風拔木, 洪水滔天, 天變極矣。 地,珠玉 未際天耳。 既而雕盜就獲,三才因奏行數事,部內晏然。 小民甕飧不飽,重以征求,箠楚無時,桁楊滿路,官惟丐罷,民惟 陛下每有徵求,必曰 而其實不然。 陛下所謂匱乏者,黃 趙古元方磔於 『內府匱乏』。

及 及婦孺。 僧用龍文服器。 歙 人程守訓 畏三才,不敢至淮。 以貲官中書,為陳增參隨。 '守訓及其黨俱下吏伏法,遠近大快。 三才劾治之,得贓數十萬。 縦横自恋,所至鼓吹,盛儀衞,許人告密**,** 增懼爲己累,幷搜獲其奇珍異寶 刑拷

五月。 時喜心,故旋開旋蔽。」又謂:「一貫慮沈鯉、朱賡逼己。 事不由己,欲壞其成。 貫尼之,上疏陰詆一貫甚力。繼又言:「恩詔已頒,旋復中格,道路言前日新政不 三十四年,皇孫生。 其明年,暨祿卒。 行賄左右,多方蠱惑,致新政阻格。」 帝得疏,震怒。 三才因請盡撤天下稅使,帝不從,命魯保兼之。 詔併礦稅,釋逮繫,起廢滯,補言官,旣而不盡行。 既忌其有所執爭,形己之短,又恥 嚴旨切責,奪俸 三才疑首輔沈 過乘 其

人發。 忤。今乃假天子威以錮諸臣,復假忤主之名以文己過。 補大僚、選科道、錄遺佚。 是時顧憲成里居,講學東林,好臧否人物。三才與深相結,憲成亦深信之。三才嘗請 已,復極陳朝政廢壞,請帝奮然有爲,與天下更始。且力言遼左阽危,必難永保狀。 因言:「諸臣祇以議論意見一觸當塗,遂永棄不收,要之於陛下 負國負君,罪莫大此。」意爲憲成諸 無

三才揮霍 有大略,在准久,以折稅監得民心。 及淮、徐歲侵, 又請振恤,獨馬價。 淮人

深德之。

屢加至戶部尚書。

帝皆置不省。

其十貪 辨之。 漕 召。 中王紹 吾,南京給事中金 橫 又交章論 政計。 四 大罪, 由 會 是忌 徽 (五奸。帝皆不省。)三才亦力請罷,疏至十五上。 久不得命,遂自引 內 御史吳亮素善三才,卽以 而 閣 皆不報。 給 救 徐紹吉、周 者 御史徐兆 缺 事 中胡忻、 日 朝端聚訟, 人,建議者謂不 衆 士衡相繼爲三才辨。 已而 謗議紛然。 魁繼之。 、曹于汴、南京給 永春、姚宗文、朱一 南京兵部郎中錢策,南京給事 迄數月未已。 當 三才 工部 專用詞臣,宜與外僚參用,意在三才。 兩書附 四 郎中 疏 事 傳邸報中, 大學士葉向高言三才已杜門待罪, 憲成 力辨, 邵 中段然,御史史學遷、史記事、馬孟禛、「三王基洪, 桂、李瑾,南京御史張邦俊、王萬祚, 輔忠遂劾三才大奸似忠,大詐 乃貽書向高,力稱三才廉直,又貽書孫丕揚力 且乞休。 由是議者益譁。 中劉時俊,御史劉 給事中馬從龍, 應甲 及都 國縉、喬 復兩 御史董兆 去。帝亦不罪 似 宜速定去留, 直,列 御史缺、需 疏 力計,至列 應甲 復連章劾 具貪 舒 ·,給 彭端 次 也。 僞 內 事 險

湯 有奇。 給 弁言其侵奪官 事 三才嘗舉 $\dot{\mathbf{H}}$ 三才旣家居,忌者慮其復用。 劉 且言三才與于玉立遙 文炳、御史李徵儀、工部郎 吏也。 廠 爲 袁 三才憤甚, 囿 御 執相權,意所 史劉廷元遂率同列繼之, 自請籍 四十二年,御 中聶 其家。 心湯、大理 欲用,銓 工部侍 史劉光復劾其盜皇木營建私第至二十二萬 部 「輒爲 丞王士昌,助光復力攻三才。 郎林如楚言宜遣使覆勘。 而潘汝禎又特疏 推 舉。 三才疏辨,請遣中官按問。 論劾。 旣而巡按御 光 徴儀 復再 10

列

傳

嗣往。 史顏思忠亦上疏如光復指。 三才益憤,請諸臣會勘,又請帝親鞫。 乃韶徵儀偕給事中吳亮

家哉?偶日東林,便成陷穽。 勘,外之無所得。 之遊者如高攀龍、姜士昌、錢一本、劉元珍、安希范、岳元聲、薛敷教,並束身厲名行,何負國 **龐時雍、吳正志、劉宗周等去矣。合於己則留,不合則逐。陛下第知諸臣之去,豈知諸黨人** 孫振基、段然、吳亮、馬孟禎、湯兆京、周起元、史學遷、錢春等去矣,李朴、鮑應鰲、丁元薦、 爾、葉茂才、南企仲、朱國顧等去矣,近又攻陳薦、汪應蛟去矣。以小臣之賢者言之,梅之煥、 動與正人爲響,士昌、光復尤爲戎首。挺身主盟,力爲一貫、敬報怨。 擅僇楚宗,舉朝正人攻之以去。繼湯賓尹、韓敬科場作奸,孽由自取,於人何尤。而今之黨人 者,惟史繼偕諸 驅之乎。今奸黨讐正之言,一曰東林,一曰淮撫。所謂東林者,顧憲成讀書講學之所也。從 以大臣之賢者言之,則葉向高去矣,王象乾、孫瑋、王圖、許弘綱去矣,曹于汴、胡忻、朱吾 其明年,光復坐事下獄。 三才陽請釋之,而復力爲東林辨白,曰:「自沈一貫假撰妖書, 人耳。人才邪正,實國祚攸關,惟陛下察焉。」疏入,衆益恨之。 第如光復言還報,逐落職爲民。 如鄒元標、趙南星等被以此名,卽力阻其進。 騰說百端,攻擊千狀。 所朝上而 亮嗣等旣往 夕下

天啓元年, 遼陽失。御史房可壯連疏請用三才。 有韶廷臣集議。 通政參議吳殿邦力

議,元標亦不敢主。 然廣寧已有王化貞,不若用之山海。」帝是其言,即欲用三才,而廷議相持未決。 力言宜用,刑部侍郎鄒元標、僉都御史王德完並主之。已,德完迫衆議,忽變前說。 言不可用,至目之爲盜臣。 議竟不決,事遂寢。三年起南京戶部尚書,未上卒。 御史劉廷宣復薦三才,言:「國家旣惜其才,則用之耳,又何議。 後魏忠賢亂政,其 詹事公鼐 及署

所毁。 成、鄒元標、趙南星、劉宗周,皆表表爲時名臣。 三才才大而好用機權,善籠絡朝士。撫淮十三年,結交遍天下。性不能持廉,以故爲衆 其後擊三才者,若邵輔忠、徐兆魁輩,成以附魏忠賢名麗逆案。 故世以三才爲賢。 而推轂三才,若顧憲

黨御史石三畏追劾之。

詔削籍,奪封誥。

崇禎初復官。

數人者實爲之魁,則好同惡異之心勝也。 以卓犖閎偉之概,爲衆望所歸。李三才英邁豪雋,傾動士大夫,皆負重名。 同異之見岐於中,而附者毁者爭勝而不已,則黨日衆,而爲禍熾矣。魏允貞、王國、余懋衡皆 胥引之,樂共與已同也。 贊曰:朋黨之成也,始於矜名,而成於惡異。 名盛則附之者衆。 附者衆,則不必皆賢而 名高則毁之者亦衆。 易曰「渙其羣,元吉」。知此者,其惟聖人乎。 毁者不必不賢而怒而斥之,惡其與己異也。 當世黨論之盛,

校勘記

[1] 牛惟炳 原作「牛惟柄」,據明史稿傳一〇六王國傳、 神宗實錄卷一二五萬曆十年六月庚戌條

改。

(三) 時以殿工礦稅使四出 原脱「使」字。 明史稿傳一一一余懋衡傳作「帝以殿工,廣設礦稅使」,

本書本卷李三才傳亦有「時礦稅使四出」語,據補。

馬孟禎 原作「馬孟祚」。 明史稿傳一二一李三才傳作「馬孟禛」。本書本卷下文也作「馬孟

禎」,卷二三○有馬孟禛傳。據改。

明史卷二百三十三

列傳第一百二十一

姜應麟 從子思睿 陳登雲 羅大紘 黄正賓 李獻可

舒弘緒

張棟

孟養浩 陳尙象 丁懋遜 朱維京 吳之佳 王如堅 棄初春 楊其休 王學曾 並嗣 涂杰 成 賈名儒 張貞觀

樊玉衡 子鼎遇 維城 孫自一 謝廷讚 兄廷諒 楊天民

何 選 馮生虞 任彦蘗

姜應麟,字泰符,慈谿人。 父國華,嘉靖中進士。 歷陝西參議,有廉名。

封爲皇貴妃。 應麟舉萬曆十一年進士,改庶吉士,授戶科給事 而王恭妃育皇長子已五歲,無所益封。 中。 中外籍籍,疑帝欲立愛。 貴妃鄭氏有殊寵,生子常洵,詔進 十四年二

列

傳

第

百二

+

姜

應 麟

於帝。 得 衆志 直 諸 震怒,抵之地,偏召大璫諭曰:「册封貴妃,初非爲 俯 則 嗣 月,應麟首抗 罪。 可可 語環跪叩首,怒稍解,遂降旨:「貴妃 醴 一從閣臣之請,册立元嗣 翻令居下。 心也。 旣 降極 帝雖 兩京 不違,情亦不廢。 伏請俯察興情,收還成 邊雜 厭苦之,終不能 申救者疏數十上,皆不省。 疏言:「禮貴別嫌,事當愼始。 揆之倫理則不 職。」於是得大同廣昌典史。 爲東宮,以定天下之本,則臣民之望慰,宗社之慶長矣。」疏 然臣所議者末,未及其本也。 奪也。 順 ,質之人心則 命。 其或情不容已,請先封恭妃 敬奉勤勞,特加 自後 東部員外郎沈璟、刑部主事孫如法繼言之,並 貴妃所生陛下第三子猶亞位中宮,恭妃誕育元 不安,傳之天下萬世則不正,非所 言者鑑起,成執「立儲自有長幼」之旨,以責信 東宮起見,科臣奈何訕朕 殊封。 陛 下 誠欲正名定分,別 立儲自有長幼,姜應麟疑君 爲皇貴妃,而後 手擊案者再。 嫌 以 及於 重儲 明 微 ", 莫若 鄭妃, "武,定 賣

得 重譴,應麟遂不 應 麟居廣昌 疾去。 崇禎三年卒、贈太常卿。 四年,量移餘干知 復補。 家 居二十年。 縣。 光宗立、起太僕少卿。給事中薛鳳翔刻應麟老病失 以父憂歸。服闋,至京,會吏部數以推舉建言諸臣

從子思睿,字顓愚。 少孤,事母孝。 舉天啓二年進士,授行人。 崇禎三年擢御史。 明

'寬 文體 吏詰 爲置田 子, 政 救給事 周 愈 年 大 延儒 多 · 春, 手,思睿等羣謀排陷。 一月 不知有君。 險怪 臣 還朝 陳登雲,字從龍,唐 巡按 戎予奪大柄僅付二三閹寺。 陳天下 阿 以家 構學舍,公餘親蒞講授。 ф 督責愈急,蒙蔽 雲南。 魏 承將順之罪,意指溫體仁 · 值帝撤還二部總理諸鎭監視 論黜,遂發其二子私書。 呈潤,御史李 人周文郁 五大弊:日 帝怒,奪俸五 陛辭,歷指諸樂政,而 爲副將,弟素儒 山人。 愈深。 加派病民,日 元寬 自 輔、王績燦。日 上疏證 月。 萬 件旨, 代還,乞假歸里。 曆五年進士。 **厝**火自安,不知變計,天下安望太平」件旨, 也。 出 思睿劾體仁縱子作奸,以元寬揭 視 明, 爲錦衣,叔父人瑞爲中書, 切責。 郵傳過 言:「舉朝拯焚救溺之精神,專用之摘抉細微,而 內臣。 體仁二子嚴 河東鹽 思睿再劾體仁以「羣謀」二字成陷 們,日搜剔愈精,頭絡愈亂,日 其冬遣宦官監視 政。 思睿請並撤監視京營關 除鄢陵知縣。 未幾卒。 安邑有故都御史曹于汴講學書院,思睿 、优數請囑提學愈事 邊務, 政最,徵授御史。 受賕 爲據。 抗疏 行私, 寧者。 黎元寬。 切 體仁謂 人之阱, 請罷 懲毖 諫。 切責。 因詆 出按遼東, 斥。 愈甚,頹廢 已,劾首 揭 會 但 向 元 不 已,論 出 來 寬 知 以

以

元

有

秉

輔

列 傅 第 百 ---+ 凉 登 震

疏 陳安攘 十策, 叉 請 速 首 功之賞。 改巡 Щ 西

憲 致,而 疏, 乾 朝 純 ′′、術 皆怒,同 剛 劾妃父鄭承憲, 還 承憲 斷 士、緇黃之流。 朝 不 以 但惠安遭其 會延 每對 列 大 亦 義 雕 爲 臣 人言,以 方 登雲危,帝竟留 日 [三言:「承憲 爭 、虐焰, 建性 避 建儲。 為不 殿 下 撤 重 樂、素服停刑,恐天 立東宮之效。 刨 登雲 中 懲科場冒籍,承憲妻每揚言事 懷禍 中不 宮 謂 與 滅 議 下。 太后家亦謹避其鋒矣。 奸,窺覬儲 不 ·早決, 干撓盛: 由貴妃家陰沮之。 心未易格,天變未 貳。 典、蓄隱邪 日 與 貂 深謀,他 山 唑 " 當 往 己發, 9 享 來,綢 可 十六年六月遂因 日 弭 何 或 用 也。」疏 久長, 所 以 繆杯 不至。 恐 喝 酌, 入,貴妃、承 自 勛 苟 由 H. 貴, 不 廣 敬 災異抗 ·震奮 海 所 簧鼓 結 Ш

止 持 考 巡 直 ·若慎於始進。」因條數事以獻。 是非,而 爲 選 撫 二耳。 佞。 王 科 **外之**, 一致祥, 道 其 使 疏 背公植 間 人 論 叉 畳 **'陇辱至此,安望其抗顏直繩,爲國家鉏大奸、殲巨蠹哉!與其悞用而斥之,** 論 吏 無剛直之人,而 部 禮 黨,逐嗜乞憐,如 部 尙 書 侍 郞 陸 韓世 光 祖 弗 能、 叉論 勝齟 所謂『七豺』、『八狗』者、言路顧居其半。 尙 書羅 貶 齒亞 四 多 萬 川提學副 忧於 不能 化 、南京太僕卿徐用檢。 滅,則 完安其 使馮時可, 論罷 身。 推剛 爲柔; 二十年來,以 壬午以後昵 應天巡撫李淶、 朝 剛 右皆憚之。 夫臺 直 擢 於情, 京 諫爲天下 卿 者百 則 順

化

朝。 帝立 出 按 遣寺 河 南。 丞鍾化民齌帑金振之。 歲大饑,人相 食。 副使崔 登雲巡方者三, 風裁峻厲。 應麟見民 啖澤中雁矢, 囊示登雲,登雲即 以久次當 擢京卿,累寢不 進之於

下,遂移疾歸。

尋卒。

拜命,即上定制書數千言。 羅大紘,字公廓,吉水人。 已,復言視 萬曆十四年進士。 朝宜勤,語皆切直 授行人。 十九年八月遷禮科給事 中。 甫

取之。 儼然首列其名, 揭 月, 恩,乃內外二心 乃密揭言 學士許國 無發 更緩册立事。 先有詔以二十年春册立東宮, 科者。 及往索,時行留不發。 一「臣雖列名公疏,實不與知。」帝喜,手詔襃答,而揭 、王家屏連署閣臣名,乞收新命,納諸臣請,帝益怒。 時行 一藏奸 何獨於 尚書曾同亨請如 惭懼,亟謀之禮 **蓄禍,誤國** 建儲 一事深避如 大紘乃抗 實 前韶, 科都給事 至是工部主事張有德以預備儀物請。 友,罪何 疏 此。 作旨 曰:「臣奉職無狀,謹席稾 可勝言。 # 縱陛下赫然震怒, 切讓。 胡汝寧,遣使取 夫時行身雖在告,凡翰林遷改 大紘復以為 與詔俱發禮 首輔申 揭。 加國等以不測之威,時行亦 以待。 言, 時獨 時行 詔 科。 大紘守科,使者給 方 帝怒, 奪 獨念時行 俸 在告,聞帝怒, 故事,閣臣 如 有 命奪俸三 受國 德。 之奏皆 密 厚

列

僻

第

百

+

當 正 疏 明 意 萌 賓 居羽 陛 入,帝震怒, 與 復抗 分過。 下 大 此 有 紘 翼之功,不得, 臣 志 疏 之所 所 行 力詆 牽 泥陛 高 大恨 命貶 繫,故陽 時行。 卓。 下 也。 邊方雜 未嘗怒,而 鄕 則 附廷臣 人以配里先達羅倫 假令國等得請,將行慶典而 帝怒,下獄拷訊,斥爲民。 别 職 爲集菀之計。 請立之議,而陰緩其事,以 乃沮塞睿聰,搖動國本,苟自獻其乞憐之術 俄以六科 鍾 其操 、羅洪先,號爲「三羅 羽正等論救 以此術 時行 以 恩澤 愚 ,斥爲民,羽正 亦不安, 世 爲自交宮掖之謀。 加 焉 久矣,不圖今 ·, 時行 無何了 一。天啓 亦辭之乎? 等奪 竟引 中,贈 <u>而</u> 日乃 去。 俸。 使請之 光祿 遏主 蓋 中 發露之也 上悔 少卿。 其 書舍人黃 而 私 得,則 悟之 心妄

里,都 三才、顧 徐 文言獄 正 人快之。 大化、楊維 憲成 歙人。 詞 咸 《與遊,益有聲士大夫 連 而疏有「潛通宦寺」語,帝令指名。 正賓。 以貲爲舍人,直武英殿。 垣 已罷官,猶潛居輦下,交通 坐贓千金,造戍大同。 間。 熹宗立, 起故官。 恥由貲入官,思樹奇節,至是遂 奄寺,正 莊 烈帝嗣位,復官,致仕。 正實以趙倫、于化龍對。 賓在 再遷尚寶少 都,抗疏發其奸。 卵,引 見推淸議。 崇禎元年六月, 病 帝以其妄,斥 勒 兩 人歸 魏 忠賢 後李 田

回籍。

李 獻 可, 字堯兪, 同安人。 萬曆十一年進士。 除武昌推官。 課最, 徵授戶科給 事中。

屢遷禮科都給事中。

嚴。 爲民。 獻 謂 楊 謪 人 其休, 王 FJ 內 庭足 家 疏 並 吏 貶 + 科 屛 入,帝大怒,摘疏 戶 一秩,出之外。 以 禮科 科 年 雜 封還御批,帝益不悅。 給 可誦讀, 職徙 Ė 事 左 左給 中舒 |月偕六科諸臣疏請豫教,言:「元子年十有一矣,豫教之典當及首春舉行。 給 邊方。 事 近侍亦堪輔導,則禁闥 事 中孟養浩,御史鄒德泳,戶兵刑工四 弘緒亦言「言官可罪,豫敎必不可不行」。帝益怒,出 中葉初 獻可、羽正、弘緒亦除 中誤書弘治年號,責以 大學士趙志皐論教,被旨譙讓。 春,各上疏救。 吏科都給 继 事中鍾羽正言:「獻可之疏,臣實贊成之,請與同 閒,豈若外 名。 帝益怒,廷杖養浩百,除其名。 、違旨侮君,貶一秩調外,餘奪俸半歲。 科都給 朝之清肅,內臣 吏科右給事 事 中丁 中陳尚 · 懋遜、 弘緒南京,而 忠敬,何 象復爭之,坐斥 德泳、懋遜等六 張棟、吳之佳、 如 師 保之尊 羽正 大學 倘 及

御 成 職 **史賈名儒特疏爭之**, 當 名儒謫邊方, 是 時,帝一怒而 德泳、 斥諫官十一人,朝士莫不駭歎,然諫者卒未已。 御史陳禹謨、吏科左給事中李周策亦偕其僚論諫。 懋遜等咸削籍,禹謨等停俸有差。 禮部尚書李長春等亦疏諫,帝 禮部 帝怒加甚, 員外郎董嗣 奪嗣 成

復詰讓。 獻可等途廢於家。 久之, 吏部尚書蔡國珍、侍郎楊時喬先後請收敍, 咸報寢。

天啓初、錄先朝言事諸臣。獻可已前卒、詔贈光祿卿。

弘緒、名儒皆獻可同年進士。 尚象、懋遜、之佳、初春、其休、嗣成皆萬曆八年進士。

弘緒,通山 由庶吉士改給事中。天啓中,贈光祿 少卿。

尚象,都匀人。 以中書舍人爲給事中。 嘗劾罷尙書沈鯉, 爲士論所非。 至是以直言

去,國人始稱焉。天啓中,贈官如弘緒。

懋遜, 霑化人。爲餘姚知縣, 有治績, 入爲吏科給事中。 旣削籍,里居三十年。

立,起太僕少卿,累遷工部左侍郎。卒,贈尙書。

張 陳並斥,稱「吳中三諫」。 |天啓初,贈之佳太僕少卿,初春光祿少卿。 之佳,長洲人。 初爲襄陽知縣。 初春,吳縣 人。 初爲順德知縣。 並以治行徵。 之佳孫适,亦兵科給 至是與

事中。敢言。

下。 風勵諸臣。 其休乞並付德法司, 其体,青城人。 他論奏甚衆。 由蘇州推官擢 竟報許。 罷歸,卒,贈太常少卿。 東科給 帝數不 事中。 視朝。 內官張德歐殺 十七年正月,其休以萬邦入觀,請臨御以 人,帝令司禮按問, 蔽罪其

嗣 成 鳥程人。 祖份,禮部尚書。 父道醇,南京給事中。 仍世貴顯。 嗣成以氣節著,士

論多之。

名儒,真定人。贈官如初春。

少卿。 震怒。 力克 移疾 中。 恭順侯吳繼爵、宣城伯衞國本、忻城伯趙泰修、宣府總兵官李迎恩。 租 如,不宜敍將更功。」報聞。 尚書王 一鶚。 言邊臣敍 格不行。時蠲租例,相沿但蠲存留,不及起運。 歸。 負固不歸, 吳中白糧爲累,民承役輒破家,棟請令出貲助漕舟附載。 棟,字伯任 命洛視師,豈止欲其虛詞媚敵,博一順義東歸畢事) 功不宜及內閣、部、科,帝亦從焉。 起兵科都給事中。 會一鶚已卒,洛亦報捲力克東歸,遂寢其奏。 一。崑山人。萬曆五年進士。 卜失冤傑黠如故,火落赤、眞相雄據海上,不可使洛委責以去。 母卒,棟年已六十,毀瘠廬墓,竟卒於墓所。 劾去南京戶部尚書張西銘、刑部侍郎詹仰庇。 除新建知縣。 遣視固原邊備。時經略鄭洛方議和,棟言榜 陳請無拘故事,從之。 再遷刑科左給 徵授工科給事中。請盡蠲天下逋 耶? 陳又言"「洮、河失事,陛下赫 申時行、王錫爵絀其議,棟遂 今火、眞依海爲窟, 繼爵留,餘並罷。 天啓中,贈太常 軍政拾遺,劾 因論 出沒自 兵部 已, 然 事

德泳、祭酒守益孫。 養浩、羽正自有傳。

列傅

第

百

= +

李

獻可

之,天下萬世謂陛下何如主。不可者四。獻可等所論,非二三言官之私言,實天下臣民之 册立,本非兩事。今日旣遲回於豫敎,安知來歲不游移於册立,是重啓天下之疑。不可者 削籍爲民,永不敍用。中外交薦,悉報寢。 亟行豫教。」帝大怒,言册立已諭於明年舉行,養浩疑君惑衆,殊可痛惡。 公言也。今加罪獻可,是所罪者一人,而實失天下人之心。不可者五。 **帚宗社也。不可者一。長幼定序,明旨森嚴,天下臣民旣曉然諒陛下之無他矣。然豫教、** 元子天下本,豫敎之請,實爲宗社計。陛下不惟不聽,且從而罰之,是坐忍元子失學,而敝 之耶?獻可甫躋禮垣,驟議鉅典。一字之悞,本屬無心,乃遽蒙顯斥。臣愚以爲有五不可。 三。古者引裾折檻之事,中主能容之。陛下量侔天地,奈何言及宗社大計,反震怒而摧折 二。父子之恩,根於天性,豫敎之請,有益元子明甚。而陛下罪之,非所以示慈愛。不可者 帝嚴譴李獻可,養浩疏諫曰:「人臣卽至狂悖,未有敢於侮君者,陛下豈眞以其侮而罪 孟養浩,字義甫,湖廣咸寧人。萬曆十一年進士。授行人。擢戶科給事中,遷左給事 **耐陛下收還成命**, **今錦衣衛杖之百**,

光宗立、起太常少卿。半歲中遷至南京刑部右侍郎。未之官、卒。

督撫魏學會、葉夢熊主戰。 京 察 行,謫 朱維京, 汝州 同 字大可, 知,改知崇德。 工部尚書衡子也。 維京請召洛還,專委學曾等經理。 入爲屯田 主事, 舉萬曆五年進士,授大理評事,進右寺副。 再遷光祿 丞。 火落赤敗盟, 及學曾以寧夏事被逮,復抗 經略 鄭洛 主和 九年

疏

殺之。

近事 宣德 企踵。 下 星,則元 而 五六齡耳。 無別 爲戲也。 三年 但元子旣長,欲少遲册立,以待中宮正嫡之生,則祖宗以來實無此制。 不遠,何不 一十一年,三王並封詔下,維京首上疏曰:「往奉聖諭,許二十一年册立,廷臣莫不延 今忽改 子 車馬儀 · ;憲宗之立,以正統十四年;孝宗之立,以成化十一年。 退就 維時中宮正位,嫡嗣皆虛,而祖宗會不 夫 人臣以 而爲分封,是向 [蕃服,嫡庶分定,何嫌 仗 取而證之。 雑 而 道 無章,府僚庶寀淆而 事 ·君,不 旦聖 . 者大號之頒,徒戲言也,何以示天下? ·可則 人爲政,必先正名。 何疑。 止。 陛 無辨。 今預 下雖有並封之意,猶不遽行,必以手詔咨大學 計將來,坐格成命,是欲愚天下,而 名旣不正, 弊實滋多。 少待。 今分封之典,三王並舉。 卽陛下册立亦在先帝二年之春。 少者止一二齡,多亦不過 聖論謂立嗣 且令中宮荷耀 考英宗之立,以 冠服宫室混 以嫡,是 實 以天 前 頸

列

傳

第

百

+

刕

發

浩

朱

維

京

承行,惟恐或後。彼楊素、李勣千古罪人。其初心豈不知有公論,惟是患得患失之心勝,遂 然,王家屏之高蹤自在,陛下優禮輔臣,必無韓瑗、來濟之辱也。奈何噤無一語,若胥吏之 士王錫爵,錫爵縱不能如李沆引燭之焚,亦當爲李泌造膝披陳,轉移聖心而後已。如其不

帝震怒,命謫戍極邊。錫爵力救,得爲民。家居甫二年,卒。天啓時,贈太常少卿。

至不能自持耳。」

王如堅,字介石,安福人。萬曆十四年進士。授懷慶推官。入爲刑科給事中,抗疏爭

三王並封,其略曰:

十一年矣,今二十一年倏改爲並封,是陛下前此灼然之命,尚不自堅,今日羣臣將何所 未嘗遽寢册立之事。乃今已屆期,忽傳並封爲王,以待嫡嗣。臣始而疑,旣而駭。陛 也。又十八年正月詔旨「朕無嫡子,長幼自有定序」,是明示倫次之不可易也。已而十 下言猶在耳,豈忘之耶。曩者謂二三年舉行,已遲至二十年矣,二十年舉行又改至二 九年八月,奉旨「册立之事,改於二十一年舉行」,此則陛下雖怒羣臣激聒,輒更定期, 謹按十四年正月聖諭「元子幼小,册立事俟二三年舉行」,是明言長子之爲元子

輩,見形生疑,未必不以他意窺陛下。 封之疏,安知非機事外洩,彼得量朝廷之淺深。 素賢明,何有舍當前之冢嗣,而覬幸不可知之數耶。宮闈之內,袵席之間,左右近習之 皇長子且十二齡矣,聞皇后撫育無間己出。元子早定一日,卽早慰中宮一日之心。后 或五六齡而立。卽陛下春宮受册時,止六齡耳,寧有待嫡之議與潞王並封之詔哉?今 之繁難矣。 也。 古王者後宮無偏愛,故適后多後嗣。 夫立嫡之條,祖訓爲廢嫡者戒也。 我祖宗以來,中宮誕生者有幾。國本早定,惟元子是屬。或二三齡而立, 即如昨歲册立之旨,方待舉行,而宗室中已有並 今日有嫡可廢乎?且陛下欲待正嫡,意非眞待 後世愛有所專,則天地之交不常泰,欲後嗣

讒賊,幾微之際,不可不愼。 易,今綸言初發,何不可中止也。 數,接見之儀,迥然不齊矣。 夫別名號,辨嫌疑,禮之善經也。 一日並封而同號,則有並大之嫌,逼長之患。 **苟謂渙命新頒,難於遽改。** 元子與衆子,其間冠服之制,鹵簿之節,恩寵之 則數年已定之明旨,尚可移 執狐 疑 而來

帝怒甚,命與朱維京皆戍極邊。 王錫爵疏救,免戍爲民。 尋卒。 天啓中、贈光祿少卿。

列傳

王學會,字唯吾,南海人。萬曆五年進士。 授醴陵知縣,調崇陽。

名沾 聞。 腹,次日卽斃,則祥者已不祥矣。不祥之物,所司未嘗上聞,陛下何自聞之?毋亦左右小人 救兩人。帝怒,奪俸 呻吟嗟怨之狀,陛下不聞,宗室貧窮,甕飧弗給,愁困涕洟之態,陛下不聞, 以奇怪惑聖心也。今四方災旱,老稚流離,啼饑號寒之聲,陛下不聞,北敵梟張,士卒困苦, 聞,巡撫臧惟一不可。 言龍江關密邇蕪湖,蕪湖已徵稅,龍江不宜復徵,格不行。光山牛產 諸督工內侍俱廕錦衣。 直,降興國判官。 彼爲左右者,豈誠忠於陛下乎? 願收還成命, **擢南京御史。時吏民有罪,輒遣官校逮捕。** 。帝命禮部徵之,尚書沈鯉諫,惟一亦疏論,不聽。 級。 時御史蔡時鼎亦以言獲罪。 學會論其太濫,且劾工部尚書楊兆諛諂中官。 學曾疏請止之,不納。 內臣語涉邪妄者,卽嚴斥之。」帝責其要 南京御史王藩臣、給事中王嗣美等交章 一犢若麟,有司 兆惶恐,引罪。 十三年,慈寧宮成 學會抗言:「麟生牛 而獨已斃之麟 欲以

後數年,吏部尚書蔡國珍疏請起用,不納。 學會累遷南京刑部主事,召爲光祿丞。 卒於家。 與少卿涂杰合疏爭三王並封,忤旨,皆削籍

杰,新建人。 隆慶五年進士。 由龍游知縣入爲御史。 擢官光祿。

言,敕守清解散徒黨,諭二王絕姻。 沈子木 科右給事 Ŧi. 展 臺奸 、李采菲皆貪。 貞觀,字惟誠,沛人。 萬曆十一年進士。 中。 人張守清招亡命三千餘人,擅開銀礦,又締姻潞城 泗州淮水大溢,幾齧祖陵。 子木夤緣爲兵部侍郎,貞觀並追劾之。 守清乞輸課於官,開礦如 貞觀往視,定分黃道淮之策。 除益都知縣,擢兵科給事中。 故。 子木坐貶,采菲奪職。 、新寧二王。 真觀力爭,乃已。 帝納巡 出閱 山西邊 按 前巡撫 還,進 御史

卽諸王 缺然於陛下及中宮母妃之前,非所以敎孝,賀靳於二皇子,而漠然於兄弟長幼之間,非所以 謁 率遣官代行,貞觀力請帝親祀。 長子出閤 Jt. 兩宮,他禮皆廢。 應 爲將軍, 再遷禮科都給事中。 一加冠 講讀。 了,亦以成禮而賀,賀畢謁見。 元子初出,乃不當諸王一冠乎? 程堯爲營得郡王。 而兵部請護衞,工部奏儀仗,禮部進儀注,皆留中。 於是貞觀等上言:「禮官議,御門受賀、皇長子見羣臣之禮,載在舊儀, 三王並封制下,貞觀率同列力爭。 俄秋享,復將遣官。 貞觀再諫,不報。 貞觀及禮部尚書羅萬化守故事極諫。不納。時郊廟祭享 潘王珵堯由郡王進封,其諸弟 又止今預告奉先殿,朝 明年正月,有詔皇 且謁 謝止 兩宮,而

列

傳第

百

<u>-</u>

王

張貞觀

序別。」疏入,忤旨,奪俸一年。

交薦, 卒不起。 |天啓中卒, 贈太常少卿。 治。」給事中趙完璧等亦言之。帝怒,奪諸臣俸,謫貞觀雜職。大學士王錫爵等切救,乃貶 三秩。頃之,都給事中許弘綱、御史陳惟芝等連章申論,帝竟除貞觀名,言官亦停俸。中外 十六萬有奇,又取太僕銀十萬充賞,非作法於初之意。且貞觀等秉禮直諫,職也,不宜罰 工科給事中黎道照上言:「元子初就外傳,陛下宜示之身教。乃採辦珠玉珍寶,費至三

樊玉衡,字以齊,黃岡人。萬曆十一年進士。由廣信推官徵授御史。京察,謫無爲判

6。稍遷全椒知縣。

子而 三四擬,禍且不測。大學士趙志阜等力救,言自帝卽位未嘗殺諫臣。 天下以元子之安爲貴妃功,豈不並受其福,享令名無窮哉。」疏奏,帝及貴妃怒甚。旨一 以册立之稽歸過貴妃者,而陛下又故依違,以成其過。陛下將何以託貴妃於天下哉。由元 觀則不慈,由貴妃而觀則不智,無一可者。願早定大計,册立、冠婚諸典次第舉行,使 二十六年四月,玉衡以册立久稽,上言:「陛下愛貴妃,當圖所以善處之。今天下無不 帝乃焚其疏,忍而不 日

再踰 月,以憂危竑議連及,遂永戍雷州。 長子鼎遇伏闕請代者再,不許。

光宗 立 起 南京刑部 主 事 以老辭。 疏 陳親賢、遠奸十事,優 韶答之。 尋命以太常少卿

致仕, 卒於家。

簿。 死 逢 積 斥 司 吏 う宜 及 財 聖 少华多 科 文 封受之人俱斬。 莊 子維 剖 烈 陳爾翼請緝 震孟 棺戮屍。 盜 帝 城,舉萬曆四十七年進士。 內 卽 孫 杯,籍還 位 魏 必顯等三十二人,亟正 五五 東林遺孽之非,乞釋 忠賢未誅,抗疏言:「高皇帝定律,人臣 虎』、『五彪』之徒,乃或賜 |太府,可裕九邊數歲之餉。| 今魏良卿、良棟、鵬翼,白 除海鹽知縣,遷禮部 御史方震孺罪。 張體乾、許顯純、楊寰等罪。 馳驛,或 丁乳臭兒, 因請褒恤楊連、萬 僅令還鄉,何以服人心,昭 帝並採納 注事。 並叨封 非有 大功, 天啓 爵, 之。 璟等一 其月,又言:「崔 七年 皆當按律誅。 朦朧 + 坐事謫 奏請 ·四人, 封 國 上林苑典 一典。 召還 忠賢 呈 一秀雌 末 賀 所

黄岡 城, 年,黄州 稍緩,輒斷其腕,血淋漓 崇禎 知 縣孫 城 元 南 年遷戶部 自一、縣丞吳文燮死之。 門哭五日夜。 主事, 衆 土石間。 進員 知禍 外郎。 必至,傾城走,婦女多不及行。 三日而城平,復殺之以實塹焉。 賊欲屈継城,抗聲大罵,刃洞 歷泉州知府、 福建副使。 三月二十四日,張獻 胸而死。 八年以大計能 自一,光山人。 賊逐 驅婦 歸。 十六 女墮 忠 破

列 傅 第 一 百 二 十 一 樊 玉 衡

神、得屍所在、獄遂成。 **遂按籍征賦,民困甚。 相爲請,得減戶千三百。 奸人殺四人,棄其屍,獄三年不決。 相禱於** 謝廷讚,字曰可,金谿人。父相,由鄉舉爲東安知縣。初,歲饑,吏爲增戶口冒振,繼者

揚,授徒自給。 跪文華門,候命踰時。帝震怒,遣中官田義詰責。越數日,命大學士趙志皐、沈一貫擬敕 言,不報。廷灩上疏言閣員當補,臺省當選,礦稅當撤,冠婚、册立當速,詔令當信。 珂、員外郎林燿,主事鍾鳴陛、曹文偉三秩,調極邊。 諭,令禮部具儀。 比擬諭進,竟不發。 志阜、一貫趣之,帝乃言因廷讚出位邀功,以致少待, 命示諸司靜俟。 八年春舉行册立、冠婚之禮。將屆期,都御史溫純、禮科給事中楊天民、御史馮應鳳相繼 廷讚舉萬曆二十六年進士。未授官,卽極論礦稅之害。旋授刑部主事。先是,詔二十 久之, 卒。 天啓中, 贈尚寶卿。 遂褫廷讚職爲民,並奪尚書<u>蕭大亨,</u>侍郎邵杰、董裕俸一歲,貶郎中徐如 是歲册立之禮不行,廷讚歸。 僑寓維 持疏

兄廷諒,字友可。萬曆二十三年進士。 授南京刑部主事。帝命李廷機入閣,又召王錫

年例之不舉,考察之不下也,自沈一貫始。 始,舉人之有考察也,自廷機始,巡按之久任也,自趙世卿始,章疏之留中也,自申時行始, 廷諒言「廷機才弱而闇,錫爵氣高而揚,均不宜用」。又曰:「儲君之立爲王也,自錫爵 此皆亂人國者也。」疏入,留中。 終順慶知府。

哉_! 襲寇,以大捷聞,督撫李汶、王見賓等咸進秩予廕。 無所 天民再疏論之,奪見賓職,夢麟戍邊,汝亦被譴。 非法行刑。自大吏至守令,每被譴逐。 之使吞噬無窮,狗鼠之徒攘奪難厭。不市而征稅,無礦而輸銀。甚且毀廬壞冢,籍人貲產, 下成池,山南湧大小山五。天民言:「平地成山,惟唐垂拱間有之,而唐遂易爲周。今虎狼 禮科給事中。 不報。 ·歸命,懷樂禍心,有土崩之勢。 天心仁愛,巫示譴告,陛下尙不覺悟,翻然與天下更始 楊 天民,字正甫,山西太平人。萬曆十七年進士。除朝城知縣。 文選郎中梅守峻貪黷,將擢太常少卿,天民劾罷之。 時方纂修國史,與御史牛應元請復建文年號,從之。二十七年,狄道山崩 郡邑不肖者,反助虐交歡,藉潤私橐。嗷嗷之衆,益 寇乃大入,殺軍民萬計,汝等又妄奏捷。 延綏總兵官趙夢麟潛師 調繁諸城,有異政,擢

天民尋進右給 列 傅 第 百 事中。 + 册立久稽,再疏請,不報。 謝 廷 讃 楊 天 民 無何,貴妃弟鄭國泰疏請皇長子先冠 六〇八七

語,天民請罪考官楊道賓、顧天埈等,疏留中 婚後册立,天民 斥其 非。 國泰懼,委罪都指揮李承恩,奪其俸。 順天、湖廣鄉試文多 用二氏

十月,帝迫廷議,始立東宮, 四 而 天民等卒不召。 俸一年,以士昌亦給事禮科也。 初,天民去諸城,民爲立祠。 二十九年五月,天民復偕同官上言,請早定國本。 時御史周盤等公疏請,亦奪俸。 其後長東不職,父老率聚哭祠下。 天民幽憤卒。 帝大怒,謫天民及王士昌雜 天啓中、贈光祿少卿 天民得貴州永從典史。 職,餘 至

定,以釋危疑。 譴,選語鄭貴妃弟國泰,令以朝野公論 色責之曰:「若不及今爲身家計,吾儕羣擊之, 何選,字靖卿,宛平人。 帝意不懌。 已,知出選指,深銜之。 萬曆十一年進士。 、鄭氏禍福 悔無及矣。」國泰懼, 乃入告於妃, 除南昌知縣,徵授御史。 怨言於貴妃, **俾妃** 自請。 廷臣爭國本 或 泰 猶豫 且疏請早 多獲 選 厲

當 布 推舉,切讓尚書孫丕揚等,謫文選郎中馮生虞、員外郎馮養志等極邊,而斥選爲民。 政 司 未幾,東部擬調驗封員外郎鄒元標於文選,疏六日不下,選以爲言。 照磨。 稍遷南京通政司經歷。 刑部缺員外郎,吏部擬 用 選 帝憾未釋,謂特降官不 帝憶前事,謫 以閣 湖

列傳第一百二十一 何選 校勘記

之路。邇年以來,諸臣謇諤之風,視昔大沮矣。」不報。 罪,諫止貢獻,則愈增其額。奏牘沉閣而莫稽,奄寺縱橫而無忌。今欲摘陳一事,則慮陛下 益甚其事,欲摘救一人,則慮陛下益罪其人。陛下執此以拒建言之臣,諸臣因此而塞進言 取幾空,中外大小之官,縣缺不補。敲扑遍於宮闈,桁楊接於道路。論救忠良,則愈甚其 歲以來,謂公忠爲比周,謂論諫爲激擾,詘銓衡之所賢,撓刑官之所執。光祿太僕之帑,括 外,生虞仍以雜職調邊方。旋以言官論救,並斥彥蘗爲民。於是御史許聞造上言:「陛下頃 臣言,稍寬生虞、養志等罰。南京給事中任彥葉抗章論救,語侵閣臣。 帝復怒,謫彦蘗於

生虞,大足人。 彥蘖,任城人。 天啓中,贈選光祿少卿,生虞太常少卿。

亦無關、鈞之惡戾,積疑召謗,被以惡聲。 詩曰「時靡有爭,王心載寧」。 諸臣何其好爭也。 以滋天下之疑矣。 贊曰:野史載神宗金合之誓。都人子之說,雖未知信否,然恭妃之位久居鄭氏下,固有 姜應麟等交章力爭,不可謂無羽翼功。 究之鄭氏非褒、驪之煽處,國泰

校勘記

王績燦 原作「王績粲」。 明史稿傳一一〇姜應麟傳作「王績燦」,本書卷二五八吳執御傳附有

王績燦傳,事跡與此合,據改。

劾妃父鄭承憲 鄭承憲,本書卷二一七及明史稿傳九五沈鯉傳、神宗實錄卷一九九萬曆十六年

六月庚申條同。 本書卷三〇〇及明史稿傳一七七本傳作「鄭成憲」。

=

贈學曾太僕少卿杰太常少卿

原作「贈學曾光祿少卿杰太僕少卿」。

據明史稿傳一一〇王學

至十月帝迫廷議始立東宮 十月,原作「九月」,據本書卷二一神宗紀、神宗實錄卷三六四萬曆

二十九年十月己卯條改。

明史卷二百三十四

列傳第一百二十二

盧洪春

范儁 董基 王就學等 李懋檜 李沂 周弘論

潘士藻

曹學程 子正儒 郭實 翁憲祥 徐大相

雒于仁

馬經綸

林熙春

林培

劉綱

戴士衡

盧洪春,字思仁,東陽人。父仲佃,廣西布政使。洪春舉萬曆五年進士,授旌德知縣,

擢 禮部祠祭主事。

禮莫重於祭,而疾莫甚於虛。陛下春秋鼎盛,諸症皆非所宜有。不宜有而有之,上傷聖母 虛,暫罷朝講。時享太廟,遣官恭代,且云『非敢偸逸,恐弗成禮』。臣愚捧讀,驚惶欲涕。夫 十四年十月,帝久不視朝,洪春上疏曰:「陛下自九月望後連日発朝,前日又詔頭眩體

列

傅 第

百二十二

盧

洪

春

燕閒有所恣縱,勿以左右近習有所假借,飭躬踐行,明示天下以章律度,則天下萬世將慕義 先二十六日傳旨発朝,即聞人言籍籍,謂陛下試馬傷額,故引疾自諱。 是,非主上福也。願陛下以宗社爲重,毋務矯託以滋疑。力制此心,愼加防檢。 遇頌諛必多喜,過諫諍必多怒,一涉宮闈,嚴譴立至,孰肯觸諱,以蹈不測之禍哉。羣臣如 豈有寂然無聞於人者。 然莫敢直言以導陛下, 是將順之意多, 而愛敬之心薄也。 陛下平日 爲患更深。若乃爲聖德之累,則均焉而已。且陛下毋謂身居九重,外廷莫知。天子起居, 馳騁之樂,而昧周身之防,其爲患猶淺。倘如聖諭,則以目前袵席之娛,而忘保身之術,其 之心,下駭臣民之聽,而叉因以廢祖宗大典,臣不知陛下何以自安也。抑臣所聞更有異者。 較夫挾數用術,文過飾非,幾以聾瞽天下之耳目者,相去何如哉。」 果如人言,則以一時 勿以深宮

之,帝怒,奪俸有差。洪春遂廢於家,久之卒。光宗嗣位,贈太僕少卿。 臣擬奪官,仍論救。 疏入,帝震怒。 傳輸內閣百餘言,極明謹疾遣官之故。以洪春悖妄,命擬旨治罪。 帝不從,廷杖六十,斥爲民。諸給事中申救,忤旨,切讓。 諸御史疏繼 閣

其後員外郎王就學因諫帝託疾不送梓宮,尋罷去。 御史范儁嘗陳時政。帝方疾,見儁疏中「防人欲」語,斥之。 皆與洪春疏相類。 主事董基以諫內操謫官。

復爾 疏陳 十事 餘。 移,惟儁不 六事 ,語皆切至,而 ,當重懲之。」申時行等擬鐫秩。 范儁,字國土,高安人。 帝怒少霽,時行等亦力救,乃斥爲民。 ,件帝意。 敍。 給事中孫世禛、御史方萬山等言儁不宜獨遺,坐奪俸。 中言「人欲宜防,力以靡曼麴蘗爲戒」。 及帝遘微疾,大臣方問安,而儁疏適入。 萬曆五年進士。 帝猶怒,將各予杖。 明年,給事中張維新請推用譴謫諸臣,詔許量 爲義鳥知縣,徵授御史。 是夜大雷雨,明日朝門外水三尺 先是,慈寧宮災,給事中鄒元 帝恚曰:「嚮未罪元標, 自是屢薦不起,里居 十二年正月陳時政 致儁

數十年卒。

天啓初,復官,贈光祿少卿。

實用。 竭,有用之財,糜之無用之地,誠可惜也。」疏入,忤旨,命貶二秩,調邊方。 聚三千蓄怨之人於肘腋,危無逾此者。 輕以 授以戈甲,操於內 旦使執銳衣堅,三蒙寒犯暑, 凶器嘗試,竊爲陛下危之。 **萱基,字巢雄,掖縣人。萬曆八年進士。授刑部主事。十二年,帝集內豎三千人,**[1] 設遇健卒勁騎,立見披靡,車駕不可恃以輕出也。 廷。 尚書 張學 顏諫,不納。 陛下以爲行幸山陵,有此三千人可無恐乎。不知此皆無當 臣聞頃者竟日演練,中暍瀕死者數人,若輩未有不怨者。 且自內操以來,賞賚已二萬金。長此不已,安有殫 基抗 说疏曰:「內廷清嚴地,無故聚三千之衆, 夫此三千人安居美食,筋力柔靡, 九卿、給事、御史

交章論救,且請納<u>基言,不聽。 竟謫基萬全都司都事</u>。

州人。隆慶五年進士。歷官右僉都御史,巡撫順天。 乃留致祥疏,卽日罷之。 禁門,禍不細。」大學士申時行亦語司禮監曰:「此事繫禁廷,諸人擐甲執戈未明而入。 人竄其中,一旦緩急,外廷不得聞,宿衞不及備,此公等剝膚患也。」中官悚然,乘間力言。帝 明年,兵科給事中王致祥言:「祖宗法,非宿衞士不得持寸兵。今授羣不逞利器,出入 會謫降官皆量移,基亦遷南京禮部主事,終南京大理卿。致祥,忻 設奸

宣諸 於地。 禮,卽聖心豈能自安。 語相類。 就學,王錫爵門人也,偕同年生錢允元往規之,爲流涕。 梓宮發引,帝嫡母也,當送門外,以有疾,遣官代行。 詔諭、書諸簡册,傳示天下萬世也。」疏奏,不省。 王就學,字所敬,武進人。萬曆十四年進士。 就學抗疏曰:「人子於親惟送死爲大事。 錫爵悟,並封詔得寢。 於此而不用其情,鳥乎用其情。於此而可忍,鳥乎不可忍? 就學改禮部,進員外郎,尋調東部。 今乃靳一攀送,致聖孝不終。 授戶部主事。三王並封議起,朝論大譁。 吏部侍郎孫繼皐言之。 踰二年,詔甄別吏部諸郎,斥就學爲 ' 會庶吉士李騰芳投錫爵書,與就學 。二十四年,孝安陳太后 `帝怒, 抵其 豈獨 恐難 有 乖 以 疏

葬卒於家。

及三殿災,大臣 繼 **皐抗疏未幾,給事中劉道亨劾文選員外郎蔡夢麟紊銓政,幷及繼皐。** 自 陳,皆慰留,獨繼皐致仕去。 卒,贈禮部尚書。 機阜 , 字以德, 無錫人。 乞罷,不報。 萬

曆二年進士第一。

李懋檜,字克蒼,安溪人。萬曆八年進士。 除六安知州,入為刑部員外郎。

不得 封 御近習、開言路、議蠲振、愼刑罰、重舉刺、限田 事、章一 專達,以慰解帝意。 + 四 年三月,帝方憂旱,命所司 日並上。 帝怒,欲加重譴,言者猶不已。 居數日,帝亦霽威,諸疏皆留中。 條上便宜。 制七事,亦寢不行。 懋槍及部郎劉復初等爭言皇貴妃及恭妃册 閣 臣請帝詔諸曹建言止及所司 而懋檜疏又有保聖躬、節內供、 職掌,且

見也。 饉,山、陝、河南,婦子仳離,僵仆滿道,疾苦危急之狀,蓋有鄭俠所不能圖者,陛下不得聞 下。 及言者,欲概絕之。『防人之口,甚於防川』,庶豈不聞斯語哉。今天下民窮財殫,所在饑 庶以爲海內盡無可言已乎。夫在廷之臣,其爲言官者十僅二三。 明 **適者雷擊日壇,星墜如斗,天變示儆於上,畿輦之間,子弑父,僕弑主,人情乖離於** 年,給事中邵庶因論誠意伯劉世延,刺及建言諸臣。懋檜上言:「庶因世延條奏,波 言官不必皆智,不爲 且

列

俳

第

若嚴言官失職之罰。當言不言,坐以負君誤國之罪。輕則記過,重則褫官。 眎其章奏多寡得失爲殿最,則言官無不直言,庶官無事可言,出位之禁無庸,太平之效自 壅,主上不得聞其過,羣下無所獻其忠,禍天下必自庶始。 亦屢言之。百工技藝之人,有言尙不敢阻,況諸司百執事乎。庶言一出,志士解體,善言日 (明律)百工技藝之人,若有可言之事,直至御前奏聞,但有阻遏者斬。 陳三謨、曾士楚者,並出臺垣,而請劍引裾杖謫以去者,非庶僚則新進書生也。 言官者不必皆愚。 天下幸無事則可,脫有不虞之變,陛下何從而知。庶復以堂上官禁止司屬爲得計,伏覩大 無論往事,即如邇歲馮保、張居正交通亂政,其連章保留,頌功詡德,若 陛下必欲重百官越職之禁,不 大明會典及皇祖臥碑 科道當遷, 果若庶言,

起故官。 論 一劫,乃再降一秩,爲湖廣按察司經歷。歷禮部主事,以憂歸,**屢薦不起。家居二十年,始** 帝責其沽名,命貶一秩。科道合救,不允。庶偕同列胡時麟、梅國樓、郭顯忠復交章 進南京兵部郎中。 天啓初,終太僕少卿。

|李沂,字景魯,嘉魚人。|萬曆十四年進士。改庶吉士。十六年冬,授吏科給事中。

張鯨掌 尙智論 獄 大學 東廠,橫肆無憚。 死,守有除名,鯨被切 土 一申時行等力救,且封還御批,不報。 御史何出光劾鯨死罪八,幷及其黨錦衣都督劉守有、序班邢尚智。 (譲, 而 任 職 如故。 御史馬 許國、王錫爵復各申救,乃寢前 象乾復劾鯨,詆執政甚力, 帝下象乾 命 ", 而 鯨

竟不

罪。

外議

謂

鯨以金寶獻帝獲免。

也。 四海 損 不 聖德,夫豈淺尠! ,豈愛金 流 沂 拜官甫 若謂 傳鯨廣獻金寶,多方請乞,陛下猶豫未忍斷決。 其侍奉多年,則壞法亦多年,謂痛加省改,猶足供事,則未聞 一寶,威如雷霆,豈徇請乞。 一月,上疏曰:「陛下往年罪馮保,近日逐宋坤,鯨惡百保而萬坤,奈何獨濡 且鯨奸謀旣遂,而國家之禍將從此始,臣所 及見明旨許鯨策勵供事,外議藉藉,遂謂爲眞。 中外臣民初未肯信,以爲陛下富有 大懼也。」 可馴虎 狼 使守門戶 忍

貪 中 之,亦未有詔獄、廷杖幷加於一人者。 章論教,俱不 韶 使不 「東不言,而獨謂朕貪,謗誣君父,罪不可宥。」竟杖之。 獄 嚴鞫。 是 可,持去。 日,給事中唐堯欽亦具疏 時行等乞宥,不從。 報。 帝特遣司禮張誠出監杖。時行等上疏,俱詣會極門候進止。 國、錫爵以言不見用, 引罪乞歸。 讞上,詔廷杖六十,斥爲民。 諫。 帝獨手沂疏,震怒,謂沂欲爲馮保、張居正報讐,立下 故事,惟盜賊大逆則有打問之旨,今豈可加之言官。」 錫爵言:「廷杖非正刑,祖宗 太常卿李尚智、給事中薛三才等抗 御批至閣,時行等欲留御批, 帝言:「沂置 雖間一行

列

傳第

明史

帝優韶慰留錫爵,卒不聽其言。

言者發之, ·,未召而 初 ,馮保獲罪,實鯨爲之,故帝云然。 卒。 事 秘莫能明也。 光宗嗣位,贈光祿 其時, 少卿。 周弘 論、潘士藻皆以忤鯨得罪,而 或謂鯨罪不至如保。 張誠掌司禮,素德保,授意 沂禍爲烈。 家居十八

弘 論,字元孚, 麻城人。 倜儻負奇,好射獵。 舉萬曆二年進士,授戶部主事。 降無爲

州同知,遷順天通判。

首 李植之論馮保,似乎忠讜矣,實張宏門客樂新聲爲謀主。 許至御前言事。 其附權奸而棄直言,長壅蔽之禍也。 御史龔懋賢因誣以老疾,惡主事趙世卿之條奏也,尚書王國光逐錮以王官。 紀,則恃宏爲內援也。 三御史,此人心所共憤也。 ·發其奸者,顧在艾穆、沈思孝,部曹言事果何負於國哉。居正惡員外郎管志道之建白也, 十三年春上疏指斥朝貴,言:「兵部尚書張學顏被論屢矣。陛下以學顏故,逐一給事中、 今東科都給事中齊世臣乃請禁部曹建言。 鯨、宏旣竊陛下權,而植又竊司禮勢,此公論所 學顏結張鯨爲兄弟,言官指論學顏而不敢及鯨,畏其勢耳。 今學顏、植交附鯨、宏,鯨敢竊柄,世臣豈不聞? 其巡按順天,納娼 囊居正竊權,臺省羣頌功德,而 不容。 爲 論者 組訓, 小妻,猖狂 切齒,爲 大小官

臣言 世 敢言、奈何反欲人不言乎。前此長吏垣者周邦傑、秦燿。 立 此 臣 此 迹 禁,何 諫 事 寒 也。 蟬。 職 一般敕 世臣 夫逐一人之言者,其罪 今耀官太常,邦傑 無忌憚一至此 司 禮張誠等止掌內府禮儀,毋干政事,天下幸甚。」帝怒,謫代州 哉 官太僕 1 乞放 、小,禁諸臣之言者,其罪大。 矣,諫職 學顏、植 無補 歸里,出燿 一、坐陟 京 當居正時,耀則甘心獵犬,邦傑則 、邦傑於外,屏張鯨使閉 卿,尚謂臺省足恃乎? 往者,嚴嵩及居正猶 判官,再遷 而 居,而 乃禁諸 不 敢 明 奪

澄海 渠北 銀交際,弘論 丞。 典史。 達鴛鴦諸湖,大興水利。 明 1. 年冬,命監察御 七 年,帝始倦勤, 投劾歸,卒於家。 疏發之。 詔 . 史閱視寧夏邊務。 章奏多留中不下。 褫問孟 天啓初,以嘗請建儲,贈太僕少卿。 還朝,以 職,調化民於外。 將材薦哱承恩、土文秀、哱雲。 巡 弘禴疏諫,且請早建皇儲,不報。 撫愈都御史梁問孟、巡茶御史鍾化民, 河東有秦、漢二壩, 明年,承恩等反,坐謫 弘 流論 請以石爲之,濬 尋召爲 取官帑 尚寶

南京

兵

部

主

事

宫近 帝恚曰:「東廠何 潘 士 一**藁**,字去華,婺源人。 萬曆十一年進士。 ·事 ? 乃自外庭發。」杖兩閹,斃其一 邏者執之, 授溫州推官。 爲所毆,訴於士藻。 鯨方掌東廠,怒。 擢御 史, 巡視北城。 私牒 會火災修省, 司 禮監治 慈寧

列

傳

第

讀諸臣,問以經史。對賢人君子之時多,自能以敬易肆,以義奪欲。修省之實,無過於此。」 卿,卒官。 鯨乃激帝怒, 所當施罷。撤大工以俟豐歲,蠲織造、燒造以昭儉德,免金花額外征以佐軍食。且時召講 士藻言:「今天下之患,莫大於君臣之意不通。 宜倣祖制,及近時平臺暖閣召對故事,面議 謫廣東布政司照磨。科道交章論救,不聽。尋擢南京吏部主事。再遷尚寶

保敗,屢遷光祿卿。 欲 不 部尚書譚綸,因薦海瑞。 輒侍側。 遵言:「保一侍從之僕,乃敢立天子寶座,文武羣工拜天子邪,抑拜中官邪? 欺陛 下幼沖,無禮至此」遵乃大學士高拱門生。保疑遵受拱指,遂謀逐拱。遵疏留中。 此。 用 何人代編,令會遵推舉,遵等惶懼不敢承。 雒于仁,字少涇,涇陽人。父遵,吏科都給事中。神宗初卽位,馮保竊權。帝御殿,保 御史景嵩、韓必顯劾綸衰病。 改右僉都御史,巡撫四川。 東部尚書楊博稱編才,詆瑞迂滯,疏遂寢。頃之,編陪祀日壇,咳 居正素善論,而馮保欲緣是爲遵罪,因傳旨詰嵩、必顯 罷歸,卒。 俱貶三秩,調外。 遵得浙江布政司照磨。 尋劾兵

于仁舉萬曆十一年進士。 歷知肥鄉、淸豐二縣,有惠政。 十七年入爲大理寺評事。 疏

其病 明, 华不 日 瘡 此 則 行 其病 一,政事 痍 伐性,貪財 立斃杖下。 此 朝,過此 未 在 臣 平,而 備 其病在 戀 在 不親,講筵久輟。 色也。 嗜酒 官歲 則 張鯨之貲賄復入。 以往,更當 尚氣 《餘,僅 也。 喪志, 又宿怨藏怒於直臣, 傳索帑金,括取幣帛。 也。 龍「十俊」以啓倖門,溺鄭妃, 朝見陛下者三。 尙氣則戕生。 何 四者之病,膠繞身心, 如 臣 知陛下之疾,所 此其病 陛 如范儁、姜應麟、孫 此外惟聞聖體違 1. 在貪 甚且掠 八珍在御, が 財也。 以致之者有 **豈藥石** 問宦官, 靡言不聽。 今日搒宫女, 觴酌是耽, 所可治? 和,一 有獻 苗 如 法 也。 切傳発。 則 忠謀擯斥, 輩, 已, 今陛下 臣 1 皆一 明 聞 畫不足, 無則譴怒。 日 嗜酒. 郊祀 春秋 詘不 挟 儲位 、中官, 則 、鼎盛, 廟享遣官 中, 繼 腐 人虚。 以長 腸,戀色 李沂之 賜 罪狀 猶 環 夜。 此 未 無 代

便於 保祿 入朝 日 居 邃密 全軀 左右,深有利於宗 孟 ,必首言聖躬,次及左右。 軻有取 之士 之地,人莫知而 可 於法家排 以 威 權懼之,若懷忠守義者,卽鼎鋸何避焉。 社哉。 士,今鄒元標其人也。 不能言。 陛下之溺此四者 是以明知其賢,忌而 不知鼓 鐘於宮,聲聞 不不 陛下棄而置之,臣有以得其故矣。 日操生 弗 用。 於外,幽獨之中,指視 殺之權,人畏之而 獨不思直臣不利於陛下,不 臣今敢以 70 一箴獻。 不敢言 所集。 若陛 元標 门則 且

列

僔

第

百

十

雒

于

仁

下肯用臣言,卽立誅臣身,臣雖死猶生也。惟陛下垂察。

酒箴曰: 耽彼麴糵,盺夕不輟,心志內懵,威儀外缺。 神禹疏狄,夏治興隆。

陛下,醲醑勿崇。

色箴曰:豔彼妖姬,寢興在側,啓寵納侮,爭妍誤國。 成湯不邇,享有遐壽。 進藥

陛下,內嬖勿厚。

財箴曰:競彼鏐鐐,錙銖必盡,公帑稱盈,私家懸罄。 武散應臺,八百歸心,隋陽剝

利,天命難諶。進藥陛下,貨賄勿侵。

氣箴曰:"逞彼忿怒,恣睢任情,法尚操切,政盭公平。 虞舜溫恭,和以致祥,秦皇暴

戾,羣怨孔彰。進藥陛下,舊怨勿藏。

疏入,帝震怒。會歲暮,留其疏十日。所云「十俊」,蓋十小閹也。

明年正旦召見閣臣申時行等於毓德宮,手于仁疏授之。帝自辨甚悉,將置之重典。

行等委曲慰解,見帝意不可回,乃曰:「此疏不可發外,恐外人信以爲眞。 臣等卽傳諭寺卿,令于仁去位可也。」帝乃頷之。 居數日,于仁引疾,遂斥爲民。久之卒。 願陛下曲賜優容,

天啓初,贈光祿少卿。

馬經綸,字主一,順天通州人。萬曆十七年進士。 二十三年冬,兵部考選軍 政。 帝謂 中有副千戶者,不宜擅署四品 除肥城知縣,入為 職。 御史。

邊方。 楚產,給事中劉仕瞻三秩,調極邊。 科不 盧 御史李宗延、顧際明、袁可立、綦才、吳禮嘉、王有功、李固本,南京給事中伍文煥、 緘默,命掌印者盡鐫三秩。於是給事中耿隨龍、鄒廷彦、黎道昭、孫羽侯、黃運泰、毛一公, **炳當遷指揮僉事,部臣先已奏請,而帝欲尋端罪言官,遂用是爲罪。** 嚴旨頻下,且不得千戶主名,舉朝震駭。時東廠太監張誠失帝意。 調邊遠典史。 各疏爭,尙書石星請罷職以寬諸臣,皆不納。 名,再罷 亦鐫三秩。而五城御史夏之臣、朱鳳翔、涂喬遷、時偕行、楊述中籍中官客用家,不稱旨,並 大中,御史柳佐、聶應科、李文熙等十九人俱調外, 糾發。降武選郎韓范、都給事中吳文梓雜職。 尚書孫 御史馮從吾、薛繼茂、王愼德、姚三讓四人。大學士趙志皐 又以客用貲財匿崇信伯費甲金家,刑部拷訊無實,謫郎中徐維 **丕揚等以詔旨轉嚴,再疏乞宥。** 以御史區大倫、兪价、强思,給事中張同德言事常忤旨, 于陛又特疏申救。 帝益怒,盡奪職爲民。 鐫員外郎曾偉芳,主事江中信、程僖、陳 留者並停俸 帝怒,命降諸 、陳于陛、沈一貫及 一年。 誠家奴錦衣副千戶霍文 旋移怒兩京科道,以爲 經綸憤甚,抗疏曰: 叉令吏部列 責部臣 濂於外。一時 人雜 徇 費必興、 職,悉調 私, 九卿 兵

辨邪 數年 꺠 靈 實 正 以 頃 鑒佑之。 來,深居 屢 ,指斥奸雄。 奉 嚴旨,斥逐南北言官。 靜攝。 所資臺省耳目之用大矣,陛下何爲 雖 廟堂處分,未必盡協輿論,而縉 君臣 道否,中外俱抱隱憂。 臣幸蒙恩,罰俸供職,今日乃臣 所恃言路諸臣 一旦自塗其耳目邪 紳 公議, 頗足維持 一,明 諫諍之日矣。 目 張 世 膽 風 爲 此 國 [家裁 廟

者不 嘖 有 煩 明署其應得之罪,留者不明署其姑恕之由。 夫 、以兵部考察之故,而罪兵科是已。 陛下 年來厭苦言官,動 | 観罪 以瀆擾,今忽變而 乃因 而 雖聖意淵 蔓及於他給事,又波連於諸御史。 以箝 微,未易窺測 口 ·罪之。 而 道路傳說, 去

是陷 之不 下肯奮然勵精而以五罪罪之,豈不當哉!奈何責之箝口不言者,不於此而於彼也。 能 慮之,而卒不能批鱗諫 言官今日 如 敬 唑 祖 夫 祖 以 如 宗之勤 下之不 之箝 祖宗之用人。 者。 無言罪言官,言官何辭。 罪二。 政。 敬 口 天者。 不言者,有五大罪焉。 罪三。 陛下輟朝 止,是陷陛下甘棄初政,而弗獲克終。 罪四。 罪一。 陛下去邪 陛下 陛下好貨成癖,御下少恩,肘腋之間,叢怨蓄變,言官俱 不御,停講不舉,言官言之而不能卒復之,是陷陛 臣竊觀陛下所爲罪言官者,猶淺之乎罪言官也。 不決,任賢不篤,言官言之而不能强得之,是陷陛 不享祖有年矣,會不能開至誠牽裾 陛下不郊天有年矣,曾不能援故典排闥以諍, 罪五。 言官負此大罪,陛 以諍,是陷 下不 陛下

其耳目,自離其腹心,自戕其股肱,陛下將誰與共理天下事乎 何顏?是自戕其股肱也。夫君臣一體,元首雖明,亦賴股肱腹心耳目之用。今乃自塞 而 亦復何憾。 爲雜 日 職,則輔臣何顏。是自離其腹心也。不聽部疏之救,改雜職而爲編氓,則九卿 : 者廷臣交章論救,不惟不肯還職,而且落職爲民。 夫諸臣本出草莽,今還初服, 獨念朝廷之過舉不可遂,大臣之忠懇不可拂。陛下不聽閣疏之救,改降級 1

乎。臣不能抗君,君不能抗天,此理明甚,陛下獨不思自爲社稷計乎? 講、不惜才、不賤貨,咎失人君之職,而赫然降非常之災,不知陛下爾時能抗天命否 敢抗命者。旣大失人心,必上拂天意。萬一上天震怒,以陛下之不郊不禘、不朝不 夫人君受命於天,與人臣受命於君一也。言官本無大罪,一旦震怒,罪以失職,無

帝大怒,亦貶三秩,出之外。

安所適從 臣等不勝悚懼。 以不言罪邪? 不難効喑默之成習。 經綸旣獲譴,工科都給事中海陽林熙春等上疏曰:「陛下怒言官緘默,斥逐三十餘人, 臣等不能解也。前所罪者,旣以不言之故,今所罪者又以敢言之故,令臣等 陛下誠以不言爲溺職,則臣等不難進憂危之苦詞;誠以直言爲忤旨,則臣等 今御史經綸慷慨陳言,竊意必溫旨褒嘉,顧亦從貶斥。是以建言罪邪,抑 但恐廟堂之上,率諂佞取容,非君上之福也。 臣等富貴榮辱之念豈與

列傳

俸。 是 人殊。 何深怒痛 日 御 然寧為 史定興鹿久徵等亦 疾,而折辱至是哉 此不爲彼者, 」帝益怒,謫熙春茶鹽判官,加 毋亦沐二百餘年養士之恩,不負君父, 上疏,請與諸 臣 一同罪, 貶澤州判官。 貶 經綸 二疏 爲 且不負 典史。 列名凡數十人,悉奪 此 熙春遂引 生耳。 陛下奈 疾去

卒,門人私 頃之,南京御史東莞林培疏陳時政。 諡聞道先生 帝追怒經綸,竟斥爲民。 旣歸,杜門却掃 凡十年。

蝶所 歸,卒。 徐 蘇 維 州 至 通 濂 培 不當調 剕 獲 由 至 盗, 鄉舉為新化 以織造 時驚爲神。 陝西織花絨 故褫官, 知縣。 徵 八購 授 縣僻陋,廣置社學敎之。 皆 南 不可訓,幷論及沈思孝等。 口 京御史,刻罪誠意伯 青擾民,宜罷; 湖廣以魚鮓、江南 劉 民有死於盜者,不得。 世延,置其爪牙於法。 帝怒, 以織造並奪撫按官俸, 調福建鹽 **禱於神**, 運知 已, 事。 Ŀ 書言 隨蝴 告

罷。 時李宗延、柳佐輩咸官於朝,頌其先朝建言事。 天 啓初,復經綸官,贈太僕少卿。 培贈光祿少卿、熙春亦還故職。 詔 加戶部右侍郎,致仕。 屢遷大理卿, 年老乞

劉綱、邛州人。 祖,文恂,孝子。父,應辰,舉鄉試不仕,亦以孝義聞。 綱舉萬曆二十三

年進士,改庶吉士。二十五年七月上疏曰:

矣。 費,絕筋骨不足任勞,鬻妻子不能償貸。 夜之息,思在道乎,不在道乎? 比大工肇興,伐木権稅,採石運甓,遠者萬里,近者亦數百里。 而天不悔禍,三殿復災。 去歲兩宮災、詔示天下,略無馬、陽罪己之誠,文、景蠲租之惠,臣已知天心之未厭 五行志曰:「君不思道,厥災燒宮。」陛下試自省,畫之爲、 加以旱魃爲災,野無青草,人情胥怨,所在如 小民竭膏血不足供

爲。元宰素餐,有汚政地,何以閣爲。其所以示警戒,勸更新者,至深切矣。尚可因循 災,其應以類,天若曰:皇之不極,於誰會歸,何以門爲。朝儀久曠,於誰禀仰,何以殿 而遙。 以 玩惕,重怒上帝哉! 來,簡禋祀,罷朝講,棄股肱,閡耳目,斷地脈,忽天象,君臣有數載之隔,堂陛若萬里 凡敬天法祖,親賢遠奸,寡欲保身,賤貨愼德,俱謂之道,反是非道矣。陛下比年 陛下深居靜攝,所爲祈天永命者何狀,卽外廷有不知,上天寧不見邪。今日之

立久未舉行,是曰積典。大小臣僚以職事請,强半不報,是曰積牘。外之司府有官無 臣聞五行之性,忌積喜暢。積者,災之伏也,請冒死而言積之狀。皇長子冠婚、册

列

怨而益天怒。天下大計奈何以此匪人當之!此不可令關白諸酋聞也。 失,見冤顧犬,未爲晚也。若必專任志皐,處堂相安,小之隳政事而羞士類,大之叢民 斷決,元輔趙志皐不能以去就爭,天應隨之,毫髮不爽。 是曰積寇。 人,是曰積缺。罪斥諸臣, 概不錄敍, 是曰積才。 閩外有揚帆之醜, 中原起揭竿之徒, 守邊治河,諸臣虛詞罔上,恬不爲怪,是曰積玩。 陛下何不召九卿、臺諫面議得 、諸所爲積,陛下不能以明

帝得疏,恚甚,將罪之。以方遘殿災,留中不報。

相屬。 則劉之綸與綱,並四川人。 已而授編修。居二年,京察。坐浮躁,調外任,遂歸。明年卒。故事,翰林與政府聲氣 綱直攻志皐短,故嗛之不置,假察典中之。明世以庶吉士專疏建言者,前惟鄒智,後

戴士衡,字章尹,莆田人。萬曆十七年進士。除新建知縣,擢東科給事中。

引,帝不親送,士衡言:「母子至情,送死大事,奈何於內庭數武地,靳一舉足勞。今山陵竣 凍 稅 使陳增請假便宜得舉刺將吏,淮 楊魯保亦請節制有司,士衡力爭。 薊州總兵官王保濫殺南兵,士衡極論其罪。已,請亟補言官,劾石星誤國大罪五。山 仁聖太后梓宮發

事 ,願 陛下扶杖出迎神主,庶少慰聖母之靈,答臣民之望。」錦衣千戶鄭一 麟奏開昌平銀礦。

士衡以地逼天壽山、抗疏爭。皆不報。

寡 自 귮 미 慮 政 佚 IE 渚五 门即 者 二十 事自修 二,則 欲 五年正月極陳天下 紀 殫 心」亦 聰 君 綱 廢弛 明 心 也。 不 以 公計安社 報 也,戎狄侵陵也,根本 陛 下 高 稷,其道 大計,言:「方今事勢不 拱九重,目不睹師保之容,耳不 無 曲。 動搖 誠宜 也, 一時御便殿,召執 武備 可知者三:天意也,人心也,氣 疎略 也,府藏殫竭也。 聞 政大臣講求 丞弼之議,美麗當前 化 理 共 則 切 運也。 要 心清欲 **,**燕惰 Щ 大

以 爲 星報 直 葉 諫 夢 H 復。 熊 去 本 封事 一。給 刑 帝以言官互爭,皆報寢。 部 事 敗,再劾星 侍 中 劉 郎呂坤、薊遼總督孫鑛及通 道亨右坤,力詆 及沈惟敬、楊方亨,且列 士衡,謂其受大學士 尋劾罷文選郎中白 政參議李宜春。 上防倭八事。 所知 張位指。 時鑛已罷,宜春 多議行。 土 一衡亦刻道亭與星 俄劾南京工部尚 自引歸 ",坤亦 同鄉,

方 林應元 ,乃授陝西鹽課副提舉。 帝 及士衡 惡 東部郎,貶黜者二十二人,因詰責吏科朋比。 俱引罪。 韶貶爲楫一秩,與廷蘭等並 未赴, 會憂危竑議起,竟坐遣戍 調 外。 都給事 士衡得蘄州判官。 中劉爲楫、楊廷蘭、張正學、 無何,詔改遠

先是,士衡 再刻坤,謂 潛進閮範圖說,結納宮闈, 因請舉册立、冠婚諸禮。 帝不悅。 至

章等復 戍|士 懼。 章 也。 者右 士衡 貞 是有 副都御 吏科給 衡 以坤、 實 跋 諸臣皆位心腹 都御史徐作、 論 為 置 廉 之,玉 救。 州 範 史郭惟賢力爲作等解,不 道亨、所知 事 '後者, 、玉衡 中 帝不 衡 程紹、 名曰 雷 與其謀。 禮部侍 《爪牙, 悦, 斥位 州 故與士衡有隙,而 吏部員 憂危竑議,誣坤與貴妃從父鄭承恩、戶部侍郎 御 宜 郎 「爲民。 史趙之翰復言:「是書非出 帝震怒,貴妃復泣訴不已,夜半傳旨逮下詔獄 劉楚先、 外郎鄧光 聽。 國子祭酒劉 全椒 祚及道亨、 奪楚先、作官, 知縣樊玉 下之部院。 應秋、 所知 衡 一人,主謀者慑位,奉行者 出 故給事中楊廷蘭 等 方 應秋於外,廷蘭 同盟 時位 上 結納,羽 已落職閒 本, 張養蒙、山 翼貴 指斥貴妃, 、禮部主 拷 住,署事侍 、建崑 訊。 (妃子) 西 謪 士衡 此 巡 事萬建 邊 明, 無魏允 逐妄. 承恩 郎 方 同 裴 命 應 謀 應 永 指

玉 衡 生還,帝不許。 士 衡 等再更赦、皆不原。 天啓中、贈太僕少卿。 四十 五年, 士衡卒於戍所。 巡按御史田生金請脫其戍籍,釋

帝 曹 學程 命將援朝鮮。 ,字希明,全州 已而 人。 兵部尚書石星聽沈惟敬言,力請封貢。 萬曆十一年進士。 歷知石首、海寧。 乃以李宗城、楊方亨爲正 治 行最,濯 御

裏應和,不足倚信。 副使,往行册封禮。 人充使,因察視情實。 未至日本,而惟敬言漸不售,宗城先逃歸。 爲今日計,遣科臣往勘則可,往封則不可。石星很很自用,趙志皐碌碌 學程抗疏言:「邇者封事大壞,而方亨之揭,謂封事有緒。 帝復惑星言,欲遣給事中一 星、方亨表

依違、東事之潰裂、元輔、樞臣俱不得辭其責。」

救者不絕,多言其母年九十餘,哭子待斃。 遣,已而罷之,卽以方亨爲正使矣。而學程方督畿輔屯田,不知也。疏入,帝大怒,謂 臣失節罪斬。 囑關節,逮下錦衣衞嚴訊。 斥爲民。 後已遷刑部主事。 初,朝鮮甫陷,御史郭實論經略宋應昌不足任,幷陳七不可。 刑科給事中侯廷佩等訟其冤。 會封貢議旣罷,而朝鮮復懇請之。帝乃追怒前主議者,以實倡首, 搒掠無所得,移刑部定罪。尚書蕭大亨請宥,帝不許, 帝卒弗聽,數遇赦亦不原。 志皐及陳于陛、沈一 貫言尤切,皆不納。 帝以實沮撓,謫懷仁典 命坐逆 有暗 自是

僕少卿。 死,終不省。 三十四 其子正儒,朝夕不 崇禎時,旌正儒爲孝子。 年九月始用朱廣言,謫戍湖廣寧遠衞。 離升狴。 見父憔悴骨立,嘔血仆地, **久之**,放歸, 卒。 **久之乃甦**,因刺 血書奏乞代父 天啓初,贈太

梁、祝大舟咸以自潤敗。 星下吏。給事中侯廷佩請還實官,不許。家居十五年,起南京刑部主事,終大理右寺丞。 沈鈇所發,下吏戍邊。 廣巡撫秦燿結政府狀,謫徐溝丞。 實,字伯華,高邑人。萬曆十一年進士。授朝邑知縣,選授御史。御史王麟趾劾湖 故事,撫按贓贖率貯州縣爲公費,自燿及都御史李采菲,御史沈汝 自是率預滅其籍,無可稽矣。實以論朝鮮事黜。久之,封貢不成, 實復劾燿,燿乃罷。比去任,侵贓贖銀鉅萬,爲衡州同知

翁憲祥,字兆隆,常熟人。 萬曆二十年進士。 為鄞縣知縣。 課最,入爲禮科給事中。以

憂去。

代,憲祥極言非制 使,撫按必俟代,至是多反之。 爲不然,則地本預擬,何必於大廷中爲掩飾之術。 補 吏科,疏陳銓政五事。 弘綱貶官,芳亦被責。 其一論掣籤法,言:「使盡付之無心,則天官之職一 而江西巡撫許弘綱以父憂徑歸,廣西巡撫楊芳亦以憂乞免 言者武朱廣、李廷機輒被譴,憲祥疏論。 請亟停罷。」時不能從。 故事,正郎不奉 吏可代。茍

是時大僚多缺。 而侍郎楊時喬、楊道賓旬日間相繼物故,吏、禮二部長貳遂無一 人。

雲南巡撫

陳

用賓、兩

廣總督戴耀,並不報。

兵部止一尙書,養疴不出。戶、刑、工三部暨都察院堂上官,俱以人言註籍。 憲祥言九卿俱曠,甚傷國體。 因陳補缺官、起遺佚數事、報聞。 通政大理亦無

|祥言:「一時賢者,直道難容,相率引避。 纍臣、**矜楚**獄。 薦、李嗣善,同 督王之楨所撓, 屢遷刑科都給事中。 知王邦才,以忤稅使繫獄,力請釋之。會冬至停決囚,復請推緩刑德意,宥 帝皆不報。 久不下。 罪人陳用賓等已論死, 吏部尚書孫丕揚、副都御史許弘綱以考察爲言路所攻,求去。 國是如此,可爲寒心。」旣而軍政拾遺,疏爲錦衣都 疏亦留中。 憲祥皆抗章論駁。 知縣滿朝 憲

内出。 居數年卒。 尋調吏科。 憲祥力諫。 四十一年命輔臣葉向高典會試,給事中曾六德以論救被察官坐貶,旨皆從 中官黃勳、趙祿、李朝用、胡濱等不法,亦連疏彈劾。 久之,擢太常少卿。

國子 相憤、歸草二疏。 博士。 徐大相,字覺斯,江西安義人。萬曆四十四年進士。 四十七年九月朔,百僚將早朝, 一論遼左事,一論受奸邪。 司 禮 時接疏者卽受也。 中官盧受 授東昌推官。 傳発。 見遼事疏曰:「此小臣,亦 衆趨出,受從後 改武學教授,稍遷 ·姗侮。 大

徐大

相

敢言 乃留 事。 中。 及帝閱第二疏,顧受曰:「此卽論汝罪者。」受錯愕,叩頭 是日 ,南京國子學錄喬拱璧亦疏刻受,不報。 明年遷兵部主事 流 血 請罪, 日:「奴當

孫 問。 託、肅官評、正選規、重掌篆、崇禮讓、 輩,持梃譟於門。 相 中杜三策言大相端廉,起廢協輿論,不當譴,不聽。 不揚等二十六人爲魏忠賢削奪,大相請復其官, 與尚書張問 崇禎元年起故官。 大學士葉向 天啓二年調 達議 吏部稽勳主事,移考功。 高、都御史趙南星等連疏救, 比搜大相橐,止俸金七十兩,乃鬨然散。 如 俄改考功,遷驗封郎中。 人其詩。 熹宗方惡卹典冗濫,鐫大相三秩,出 勵氣 明年進驗封員 節、 乃改鐫二秩。 抑僥倖、覈吏弊十事 歷考功、文選。 帝不許。 父憂歸,卒於家。 外郎。 家居,杜門讀書,里人罕見其面 旋以起廢忤旨 大相方 進士薛邦瑞爲 奏陳遵明旨、疏淹滯 ?候命, 一之外。 ٠, 帝卽命 **羣**奄黨受者數十 問達等引罪,不 貶秩 飭行。 其祖蕙請諡 视事。 故尚書 、破請 給

譏 將 譙 以 譲 誠 贊 ,幾爲儕偶所不能堪矣。 神宗中年,德荒政圮。 絞訐摩上,君子弗爲。 聖 懷忠發憤之士,宜其激昂抗詞以匡 人取諷諫,意者殆不如是乎? 謂其忠厚之意薄, 而衒沽之情勝也。 君失。 雒于仁、馬經綸 然納 諫有方,務 詆

〔一〕 帝集內豎三千人 三千人,本書卷二二二及明史稿傳一〇〇張學顏傳都作「二千人」。

〔三〕一旦使執銳衣堅 一旦,原作「一日」,據明史稿傳一○九盧洪春傳附董基傳改。



明史卷二百三十五

列傳第一百二十三

王汝訓 余懋學 張養蒙 孟一脈 何士晉

張庭 李俸 王德完 蔣允儀 鄒維璉 吳羽文

甚。 模棱兩可, 於批鱗,而難於借劍,此何爲也。天下惟公足以服人。今言者不論是非,被言者不論邪正, 以言爲職,乃默默者顯,諤諤者絀。 兵部,累遷光祿少卿。 正志一發其奸,身投荒徼。 汝訓抗疏數其罪,言:「與郊今日薦巡撫,明日薦監司。每疏一出,受賄狼籍。 王汝訓,字古師,聊城人。 曲事 調停,而 東科都給事中海寧陳與郊者,大學士王錫爵門生,又附申時行,**恣** 日 務存大體。 吏部尚書楊巍亦嘗語侍郎趙煥,謂爲小人。乞速罷譴。 隆慶五年進士。除元城知縣。 直犯乘輿,屢荷優容。 是懲議論之紛紜,而反致政體之決裂也。 稍涉當塗,旋遭擯斥。言官不難 萬曆初,入爲刑部主事。 乞特敕吏 部曹吳 且科道 改

列

傳

第

百二

+

 \equiv

王汝

訓

官。 京堂 南 部 己 京 且 自 刺之, ,須彈章。」 未幾,其子 後 頃之,御史王 遷 轉 大恚, 科 與郊 殺 道 言:「臣未嘗 册 論 尋 明 惡 死 復 以憂去。 異喜同,毋 劾 與郊 與郊 詆 悒悒卒。 與郊。 幷 後御史張 及 好 巍, 諛 醜 汝 詔 訓 應揚追劾其交通文選郞 正 奪 以 明 寺臣 是時, 俸, 攻言路,正 擢 巍 與郊 以 政 太常 府 決裂 故, 少 劉希 卿。 政 方 體 厚 孟 之 都 與 大 郊 人 考 者 爲 選納 之語 聞 乃 汝 賄 日 調 訓 並 汝 言 趸 欲

請 尋 進 蠢 太僕 裁 汝訓 內 府 卿 入 亢 爲太常少 調 食,不 光 祿 許 卵。 汝 訓 孟 先爲 秋饗 少卿 廟, ,寺中歲費 帝 不 親行。 汝訓 一十萬 極 一至是 諫。 濫 帝慍甚, 增 四萬 有奇。 以其言直 汝 訓 不罪 據 (會典 也

人

等於 御 用 訓 非 史 外。 將 南昌彭 應期 繩 言官 尙 之。 自 應參 総 年 書 改 孫 訟 死 適 亦 其 汝訓、應參亦 左 應參行 丕揚、都 雅 妻吳氏 以 部至, 强 御 御 史。 直 計 史 名, 泛胤 應期 衷貞吉等引 閼 旋進右副都 愬 相 冤。 與力 怨 帝 家 愈怒。 千 鋤 帝 豪 罪, 人 命 御史,巡撫浙江。 遊道 逮 右。 且 疏 應參、應望 入, 輒重胤譴,至除名, 論 鳥程 陳 救。 牒。 故 帝 尙 應參持之急,檄烏程 詔 意 書 未釋, 獄 董份 汝訓 革 、祭酒 汝 性清介,方嚴疾惡。 謪 訓 救 職,詰 范 應參者給 而謫 應 期 吏 知 應望戍烟瘴 部 縣 里 事 都 張 居 察院 H 應 不 望按 巡按 喬 任

/為民

工,皆不報。 後悉輸內帑,不以供營繕。 汝 訓家居十五年,起南京刑部右侍郎。召改工部,署部事。 在部歲餘,力淸夙弊。 而 四方採木之需多至千萬,費益不訾。 中官請乞,輒執奏不予,節冗費數萬。 初,礦稅與,以助 汝訓 卒,贈工部尚書, 優請 發 大工爲 帑佐

諡

恭介。

正 愼名器、戒紛更、防佞諛五事。 時居正方務綜覈,而

懋學疏與之忤,斥爲民,永不敍錄。 居 非 張居正當國,進白燕白蓮頌。 死,起懋學故官,奏奪成國公朱希忠王爵,請召還光祿少卿岳相、給事中魏時亮等十八 大臣誼,抗疏論之。已,論南京守備太監申信不法,帝爲罷信。 帝俱報可。 余懋學,字行之,婺源人。隆慶二年進士。授撫州推官,濯南京戶科給事中。 尋擢南京尚寶卿。 懋學以帝方憂旱,下詔罪己,與百官圖修釀。 久之,陳崇惇大、親謇諤、 而居正 顧 萬曆初, 獻瑞

十三年,御史李植、江東之等以言事忤執政。 同官蔡系周、孫愈賢希執政指,紛然攻

新, 懋學上言

諸臣 之不 -能容植等,一則以科場不能無私,而惡植等之訐發,一則以往者常保留

列

第

居正 主勢

拿。 方而 忌吳中行、沈思孝等之召用。 |植等三臣,陛下所親擢者也,乃舉朝臣工百計排之,假令政府欲用一人,諸臣 二疑交於中,故百妬發於外也。夫威福自上,則

敢力挫之乎。臣謹以臣工之十蠹爲陛下言之。

今執政大臣一政之善輒矜贊導之功,一事之失輒諉挽回之難,是爲誣上。 其

富一

進用一人,執政則曰我所注意也,冢宰則曰我所推轂也,選郎則曰我所登用 也。

坐下天縱聖明,猶虛懷納諫。 乃二三受爵公朝,拜恩私室,是爲招權。 其蠹二。

陛 下天縱聖明,猶虛懷納諫。乃二三大僚,稍有規正,輒奮袂而起,惡聲相加,是

爲諱疾。其蠹三。

中外臣工,率探政府意向,而不恤公論。論人則毀譽視其愛憎,行政則舉置徇其

喜怒,是爲承望。其蠹四。

君子立身,和而不同。 今當路意有所主,則羣相附和,敢於抗天子,而難於違大

臣,是爲雷同。其蠹五。

我國家諫無專官,今他曹稍有建白,不曰出位,則曰沽名,沮忠直之心,長壅蔽之

漸,是爲阻抑。其蠹六。

心,而猶累牘連章爲之申雪,是爲欺問。其蠹七。

必致忿爭,忿爭不已,必致黨比。唐之件、悸,宋之洛、蜀,其初豈不由一言之相失哉。 近中外臣僚或大臣交攻,或言官相訐,始以自用之私,終之好勝之習。 好勝不已,

是爲競勝。其蠹八。

蠹九。 官,則誇呂、張復出,言及外吏,則頌卓、魯重生。 佞諛成風,日以寖甚。 言及大臣,則等之伊、傅,言及邊帥,則擬以方、召,言及中 非藉結歡,即因邀賂,是爲佞諛。 其

國家設官,各有常職。近兩京大臣務建白以爲名高,侵職掌而聽民訟。 長告許之

風,失具瞻之體,是爲乖戾。 其蠹十也。

累遷南京戶部右侍郎,總理漕儲。 懋學夙以直節著稱,其摘季馴不無過當。 疏白程任卿、江時之冤,二人遂得釋。二十一年以拾遺 然所言好勝之弊,必成朋黨,後果如 其言。

論罷。卒,贈工部尙書。|天啓初,追諡恭穆。

列

智天 之。 疏發其狀,事具遴傳。 錦衣都指揮羅秀營僉書,兵部尚書王遴格不行,失歡權要而去,秀竟夤緣得之。 下事。 張養蒙, 居言職、慷慨好建白。以南北多水旱、條上治奸民、恤流民、愛富民三事 字泰亨,澤州 御史高維崧等言事被謫,養蒙偕同官論救,復特疏訟之。忤旨,奪俸。 人。 萬曆五年進士。選庶吉士,歷吏科左給事 中。 少負才名,明 一帝嘉納 養蒙

當 久任,斯職守專而可責成功。」帝深然之。 任 之人事 也。 其決,隨議塞,當其淤,隨議濬,事竣輒論功。 尋遷工科都給事 而共蒙其賞。及報成未久,懼有後虞,急求謝事,而繼者復告患矣。其故皆由不久 夫官不久任,共弊有三:後先異時也,人己異見也,功罪難執也。 中。 都御史潘季馴奏報河工,養蒙上言曰:「二十年來,河幾告患矣。 夫淤決則委之天災而不任其咎,濬塞則歸 請倣邊臣例,增秩

造,具題者內臣,擬旨者閣臣,抄發者科臣。 尋召爲太僕少卿,四遷左副都御史。 有詔潞安進綢二千四百匹。未幾,復命增五千。養蒙率同官力爭,且曰:「從來傳奉織 今徑下部,非祖制。」不從。出爲河南右參政。

二十四年極讓時政闕失,言:

政事積廢。 邇來殿廷希御,上下不交。 致市猾得以揣意旨, 左右得以播威權。惟利是聞, 禍將胡底。 或疑外臣不可盡信,或疑外事未可盡從。 謹以三輕二 君臣相猜,

重之弊爲陛下陳之。

僚,奈何輕之至此。 發。 行取,皆置不報。 已爲異事,乃冢宰何官, 何小臣聽而大臣不聽,單疏下而公疏不下哉!以至戶曹三疏諫開礦,臣院 、部院之體漸輕。 議大事則十疏而九不行,遇廷推則十人而九不用。 數月虛位。 或虚其位而 法司議劉世延罪, 竟爾留中, 不補,或用其人而 不任。 如冬官一曹,亞卿專署, 主事劉冠南疏入即 夫大臣 師表百 九疏 催

使唯諾風成,謇諤意絕,國是將何定乎? 請屢格,乃至服闋補任, 、科道之職漸輕。 亦皆廢閣。 五科都給事中久虛不補,御史曹學程一 是不欲言路之充也。 夫政無缺失,何憚**人**言。徒 繫不釋,考選臺諫,屢

撫按斂手,何有於監司?從此陛下之赤子將無人拊循矣。 劾李盛春。[1] 夫閣人、武弁得以制巡撫之命, 紀綱不倒置乎? 、撫按之任漸輕。 如開礦一事,撫按有言,咸蒙切責。於是鄭一麟以千戶而妄 璫得志, 諸璫效尤,

使陛下德損於玩物。 以謀復世爵,妄構楚府,而使陛下恩薄於懿親,主簿張以述以求復舊秩,妄獻白鹿,而 、進獻之途漸重。 部臣糾之不聽,言官糾之不聽,業已明示好惡,大開受獻之門。 下僚捐俸,儒士獻資,名爲助工,實懷覬幸。 甚者百戶王守仁

列

神、邀求故物、不至如嘉靖末年之濁亂不止也。 將見媚子宵入投袂競起,今日獻靈瑞,明日貢珍奇,究使敗節文官、價軍武帥,憑藉錢

實繁有徒。採礦不已,必及採珠,皇店不止,漸及皇莊。繼而營市舶,繼而復鎭守,內 欲辦家事,必賴家奴,於是有言無不立聽。豈武弁皆急君,而朝紳盡誤國乎?今奸宄 可以謀坐營,外可以謀監軍。正德敝風,其鑒不遠。 右藉武弁以營差,武弁藉左右以網利,共搆狂言,誑惑天聽。 一、內差之勢漸重。中使紛然四出,乞請之章無日不上,批答之旨無言不溫。 陛下方厭外臣沮撓,謂 左

凡此三輕二重,勢每相因,德與財不並立,中與外不兩勝,惟陛下早見而速圖之。

不報。

逸。 則左右莫必其生;疑及外庭,則僚寀不安於位。究且謀以疑敗,奸以疑容。古帝王至誠馭 建國本,以繫人心,停銀礦、皇店之役,杜四海亂階,減宦官宮妾之刑,弭蕭牆隱禍。 應天實事,猶非應天實心也。罪已不如正己,格事不如格心。陛下平日成心有四。 痛革敝風,恐虛文相謾,大禍必至。臣請陛下躬謁郊廟,以謝嚴譴,立御便殿,以通物情,早 朝享倦於躬臨,章奏倦於省覽。古帝王乾健不息,似不如此。一曰好疑。疑及近侍, 又明年六月,兩宮三殿繼災。養蒙復上疏曰:「近日之災,前古未有。自非君臣交儆, 然此皆 一曰好

物,似不如此。 王予違汝弼,似不如此。 一日好勝。 奮厲威嚴以震羣工,喜諂諛而惡鯁直,厭封駁而樂順從。 日好貨。 以聚斂為奉公, 以投獻爲盡節。 古帝王四海爲家,似 古帝

願陛下戒此四者,亟圖更張,庶天意可回,國祚可保。」帝亦不省。

不如此。

於家。 稱疾乞罷。 **尋遷戶部右侍郎。** 天啓初,賜諡毅敏。 詔養蒙署事。 時再用師朝鮮,命養蒙督餉。 會養蒙亦有疾在告,固辭。 給事中夏子陽劾其托疾,遂罷歸。 事寧,予一子官。三十年,尚書陳蕖

荒萬里,遠絕親闈,非所以廣錫類溥仁施也。」疏入,忤張居正,黜爲民。 年五月上言:「近上兩宮徽號,覃恩內外,獨御史傅應顧,進士鄒元標,部郎艾穆、沈思孝,投 孟一脈,字淑孔,東阿人。 隆慶五年進士。爲平遙知縣。 以廉能擢南京御史。 萬曆六

居正死,起故官,疏陳五事,言:

近再選宮女至九十七人,急徵一時,輦下甚擾。一也。

中外章奏,宜下部臣議覆,閣臣擬旨,脫有不當,臺諫得糾駁之。今乃不任臣工,

顓取宸斷,明旨一出,臣下莫敢犯顏。 二也。

習邪 正,繫世道污隆。 今廉恥 日喪,營求苟且。 **亟宜更化**救弊,先實行而後才

華。三也。

無窮。 於海內。窮歲月之力,專一器之工,罄生平之資,取一盼之適。殊不知財賄易盡,嗜欲 中人數家之產。或刻沉檀,鏤犀象,以珠寶金玉飾之。周鼎、商彝、秦鉈、漢鑑,皆搜求 耳目之好,竭工藝之能,不知紀極。夫中人得十金,卽足供終歲之用。今一物而常兼 遇聖節則有壽服,元宵則有燈服,端陽則有五毒吉服,年例則有歲進龍服。 錫賚,小大畢霑,謁陵犒賜,耗費鉅萬。錙銖取之,泥沙用之。於是民間習爲麗侈,窮 今日取之光禄,明日取之太僕,浮梁之磁,南海之珠,玩好之奇,器用之巧, 東南財賦之區、靡於淫巧、民力竭矣、非陛下有以倡之乎?數年以來,御用不給。 陛下誠能恭儉節約以先天下,禁彼浮淫,還之貞樸,則財用自裕,而風俗亦淳。 日新月異。 以至覃恩

戎,戎人肆剽竊而要我。彼此相欺,以誑君父。幸其不來,來則莫禦。所謂以餌養魚 養魚者也。 口。言出 邊疆之臣,日弛戎備,上下蒙蔽,莫以實聞。由邊臣相繼爲本兵,題覆處分,盡在 今以中國之文帛綺繡爲蕃戎常服,雖曰貢市,實則媚之。 而中傷隨之,誰肯爲無益之談,自取禍敗哉?漁夫舍餌以得魚,未聞 邊臣假貢市以賂 以餌

者也。 請明韶樞臣,洗心易慮。 戰守之備,一一講求,付之邊臣。 使將識敵情,兵識將

意,庶乎臂指如意,國可無虞。五也。

疏入,忤旨,謫建昌推官。屢遷南京右通政。移疾歸。

四十一年,起右僉都御史,巡撫南、贛。 居三年,廷推左副都御史。 未得命,給事中官

應震論其縱子驕恣。 疏雖留中,一脈竟引疾去。 年八十一 卒。

脈初以直諫著聲。 晚膺節鉞,年力已衰,不克有所表樹云。

士晉外家。 何士晉,字武義,宜興人。父其孝,得士晉晚。 讀書稍懈,母輒示以父血衣。 士晉處厲,與人言,未嘗有笑容。 族子利其資,結黨致之死。 繼母吳氏匿

首疏 實、郭子章、戴燿、沈子木,宜舍不舍,公論 主威以洩憤。 之槙久掌錦衣,三為內閣爪牙,中樞 請通章奏、緩聚斂。 萬曆二十六年舉進士。 是陛下負拒諫之名,輔臣收固寵之實,天下所以積憤輔臣而不能平也。 俄言:「袞職有闕,廷臣言雖逆耳,每荷優容。 持血衣愬之官,罪人皆抵法。 心腹。 **乖遠,輔臣廣安得不任其咎。**]無 又劾大學士王錫爵逢君賊善, 召命宜停, 戶部 初授寧波推官, 擢工科給事中。 獨論及輔臣,必欲 何,劾 左都 如 孫 借

列

傳第

尙書趙世卿誤國,無大臣體。 已,復言:「朝端大政,宜及今早行者,在放輔臣以清政地,罷 大臣被論者以伸公議。斥王之楨以絕禍源、釋卞孔時、王邦才等以蘇冤獄。」

皆不省。 遺賢之登進也,乃諸臣屢請不應。而不時內降者,非中貴之營求,卽鬼神之香火,何也。」帝 將崇奉太后,詔建靈應宮,士晉以非禮力爭,且曰:「聖母所注念者東宮出講,諸王早婚,與 籍。瑞王將婚,詔典禮視福王,費當十九萬。初,帝弟潞王婚費不及其半,士晉請視潞王。帝 初,皇長孫生,有詔起廢,列上二百餘人。閱三年,止用顧憲成等四人。士晉請大起廢

揭自明,人言益籍籍。 起非常,中外咸疑謀出鄭國泰,然無敢直犯其鋒者。郎中陸大受稍及之,國泰大懼,急出 未幾,有張差挺擊之事。 。 士晉乃抗疏曰: 王之宋鉤得差供,帝遷延不決,士晉三上疏趣之。當是時,變

等何由錮?此挑激之疑也。 進。妖書之毒何由搆。此基禍之疑也。 疑,然人之疑國泰,不自今日始也。 陛下與東宮,情親父子,勢共安危,豈有禍逼蕭牆,不少動念者。 竊詳大受之疏,未嘗實指國泰主謀,何張皇自疑乃爾?因其自疑,人益不能無 南宗順,刑餘也,而陰募死士千人,謂何?順義王,外寇 陛下試問國泰,三王之議何由起。置範之序何由 孟養浩等何由杖?戴士衡等何由戍?王德完 候命踰 期,旁疑

也,而 不軌之疑也。 且 一个日 各宮門守以重兵、謂何?王曰乾,逆徒也,而疏中先有龐保、劉成名姓,謂何?此 之疑國泰,又非張差一事已也。 三者積疑至今日,忽有張差一事, 恐騎虎難下,駭鹿走險, 正與往者舉措相 符,安得令人不疑 擊不效, 別有陰謀。

陛

下不

急護東宮,則東宮爲孤注。

萬一東宮失護,而陛下又轉爲孤注矣。

罪卽 惑聖: 惟 大逆、九廟之罪人、非但貴妃不能庇、即陛下亦不能庇也。 有主謀,無 聖明 聰,久稽 坐之,則臣 國泰欲釋 裁察。 與國泰事,請令國泰自任,凡皇太子、皇長孫起居悉屬國泰保護,稍有 廷 人疑,惟明告貴妃,力求陛下速執保、成下吏。 訊,或潛散黨與,俾之遠逃,或陰斃張差,以冀滅口 與在廷諸臣亦願陛下保全國泰身,無替恩禮。 借劍尚 如果國泰主謀,是乾坤之 若國泰畏有連引,預熒 .方,請自臣始。 ,則罪愈不容誅矣。 疎虞, 或別

疏入,帝大怒,欲罪之。 之官四年,移廣西參議。 命調 **僉事,候** 前補者。 命三年未下。 吏部又以士晉積資已深,秩當參議。 至是,帝急簡部疏, 念事已有跡,恐益致人言。 光宗立,擢尚寶少卿,遷太僕。 命 如前 擬。 帝怒, 而東部先以士晉爲東林黨,擬出爲浙江 吏部言闕官已補,請改命。 切責尚書,奪郎中以下俸。 帝不許

天啓二年 傳 第 以右 百 愈都 + Ξ 御史巡撫廣西。 何 士 晉 安南 入犯,督將吏屢擊却之。 四年擢兵部右侍郎,

誣叛 總督 急,家人但輸數百金,產已罄。 臣 兩 安邦彥賄士晉十萬金,阻援兵。 廣軍務、兼巡撫廣東。 明年四月,魏忠賢大熾,爭梃擊者率獲罪。 會莊烈帝立,獲免,復官賜恤。 遂除士晉名,

徵賄助餉。 士晉憤鬱而卒。 御史田景新希旨, 有司徵贓

逞,以僥倖於萬一哉!皆不報。 者、今皆匿於何地。奈何不嚴竟而速斷耶。」「三戶部主事蕭州張庭者,大受同年生也,亦上 也。君側藏奸,上下蒙蔽,皆由陛下精神偏注,皇太子召見甚稀,而前此冊立、選婚及近時 言:「奸人突入大內,狙擊靑宮,陛下宜何如震怒,立窮主謀。 東宮出講、郭妃卜葬諸事,陛下皆弗勝遲回,强而後可。彼宦寺者安得不妄生測度,陰蓄不 何以不知其名。業承一大第,何以不知其所。彼三老、三太互相表裏,而霸州武舉高順寧 大受抗疏言:「青宮何地,張差何人,敢白晝持梃直犯儲蹕,此乾坤何等時耶!業承一內官, 詔賜莊 陸大受,字凝遠,武進入。萬曆三十五年進士。授行人,屢遷戶部郞中。福王將之國, 田四萬頃。大受請大減田額,因劾鄭國泰驕恣亂法狀,疏留中。王之寀發張差事, 乃廷臣交章,一無批答,何

大受尋出爲撫州知府,以淸潔著聞。居二年,徐紹吉、韓浚以京察奪其官。 庭再遷郎

中,被齮齕。

引退,抑鬱以死。

敢 錄 叉 有 俸 力 聞喜李俸者,爲刑 爭 ,乃得入 獄 詞,遂爲 部郎 中。 鄭 、氏黨 當諸 所惡。 司 會鞫時,張差語涉逆謀, 及遷 鳳翔 知府,諸黨人以言懾之,竟不 郎 中胡 士相等相 ·敢之 顧

任。後復中以京察,卒於家。

大受起補韶州。 天啓 初 ,御史張愼言、方震孺、魏光緒、楊新期交章訟三人冤。 已,都御史高攀龍請加庭、俸廕諡,不果。 大受未幾卒。 乃贈庭、俸光祿寺少卿,

蠹? 完言 前之策,有經 公沐昌祚 年 爲飭二臣。 兵官李 可保無事,此計在經久。 : 「諸邊歲糜餉數百萬,而 王德完,字子醇,廣安人。 日欺,邊吏罔上也。 冠 棟等冒 服,罷巡撫朱孟震、賈待問、郭四 石星爲本兵, 久之策。 功罪。 **謹守誓盟,苟免搏噬,此計在目前** 半歲章 德完 三日 今經略鄭洛主款,巡撫葉夢熊又言戰,邊臣不協,安望成功。」 土氣 上十議以規時, 萬曆十四年進士。 數 徇, 十上,率軍國大計 日衰, 市賞增額也。 戎備 維,少卿楊 日 帝納之。 廢者 三日虛,邊防鮮實 選庶吉士,改兵科給事 四知 已,請裁李成梁父子權, 以三蠹未除, 大修戰具,令賊不 道卿。 又發廣東總督劉繼文 也。 二策未 中。 何謂 審 敢窺邊, 西陲 二策? 也。 劾褫黔國 失事,德 何 則 爲 有 帝 İ 百

足。 除。 略,經略誤總督,總督誤本兵,本兵誤朝廷也。」後封果不成。德完尋以疾歸 百 七十餘萬,而今則三百八十餘萬。 時弗能 累遷 宜嚴劾內府諸庫, 汰其不急。 又加意屯田、鹽法, 外開其源, 而內節其流, 庶幾 戶科都給事中。 用。 倭寇 人躪朝鮮,再議封貢。德完言:「封則必貢, 貢則必市, 是沈惟敬誤經 上籌畫邊餉議,言:「諸邊歲例,弘、正問止四十三萬,至嘉靖則二 惟力行節儉,足以補救。 蓋耗蠹之弊,外易剔 國 而 用可 內難

弭災變。」不報。四川妖人韓應龍奏請權鹽、採木。 尋甸知府蔡如川、趙州知州甘學書,以忤 稅使被逮。 無從,故雨澤緣天怒而屯,螟螣因人妖而出。願盡撤礦稅之使,釋逮繫之臣,省愆贖過,用 玄殿、龍舟之役。皆不報。已,劾湖廣稅使陳奉四大罪。再疏極論,謂奉必激變。 二十八年起任工科。 德完皆力爭。 復劾山東稅使陳增、畿輔稅使王虎罪。不報 極陳四川採木、権稅及播州用兵之患。又言三殿未營,不宜復興 奉果為

餘萬,宂費如此,國何以支。」因請減織造,止營建,亟完殿工,停買珠寶,愼重採辦,大發內 之役,二百餘萬。今皇長子及諸王子冊封、冠婚至九百三十四萬,而袍服之費復二百七十 已極陳國計匱乏,言:「近歲寧夏用兵,費百八十餘萬,朝鮮之役,七百八十餘萬,播州

帑,語極切至。帝亦不省。

列傳第一百二十三 王德完

議論,眷禮中宮,始終無間矣。 如爲皇長子,愼無擾瀆。 奏爲德完解,帝亦不釋。旋廷杖百,除其名。 訊。 明。 子於父母之怒,當號泣幾諫。 德完曰:「此國家大事,旦夕不測,書之史冊,謂朝廷無人。」德完乃屬輝具草。 意后崩,貴妃卽正中宮位,其子爲太子。 「道路喧傳,謂中宮役使僅數人,伊鬱致疾,阽危弗自保,臣不勝驚疑。 臣卽 衡是 尚書李戴 時帝寵鄭貴妃,疎皇后及皇長子。 愚昧, 兩端,皆難緘默。 、御史周盤等連疏論 決知其不然。 必欲爲德完,則再遲冊立一歲。」廷臣乃不復言。 敢效漢朝袁盎却坐之議,陳其愚誠。」疏入,帝震怒,立下詔 第臺諫之官得風聞言事。果中宮不得於陛下以致疾歟? 果陛下眷遇中宮有加無替歟? 救。 忤旨,切賣,御史奪俸有差。大學士沈一貫 中允黃輝,皇長子講官也,從內侍微探得其狀, 皇長子生母王恭妃幾殆,而皇后亦多疾。 復傳諭 廷臣:「諸臣爲皇長子耶,抑爲 則子於父母之謗,當 宮禁嚴秘,虛實未 然帝自是懼外廷 十月上疏言: 德完 左右多竊 昭 力疾草 雪 獄 謂 辨 則

光宗立,召爲太常少卿。 俄擢左僉都御史。 天啓元年,京師獲間諜, 詞連司禮中官盧

受。德完請出受南京。

廷臣急欲誅之。 初,德完直聲震天下。 德完乃上 疏請酌公論,或遣戍立功,或卽時正辟,蓋設 及居大僚,持論每與鄒元標等異。 楊鎬、李如 兩途以俟 楨 喪師 冷帝寬 論 死,圖 之。

月. 因 薦 順 天 府 丞 邵 輔忠、通 政參議吳殿邦,以兩 人嘗力攻李三才也。 疏出,果寬鎬等。 於

是給 事 中 魏 大 中 再 疏論之,德完亦力辨。 帝爲詰責 大中,事 乃 已。

德完尋進戶部右侍郞。 其後,輔忠、殿邦以黨逆敗,愈爲德完惜之。 給事 中朱欽相 、倪思輝言事獲罪, 疏救之。 明年, 遷左。 亡何

蔣允儀,字聞韶,宜興 人。 萬曆四十四年進士。 授桐鄉知縣,移嘉

旣 詆 箝 得冰雹之災。 申之戒 者反獲譴。 於婦寺,以籍叢煬竈之奸 ·劾者 以斬級微功邀三次之賞,即當以失地大罪伏不赦之辜。 口結舌以保祿位,天下事尚忍言哉 天啓二年擢 諭 爲羣奸朋謀,而反與前尙書黃嘉善、 允儀 使諸臣不遵明諭,而引裾折檻以甘斥逐,天下事猶可爲也,使諸臣果遵 變不虛生,各以類應。 御史。 不平,疏詆其同罪佚罰。[四因言:「近言官稍進苦口 時廣寧已失,熊廷弼、王化貞俱論死,而 而托之奉公潔己, 夫以坤維之厚重而震撼於妖孽,以鬚眉之丈夫而 頃者, 崔景榮並 是皆陰脅陽之徵也。」報 恒暘不雨,二麥無秋, 以邊功晉宮保。 且以七百里之楡關 兵部 明。 尚書張鶴鳴 允儀 皇上於宮中 鶴鳴旣屢被 益憤,言「鶴 兼 如故 祈禱, 反 旬 明 数, 因 未已, 了糾之 諭 m 交 而 鳴 關

試問 撫俱論辟,嘉善、景榮應得何罪,赫然震怒,論究如法,庶封疆不致破壞。」帝不用 至,畏縮無丈夫氣,偃蹇無人臣禮。 鶴鳴,爲本兵,功罪殺於邊臣,今日經、撫俱論辟,鶴鳴應得何罪,又問鶴鳴,舊日經、 **猶且視顏哆口評經、撫功罪,若身在功罪外者。**

以允儀請,改設總兵。 會議紅丸事,力詆方從哲,請盡奪官階、祿廕。 尋疏論四川監司周著、林宰、徐如珂等功,請優敍。 其黨惡之。 徐州舊設參將,山東盜熾, 而劾總督張我續

退縮,請罷斥。不從。

追恨前此當軸之人也。」中旨將重譴允儀,以大學士葉向高言,停俸半歲 柏、如槙,何一不出其保舉。 功國本者,靡不痛加催抑,必欲敗其名,錮其身,盡其倫類而後快。於是方從哲獨居政府, 分,臺省之例轉,大僚之拾遺,黑白顚倒,私意橫行。 言一丁巳主察者鄭繼之、李鋕也,「己考功科道則趙士諤、徐紹吉、韓浚也。當日八法之處 亓詩教、趙興邦等分部要津。 亟培善類。」 疏入,魏忠賢、劉朝輩皆不悅。以丁巳主察之人不指名直奏, 責令置對。 允儀 人者,莫不巧加羅織。 踰月,請杜傳宣、愼爵賞、免立枷、除苛政。 且言:「向者丁巳之察,凡抗論國本繫籍正 陰邪盛而陽氣傷,致有今日之禍。今計期已迫,願當事者早伐邪謀, **迨封疆破壞,囹圄充塞,而此輩宴然無恙。** 凡疆圉重臣,皆賄賂請托而得,如李維翰、楊鎬、熊廷弼 凡抗論建藩,催請之國,保護先帝,有 臣所以痛心遼事, 李如

列傳

移 以),天下無不順 光聖德。 因災祲上言:「內降當停,內操當罷。 東南杼 應。 柚已空,重 品 區修釀虛文,安能格上穹哉」」帝不能 以屢次之加派; 金吾冒濫已極,加以非分之襲封。 陵工束手,非所以展孝思;直臣 用 **八廢** 聖心一轉 非所

薄紹徽。 巡按陝西,條上籌邊八事。 魏忠賢擢紹徽佐 都察院用 太常少卿王紹徽家居,與里人馮從吾不協。 事 0 五年,允儀還朝,即出爲湖廣副使。 其冬又使給事 允儀 重 從吾,

中

蘇兆先劾其爲門戶渠魁,遂削

籍

擢 吏八 盜 太僕 一柄諸錄,清流遂芟刈無遺。 則。 崇禎 少 卿 明年佐都御史曹于汴,大計京官,貶黜者二百餘人,坐不謹者百人,仕路爲淸。 元年薦起御史,言:「奸黨王紹徽創點將錄,獻之逆奄。 乞加削 奪,爲傾陷忠良之戒。」從之。 其後效之者有同志、天監、 其冬掌河南道 事,陳計

罪。 平 虚。 用礮擊之,士馬多死。 久,人不知兵,而 會財 其冬,賊大至,陷鄖西 四年六月以右僉都御史撫治鄖陽。 入川,鄖得少緩。 屬 城 大金怒,訴諸朝,命逮景麟,責允儀陳狀。 率 上津。 庳薄,無守具。 中官陳大金與左良玉來援,副使徐景麟見其多攜 明年陷 房縣、保康。 諸府標兵止五百,餉六千,不及一大郡監司。 六年,流賊 將窺湖廣。 允儀兵少,不能禦, 已而幷逮允儀下獄,戍邊, 兵部令移鎮襄陽, 上章乞援, 婦 女,疑爲賊, 鄖 且請 且承

袁 取 ,授南京兵部主事,進員**外**郎。 驥 鄒維 以 私 璉,字德輝 憾摭布政 ,江西新昌 籫 子 **倫罪,維璉以去就** 人。 遼左 萬曆三十五年進士。 用兵,疏陳 爭。 監司 數 事 欲爲一驥建生 尋以憂去 授延平推官。 詞,維 耿 速 抗 介有 大節 詞 力 阻 巡 撫 行

賢陰主之。 維璉素清嚴,請寄皆絕。 天啓三年起官職方,進郞 維璉極言其妖妄。 因極 |論債帥之弊,譏切中官、大臣。 中。 忠賢怒,矯旨譙責。 刑部主事 譚謙 益薦 海 內 妖 方 人宋 用 師 明 時能役神兵復 將帥悉賄進,職方尤冗穢 遼左地,魏忠

憤, 路者。 魏大中、左光 櫆等益怒,交章力攻。 乃嚴覈官 拜疏: 吏部 給 求 評, 事 尙 龍 中 書趙南 斗 無 傳機、陳良訓、章允儒以南星不先咨己, 以 卽 少 假 日出 及 星知其賢,調爲稽勳 借 維 璉。 城。 又以江 疏中以章惇攻蘇軾, 自 是朝端水 西有吳羽文, 火,諸賢益不安其位矣。 郞 中。 例不當用,兩 時言路 蔡京逐司 横态, 大怒, 馬光 人迫羽文去, 凡用吏部郎,必咨其同鄉居言 共詬 爲言, 維璉欲去不得,詔留視 誶 維 櫆等愈怒。 璉。 以窘辱維璉 及維 璉 櫆遂 調 考功, 維璉 顯攻 事

列

邊。 僖宗亦以阿父稱之;我朝王振、曹吉祥、劉瑾,亦嘗寵之羣臣之上。 有一人老死牖下,獲保 忠賢即放 忠,不忍割棄。 九列巨卿,安可自處於商輅、劉健、韓文下。」疏入,責其瀆奏。 富貴哉?今陛下以太阿授忠賢,非所以爲宗社計,亦非所以爲忠賢計也。 諸媚璫者力別其是非,請託,拒不聽,諸逆黨交憾。 楊漣 歸。 一劾魏忠賢,被旨切責。 無何,張訥劾南星,追論維璉調部非法,詔削籍。 豈知罪惡旣盈,卽不忍不可得。 維璉抗疏曰:「忠賢大姦大惡,罄竹難書。陛下憐其 漢張讓、趙忠、靈帝以父母稱之,唐田 及趙南 崔呈秀坐贓被劾,維璉論 復構入汪文言獄,下吏,戍 星 去 國, 維 若夫黃扉元老, 璉 願 與俱去, 小信小 令孜 戍

寧,紅夷 據彭湖,挾互市,後徙臺灣,漸泊厦門。 春 寇乃泛舟大洋,轉掠青港、荆嶼、石灣。 勞績甚著。 年二月擢右僉都御史,代熊文燦巡撫福建。 ,敍却賊 崇順初,起南京通政參議,就遷太僕少卿,疏陳卜相、久任、納言、議諡、籌兵五 乘間襲陷厦門城,大掠。維璉急發兵水陸進,芝龍亦馳援,焚其三舟,官軍傷 、功,詔許起用。 會當 國者溫體仁輩雅忌維璉,而閩人宦京師者 旋召拜兵部右侍郎,遘疾不赴,卒於家。 諸將禦之鲖山,連戰 維璉屢檄芝龍防遏之,不聽。 海寇劉香亂,遣遊擊鄭芝龍擊破之。 數日,始敗去。 騰謗於朝, 明年夏,芝龍 竟坐是罷官。 維 璉 在 海外紅 事 事。五 剿賊福 亦衆。 夷

體仁 戍。 文納 人譴黜大半,遷者三人而已。 吳羽 令刑部尚書馮英以逆案入詔內。 侍郎吳胜等交薦,復官,未赴卒。 二人脉,下獄。 文既謝病歸,至崇禎六年始復出。 羽文用高鳳翔為大名知府。 羽文痛絕諸弊, 羽文,字長卿,南昌人。 羽文執止之,而議起錢龍錫、李邦華等。 歷考功文選郞中。 鳳翔故嘗坐小罰, 數與溫體仁牴牾 萬曆四十一年進士。 帝以積疑吏部有私,選郎十 言者復謂其徇私, 賊毁皇陵, 偵事者 有詔肆赦。

鄒維璉抗魏奄,拒逆黨,僅坐謫戍,幸矣。 贊曰:王汝訓諸人建言,挺謇諤之節,洊歷卿貳,不隕厥問。 余懋學之言十蠹,有以哉。

校勘記

云 以 鄭 中官而妄劾李盛春。」按神宗實錄卷三〇三萬曆二十四年十月戊寅 鄭 麟以千戶而妄劾李盛春 (麒 字應作麟)一千戶耳,輒奏督撫孫튫等遲玩。」「王虎一中貴耳, 明史稿傳一〇六張養蒙傳作「鄭一麟以千戶而妄劾孫鑛,王虎 條 左副 都御史張養蒙奏 朝參巡撫 李盛

列

傅

第

百

+

=

校勘記

六一三九

誣捏。」傳文有脫誤。

春

劾左都督王之楨久掌錦衣 王之楨,原作「王之禎」。據本書卷二二五李戴傳及卷二三四翁憲

三五 奈何不嚴竟而速斷耶 嚴竟,原作「嚴禁」,據明史稿傳一二四何士晉傳附陸大受傳改。

德完傳改。 按如楨兄弟名如松、如柏、如樟、如梅、都從木不從示,見李成梁傳。 李如楨,原作「李如禎」,據本書卷二三八李成梁傳、明史稿傳一一〇王

р.я Ш

楊鎬李如楨喪師論死

Œ. 疏詆其同罪佚罰 疏詆、原作「疏直」,據明史稿傳一三六蔣允儀傳改。

丁巳主察者鄭繼之李鋕也 李鋕,原作「李誌」,據本書卷一一二七卿年表改。

明史卷二百三十六

列傳第一百二十四

李植 羊可立 江東之 湯兆京 金士衡

孫振基 子必顯 丁元薦 于玉立 李朴 夏嘉遇

吉士,授御史。十年冬,張居正卒,馮保猶用事。其黨錦衣指揮同 龍罷去。植遂發保十二大罪。帝震怒,罪保。植、東之由是受知於帝。 奏,擬詔旨如故。居正黨率倚斷以自結於保,斷勢益張。 史江東之首暴爵奸,并言兵部尚書梁夢龍與爵交驩,以得吏部,宜斥。 李植,字汝培。父承式,自大同徙居江都,官福建布政使。 而帝雅銜居正、保,未有以發。 植舉萬曆五年進士,選庶 知徐爵居禁中,爲閱章 帝下爵獄,論死,夢 御

壽宮於大峪山。 明年,植巡按幾輔,請寬居正所定百官乘驛之禁,從之。帝用禮部尚書徐學謨言,將 植扈行閱視,謂其地未善。欲偕東之疏爭,不果。 明年,植還朝。 時御

列

傳

史羊 方忌 中 川 行 1 亦 用 以 賢 追 論 且 居 心 IE 害植三人 受 帝 知。 寵 = 人 會爭 更相 御史丁此呂事及 結, 亦頗引吳中行、趙 論 學謨 用 ト壽宮之非 贀 沈 思 孝 ٠, 與 爲 中時 重。 行 執 政

相

拄, 卒被

斥去。

時行 京郎中汪 大 御 岩 謪 尙 皆 以二子皆登科,不樂此呂言 嗣 而 史趙 中行 書楊 理 侍 嗣 修 修 、懋修 卿 植 ,召還此呂,以 郎高 初 溫)等座⁾ 錦 、兵部 巍 用 東之及同官楊 應 議 啓 純 副 賢 蛟、御史李廷彦、蔡時鼎、 及 主 愚主· 黜維文,改 敬 爲 都 員 都 也,言考官 修。 御 黨 外 給 南京試,至 史石星 郎嵇 事 兩解之。 居正 中行、用賢 中齊世臣、御 應科 調 四 敗, 一,尙書 知、給事中 止據 應科、傲 1科場事 山 以『舜亦 此呂 有丁、國 文藝,安知 疏 王遴、潘 西提學 發 ,留**啓**愚、 辨求去,語 史 王士性等不平, 交章 以 其 劉 言不 巍 黃師顏等又力攻請留三臣者之失。 命 副使陸檄 事 難庇 季 懷恕等, 禹 姓名,不宜 馴 謪 』爲題,顯爲勸 光啓,而 又言:「禮部侍 、楊兆,侍 皆侵國 此呂,無 居正,實媚 極 河南參政戴光啓 論 一,用賢 言此呂 以 以安時行 時行 郎 此 時行。」 爲罪 ·劾巍,語侵時行。 沈 語尤 進。」大學士 郞 |國 鯉、陸光 不 何 清請 顧經旨 巍 峻。 巍 雒 時行、巍並 文代嗣 敕 不 心。 爲鄉會試 祖 或 吏 宜 陷 避位 部 申 、舒化、何起鳴、褚 去。 或 啓愚 覈官 時 修 反覆 不 行、余 、懋修 中行 求 東 考官 主 岚 之疏 去。 大 評,以定去留 詆 亦疏言:「律 逆。 張 言者 有 撰 ,私居正子 帝 於是左都 正鵠 殿 T 此呂 欲 許國 武武策 生 時 慰 鈇 南 坐 行

禁上言大臣德政。 也。」帝竟留三臣,責言者如錦等指。其後,啓愚卒爲南京給事中劉一相劾去,時行亦不能 **諛之極,甚可恥也。** 邇者襲請留居正遺風,輔臣辭位,羣起奏留,贊德稱功,聯章累牘。 祖宗二百餘年以來,無諫官論事爲吏部劾罷者,則又壅蔽之漸,不可長 此諂

救也。

部擢植太僕少卿、東之光祿少卿、可立尚寶少卿、並添 狍 世 相 欲用 卿及植、東之凡五人。時行等力爲守有解,言憐等不宜驟遷。 又劾錦衣都督劉守有匿居正家資。帝乃諭內閣黜守有,超擢居正所抑丘橓、余懋學、趙 帝追讐居正甚。以大臣陰相庇,獨植、東之、可立能發其奸,欲驟貴之,風示廷臣。 [植等。頃之,植劾刑部尚書潘季馴朋黨奸逆,誣上欺君,季馴 註。 廷臣益忌植等。 帝重違大臣意,議雖寢,心 坐削籍。 帝遂手詔吏

得雪。 尊呼我爲兒,每觀沒入寶玩則喜我』。 季馴 賜其私。 岳、鄒元標數臣,忠義天植,之死不移,臣實安爲之黨,樂從之遊。今指植與交歡 也。 十三年四月旱,御史蔡系周言:「古者,朝有權臣,獄有冤囚,則旱。 今日之旱,實由於植。」又曰:「植迫欲得中行柄國,以善其後,中行迫欲得植秉銓,而 疏 倘其計得行,勢必盡毒善類,今日旱災猶其小者。」其他語絕狂誕。 上 未報,御史龔懋賢、孫愈賢繼之。 其無忌憚如此。 東之發憤上疏曰:「思孝、中行、用賢 陛下欲雪枉,而刑部尚書之枉,先不 植數爲人言。『至 所稱尚書,謂 爲黨,則植 及張

列傳

第

百

臣何紛爭。」乃已。七月,御史襲仲慶又劾植、中行、思孝爲邪臣,帝惡其排擠,出之外。世 東之求去,不許。給事御史齊世臣、吳定等交章劾可立不當代植辨。報曰:「殷方憂旱,諸 之解,寢閣臣奏,而敕都察院:「自今諫官言事,當顧國家大體,毋以私滅公,犯者必罪。」植、 言諸臣,勢不盡去臣等不止。乞罷職。章下內閣,時行等請詰可立奸黨主名。 猶未若臣之密`願先罷臣官。」不允。 可立亦抗言:「奸黨懷馮、張私惠,造不根之辟,以傾建 帝仍欲兩為

「虧忽奏言恥爲植三人所引,義不可留,因具奏不平者八事。大略言:「張、馮之獄,上志先 之見臣直廬,力言形龍山不如大峪。今已二年,忽創此議。其借事傾臣明甚。」帝責三人不 定,言者適投共會,而輒自附於用賢等攖鱗折檻之黨。且謂舍建言別無人品,建言之中,舍 宜以葬師術責輔臣,奪俸半歲。三人以明習葬法薦侍郎張岳、太常何源。兩人方疏辭,錫 其地不一。 朦朧易徙,若弈棋然,非大臣謀國之忠也。」時行奏辨,言:「車駕初閱時,植、東 奏請改圖。乃學謨以私意主其議,時行以親故贊其成。今鑿石以安壽宮者,與爨所立表, 壽宮地有石,時行以學謨故主之,可用是罪也,乃合疏上言:「地果吉則不宜有石,有石則宜 臣及御史顧鈐等連章論救,不聽。 可立又嘗特薦之於朝,錫爵故以面折張居正,爲時所重。三人念時行去,錫爵必爲首輔,而 是時,竟用學謨言,作壽宮於大峪山。八月,役旣興矣,大學士王錫爵,植館師,東之、

於時行、國、錫爵、巍、化、光祖、世臣、定、愈賢皆褒中寓刺,而力詆季馴、懋賢、系周、仲慶, 與郊、王敬民等因迭攻植等,帝下敬民疏,貶植戶部員外郎,東之兵部員外郎,可立大理評 處、化輩,曩嘗舉爲正人。[1]一言相左,日謀剚刃,皆不平之大者。」御史韓國楨,給事中陳 採摭張、馮舊事, 張岳以諸臣紛爭,具疏評其賢否,頗爲植、東之、可立地,請令各宣力一方,以全終始。 別無同志。 以中人之資,乘一言之會,超越朝右,日尋戈矛。大臣如國

給事中盧逵亦承風請正三人罪,士論哂之。 吉,遂調三人於外。 惟中行、用賢、思孝無所譏貶。帝責岳頌美大臣,且支蔓,不足定國是,岳坐免。帝猶以植 言壽宮有石數十丈,如屛風,其下皆石,恐寶座將置於石上。閏月,復躬往視之,終謂大峪 御史柯梃因自言習葬法,力稱大峪之美,獲督南畿學政。 而植同年生

沅州 植。 糧萬 却敵聞,且 下總督諸臣詳議,不果行。 石。 知州。屢官右僉都御史,巡撫遼東。時二十六年也。 植 植、東之、可立自以言事見知,未及三歲而貶。 疏 戶部推 (辨乞休, 帝慰留之。 一詆業弘。 其法九邊。 業弘 再疏劾植欺蔽, 以倭寇退,請因師旋,選主、客銳卒,驅除宿寇,恢復舊遼陽。 明年, 奏稅監高淮貧暴,請召還,不報。 歸、議失事,巡按御史王業弘 詔解官聽勘。 植得綏德知州 勘已,命家居聽用,竟不召。 植墾土積栗,得田 劾植 後淮 旋引疾歸。 激 及諸將失律。 變,委阻撓罪於 四萬畝,歲獲 居十年,起 卒,贈 植以

列

明

兵部右侍郎。

可立,汝陽人。 由安邑知縣爲御史,與植等並擢。已,由評事調大名推官。終山東

誰 必以副封白長官。 ? 曰:「劉臺也。」宗載失氣反走,遂與應昌俱得罪。 僉都御史王宗載嘗承張居正指,與于應昌共陷劉臺,東之疏劾之。故事,御史上封事, 江東之,字長信,獻人。萬曆五年進士。 東之持入署,宗載迎謂曰:「江御史何言。」曰:「爲死御史鳴冤。」問爲 由行人擢御史。 首發馮保、 徐爵奸, 受知於

僉事。 。 僕 天下田租三之一,獨不及皇莊及勛戚莊 坐爭壽宮事,與李植、羊可立皆貶。 東之出視畿輔屯政,奏駙馬都尉侯拱宸從父豪奪民田,引置於理。 三遷大理寺右少卿 田。 東之得霍州知州,以病免。 東之爲言,滅発如制。 還朝,擢光祿 久之, 起鄧州, 進湖廣 先是,皇子生,免 少卿,改太

遣指: 揮楊國柱討楊應龍敗績事,黜爲民。 一十四年以右僉都御史巡 撫貴州。 擊高砦叛苗,斬首百餘級。 憤恨抵家卒。 京察,被劾発官。 復以

東之官行人時,刑部郎舒邦儒闔門病疫死,遺孤一歲,人莫敢過其門。 東之經紀其喪,

提其孤歸,乳之。舒氏卒有後。

者,三 兆京 遷、溫如璋交章力諫,不報。出按宣府、大同,請罷 部 侍 彈 郞 湯 有請徵徽 刻 朱國 兆京,字伯閎,宜興人。萬曆二十年進士。 杖配 祚、 南京。 薊遼總督萬世德, 、寧諸府契稅,鬻高淳諸縣草場者,帝意俱嚮之。 時礦 稅繁興,奸人競言利。 帝不 問。 巡視 西城, 稅使張曄、礦使王虎、王忠、亦不納。 除豐城知縣。 有謂開海外機 貴妃宮閹豎塗辱禮部 治最, 徵授御史。 易山 兆京偕同官金忠士、史學 门歲可 獲 侍郎 金 敖文禎, 四 連劾禮 十萬

之。 未釋,兆京悉縱遣之。 木,逮繫無虛 其詞 掌 河南道。 直,卒 日。 無以奪也。 佐孫丕揚典京察,所譴黜皆當,而被黜者之黨爭相攻擊。 兆京按宣府時奏之,浚亦誣託兆京。 東廠太監盧受縱其下橫都市,四兆京論如 詳具<u>不</u>揚傳中。 尋出按順天諸府。 帝遣使按驗,事已白,而諸被繫者猶 守陵中官李浚誣 法 兆京 亦十餘疏應 軍民 盜 陵

御史,吏部尚書趙煥調浙江巡按呂圖 還復掌河南道。 福王久不之國,兆京倡給事御史伏闕固請,卒不 南補之, 尋以年例出三御史於外,皆不咨都察院。 - 得命。 南京缺提學

兆京

引 京 不 南 去。 得 申 引 其 雪 故 一,語 職, 事 爭 侵 拜 永 疏 區 春 徑 南 幷 歸 之 及燠,二人 調 御史李 爲給 邦華 事 連章 中 · 周永 、周起元、 辨,兆京 春 所 亦爭 孫居相 劾, 之强。 棄官 逐助 歸。 帝欲安煥,爲稍 兆京 兆京 攻煥。 及 御 史王 帝亦 奪 一時熙、 兆京 奪其 汪 俸 俸 有 然煥 兆 功 京 爲 亦 以 圖

以 爲 重 兆 京 居官 屢遭排擊,卒無能 廉 Ē, 遇 事 慷 一言汚之者。 慨。 其時黨勢已成, 天啓中、贈太僕少卿 正人多 見齮齕。 兆京力維持其間,清議 倚

Ш 間 淮 不 永 豐 東 肆 र्त 河 毒 流 甘 知 而 金 |Щ 肅 决 於 榷 縣 士 西 , 健, 居 一衡,字 遼左 矣。 地 癯 則牛妖、人妖,今甘肅天鳴地裂,山崩 震,復 南 孫 刑 京工 秉中 人為 餘 Ŀ 朝造患於石嶺 小 -, 長 一疏曰 一科給 魚 醜,市 鱉,乃復橫 洲 事 人。 往者湖 井 中。 、無藉, 父應徵, ,其尤著者也。 疏 征 廣 陳 巧取以蹙之。 安知遠謀, 冰雹, 礦 税之害,言:「曩者採於 雲南參政,以廉能 順 天 假 川竭矣。 今天 書晦 以利 獸 下 窮 豐潤 柄,貪饕無 水旱盜賊,所 則攫,鳥窮 陛 稱。 下明知 地 陷, Щ 士衡 則 厭。 四 榷 亂徵,而泄 在 啄 舉萬曆 Ш 於 洞 楊榮 星 而 त्त 有 變, 將 今則 一十 啓釁於 有不 泄從 遼 蕭 東 陽 不 年 可言者。 麗江 事 天鼓震, Ш 進 、豐、沛 ,是以 土 而 採

機 閣。 考察被黜, 帝皆不 天下戲也。」因極言邊糈告匱,宜急出內帑濟餉,罷撤稅使,毋事掊克,引鹿臺、西園爲戒。 密 不宜抄傳,詔倂禁章奏未下者。 士衡 聽。 以不 爲沈 南京督儲尚書王基、雲南巡撫陳用賓拾遺被劾, 協人望,抗章論。 一貫所庇,帝皆留之。 姜士昌、宋燾言事得罪,並申救之。 由是中朝政事,四方寂然不得聞。 士衡疏爭。 侍郎 周應賓、黃汝良、李廷機當預 給事中錢夢皐、御 給事 士衡力陳其 中王元翰 史張 以 言軍國 非便。 推內 渠等

卿。 才、元翰者悉斥之。 京官。 引疾去,卒於家。 尋 擢 掌南察者,南京吏部侍郎史繼偕,齊、楚、浙人之黨也,與孫丕揚北察相反,凡助三 南京通政參議。 士衡亦謫兩浙鹽運副使,不赴。 時元翰及李三才先後爲言者所攻,士衡並爲申雪。 天啓初,起兵部員外郎。 累遷太僕少 三十九年大

疏

多不行。

帝召王錫爵爲首輔,以被劾奏辨,語過憤激,士衡馳疏劾之。

乾起釁。 先是,楊應龍伏誅,貴州宣慰使安疆臣邀據故所侵地。 後象乾弟象恒巡撫蘇、松、以兄故頗銜士衡。 廉知其清介狀,稱說不置云。 總督王象乾不許。 士衡遂劾象

王元翰,字伯舉,雲南寧州人。 列 傳 第 百 _ + 四 佥 1: 衡 萬曆二十九年進士。 Ŧ 元 翰 選庶吉士。 三十四年改吏科給事 六一四 九

卿 中 毎署 意 氣 數倍 陵 厲 舊 額 以 諫 諍 加 建言 自任 諸 o 臣 時 廷臣習偷惰,法度盡 斥不 復。 大 臣 被 弛。 彈, 率 會推 連 之柄散 計。 在 元翰 九 列 悉 科 疏 道, 論 其 率推 非 京

論 祇 販 銷 不 有 玩 入 曠 賡 味 鑠。 知變,可痛哭者七。 以 可可 都 章 游 事 輔 年 爽 世 爲 疏 怨 者 無 手 政 視 尋 道 痛 憤,死綏無望。 官 朝 而 \equiv 進 人之云亡, 耳,今一 何 累 哭者三。 Ë 一載,猶 泛廷 工 借停 或一 如 年 一科右 見大 哉 朩 未一 • 被 人 止 切 給 旦 邦國 可 被廢 臣,言官得隨 以愚衆。 命。 綰 高 一有 事中 製符。 覯天顏 痛哭者六。 閣。 急 ||殄瘁 塞 郊廟不親, 諸 庶常散館 ,巡視 北 能 臣 慷 是天 之患未可 久淪 事不 驅 म् 慨 可 廠 使赴 建白 痛哭者四。 痛哭者 其 権稅使者滿 庫 以回祿警陛下,陛下反 切身, Щ 亦 後,日 則天地祖宗不相屬 一、極 敵哉? 谷。 越常期 者莫不 知也。 陳惜 __. 政自苟 陳 近 雖 四方利 可痛 自 九 九 薪 京師十餘萬兵,歲靡餉 奉 天 御 吾 邊 卿强华 司 且,可痛哭者二。 詔 下,致小 哭者五。 史巡方事 一歲餉 官多之害。 病。 知 敍錄,未見連 無濟,第存 缺 虚 ;朝講不御,則伏機隱禍不上聞。 尋復 懸,甚者 至八十餘萬, 以回祿剝萬民也。 民怨聲徹 竣, 天子高 陳 其秋 遣代 時 茹 事 此 闔署無 拱深居,所恃 上 叼 無人。 彙 議 す, 言 天,降災召異。 都臺 疏 征。 論 二百餘萬, 平居凍餒, 二輔 耳。 極言 一 人。 省寥寥幾 威 苟 衆心 令不 臣, 更閱 時 言路惟 以通下 監 事 大都 心膂 · 行, 離叛 脫 數 司 敗 方且 人。 年, 巾 郡 壞 空存 市井 上下 也。 而 情者 可虞; 古今 指 行 宁 H 胥 猶 負 亦 朱 殿 漸 取 帝

未 有 如此而天下無事者。 且青宮輟講,亦已經年,親宦官宮妾,而疎正人端士,獨奈何不爲

宗社計也!可痛哭者八。」帝皆不省。

帑數百萬金,工可立竣, 毋徒苦四方萬姓。」疏皆不報。 與宦官宮妾處,乃相安無患。 人,言:「子章曲 賊首縱撲滅,虐政不除,滇之爲滇,猶未可保也。」俄言:「礦稅之設,本爲大工。 民不堪命, 武定賊 阿克作亂。 庇安疆臣,堅意割地,貽西南大憂。 至殺稅使,而徵権如故。 元翰上言:「克本小醜,亂易平也。 子章罪當斬。」不納。 **貢金請滅,反增益之。** 且嘗著婦寺論,言人主當隔絕廷臣,專 尋兩疏劾貴州巡撫郭子章等凡四 至雲南大害,莫甚貢金、惟稅二 衆心憤怒,使亂賊假 若捐 以爲 內

沂。 洪水寇賊之變易,挽君心與臣工之變難。」又言:「陛下三十年培養之人才,半掃除於申時 爲大亨謀主,太常少卿唐鶴徵爲鑛謀主,亦當斥。尋因災異,乞亟罷廣、大亨及副都 至天地譴告,亦悍然弗顧,此又一變也。 部 至是,將推兩京兵部尚書蕭大亨、孫鑛爲吏部尚書。 侍郎。 且言: 「近更有二大變。大小臣工志期得官,不顧嗤笑,此一變也。陛下不恤人言,甚 先是,廷推閣 汝良,廷機邑人,天敍,朱賡同鄉也。 臣。 元翰言李廷機非宰相器。 有君心之變,然後臣工之變因之。 元翰! 已而黃汝良推吏部侍郎,全天敍推南京禮 極論會推之弊,譏切政府,二人遂不用。 元翰亦疏論二人,幷言職方郎申用懋 在今日,挽天地 御史詹

列

行、王 安性、御 錫爵, 史管橘敗羣叢穢,皆不報。 半禁錮於沈一 貫、朱廣。」因薦鄒元標、顧憲成等十餘人。 掌廠 內官 王道不法,疏暴其罪,亦 弗 無 聽 何, 又劾給事中喻

亮、金士衡、高 簡 亦 炳 庫 舉 括, 朝 主 金,剋商 以浮躁坐元翰,再貶湖廣按察知事 成畏其 元翰 一紹徽 慟哭辭朝而 居 、劉國縉等十餘疏並 人貲,奸贓數十萬。 П 諫 節、劉蘭輩則連章論救。 垣 吏科 四年,力持清議。 去。 都給事中陳治則與元翰不相能。 吏部 坐擅離職守,謫刑部檢校。後孫丕揚主京察,斥治則、國縉等, 攻之,而史記事、胡忻、史學遷、張國儒、馬孟禛、陳于廷、吳 元翰憤甚,辨疏詆繼芳北鄙小賊,語過激。 摩主闕,拄貴近,世服其敢言。 帝悉不省。元翰乃盡出其筐篋,异置國門,縱吏士 御史鄭繼芳,其門人也,遂劾元翰盜 然銳意 搏擊,毛 於是繼芳黨劉 舉鷹鷙, 文

兩 黨 分 方 爭久不息。 繼芳之發疏 而是時刻李三才者亦指其貪,諸左右元翰者又往往左右三才,由是臣僚 也,卽潛遣 人圍守元翰家。 及元翰去,所劾贓無有,則謂寄之記事家。

召用,爲尚書王永光所尼。 天啓初 ,累遷刑部主事。 元翰乃流寓南都,十年不歸。 卒,遂葬焉 魏忠賢亂政,其黨石三畏劾之,削籍。 莊烈帝卽位,復官。將

益

相

水火,而朋黨之勢成矣。

列傳第一百二十四 孫振基

四月 以治行徵,與李成名等十七人當授給事中,先除禮部主事。四十年十月命始下,振基 孫 振基,字肖岡,潼關衞人。萬曆二十九年進士。除華縣知縣,調繁安丘。三十六年

得戶科。時東部推舉大僚,每惠乏才,振基力請起廢。

敬亦稱病去,事三年矣。 舉、圖資深,嫌擠排前輩,隱不發。及廷對,賓尹爲敬夤緣得第一人。後賓尹以考察褫官, 署名,意欲遷延爲敬 尹之分校也,越房取中五人,他考官效之,競相搜取,凡十七人。至時實尹雖廢,中朝多其 <u>幷賓尹事發之。下禮官,會吏部都察院議,顧不及賓尹事。振基乃抗疏請並議,未得命。</u> 之,强總裁侍郎蕭雲舉、王圖錄爲第一。 榜發,士論大譁。 知貢舉侍郎吳道南欲奏之,以雲 謹 黨,欲藉是寬敬。 禮部侍郎翁正春等議黜學賢,謫之麟,亦不及賓尹等。 下廷臣更議。 韓敬者,歸安人也,受業宣城湯賓尹。賓尹分校會試,敬卷爲他考官所棄。 職別住。 御史王時熙、劉策、馬孟禎亦疏論其事,而南京給事中張篤敬證尤力。 御史劉 正春乃會九卿趙煥及都給事中翁憲祥、御史余懋衡等六十三人議坐敬不 地。 廷元、董元儒、過庭訓,敬同鄉也、謂敬關節果眞,罪非止不謹,執不 會進士鄒之麟分校順天鄉試,所取童學賢有私,於是御史孫居相 正春等不從,持初議上。廷元遂疏劾之,公議益憤。 振基謂議者庇之,再疏論劾。 振基、居相、 賓尹搜得

篤 不當罪,再疏糾駁。 敬 及 御史魏雲中等連章論列。 帝竟如廷元等言,敕部更覈。 給事中商周祚亦敬同鄉,議幷罪道南。 廷元黨元詩教遂劾正春首鼠兩端,正春 孟禎以道南發奸,

尋引去。

|祥、 庇, 中策及給事李成名、麻僖、陳伯友,御史李邦華、崔爾進、李若星、潘之祥、翟 史熊廷弼素交歡賓尹 士,南京御史周遠等駁之,疏凡數十上。 持勘議甚力。 劣,杖殺永縉。 史孫瑋議鐫養喬秩,令廷弼解職候勘。 言是聽,乃 芮永縉輩訟於官,爲建祠,賓尹恥之。後永縉又發諸生梅振祚、宣祚朋淫狀。 自是黨廷弼者頗屈。 會熊 廷弼之議亦起。 以年例出振基及雲中、時熙於外。 而篤敬及給 巡按御史荆養喬遂劾廷弼殺人媚人,疏上,徑自引歸。 了, 判牒言此施、湯故智,欲藉雪賓尹前恥。 帝竟納瑋言,令廷 初,賓尹家居,嘗奪生員施天德妻爲妾,不從,投繯死。 事中官應震、姜性、吳亮嗣、梅之煥、亓詩教、趙興邦,御史黃彥 時南北臺諫議論方囂,各有所左右。 振基及諸給事御史復極言廷弼當勘,斥應震等黨 酮 振 解職。 基得 山東僉事,瑋 其黨大恨。 又以所司報永縉及應祥 亦引 吏部尚書趙煥者,惟詩教 去。 廷弼亦疏辨。 鳳 振基、孟禛、雲 翀、徐良彦等 諸生馮應 督學御 都 行 御

寶尹黨必欲十七人並罪,以寬敞。 振 基 勁 直 一敢言。 居諫垣 僅半 歲,數有建白。 孫愼行代正春,復集廷臣議。 旣去,科場議猶未定,策復上 仍坐敬關節 ,而爲十七人 疏 極 論 而

官矣, 黨 昭 聽 **寛典,僅謫行人司副。** 勘一 人。 雪。 復斷斷於篤敬, 諸黨 事,業逐去一總憲,外轉兩言官矣,獨介介於之祥。 疏竟留中。 人旋出 之外,幷逐慎行。 賓尹、敬有奥援,外廷又多助之,故議久不決。 毋乃已甚乎。」孟禛遂亦調外。 蓋七年而事始竣云。 旣而居相、策引去、之祥外遷。 振基到官,尋以憂去,卒於家。 凡與敬爲難者,朝無一人。 敬科場一案,亦去兩侍郎、兩言 篤敬復上疏論敬,陰詆諸 孟禎 不平,疏言:「廷 敞由 是得 弼

寺丞。 逐擢 必顯右 侍郎。 事。 御史吳履中又劾其紊亂選法。 明年移文選。 冬,魏忠賢羅織清流,御史陳睿謨劾其世投門戶,遂削籍。崇禎二年起驗封郎中,移考功。 道出柘城、歸德,適流賊來犯,皆爲設守,完其城。一時推知兵。 子必顯,字克孝。 十一年冬,都城被兵,兵部兩侍郎皆缺,尚書楊嗣昌請不拘常格,博推才望者遷補, 尚書王永光雅不喜東林,給事中常自裕因劾其推舉不當數事,且詆以貪汙。 甫一月,無疾而卒。 萬曆四十四年進士。官文選員外郎,爲尙書趙南星所重。 必顯兩疏辨,帝不聽,謫山西按察司經歷,量移南京禮部主 歷尚寶司丞、大理左 天啓五年

輔 民 居 思 臣 八 也 妬 亂 年,始謁 嫉 也 元 薦 也, 武 其 所 諓 選 備 字 言 積 爲 論 長 一輔臣 中書 滋 弛 孺 多 也 ,專斥首輔 也,士 月 舍 長 人。 興 本 人。 一習敗 ·封貢 甫 王 期 父應詔 壞 也。 錫 月,上 也, 爵 可 元薦 江 褒 浩 封 功 数者 事 西 恤 僉 座 萬 主 忠未備 七一征 事 言 0 批 極 元薦舉萬 陳 也 時 弊。 急也,賞罰 坐視 曆 言 而 + 一个日 不可 四 年 不 事 救藥者二, 明 進士 勢 也,忠賢 可 寒 請告 الله 則 者 廢 歸 三:饑 紀 錮 綱、 也, 家

交章 隍,慮· 事。 邪 察, 有以一六經亂天下 說 見羣 之叛 論 甫 一十 事 抵 劾無虛 中 小 孔 官 七年京 變,然 横 子者。 甚,畏之, 値京察事 日。 察。 無敢言者。 語 疏 元 薦 雖 入 元薦家居, 累疏 竣, 鄉試 復 不 報 再 尚書 請竣察典,語頗示 策問 元薦 疏 黨 辨 孫丕揚 人益 坐浮 者。 屷 乃 上言弘綱 惡之。 躁 竟 元薦 力清 論 不安其 調 家居 兀 邪 持議 十五五 異。 黨 、身而 関 不 反 十有 勝 不 年京 羣 去。 ·宜前 "憤, 爲其黨所攻。 小 二年,起廣東按察司 藉以攻丕 察,遂復 其後邪 復 却 馬也 并 疏 盡發諸 黨 闕 以 揚。 愈 下 不 副 熾, 都御史 謹削 極 察 人 正 詆 隱 疏 人屏斥殆 狀 亂 經歷,移 猶 許 未 政 弘 之叛 黨 下 綱 人惡之, 人情 禮 故 、盡,至 高皇, 部 共 机 主

寶 沙 卿 天 啓 初 明 年 大起 ·, 朝 遺 事 佚。 大變,復削 元薦格 其籍 於 例 獨不 召。 至 四 年,廷臣交 訟其冤,起刑 部 檢校,

元薦 初學於許字遠,已,從顧憲成遊。慷慨負氣,遇事奮前,屢躓無少挫。 通籍四十年,

老矣,不能涉嫌要津。」遽別去。「弘當康林、浙黨之分,浙黨所彈射康林者,李三才之次則元 前後服官不滿一載。同郡沈淮召入閣,邀一見,謝不往。 嘗過高攀龍, 詩與交歡, 辭曰:「吾

薦與于玉立。

輩未嘗忤主,而終於禁錮,何以勵骨鯁之臣。上下隔越,國議、軍機無由參斷,而陛下稱旨 宮之憂?深拱禁中,開夤緣之隙,致邪孽侵權,而陛下未察其奸,何以杜旁落之漸?萬國 民,皆疑至尊日求般樂,不顧百姓塗炭,何以繫天下之心。」因力言李如松、麻貴不可爲大 陛下爲城 陛下籠信不疑。 夫 時政闕失,言:「陛下寵幸貴妃,宴逸無度。 下令,終不出閨闥之間,何以盡大臣之謀。忠良多擯,邪佞得名,何以作羣臣之氣。遠近之 奪晏安之習。 數年以來,問安視膳,郊廟朝講,一切不行。 (人懷必死之心,而使處肘腋房闥問,倘因利乘便,甘心一逞,可不寒心。 |玉立,字中甫, |金壇人。 萬曆十一年進士。 一社,而外廷之儉邪又以義爲城社。黨合謀連,其禍難量。且陛下一惑於嬖倖,而 是君身之不修,未有甚於今日者矣。夫宮庭震驚,而陛下若罔聞,何以解兩 邇者奏牘或下或留,推舉或用或否,道路籍籍,咸謂義簸弄其間。 恣行威怒, 鞭笞羣下, 宮人奄豎無辜死者千人。 至邊烽四起,禍亂成形,猶不足以動憂危之情, 除刑部主事,進員外郎。二十年七月疏陳 田義本一奸豎, 蓋義以 欽

將、鄭洛不當再起,石星不堪爲本兵。疏入,不報。

有言醫人沈令譽實爲妖書者,搜其篋,得玉立與吏部郎中王士騏書,中及其起官事。 **尋進郎中,謝病歸。** 。久之,起故官。 康丕揚輩欲以妖書陷郭正域,玉立獨左右之。 帝方 會

下東部按問,而玉立遽疏辨。

帝怒,褫其官。

卿召,終不出。 光祿丞,辭不赴。言者猶齮齕不已,御史馬孟禎抗章直之,帝皆不省。又三年,以光祿少 攻東林者,率謂玉立遙制朝權,以是詬病東林。玉立居家久之,數被推薦。三十七年稍起 玉立 ||倜儻好事。海內建言廢錮諸臣,咸以東林爲歸。 天啓初,錄先朝罪譴諸臣,玉立已前卒,贈尚寶卿。 玉立與通聲氣,東林名益盛。 而

平。 才、孫丕揚辨謗,而薦呂坤、姜士昌、鄒元標、趙南星。 三黨勢盛,稍持議論者,羣譟逐之。主事沈正宗、賀烺皆與相拄,坐貶官。 其年十二月上疏曰: |李朴,字||鑑白,朝邑人。 |萬曆二十九年進士。 由彰德推官入爲戶部主事。 四十年夏,朴以朝多朋黨,清流廢錮,疏請破奸黨,錄遺賢,因爲顧憲成、于玉立、李三 帝不聽。 明年再遷郎中。 朴性戆,積憤不 齊、楚、浙

列傅第一百二十四 李朴

排斥端 遊市 至尊不覽章奏,大臣柔弱無爲,故猖狂恣肆,至於此極。 朝 肆,狎比娼優 《廷設言官,假之權勢,本責以糾正諸司,舉刺非法,非欲其結黨逞威,挾制 人正 士也。 ;或就飲商賈之家,流連山 今乃深結戚畹近侍,威制 大僚; 人之室。 日事請寄,廣納賂遺;褻衣 身則 臣謂 鬼蜮,反誣他 此輩皆可斬也。 人。 **此蓋** 小 車,遨 百僚, 丽欺

居相 擠排善類,而趙興邦輩附麗之。 震、吳亮嗣、黃彦士輩,山東 孫瑋、湯兆京、李邦華、孫居相、周起元各爭職掌,則羣攻之。 **猶謂之黨。** 夫居相 一人耳, 則元詩教、周 陛下試思居相 何能為? 永春輩,四川 彼浙江則姚宗文、劉廷元輩,湖廣 人敵宗文輩百人,孰為 則 田 甲輩,百 今或去或罰,惟存 人合為 有黨耶? رنا، ر 則官應

言路者,反謂無權,而林下投閒杜門樂道者,反謂 乃攻康林者,今日指爲亂政,明日目爲擅權,不知康林居何官? 有權,此不 可欺三尺豎子,而 操何柄 在 以欺 朝列

陛下哉!

陳 用 賓 至若黃克纘뛣私鉅萬,已敗猶見留,顧憲成淸風百代,已死猶被論,而封疆 ,科場作奸 如韓敬,趨時鬻爵 如趙煥,殺 人媚人如熊廷弼,猶爲之營護,爲之稱 坐死如

冤。國典安在哉!

俯 :察臣言,立賜威斷,先斬臣以謝諸奸,然後斬諸奸以謝天下,宗社幸甚。」

疏奏,臺諫皆大恨。 宗文等及其黨力詆,幷侵居相,而一甲且羅織其贓私。

議罰。 益怒、排擊無虛日。 侍郎李汝華亦以屬吏出位妄言刻朴。 部院議鐫 朴三級,調外任,帝持 「詩教爲羣兇盟主,實社稷巨蠹,陛下尤不可不察。」 帝爲下詔切責言官,略如|朴指。 帝 雅不喜言官,得朴疏,心善之。 而朴再疏發亮嗣、應震、彥士、一甲贓私,及宗文、廷元庇韓敬、興邦娟趙煥狀,且言: 會大學士葉向高、方從哲亦謂朴言過當,乃下部院

月,始用閣臣言,下部院疏,謫朴州同知。自後黨人益用事,遂以京察落其職 力,以兩人皆浙產也。頃之,又再疏劾宗文、一鷺及其黨董定策等。 至 存謙引罪,攻者猶未已。朴益憤,復陳浙人空國之由,追咎沈一貫,武宗文及毛一鷺甚 明年四月,吏部奉詔起廢,朴名預焉。於是黨人益譁,再起攻朴,幷及文選郎郭存 帝皆置不問。 其年六

天啓初,起用,歷官參議。卒,贈太僕少卿。 魏忠賢竊柄,御史安伸追論,詔奪其贈。

夏嘉遇,字正甫,松江華亭人。萬曆三十八年進士。 授保定推官。

考選。 臣方從哲也,誰司 由,則以縱貸李維翰故。 惺、中書舍人尹嘉賓、行人魏光國皆以才名,當列言職。 詩教輩以與之麟善,抑之,俾不與 李徵儀、董元儒、李嵩輩,與相倡和,務以攻東林排異已爲事。 浙則給事中

姚宗文、

御史劉廷元。 浙三方鼎峙之名。 齊則給事中 元詩教、周永春,御史韓浚。 楚則給事中官應震、吳亮嗣。 爲諸黨人魁。 路無幾人,盤踞益堅。後進當入爲臺諫者,必鉤致門下,以爲羽翼,當事大臣莫敢撄其鋒。 紹吉、[t]商周祚,御史駱駸會、過庭訓、房壯麗、牟志夔、唐世濟、金汝諧、彭宗孟、田生金、 位,中外章奏悉留中。 求吏部不得,大恨,反攻之,幷詆從哲。 四十七年三月,遼東敗書聞,嘉遇遂抗疏言:「遼左三路喪師,雖緣楊鎬失策,揆厥 詩教者,從哲門生,而吏部尚書趙煥鄉人也。煥耄昏,兩人一聽詩教。 四十五年用治行徵。 以故嘉遇不能 武進鄒之麟者,浙人黨也。先坐事謫上林典簿,至是爲工部主事,附詩教、 糾駁,則兵科趙興邦也。 無怨。 惟言路一攻,則其人自去,不待詔旨。臺諫之勢積重不返,有齊、楚、 夫維翰喪師辱國,罪不容誅,乃僅令回籍聽勘。 當擢諫職,先注禮部主事。 而湯賓尹輩陰爲之主。其黨給事中趙興邦、張延登、徐 參貂白錣,賂遺釋絡,國典邊防,因之大壞。 詩教怒,煥爲黜之麟。 帝久倦勤,方從哲獨柄國。 其時考選久稽,屢趣不下,言 時嘉遇及工部主事鍾 詩教把持朝局, 誰 司 票擬,

碌碌充

列 傅 第

則閣

所

惟

馳突,臣竊痛之。 今內治盡壞,縱日議兵食、談戰守,究何益於事? 故臣爲國擊奸,冀除禍 戴,相倚爲奸。凡枚卜、考選諸大政,百方撓阻,專務壅蔽,遏絕主聰。遂致綱紀不張,戎馬 本,雖死不避,尙區區計升沉得喪哉!」 登、壯麗輩交章力攻。 詩教謂嘉遇不得考選,故挾私狂逞。 嘉遇言: 「詩教於從哲,一心擁 陛下立斷。」疏入,未報。從哲力辨,嘉遇再疏劾之,幷及詩敎。於是詩敎、興邦及亮嗣、延

詩教 無禮 諸御史復合詞攻嘉遇。嘉遇復疏言:「古人有云,見無禮於君者逐之,如鷹鸇之逐鳥雀也。 以舊憾 得逃其罰。且不罰已矣,反從而超陟之。是臣彈章適爲薦剡,國家有如是法紀哉」疏奏, 而二奸敢侵越之。 奪二臣實專之。 **遂立擢爲太常少卿。** 魏光國疏論詩教,爲通政沮格。 、興邦謂臣不得臺諫而怒。夫爵位名秩,操之天子,人臣何敢干。必如所言,是考選予 於君者三。二奸每事請託,一日以七事屬職方郎楊成喬。 時興邦以右給事中掌兵科。先有旨,俟遼東底寧,從優敍錄。 欲 去其鄉知府,考功郎陳顯道不從,亦逼之去。 此無禮於君者一。 此無禮於君者四。 嘉遇益憤,疏言:「四路奏功,興邦必將預其賞。則今日事敗,興邦安 事寧優敍,非明旨乎。乃竟蔑而棄之。此無禮於君者 夫要截實封者斬。 有臣如此,臣義豈與俱生哉! 夫吏、兵二部,天子所以馭天下也, 自來奸臣不敢爲,而詩教爲之。此 成喬不聽,遂逐之去。 至是以嘉遇連劾,吏部 詩教

疑。 兵。 習知黨人本末。 成功之後,主欲逐客矣,然柄素在客,未易逐,此可搆也。」遂多方設奇間之,諸人果相 而 先是,三黨諸魁交甚密,後齊與浙漸相貳。 鄒之麟旣見惡齊黨,亦交關其間。 後玉立遣之入都,益悉諸黨人所爲,策之曰:「浙人者,主兵也,齊、楚則應 揚言齊人張鳳翔爲文選,必以年例斥宗文、廷元。 布衣汪文言者,素遊黃正賓、于玉立之門,

排擊。 自是亓、趙之勢頓衰,興邦竟不果遷,自引去。 時論快焉

於是齊、浙之黨大離。及是嘉遇五疏力攻,詩教輩亦窘。

而浙人唐世濟、董元儒遂助嘉遇

崇禎初,贈太常少卿。 **劾**南星,幷及嘉遇,遂除名。 亦皆親善。 文選署選事。 光宗立、嘉遇乞改南部、就遷吏部員外郎。天啓中、趙南星秉銓、召爲考功員外郎、改 及陳九疇刻謝應祥,語連嘉遇,鐫三級,調外,語具南星傳。 時左光斗、魏大中以嘉遇與之麟、韓敬同年相善,頗疑之。已,見嘉遇公廉, 尋鍛鍊光斗、大中獄,誣嘉遇嘗行賄。 逮訊論徒,憤恨發病卒。 未幾,黨人張訥誣

質之矜而不爭,羣而不黨之義,不能無疚心焉。「古之矜也康,今之矜也忿戾」,聖人所爲致 曰:李植、江東之諸人,風節自許,矯首抗俗,意氣橫厲,抵排羣枉,迹不違乎正。 而

列

傅第

百

慨於末世之益衰也。

校勘記

- 髮嘗舉為正人 舉爲,明史稿傳一○八李植傳作「譽爲」。
- 奏駙馬都尉侯拱宸從父豪奪民田 侯拱宸,本書卷一二一壽陽公主傳作「侯拱辰
- 歲可獲金四十萬者 四十萬,原作「四百萬」。 明史稿傳一一四湯兆京傳作「四十萬」。 按本書

一歳

可得

卷三二三及明史稿傳一九七呂宋傳、神宗實錄卷三七五萬曆三十年八月丙戌條都作 金十萬兩,銀三十萬兩」。作「四十萬」是,據改。

- /\ |Z9| 完傳、又卷二五四曹珖傳,明史稿傳一一四湯兆京傳改。 東廠太監盧受縱其下橫都市 盧受, 原作「盧愛」,據本書卷二三四徐大相傳、 卷二三五王德
- 万五 凡十七人 合韓敬數之。 本書卷七〇選舉志作「共十八人」。 此既統以凡字,亦應作十八人。下文言十七人,與敬對言故也。」 明史考證據逸卷二三謂 「按選舉志作十八人,
- ハガリ 高 嘗過高攀龍請與交歡辭曰 去其中一段,致不可解。 攀龍所,給事 中魏大中至,攀龍請與交歡,辭曰:『吾老矣,不能涉嫌要津。』遽別去。」 吾老矣不能涉嫌要津邃別去 按明史稿傳 四丁元薦傳「嘗過 本傅脫

記

萬曆四十四年十一月戊子條改。

					-		
	± 4±µ.	·					
200			99	est	T.	ET- Sept.	No Xi
							gs systet 2.

明史卷二百三十七

列傳第一百二十五

傳 好 禮 姜志禮 包見捷 田大益

馮應京

何棟如 王之翰 十 孔 時 吳宗堯 吳寶秀 華鈺 王正志

游宴,停內操,罷外戚世封,止山陵行幸,又上崇實、杜漸諸疏。 傳好禮,字伯恭,固安人。 萬曆二年進士。知涇縣,治最,入爲御史。 語皆剴直。 嘗陳時政, 請節

常。 品也。 山東。 時稅使四出,海內騷然 巡按浙江。歲大侵,條上荒政。行部湖州,用便宜發漕折銀萬兩,易粟振饑民。 好禮馳疏劾其非制,廷定坐停俸,壽朋改調。 泰安州同知張壽朋當貶秩,文選郎謝廷寀用爲永平推官,謂州同知六品,而推官七 好禮尋謝病歸。 召進光祿少卿,改太 改按

Ŋj

停第

百二十

五

何

好磴

陛下 救。 至死" 征。 而 帝 帝益 思好禮言,下其疏,命廠衞嚴緝,逮禮等二十八人詔獄,其害乃除。 何利爲之。」奏入,四日未報,復具疏請。 國 二十六年冬,奸民脹禮等爲爲官吏,羣小百十人分據近京要地,稅民間 家縱貧 好禮 怒,謫好禮大同 極 論 了,亦不當頭會箕斂,括細民續命之脂膏,況奸徒所得千萬,輸朝廷者什一**耳**, 其害,因言:「自朝鮮用兵,幾民富者貧,貧者死,53思亂已久, **一**廣昌典史,定鐫三級,調邊方。言官復交章論教,斥定爲民。 帝大怒,傳旨鐫三級,出之外。 雜物,弗予,捶 大理卿吳定疏 奈何又虐 旣

好禮之官,未幾,請急歸。 家居十五年卒。 天啓中、贈太常卿。

罹災祲 府 勿久淹繫,且盡除礦稅,毋使宵人竊弄魁柄,賊虐烝黎。」不報。 三年以囚 ,遷廣東副使,並有聲。 姜志禮,字立之,丹陽人。萬曆十七年進士。歷建昌、衢州推官,入爲大理評事。三十 而轉死溝壑,及爲礦稅所羅織、貂璫所攫噬、含冤畢命者,又復何限! [多瘐死, 疏言:「 犴狴之間, 一日斃十五人。 積 日 而計,亦何紀極。 歷刑部員外,出爲泉州知 又况海內小民, 乞亟爲矜宥,

進山東右參政,分守登、萊。 福王封國河南,詔賜田二百萬畝,跨山東、湖廣境。 旣之

裂 況 延連數十郡者平? 有 図 游 也。」帝大怒,贬三秩爲廣西僉事。 國 , 造中貴徐進督山東賦, 勢甚張。 「祚靈長,人且未艾。 府莊 田 以擾茲土也明甚。 繼此 而封,尚有瑞、惠、桂三王也。 嗣是天家子姓,各援今日故事以請,臣恐方內土田,不足共諸藩分 且自高皇帝迄今累十餘世,封王子弟多矣, 志禮抗疏曰:「臣所轄二郡,民不聊生,且與倭鄰,不宜 **外之,遷江西參議** 倘比例以請,將予之乎,不予之乎? 有賜 田二萬頃,

復官。 醴 不可 天啓三年由浙江副使入爲尚寶少卿,尋進卿。 忠賢怒,令私人劾其衰老,遂乞休。 韶加太常少卿致仕,已而 河南進玉璽、魏忠賢欲志禮疏獻之。 削奪。 崇禎初,

志

|志禮性淳樸,所居多改績,亦以行誼稱於鄉。

包見 捷, 雲南臨安衞人。 萬曆十七年進士。 改庶吉士, 授戶科給事中, 屢遷都給事

中

列

傅

第

畐

=

+

五

姜

志

蕸

包 見

捷

利。 千戶李仁請 奸 人李本立請採珠廣東, 稅 湖 口 商商 舟,命中官李道 帝命中 官李敬偕往。 往。 主簿田應壁請賣兩淮沒官餘鹽,令稅使魯保 見捷極言其害, 不聽。 時小人鑑起言

急罷開採,則遼事必不可爲,而國步且隨之矣。」遼東撫按及山海主事吳鍾英相繼爭。 宋、暨祿 兼 見捷等累請停罷,至是言:「遼左神京肩臂,視他鎭尤重。 見捷請勿遺代。 縣吳宗 理。 堯劾 見捷 、李鳳権稅於京口、儀真、廣東,並專敕行事。又以奸人閻大經言,命高淮徵稅遼東。 等並 稅使陳增不法,見捷因請盡罷礦稅。 一力爭。 件旨, 切責。 頃之,令道、保節制有司。 以馬堂代朝。 見捷 又劾堂、 無已,先撤增還。 見捷又陳不便者數事。 奸徒敢爲禍首,陛下不懲以三尺, 保及浙江劉忠。 未幾,天津稅使王朝死, 皆不報。 帝不納,益遣高 益都知

見捷 坐停俸。 貴州 時 中外爭礦稅者無慮百十疏,見捷言尤數,帝心銜之。 見捷尋引疾去。 布政司都事,餘停俸一年。 大學士沈一貫、給事中趙完璧等先後論教,完璧等亦 居數日, 又率司官極論, 乃謫

吏部右侍郎。 三十四年起興業知縣。 明年卒官。 累遷太僕少卿。 久之,以右**愈都御史巡撫江西**。 光宗即位,召

田大益,字博眞,四川定遠人。 萬曆十四年進士。 授鍾祥知縣。 擢兵科給事中, 疏論

·封貢可虞。又言:「東征之役,在將士,則當據今日之斬馘以論功,在主帥,則當視後日

之成敗以定議。」時韙其言。母喪除,起補戶科。

蓄怨含憤,覬一旦有事。願陛下惕然警覺,敬天地,嚴祖宗,毋輕臣工,毋戕民命,毋任閹 人,毋縱羣小,毋務暴刻,毋甘怠荒,急改敗轍,遵治規,用保祖宗無疆之業。」未幾,極陳礦 二十八年十月疏言:「陛下受命日久,驕泰乘之,布列豺狼,殄滅善類,民無所措,靡不

農工,皆入稅之人也。公私騷然,脂膏殫竭。向所謂軍國正供,反致缺損。卽令有司 威以刀鋸,祇足驅民而速之亂耳。此所謂斂巧必蹶也。 內臣務爲劫奪,以應上求。礦不必穴,而稅不必商;民間丘隴阡陌,皆礦也,官吏

人,方反脣切齒,而冀以計智甘言,掩天下耳目,其可得乎。此所謂名僞必敗也 陛下嘗以礦稅之役爲裕國愛民。然內庫日進不已,未嘗少佐軍國之需。 四海之

人予,亦且蹴之覆之而不可及矣。此所謂賄聚必散也。 財積而不用,祟將隨之。脫巾不已,至於揭竿,適爲奸雄睥睨之資。此時雖家給

控訴者,蓋已久矣。一旦土崩勢成,家爲讐,人爲敵,衆心齊倡,而海內因以大潰。 夫衆心不可傷也。 今天下上自簪纓,下至耕夫販婦,茹苦含辛、捡掔側目、而無所 此

所謂怨極必亂也。

國家全盛二百三十餘年,已屬陽九,而東征西討以求快意。上之蕩主心,下之耗

國脈。二豎固而良醫走,死氣索而大命傾。此所謂禍遲必大也。

褎如亢耳。即令逢、干剖心,阜、夔進諫,亦安能解其惑哉。此所謂意迷難救也。 陛下矜奮自賢、沈迷不返。以豪璫奸弁為腹心,以金錢珠玉為命脈。藥石之言,

此六者,今之大患。臣畏死不言,則負陛下,陛下拒諫不納,則危宗社。願深察而

皆不報。

力反之。

山,不可市天下尺寸地,而失天下,又何用金玉珠寶爲哉!今四方萬姓,見陛下遇楚事而無 以靖四方,奈何猶戀戀不能自割也! 夫天下至貴,而金玉珠寶至賤也。 臣不敢入境偵緩急,踰兩月矣。四方觀聽,惟在楚人。臣意陛下必且曠然易慮,立罷礦稅, 目,以自解釋,謾曰權宜哉!今楚人以奉故,沈使者不返矣,且欲甘心巡撫大臣矣。中朝使 而吸髓,重足而累息,引以致天災地坼,山崩川竭。釁自上開,憤由怨積,奈何欲塗民耳 髞,欲殺奉,奉逃匿楚府以免。 大益因上言:「陛下驅率狼虎,飛而食人,使天下之人,剝膚 明年疏論湖廣稅監陳奉,救僉事馮應京。忤旨,切責。時武昌民以應京被逮,羣聚鼓 積金玉珠寶岩泰

變志,知禍 必不解,必 且羣起為 變。 此時卽盡戮諸璫以謝 天下,寧有濟耶。」帝怒,留 中

叉 明 年遷兵科都給 事 中。 時兩京缺尚 書三、侍郎· + 科道 九十四,天下缺巡撫三 布按

監

司

六十六、知府二十五。

大益力請簡補,亦不

聽

監高 禍 沈 諭 諸處。煤戶 復守故事力爭, 正 撫 心,罪當誅。」帝亦不問 淮 隆 按 一 治 事 擁精 一、未 一年, 得 洶 騎數百至都 中楊 命。 洶 竟如相請。 江西 朝以沮 液文、 大益言:「國 稅監潘相請勘合符牒 一撓聞。 城。 白瑜亦疏諫。 內 大益言:「 家大柄莫重 使王朝嘗言,近京采煤歲可獲銀 有旨逮治,皆入都城訴失業狀。 祖制,人臣 帝俱不納。 於兵。 勿經郵傳。 不得弄兵。 朝擅役禁軍 俄用 巡按御史吳達可駁之, 中官 陳永壽奏, ', 准本掃除之役,敢盜兵權 請急誅, 五. 沈一 干, 貫等急請罷朝 乃率京營兵劫掠 乃召 爲無將之戒。」御 1朝還。 不聽。 遼東 且. 擬 大益 西 史 稅 包 敕 Щ

礦 泄。 觀十餘 祥之祖 稅 不撤 君 明 臣 年 年八月 而 來,亂 而 災,孝陵 上下,曾無一念及民。 羣 極陳君德缺失,言:「陛下專志財利,自私藏外,絕不措意。 小 政 猶 爲 亟行,不可枚舉,而病源 **恣横,**[言] 創業之祖 閭 而災,長陵爲奠鼎之祖 閻猶朘削, 空言相蒙,人怨天怒,妖祲變異,罔不 止在貨利一念。 則百工之展布實難,而 而亦災。 今聖諭補缺官矣, 天欲蹶 罪罟之羅織必衆。 我 畢 集。 國家,章章明矣。臣 中外羣工因 乃至皇陵爲 釋繫囚矣,然 缺官 而 泄 發

罷礦稅。 政,不減 桓、靈絕統 雖 爲家計耳。 補 ",緊囚 六代之季。一旦變生,其何以託身於天下哉 帝皆不省。 於私鬻,德宗召難於瓊林,道君兆禍於花石。 雖釋,曾何益哉!陛下中歲以來,所以掩聰明之質,而甘蹈貪愚暴亂之行者,止 不知家之盈者,國必喪。 叉明年,以久次添注太常少卿,卒官。 如夏桀隕於瑤臺,商紂焚於寶玉 一」居月餘 覆轍. ,復以星變乞固根本,設防禦, 相仍,昭 然可 , 幽 属 鑒。 啓戎於榮夷, 陛 下邇來亂

大益 性骨鯁,守官無他營。 數進危言,卒獲免禍。 蓋時帝倦勤,上章者雖千萬言,大率

屛置

一勿閱故也。

應京,字可大,盱眙人。萬曆二十年進士。爲戶部主事。督薊鎭軍儲,以廉幹聞。尋

改兵部,進員外郎。

陳奉恣橫,巡撫支可大以下唯諾惟謹,應京獨以法裁之。奉掊克萬端,至伐塚毀屋,刳孕 婦,溺嬰兒。 司馳救乃免。 二十八年擢湖廣僉事,分巡武昌、漢陽、黃州三府。 其年十二月有諸生妻被辱,訴上官。市民從者萬餘,哭聲動地,鑑涌入奉廨, 應京捕治其爪牙, **捧怒,陽餉食而置金其中。** 繩貪墨,摧奸豪,風采大著。 應京復暴之,益慚恨。明年 稅監

還京。 使 褫 詔 道 大 民,棟 帝怒, 應京名。 日 益 其屍 正 ☆護之。 已晡 助 可 內 亦奏奉侵匿 慣 同 月置 大官, 閣 知 虐,焚其府門,可大 ,聚數萬 緹騎 如 擲諸途。 命 大學士 卞 欲 猶 酒 遣逮。 貶雜 奉得 孔時 過譜 抵 是時 究主謀。 **沿紛拏**。 令可懷 武 人圍 迤邐 沈 寒陽 .狀,乃召還,隸其事於承天守備杜茂。 昌,民 職, 抗拒,孔 司,以甲士千 俄以 可 奉解 馳 一貫因 應京囚服坐檻車,曉以 調 大 去。 往。 都 噤 知 通 邊 一貫言民 應京 時亦 給 判 方。 不 極言奉罪,請立代還。 不敢出。 邸宅、推官何棟如、棗陽 未至,可大已遣兵護奉行。 |奉 事 敢 獲 給事 窘,逃匿 被 中 出 人自衞,遂舉 心宜靜,請亟遣重臣代可大拊循,因 逮。 楊 . 聲 重譴,相 丁應京 中田 應文論教,遂幷逮應京、宅、之翰 奉潛 楚王 大益、御史李以唐等交章刻奉,乞宥應京。 遺參隨 獨抗 率痛哭。 府, 大義,乃稍稍解散。 火箭焚民居。 疏 三百 逐執 列其十大 言官亦爭以 奉乃大書應京名,列其罪,榜之通衢。 縣 人,引兵追逐,射殺數 其爪牙六人,四投之江,并傷緹騎 知縣王之翰亦忤奉被 舟 頃之,東 車相銜,數里不絕。 罪 民羣擁奉門。 · (II) 爲請。 奉置 廠奏緹騎有死者。 奉 亦 一楚府, 三人。 帝未 誣 以侍郎趙可懷薦。 奉遣 奏應京撓 許。 人,傷者 逾 刻。 頃之,奉又誣 人擊之,多死,碎 月不 可懷入境,亦遣 俄 韶宅 命 江西稅監 敢 帝慍 不 帝

出,亟

清

遊,手

李

帝

Ï

可

勝計

",晋 可

士民

陵

敕

使。

益

怒,除

之翰

爲

刻武

刚

德

第

百

+

五

馮

應

方雜 變修省 闕 訴 職 冤, 應京 ,緊應京等詔 帝不省。 廷臣 之就逮 多請釋繫囚,於是應京及宅、棟如 也 吏科都給事 獄 士民擁檻車號哭,車不得行。 ,拷訊久之不釋。 中郭 如 星 刑 應京乃於 科給事 獲釋。 獄中著書,昕夕無倦。 中陳 旣去,則家爲位祀之。 之翰 維 春 先庾 更連章刻奉。 死,而 孔時緊獄 三十二 帝怒, 郡 父老相 如 年九月, 謫 故 兩 率詣 人 邊 星

應京 志操卓犖、學求有用、不事空言、爲淮西士人之冠。 出獄三年卒。 天啓 初,贈 太常

少 卿 諡 恭節

赴浙 家 官,用清 王化貞 卒。 居 十七年。 江 棟 何 功罪,給事 如 ,得六千七百人。 棟 別黨。 志銳而才疎。 如,無錫人。 天啓初,始起南京兵部 朝貴大恨,遂下詔獄,榜掠備至。 中蔡思充、朱童蒙,御史陳保泰遂交章劾之。 居官守正。 初在 甫 至而 浙, 不能 廣寧復陷, 既爲奉所陷,襄陽人赴闕訴冤,不聽。 主事 無浮費。 又自請出 會遼陽 所募兵畏出關, 五年秋,坐贓戍滁陽。 陷。 關 時議 視 形勢。 募兵,棟如 棟如 多逃亡。 乃進太僕少卿, 疏 辨,因請非 自請行。 崇禎 及 及出獄,削籍歸, 兩 初, 疏論熊廷酮、 復官。 充軍前 逐齎 時考察京 容金 致 贊

王之翰,絳州人。官棗陽。 力阻開礦,遂被逮拷死。 天啓初,贈光祿少卿。 仕

孔 時旣長繫,廷臣救者數十上。帝皆不省。 四十一年,萬壽節,葉向高復以爲言,乃

削籍放還。|熹宗立、起南京刑部員外郎。

吳宗堯,字仁叔,歙縣人。萬曆二十三年進士。 授益都知縣。

别 吏,宗堯獨具賓主禮。 孟坵山礦,宗堯叱其欺罔。 性强項。中官陳增以開礦至、誣奏福山知縣韋國賢阻撓、被逮削籍。 增黨程守訓,宗堯邑子也。 子登懼,排於增。日徵千人鑿山,多捶死, 宗堯惡其奸,不與通。 又誣富民盜礦,三 驛丞金子登說增 守令多屈節如屬

日捕繫五百人。

帝益怒,奪俸一年,幷奪應元俸。 至,下詔獄拷訊, 罪,請撤還。帝責增,令檢下。 <u>史劉景辰、給事中侯慶遠爭之,不聽。使者至,民大譁,欲殺增。</u> Mi 山東巡撫尹應元劾增背旨虐民二十罪。帝遂發怒,切責應元,削宗堯籍。 二十六年九月,宗堯盡發增不法事。帝得疏意動,持不下。 繋經年。 禮部郎鮑應鰲等言於沈一貫曰「南康守吳寶秀已得安居牖下, 見捷同官郝敬復請治增罪,帝乃不悅,貴宗堯狂逞要名。 增遂劾宗堯阻撓礦務,且令守訓誣訐之。帝旣遣逮治,御 宗堯行、民哭聲震地。 會給 事 中包見捷極論 敬復抗疏疎 已 增

列

傳第

百

= +

II.

吳

宗

莞

宗堯何獨不然。」一貫揭入,卽釋爲民,未幾卒。 天啓時,贈光祿少卿,賜祭,錄一子。

子祭酒方從哲等交章爲言,俱不報。寶秀妻陳氏慟哭,請偕行,寶秀不可。乃括餘貲及簪 阻撓稅務,詔俱逮治。給事中楊應文等請下撫按公勘。大學士沈一貫、吏部尚書李戴、國 覆有死者。道遣吏捕漕卒,寶秀拒不發。道怒,劾寶秀及星子知縣吳一元、青山巡檢程資 口 · 稅監李道橫甚,寶秀不與通。 漕舟南還,乘風揚帆入湖口。 道欲権其貨,遺卒急追之,舟 吳寶秀,字汝珍,平陽人。萬曆十七年進士。授大理評事。歷寺正,出爲南康知府。湖

進御前 冤,乞以身代。於是撫按及南北諸臣論救者疏十餘上,帝皆不省。一日,司禮田義彙諸疏 怒稍平,取閱閣臣疏,命移獄刑部。 臣不敢以將去之身,隱默而不言。」屋子民陳英者,方廬墓,約儒士熊應鳳等走京師,伏闕訟 南康守吳寶秀逮繫時,其妻至投繯自盡,闔郡號呼,幾成變亂。事關民生向背,宗社安危, 珥付其妾曰:「夫子行,以爲路費。」夜自經死。 寶秀至京,下詔獄。大學士趙志皐上言:「頃臣臥病,聞中外人情洶洶,皆爲礦稅一事。 ,帝怒擲地。 議從容拾起,復進之,叩首曰:「閣臣跪候朝門外,不奉處分不敢退。」帝 皇太后亦聞陳氏之死,從容爲帝言。至九月,與一元等

並釋爲民。歸家,踰年卒。

初 ,南康士民 (建祠,特祀陳氏,後合寶秀祀之。 天啓中,贈太僕少卿,賜祭,錄其一子。

撃破 煥、[刊]荆門知州高則巽等數十人。帝切責楷,貶商耕等三人官,鈺、任重皆被逮。 之。日途上疏極論鈺、任重阻撓罪,幷及巡按御史曹楷、襄陽知府李商耕、黄州 鈺 答之。 、羣起逐之,奉疑
。 面 華鈺,字德夫,丹徒人。萬曆二十三年進士。 **奉佯謝,銜之刺骨。** 商賈怖匿,負擔者不敢出 已,欲權黃州團風鎭稅,復爲鎭民所逐,奉又疑經歷車任 |奉所受敕止江稅, 乃故移之市, 又倍蓰征之。 共途。 授荆州推官。 稅監陳奉僕直馳府署中, 奉欲権沙市稅,沙市 稍 與辨,輒毆 知府趙文 時二十 重 敎

京至。 釋。 上,皆不報。 旣至,下鎭撫獄訊治,俾引御史楷。 帝欲痛折辱以懼之,於是鈺與馮應京、王正志等先後十餘人悉長繫。 居久之,語鈺以主靜窮理之學,日相與研究。 獄中有鳥,形類鶴而 小,怪鳴,則逮者至。 鈺堅不承,繫獄中。 三十二年六月,長陵災,肆赦,鈺與任 一夕,鳥鳴甚哀。 初,吳宗堯、吳寶秀皆不久卽 鈺起坐俟之,則 廷臣論救章 數 應

列傅

第

百

二 十

五

吳

寶秀

華

鈺

六一七九

七年八

月也

重並釋為 民。 家居四年卒。 天啓中、贈尚寶少卿、賜祭、錄一子。

詞枉 官 近 惟 正 盆 日 春言 志 所 害良善。 張,長吏皆喪氣。 捕 王 正志 遠吳應鴻、勞養魁、蔡如川、甘學書及正志等,俱宜敕下撫按勘虛實,不得 正志 其黨李英杖殺之,因極論二人不 一,祥符 劾欽罪多,宜提訊;欽所劾正志 皆不報。 正志繫詔獄四年,三十一年夏,瘐死。 萬曆二十六年進士。 未幾,梁永 亦評 ·法罪。 Ē 志。 除富平知縣。二十八年,稅使梁永、趙欽 事 欽亦 帝命諸抗遠欺隱者悉指名劾奏,重治之。 宜下撫按覈實,免其逮繫。 以李英事訐奏,帝怒,命逮之。給事 天啓時、贈祭、磨子、皆視鈺。 御史李 以一人單 時華亦 、肆虐, 中陳 宦

吳應鴻 南 二 十 孔時、江西饒州通判陳奇可, 康 九 年, 五年,則 自礦 知 府吳寶秀、星子知縣吳一元、山東臨清守備 則湖 舉人勞養魁、鍾聲朝、梁斗輝,雲南尋甸 稅興, 山 廣按察僉事 東 中使四出,跆藉有司。 福 Щ 知縣韋國賢,二十六年,則山 馮應京、襄陽通判邸宅、推官何棟 三十年,則鳳陽臨淮知縣林餘 謗 書 一 聞,駕帖 知 府蔡 王煬,二十 東 益都 立下。 如 如 川 知縣吳宗堯;二十七年,則江西 ·三十四年,則陝西咸陽知縣 楽陽 二十四年,則遼東參將梁心, 趙 八年,則廣東新會在籍通 州 知縣王之翰 知州甘學書及正志; 武昌 同 知 判

將李 宋時際,四三十五年,則陝西咸寧知縣滿朝薦,三十六年,四則遼東海防同知 ,獲陽,皆幽繫詔獄,久者至十餘 年。 場、應鴻、獲陽斃獄 海,其 他削籍、貶官有差。 王邦才、 至士 寥

民幽緊死亡者,尤不可勝紀也。

竭,明室之亡於是決矣。 役。 採。 出,毒流海內,民不聊生,至三十三年乃罷。 給事 給事 贊曰:神宗二十四年,軍府千戶仲春請開礦助大工,遂命戶部錦衣官各一人同 中楊應文繼言之。 中程紹言嘉靖中採礦,費帑金三萬餘, 皆不納。 由是卑秩冗僚,下至市井黠桀,奮起言利。 嗣是軍興徵發, 得礦銀二萬八千五百,得不償 加派再三。 府庫未充,膏脂已 失, 丽 仲春開 因 璫使四 罷 其

校勘記

畿民富者貧貧者死 地」而言,作「畿民」是。 畿民,原作「饑民」,據明史稿傳一 三傅好禮傳改。 按此承上文「近京要

__ 重足而 累息 累息,原作「纍息」,據明史稿傳一○九田大益傳改。

列

傳

쐵

百二

十五五

校勘記

- = 羣 小 猶 恣横 恣横 原原 作「盜橫」,據明史稿傳一 〇九田大益傳改。
- 四 應京獨 抗抗 疏 列 其十 大罪 十大罪, 原作 「九大罪」, 據本書卷三〇五陳增傳附陳奉傳、 明史稿

傳一七九陳奉傳改。

- 遂執其 爪 牙六人 本書卷三〇五陳增傳附陳奉傳、明史稿傳一七九陳奉傳都作「十六人」。
- ベレ 奉 又疑 經 歷 軍任 重教 之 車任重, 原倒作「車重任」、據本書卷三〇五陳增傳附陳奉傳、 明史稿

傳一七九陳奉傳改。

- -1: \Box 黄州 職官表萬曆任年無考檻有趙文炳。 煒 知 神宗實錄卷三三八萬曆二十七年八月丁 府趙文煥 趙文煥, 本書卷三〇五陳增傳附陳奉傳、 丑條作「趙文炳」, 明史稿傳一七九陳奉傳作 **¾湖** ·通志卷一一三頁二七三五 「趙文
- у. Ш 咸陽 神宗實錄 知 縣宋 卷四一七萬曆三十四年正月癸巳條改。 時 際 宋時際,原作「宗時際」,據本書卷三〇五梁永傳、 明史稿傳 三華鈺傳、
- بالز 四四七萬曆三十六年六月庚申條改。 三十六年 原作 「三十七年」, 據本書卷三〇五高淮傳、 明史稿傳一七九高淮傳、 神宗實錄卷

明史卷二百三十八

列傳第一百二十六

李成梁 子如松 如柏 如楨 如樟 如梅 麻貴 兄錦

有大將才。家貧,不能襲職,年四十猶爲諸生。巡按御史器之,資入京,乃得襲。積功爲遼 李成梁,字汝契。高祖英自朝鮮內附,授世鐵嶺衞指揮僉事,遂家焉。成梁英毅驍健,

東險山參將。

四月,張擺失等屯塞下,成梁迎擊斬之,殲其卒百六十有奇。餘衆遠徙,遂空其地。錄功, 隆慶元年,土蠻大入永平。成梁赴援有功,進副總兵,仍守險山。 尋協守遼陽。三年

進秩一等。

答雖款塞,而插漢部長土蠻與從父黑石炭,弟委正、大委正,從弟煖兔、拱兔,子卜言台周, 四年九月,辛愛大入遼東。 總兵官王治道戰死,擢成梁署都督僉事代之。當是時,俺

梁 堂 從 一、清佳 子黄· 乃大修戎 公台吉 砮、楊吉砮之屬,亦時窺塞下。 備、甄拔將校、收召四方健兒、給以厚餼、 勢 方 强 泰寧部長速把亥、炒花,杂顏部長董狐狸、長昂 十年 之間 殷 尚質 用 爲選鋒。 楊照 、王治道三大將皆戰死。 軍 聲 佐之。 始振 東 則 王杲、王兀 成

騎毁牆 趙完 萬 千戶 曆 元 等夾擊,斷 明 年,又擊走之前屯。 叉 年 入 明年十月,土蠻六百騎營舊遼陽北河,去邊 五. ,成梁禦却之。 月, 其首尾。 敵 犯 盤 山驛,指揮蘇成勛擊走之。 乘 勝抵巢,馘部長二人,斬首五 已,又破走之鐵嶺鎭西諸堡。 無何 二百餘里,俟衆集大舉, 一土蠻大 百八十餘級。 增秩二等。 入。 成梁遇於 杂顏 進署都 兀 魯思罕以四千 、卓山 成 督 梁擊 同 一、壓副 知 走之。 世 唇 將

曹 簠 于志文、秦 奔,盡聚 復 百 大 樂入。 勒 餘 建 精 級 州 杲 一般其 都指 騎往,果 不得倚 寨。 成 梁檄副將 揮王杲故與撫順通馬市。及是,誘殺備禦裴承祖,成梁謀討之。 營 先登,諸 寨地高, 壘 走 南關 而 還。 楊騰、 將繼之。 |杲深 進左 都督王台執 遊 溝堅壘 撃王惟 都督,世廕都 果走高臺,射殺 以自固。 以 屛 獻 分屯要害,而 「斬之。 指 成 揮同 梁 志文。 用火器攻之,破數栅, 知 令參將曹簠挑戰。諸軍 會大 杲大創, 風起, 縱火焚之, 不能 軍,走 矢石 匿 匹 明年十月,杲 酮 先後斬馘 阿哈納寒 面 ह 起,敵 把 千 總 大

年春,土蠻犯長勇堡,擊敗之。其冬,炒花大會黑石炭、黃台吉、卜言台周、以兒鄧、煖

乃據 兔、拱兔、堵刺兒等二萬餘騎,從平廣堡南掠。 西 北 高 墩。 成梁邀戰, 發火器。 敵大潰, 棄輜二 副將 重走。 曹簠馳擊,遂轉掠瀋陽。 追至河溝, 乘勝渡河,擊斬以千 見城 外列

計。加太子太保,世廕錦衣千戶。

明年,黑石炭、大委正營大清堡邊外,謀錦、 義。 成梁率選鋒馳二百里,逼其營, 攻破

之。殺部長四人,獲級六十有奇。

搗 月,速把亥糾土蠻大入,營劈山。 :破<u>劈山營,獲級四百三十,</u>馘其長五 五年五月、土蠻復入、口聯營河東、而遣零騎西掠。 成梁馳至丁字泊 人。 加太保,世廕本衞指揮使。 ,敵方分騎繞牆 成梁掩其巢,得利而還。 入。 成梁夜出塞 明年正

爲解。 世指 請治承嚳殺降罪,御 揮 三月 卒 **僉事。有言所殺乃土蠻部曲,因盜牛羊事覺,懼罪來歸,承譽掩殺之。** 如御史奏,盡奪諸臣恩命。 ,遊擊陶承嚳擊敵長定堡,獻馘 史勘 如懋言。 兵部尚書方逢時,督撫梁夢龍、周詠先與承嚳同敍功,力 四百 七十有奇。 帝已告謝郊廟,大行賞賚,廕成梁 給事中光懋因

遏之,而親提銳卒,出塞二百餘里,直搗圜山。 委正,卜兒亥,慌忽太等三萬餘騎壁遼河攻東昌堡,深入至耀州 六月、敵犯與靜堡,復擊退之。十二月,速把亥、炒花、煖兔、拱兔會土蠻黃台吉,大、小 斬首八百四十,及其長九人,獲馬千二百匹。 成梁遣諸將分屯要害以

傳

第

敵聞之,皆倉皇走出塞。論功,封寧遠伯,歲祿八百石。

城,聲言入海州,而分兵入歸、義。 命諸將堅壁,自督參將楊粟等遏其衝。 是時 ,土蠻數求貢市,關吏不許,大恨。七年十月復以四萬騎自前屯錦川營深入。 成梁踰塞二百餘里,直抵紅土城,擊敗之,獲首功四 會戚繼光亦來援,敵遂退。 俄又與速把亥合壁紅 百七 成 梁

十有奇。

盡毀其營壘。 成梁擊走之,追出塞二百里。 零騎侵邊。 兀堂由是不振。 迤東都督王兀堂故通市寬奠,後參將徐國輔弟國臣强抑市價,兀堂乃與趙鐵羅骨數遣 明年三月以六百騎犯靉陽及黃岡嶺,指揮王宗義戰死。 捷聞,幷錄紅土城功,予成梁世襲。 敵以騎卒拒,而步卒登山 其秋,兀堂復犯寬奠,副將姚大節擊破 一鼓躁。 成梁大敗之,斬首七百五十, 復以千餘騎從永奠入,

Щ, 固 而成梁及薊鎭兵亦集,乃引去。 [守,而遣部將周之望、王應榮出戰,頗有斬獲。 成梁馳援,始出境。 土蠻數侵邊不得志,忿甚,益徵諸部兵分犯錦、義及右屯、大凌河。 無何,復以二萬餘騎從大鎭堡入攻錦州行。參將熊朝臣 失盡,皆戰死。敵乃分掠小凌河、松山、杏 以城堡堅,不可克,

九年正月,土蠻復與黑石炭,大、小委正,卜言台周,腦毛大,黃台吉,以兒鄧,煖兔,拱

兔,炒戶兒聚兵塞下,謀 自辰 入廣寧。 官軍將還,敵來 成梁帥 追 輕騎從大寧堡出。 成梁逆擊,且戰且行。 去塞四 百餘里,至襖郎兔 先後斬首三百四十、及 大戰。

其長八人。錄功,增歲祿百石,世廕一等。

蠻復 梁禦却之。 鵬以下三百十七人,馬死者四百六十匹,遂大掠人畜而去。 連 四 速把亥等十餘萬騎攻圍廣寧,不克,轉掠團山堡、 月,黑石炭、以兒鄧、小歹青、卜言兔 入遼陽。 副將曹簠追至長安堡,遇伏,失千總陳 盤山驛及十三山驛,攻義州。 簠等下吏,成梁不問。 十月,上

速把亥爲遼左患二十年,至是死。 十年三月,速把亥率弟炒花、子卜言兔入犯義州。 帝大喜,詔賜甲第京師,世廕錦衣指揮使。 成梁禦之鎭夷堡,設伏待之。 寇大奔,追馘百餘級。 炒花等慟哭 速把

歲祿 餘里,火攻古勒塞,射死阿台。 千有奇,獲馬五百。 罕勢衰, 百石,世廕指揮僉事。 初,王杲死,其子阿台走依王台長子虎兒罕。以王台獻其父,嘗欲報之。 阿台遂附北關合攻虎兒罕。 阿台復糾阿海連兵入,抵瀋陽城南渾河,大掠去。 連破 阿海寨,擊殺之,獻馘二千三百。 又數犯孤山、汛河。 成梁出塞,遇於曹子谷,斬首 杲部逐滅。 成梁從撫順出塞百 王台死,虎兒 錄功,增

哈麻 約束 + 計 炒花 礮 太 餘 舉 鎭 兵 等 乃旋 虚 申 北 人。 侵 北 起。 邊 以 殲 關 關 數萬 焉 境 於 謁 清 師 、 是 軍· 頃 佳 騎 之,二人抵 終い 成 其 松、九皐 錄 梁 入蒲 中 年十二月, 功, 楊 礟鳴 聞 吉 磤 河及大寧堡。 增 見其 砮 歲 一急出 分伏 關 素 祿 、兵盛 巡 盡 據鞍 響南關。 二百石 **漁川李** 塞,擊其留騎 起,擊斬 ,譙讓之,則 不 松 l',改前· 遜,松 將 使備 王台 土 二人 防禦六日 心心之, 底指: 沒, 禦霍 幷 ,斬首千五 以三百騎 其從騎,與清佳 屢侵台季子猛骨孛 揮 九 九皐 皐許 僉 始始 事 麾使下 入。 之貢 爲 出 百 有 塞 錦 奇。 市 松先伏甲於旁,約二人不 衣 ,其 砮 衞 清佳 徒 指 子 餘 羅 衆 揮 兀 遽 , 使。 砮 刑 孫 拔 且 字羅 白 刀 、楊 藉 馬 擊 方 吉砮 土 成 九皐 楊吉砮 蠻 攢 梁 、煖兔、 率二千 刀 并 之出塞 誓永受 子 受 殺 哈兒 侍 撫 慌 餘 忽 卒 則 騎

萬 Ŧi. + 騎 里 百 掠 有 疾掩 瀋陽 年 二月,把冤兒 其 捷聞 帳。 旣 ,增歲 退,駐 寇已 先 禄 牧遼 欲報父速把亥之怨, 百 覺,整衆 河 石、改廕 弊 逆戰。 犯 錦 開原、鐵嶺 衣 指 成 梁爲 揮 偕從 使爲 層陣, 父炒花、 成 都指 梁與巡撫 親 揮 督前 姑 ,使。 壻花大糾 李松潛 陣 擊, 丽 爲浮 西部 松 以後 橋 以兒鄧等以 濟 師、踰 陣 繼 之,斬 塞百

長 里 復 ,搗破銀燈營,斬首 犯 其 蒲 年五 河, 月 殺裨將 敵 犯 數人,大剽 瀋 陽 一百八級。 ,伏精騎 掠,而 塞下,誘官軍。 諸部長聞之,始引去。 西部銀燈亦 窺遼、瀋 游擊韓元 功追 成梁令部將李平胡出塞三百 之襲之, 敗死。 閨 九月,諸部 五

挾賞。 四年二月,土蠻部長一克灰正糾把兔兒、炒花、花大等三萬騎,約土蠻諸子共馳遼陽 成梁偵得之,率副將楊燮,參將李寧、李興、孫守廉以輕騎出鎭邊堡。 畫伏夜行二百

獲首功九百,斬其長二十四人。 其年十月,敵七八萬騎犯鎭夷諸堡,閱五 餘里,至可可毋林。 大風雷,敵不覺。旣至,風日晴朗,敵大驚,發矢如雨。 日始 將士冒死陷陣, 去。

十五年春,東西部連營入犯。其秋八月,復以七八萬騎犯鎭夷堡。 十月,把漢大成糾

土蠻十萬騎由鎭夷、大淸二堡入,數日始出。

兵。 合,憑城守。 成梁以 北關旣被創,後清佳砮子卜寨與楊吉砮子那林孛羅漸强盛,數與南關虎兒罕子歹商 南關勢弱,謀討北關 城四重,攻之不下。 以輔翊之。 用巨礮擊之,碎其外郛,遂拔二城,斬馘五百餘級。 明年五月率師直搗其巢。 卜寨走,與那林孛羅 ト寨

等請降,設誓不復叛,乃班

師

掠瀋陽蒲河、楡林,八日始去。明年二月,卜言台周,黃台吉,大、小委正結西部叉漢塔塔兒 大、長昂三萬騎復犯平房堡,備禦李有年、把總馮文昇皆戰死,成梁選鋒沒者數百 五 百八十,得增祿廕。 萬餘騎復深入遼、瀋、海、蓋。成梁潛遺兵出塞襲之,遇伏,死者千人。成梁乃報首 十七年三月,敵犯義州,復入太平堡,把總朱永壽等一軍盡沒。 土蠻族弟士墨台落借西部青把都、恰不慎及長昂、滾兔十萬騎深入海 九月,腦毛大合白洪 敵大 功二

列

傳第

梁,給事中王德完持不可,乃寢。 竟從御史張鶴鳴言,解成梁任,以寧遠伯奉朝請。 州 總督蹇達 功,使副 不安於位。 成梁 將李寧等出鎭夷堡潛襲板升,殺二百八十人。回師還遇敵,死者數千人。成梁及 不以聞。 不敢擊, 縱掠數日而去。 及先春還朝,抵尤力,帝意頗動。 巡按御史胡克儉盡發其先後欺罔狀,語多侵政府。 十九年閏三月,三成梁乘給事侯先春閱 成梁再疏辭疾,言者亦踵至。 明年,哱拜反寧夏,御史梅國楨請用成 疏雖不行,成梁由是 其年十一月,帝 視,謀邀搗巢

御史朱應穀、給事中任應徵、僉事李琯交章抨擊。事頗有跡,卒賴奧援,反詰責言者。 登雲、許守恩廉得其殺降冒功狀,擬論奏之,爲巡撫李松、顧養謙所沮 功 全 邊帥 而 每一奏捷,內自閣部,外自督撫而下,大者進官廕子,小亦增俸賚金。 弟盡列崇階,僕隸無不榮顯。貴極而驕,奢侈無度。 了殺良民冒級。 閣部共爲蒙蔽,督撫、監司稍忤意,輒排去之,不得舉其法。 其戰功率在塞外,易爲緣飾。 |遼商民之利盡籠入己。以是灌輸權門,結納朝士,中外要人無不飽其重財,爲之左右。 武功之盛,二百年來未有也。其始銳意封拜,師出必捷,威振絕域。已而位望益隆,子 成梁鎭遼二十二年,先後奏大捷者十,帝輒祭告郊廟,受廷臣賀,蟒衣金繒歲賜稠疊。 若敵入內地,則以堅壁淸野爲詞,擁兵觀望,甚或掩敗爲 軍貲、馬價、鹽課、市賞,歲乾沒不貲, 恩施優渥,震耀當世。 此 旣 而 先後巡按陳 物議 及申

城。 暮氣難 成梁諸戰 振,又轉相掊克,士馬蕭耗。 功率精 健見。 其後健兒李平胡 迨成梁去遼,十年之間更易八 、李寧、李興、秦得倚、孫守廉輩皆富貴, 帥 邊備 益 弛 擁專

已七十有六矣。 二市。 當 二十九年八月,馬林獲罪。 萬曆初元時,兵部侍郎汪道昆閱邊,成梁獻議 諸部耽市賞利,爭就款。 是時、土蠻、長昂及把兔兒已死,寇鈔漸稀。 大學士沈一貫言成梁雖老, 以故成梁復鎭八年,遼左少事。 移建孤山堡於張其哈刺佃,三險山堡 尙堪將兵。 而 開原、 以閱 視敍勞,加至太傅。 廣寧之前復開馬、木 乃命再鎭 遼東 年

於寬佃 之,死者狼籍。 按御史熊廷 地 收耕牧之利。 孤懸難守,與督、撫蹇達、趙楫建議棄之,盡徙居民於內地。 ,沿江新安四堡於長佃、長嶺諸處,仍以孤山、險山二參將戍之,可拓地七八百里,益 弼勘奏如 道昆上於朝,報可。 成梁等反以招復逃人功,增秩受賞。 韓言, 韓復 自是生聚日繁, 至六萬 連章極論。 帝素眷成梁, 兵科給事中宋一韓力言棄地 四千餘戶。 居民 悉留 戀家室,則 中不下。 及三十四年,成梁以 以大軍驅 **外之卒**, 非策。 迫 巡 年

弟成材,參將。 子如松、如柏、如槙、如樟、如梅皆總兵官,如梓、如梧、如桂、如楠亦皆

至參將。

列

傳

第

百

二 十

六

李

成

粱

如 松,字子茂,成梁長子。 以父廕爲都指揮同知,充寧遠伯勳衞。 驍果敢戰,少從父諳

兵機。再遷署都督僉事,為神機營右副將。

學書 軍 申 松 如 引 政 柏 時 、拾遺、給事 一,帝 坐與 行 萬 不 法, 請保全之, 曆 爲 並。 + 兩 且請稍 奪其俸。 年出 參政王 中関 抑, 乃召僉書右府。 爲 視,數遭論劾。 學書却之,語不相下,幾攘臂。 Щ 已復被論,給事 以全終始, 西總兵官。 不納。 帝終眷之不爲動,召僉書中府 給事中黃道瞻等數言如松父子不當並居重鎮, 尋提督京城巡捕。 中葉初春請改調之,乃命與 十五年復以 總兵官鎮宣府。 巡按御史王之棟因刻 給 事 中邵庶嘗劾如松 Щ 西李迎恩 巡撫 許守謙 如 及其弟 更鎭。 松驕 閱 横,并詆 大學士 副總兵 其後, 操,如

賊。 下 事 命 虚 詔 ,踐之登,爲礮石所却。 輒 申 統 乃命 專 十年 飾。 行。 遼東、宣府、大同、山西諸道援軍。六月 如 松爲提督陝西計逆軍務總兵官,即以國慎監 ,哱拜反寧夏,御史梅 兵科許弘綱等以爲非制,尚書石星亦言如松敕書受督臣節度,不得自專, 先是,諸將董一奎、麻貴等數攻城不下。 如樟夜攀雲梯上,不克。 國楨薦如松大將才,其弟如梅、如樟並年少英傑,宜令討 抵 寧夏。 游擊襲子敬提苗兵攻南關,如松乘勢將 如松至,攻益力。 之。武臣 如松以權任旣重,不欲受總督制, 有提督,自如松始也。已 用布囊三萬,實 帝乃 以

列傳第一百二十六 李成梁

指揮 乞貸 以萬 如 登,亦不克,乃決策水攻。 薰等佯擊 餘騎 同 知 於是如松先登,如薰及麻貴、劉承嗣等繼之,盡滅拜族。 至張亮堡。 北關 誘賊,而潛以銳師襲南關,攀雲梯而上。拜及子承恩自斬叛黨劉東陽、許朝 如松力戰,手斬士卒畏縮者,寇竟敗去。 拜窘,遣養子克力蓋往勾套寇,如松令部將李寧追斬之。已,套寇 水侵北關, 錄功,進都督,世廕錦衣 城崩。 如松 及 蕭

勦。 帶,始加 言倭酋行 曰:「藉惟 如 朝 松新立 醴 敬給倭封,而陰襲之,奇計也。」如松以爲然,乃置惟敬於營,誓 長 鮮倭患棘,詔如松提督薊、遼、保定、山東諸軍 願 對,請 功,氣益 如松 退 用 平壤迤西,以大 監司謁督撫儀, 驕,與經略朱應昌不相 同江 素服 一爲界。 侧 下。 坐而 故事 己。 如 松叱惟 剋 ,大帥初見督師, 十二月, 期 敬 東征。 **儉邪** 如松至軍 , 弟如柏、如梅並 欲斬 師 甲胄 渡江 之。 沈惟 庭謁 參謀李應試 敬 自倭歸 率 出易冠 師援

諸軍 如松下令諸軍 慰遣之。 擊李寧生縛之。 二十一年正 、抵平壤 六日,次平壤。 城 無 ,諸將逡巡未入,形 割首 倭猝起格鬭,僅獲三人,餘走還。 月四 級 日,師 攻圍 行長 次肅 猶 缺 東 以 寧館。 為封 面 大露 使也, 行長 ,倭悉登陴 以倭素易朝鮮軍 以爲封使將至,遣牙將二十人來迎, 竚風 行長 拒守。 月 樓 大駭,復遣所親信 以待,羣倭花 ٠, 是夜, 令副將祖 襲 如 承訓 柏營, 衣夾道迎。 詭 小西飛 爲其裝, 撃却 之。 來謁,如松 如松 如松 潛伏 明旦, 檄遊

甲。 北 器 南 兵 少 同 却 江 益 並 發 進。 令 倭 九 大驚 遁 遊 如 烟焰 H 還 將 松 擊吳惟 龍 斬 士 **,急分兵捍拒** 如 柏 無不 先退者 Щ 忠 遂 復 攻迤 寧 一當百 惟忠 克 開 以 北性 城。 一參將查大受率精卒三千潛伏東江 徇 如松 中 ,遂克之。 丹拳。 募 所 失黃海、平安、京畿 已督副 死 胸,猶舊 士 ,援鈎梯直 而 獲首功千二百有奇。 路楊 如 松親提大軍直 呼督戰 元等軍 上。 江 自 如 倭 松馬 小西門先 源 方 抵城下,攻其 輕 四 間道, 斃於礮,易馬 道 南 倭退保風月樓。 並 面 登, 復。 朝 復 如 鮮 斬 柏 軍 東 級三百六十。 馳 等亦從 南。 承訓 正 ,墮塹,躍 據咸鏡,亦 夜半,行 倭 等 大西 噘 功 矢 卸 門 而 如 長 裝 乘 入。火 上, ন্য 勝 渡 露 遁 軍 還 逐 尶 明

調 扼 飛 乃 李 趨 大同江 樓 退 度。 有 碧 二箭酸 鏧 蹄 官 殊 館 聞倭將平秀嘉據龍山倉,積粟數十萬,密令大受率死士從間焚之。 軍 軍 一,接餉 旣 死 喪 不絕,官軍 救 距 連勝,有輕敵心。 失 王京三十里, ,被殺。 、甚多。 道 如 柏 乃退駐 會天 如柏 等軍寶 久雨,騎入稻 、寧等奮前 猝遇倭, 開城。 二十七 Щ 諸 處爲聲援,大受軍臨津 二月旣 重 一日再 夾擊,如 數 哇 :進師。 重 望,諜報倭 中 不得逞。 梅 如 松 朝鮮人以賊 射 督部 金 甲倭墮馬 以二十萬衆 倭背岳 下 鏖戰。 留寧、承訓 棄王京告。 Щ ,楊元兵亦至 」, 面 入 金甲倭 寇。 漢水, 聯營城 軍 開城 如松 如 倭遂 搏 松信之,將 一,研 令元 ; 而 如 松 重 身自 中, 軍 重 急 平壤, 入,倭 指 廣樹 東西 輕 騎 揮

息, 丽 初 倭 です 亦 芻糧 軍捷平壤 並 絕, ,鋒銳甚,不復問 且 懲平壤之敗 封貢 有歸 事。 志, 及碧蹄 於是惟敬 敗衄,如 款 議 復行。 众松氣 大索, 四 月十八 應昌、如松 日,倭 急欲 棄 王 京 休

遁 如 松與 應昌 入城,遺兵渡漢江尾倭後,將擊其惰歸。 倭步步爲營, 分番迭休, 官 軍 亦 政

倭乃結營釜山,爲 久留計。 時兵部尚書石星 力主封貢,議撤 兵,獨留劉綎 拒 守。 如松乃

以十二月班 師。 論功,加太子太保,增歲祿百石。 言者詆其 和 親 辱 國,屢攻擊之。 帝 不問。

死。 不報。 子世忠錦 帝痛悼? 一十五 如松 衣衞指揮使,掌南 年冬, 感帝知, 氣益 令具衣冠歸葬,贈 遼東 總兵董 奮。 **鎭撫司,仍充寧遠伯勳** 明年 一元罷,廷推者三,中旨特用 少保、寧遠伯,立祠,諡忠烈。 四 月, 土蠻寇犯遼東。 衞,復廕一 如 如松。 子本 以其 松率輕騎遠出搗巢,中伏 · 衞指 弟 言路復交章力爭, 如 揮使,世襲。 梅 代爲總兵官 恤 一,授長 帝置 力戦 典 優

崇禎 中,如松妻武 世 忠未久卒,無子。 氏 | 愬於 朝。 弟顯 忠由廕歷遼東副總兵,當嗣爵,朝臣方惡李氏,無爲言者。 章下部議,竟寢。 後莊烈帝念成梁功, 顯忠子尊祖 得 嗣寧遠 至

如柏 ,字子貞,成 梁第 二子。 由父廕爲錦衣千戶。嘗與客會飲,礮聲徹大內,下吏発官。

列

傅

第

百

_

+

六

李

成

梁

伯。

属

賊陷京

師,遇難

渥,皆出特恩云。

搖。 再以 御 廕 如 史任 柏 爲 貪淫 指 養心 揮 僉 言言 跋扈尤甚。 事 李氏兵權太盛 數從 父出 不早爲計, 塞有 功,歷密雲游擊,黃花嶺參將, 姻 恐生 親 厮養 他 變。」帝 分操 兵 功 柄 解 環 如 神京數千里,縱橫蟠 柏 任。 薊 於是成梁上書乞罷,并 鎭 副 總兵。 據,不 萬 曆 十六 可 動

請

罷子

弟官

,帝慰留不許。

久之,起故官,署宣府參將。

引

疾

歸

疾 詔 改鎭寧夏。 以故 歸 斬首百六十有奇。 如松 家居 官鎭 之禦倭朝鮮 遼東。 二十餘年。 著力冤犯 蒙古炒花 也,韶 平虜、 師 會遼東總兵官 旋, 横城, 如柏署都督僉事 入 進都 犯,督諸 督同 如 柏 張承廕戰歿, 知, 邀之, 將擊却之。 爲 r, 先率. 五. 大獲, 軍 一營副 師 文武 赴援。 斬首二百七十 將。 大臣英國 旣拔 尋出 爲 平壤,如 公張惟賢等合疏 -有奇。 貴 州 總兵官。 柏疾趨開城,攻克 進右 都 督。 二十三年 薦 如柏, 再以

軍 抵 爭尤力。 弟 而 虎 追 己。 放 學狀, 情 攔 始 路 酒色, 我 成 鎬聞 大清 梁 帝終念李氏,韶還候勘。 如柏 如松 亦 師 無復 杜松、馬林 軍大鷲,奔走相蹴死者千餘 臨河,如柏 爲將,厚畜健 少 年英銳。 兩軍已覆,急檄 故引 兒, 特 軍防懿路。 旣入都,言者不已。 以李氏 故所 向 如 世將,起自廢籍中。 克捷。 人。 柏 及楊鎬 還。 御史給事中交章論劾,給事中李奇珍連疏 至是,父兄故部 大淸哨兵二十人見之,登山 四路出 如柏懼,遂自裁。 師,令如柏 顧 如柏 曲已無復存,而 以一軍出 中情怯,惟 鴉 鳴螺, 體關 如柏 左 次 作大 避 暨諸 甫 敵

、延綏總兵官。 列 梁

提督 然未 巡 撫 歷 周 四 如 行 司 楨 永 陣,不 房,列 春 ,成梁第三子。 以爲言。 知兵。 環 衞者四十年。 而是時 及兄如柏革任,遼人謂李氏世鎭遼東, 由父廕爲指揮使。 如柏兄弟 最 後, 獨 軍政 如楨 拾遺,部議罷 屢加至右都督,並在錦衣。 在, 兵部尚書黃嘉善遂徇 職,章久留不下。 邊人憚服, 其請, 嘗掌南、北鎭 非再 如楨 以 闬 如 李 雖 楨 氏 將 公名上, 撫 家 不 可, 子, 司

帝

卽

可

之。

時萬曆四十七年四月也。

令如植 官 族 朝 墳 年,帝念成梁勛,特强死充軍。 交章論列,經略熊廷弼 議 墓 譁然, 嘉善亦特疏言之。 如 還 楨 所 屯瀋陽 在 藉 父兄勢,又自以錦衣近臣,不肯居人下。 當如柏還京, ,僅以參將丁碧等防守,力益弱。 亦論 其族黨部曲高貲者悉隨之而西,城中爲空。 如槙始怏怏去。 如楨十不堪,乃罷任。 既抵遼,經略楊鎬使守鐵嶺。 大清兵臨 天啓初,言者復力攻,下獄論死。 未出關,即遣使與總督汪可受講鈞禮, 城, 如 楨 擁兵不救,城遂失。 後鎬 鐵嶺故李氏宗 以孤 城難守, |崇禎 言

如 樟, 亦由 父廕,歷都指揮僉事。 從兄如松征寧夏,先登有功,累進都督僉事。 歴廣

其 總 廬 兵。 帳 如 斬 梅 十四四 ,字子清。 首 百餘 年, 炒花 級 亦 而 還。 由 ト言発將 父廕, 明 年, 歷都指 如 入 犯 梅 與 揮僉事 如 (参政 梅 謀 楊鎬謀復 先襲之。 從兄如 從鎮 松征 督部 西 日本, 將方 堡出 時 塞,潛 却 新 敵 等 先登。 襲敵營, 出 塞 三百里 屢遷遼 失 利 直 東 損 搗 副

部

將

+

人,

士

卒百

六

+

人

如

梅

以

血

戰

重

創

発罪

爭。 擁 二,當 能 棚 以 令 兵 拔。 輕 如 亚 畏 騎 給 梅 日 拔 罪者十 已 敵 事 誘 將 本 楊鎬 劾 中 賊 左 封 而 麻 贼 軍 事 罷。 斬 僖、御 帝 ·, 與 敗,其 援 爲 首 總 至 不 久 之, 右 四 納。 理 史楊 軍 年 如 一,宿 百 共 八 梅 有 旋 起 與 攻蔚 州 月 奇 軍 用 鶴 進 如 先 爲 署 餘 力 梅 山 奔, 禦倭總兵官。 左府。 持 睸 賊 都 諸軍 不不 不 督 遁 如 可 歸 梅 僉 欲 几 亦 島山 偕 事 寅功 乃 + 充 相 參 止 年, 將楊 繼 會其 田 禦倭 潰。 副 鎬 其 登 將 上,遽 副 巡 兄 贊 陳寅 山 如 總 撫 畫主 騎 遼 松 兵,赴 冒 兵 鵙 戰 東 金收 先 矢石 事 殁, 進, 朝 力 7 鮮援 薦 卽 應 軍 奮 設 呼 泰 如 命 伏 梅 如 劾 Ŀ 剿 翊 海 一,破 ō 梅 鎬 爲 日 濱 帥。 馳 , 時 幷 如 棚 麻貴 代 而 劾 梅 兩 之。 不 如 令遊撃擺 至 重 · 得 三路 梅 ,攻之,不 了至以 踰 當斬 至第 年,坐 進 師 死 者

倚 任 其兄 成 梁 如 諸 柏 子 卒 如 以 松 致 最 敗 果 敢 有 父 風, 其 、次稱 如 梅。 然躁動,非大將才,獨楊鎬深信。 後復

其北,牛秉忠攻其東,貴以游兵主策應。 皆不應,貴乃還攻城。 貴選精卒三百間道馳却之。俄以總督魏學曾命撫著力兔、銀定、宰僧於橫城, 畜家丁,乃起戍中爲副將,總兵討賊。屢攻城不克。其五月,哱拜以套寇五百騎圍平虜堡, 部 大入,掠山陰、懷仁、應州。將吏並獲罪,獨貴與兄副將錦拒戰有功,受賞 與 衞,祿與副將尚表固守,乘間擊斬其部長,寇乃引退。|辛愛犯京東,祿以宣府副總兵入衞, 納款外,擠力克襲封順義王,奉中國益虔。貴頻以安邊勞蒙賜賚。 、子遊擊錦並有却敵功。 孔英、麻承詔等擊套寇援兵,俘斬百二十人。拜初與套部深相結,諸部長稱之爲王。日 十九年爲閱視少卿官乾亨所刻,謫戍邊。明年,寧夏哱拜反。廷議貴健將知兵,且多 萬曆初,再遷大同副總兵。十年冬,以都督僉事充寧夏總兵官。無何,徙鎭大同。 貴由舍人從軍,積功至都指揮僉事,充宣府遊擊將軍。 麻貴,大同右衞人。父祿,嘉靖中爲大同參將,從鎭帥劉漢襲板升,大獲。 寧夏總兵董一奎攻其南,固原總兵李昫攻其西,云故總兵劉承嗣攻 哱拜自北門出戰,將往勾套部, 貴逐之入城, 別遣 隆慶中,遷大同新平堡參將。寇 啖以重利, 俺答圍右

六一九九

列

副。 守延綏。 溝。會董一元搗土昧巢,諸部長俱解去。賊復乞援於著力兔,擁衆大入。如松率勁騎迎戰 級百二十餘。持示賊,賊益恟懼。無何城破,賊盡平。貴以功增秩,予廕。尋擢總兵官,鎮 張亮堡,自卯迄已,敵銳甚。會貴及李如樟等兵至,夾擊之,寇乃却。逐北至賀蘭山,獲首 **餪道。卜失兔與莊禿賴果合兵犯定邊,而宰僧從花馬池西沙湃入。貴迎擊,挫宰僧於石** 坐著力冤帳中,主籌畫,至是不敢復出。俄朝命蕭如薰代董一奎,盡將諸道援兵,以貴爲 而李如松軍亦至,攻益急。賊奉黃金、繡蟒于卜失兔等,請急徇靈州,先據下馬關,沮

千五百。再進秩,予廕。尋以病歸。 以大軍當一面。銜枚疾趨,踰塞六十里。寇莫知所防,大潰。俘斬四百有奇,獲馬駝牛羊 參將師以律等出高家堡、神木、孤山爲左軍,參將孫朝梁等出定邊、安邊、平山爲右軍,而自 順義王権力克約之納款,不從,復擬大入。貴勒兵萬五千人:遊擊閻逢時等出紅山爲中軍, 畜產萬五千。帝爲告廟宣捷,進署都督同知,予世廕。明年,卜失兔復入塞,掠八日而還。 禦,總督葉夢熊急檄貴赴援。督副將蕭如蘭等連戰曬馬臺、薛家窪,斬首二百三十有奇,獲 五十有奇。還自寧塞,復邀其零騎。會寇留內地久,轉掠至下馬關。寧夏總兵蕭如薰不能 二十二年七月,卜失冤糾諸部深入定邊,營張春井。貴乘虛搗其帳於套中,斬首二百

貴別 固。 鎬 仰 將彭 王京 援 兵三協 攻 大 兩 貴 懼 協 友 遺 多 遊 ,倭已入慶州 7 德亦 撃茅 居 副 ,倉皇撤 左李 西 將 五年,日本封事敗,起貴備倭總兵官,赴朝鮮。 東,當淸正,數戰 扼 國器率 解生守 圍十日 破 如 行 賊 梅 師,以捷奏。 長。 青 ,右李芳春、 ,據閑山 稷山 死士拔其砦,斬馘六百五 Щ ,倭襲敗生兵。 諸軍至慶州,倭悉退屯 倭將行長退屯井邑, 朝鮮亦 有 島,圍南原。 功。 旣而 解生, 令都 敗狀聞,帝罷 會平秀吉 明年正月二日,行長 中高策。 體察使李元翼出忠清道遮賊鋒 守將楊元 死, 清正 十,諸 蔚山 鎬 官軍 貴與鎬督左右協 一責貴 還慶州。 遁,全州 軍逐進 如梅 益 力攻。 以 來援,九將兵俱潰。 誘敗之。 已,加提督,盡統南北諸軍。貴 功 圍其城。 守將陳愚衷 經略 贖。 十一月, 兵專攻清正 邢玠、經 與劉綎、陳璘、董一元分四 清正 城 新築 亦 清正先遁,貴 退保島 遁,倭 理楊鎬 生 以石,堅甚,將士 頗 賊張旗 山 有 策 乘 先 斬 駐 勢 築三砦自 後至, 獲功, 宜寧,東 **幟江上**, 逼王京 逐 入島 · 馳至

參

分

미 畏戰,但以增歲賞爲事,寇益 미 毋林,伺隙入犯。 其 地忽天鳴地震,妙花驚懼,再徙渡老河, 八年命貴鎭遼東。 貴伏兵敗之,追北至白雲山,斬馘三百四十有奇。 無所忌。 泰寧炒花 明年,臨邊要賞,將士出不意擊之,拔營遁,徙額力素 素桀驁, 九子各將兵,他部宰賽、煖兔 去邊幾四百里,其第三子色特哂之,南移 色特憤,謀復讐。 又助之。 邊將

川

西浦、諸路共俘斬二千二百有奇。

明年三月,旋

師。

進右都督,予世

廕

鄧 糾宰賽、 等懼 代代 以 炒花 兒 鄧 求款, 應。乃東斜下言頭、伯 邊境乃寧。 明 年, 插漢虎墩兔以三萬騎入掠穆家堡。 要兒,西糾哈剌漢乃蠻, 合犯 淸 河 禦 皆潰。 之敗 去。 以兒 其

夏,貴引病乞罷,詔乘傳歸。

稱

時良將焉

貴 (果毅 、驍捷 善用兵,東 西並著功伐。 先後承特賜者七, 錫世廕者六。 及殁, 予祭葬

功, 功。 引寇至城 進秩一等,遷大同 俺答 當事 兄錦,少從 納款 下,挾取妻子 以塞上方用兵, ,錦招塞外叛 父行陣, 有戰功。),錦伏甲擒 而 人歸者甚衆。 錦父子兄弟並敢 隆慶初, 之。 累官千總, 進本鎭副總兵,從趙岢 俺答圍 萬曆 戦, 城, 協守大同右衛。 五. 年擢 數突圍 曲 法貸之。 Щ 西 總 城 兵官。 卒完。 出 千戶 屢遷宣府遊擊將 :塞敗寇兵,與弟貴 魏昂者,坐罪亡入沙漠, 尋改鎭宣府,卒。 尋以殺 人,弁父奪官下 軍。 並 有 以 保境 動王

洮 其 同 岷副總兵。 總 逐 9 3 3 3 破。 兵 官。 承勛 承 詔, 遼東 更歷諸鎭,以勇力聞。 承宗、遼東副總兵。 寧夏參將。 副總 兵,都督僉事 從平 哱拜 天啓初,戰死沙嶺 後 南京後 起 有 援遼 功。 東,屢退避 府僉書。 後 爲蒼頭所弑。 從子 了, 下 承恩, 獄 當 承訓 死。 都 督同 薊鎭 詔 納 知, 副 馬 總兵。 宣府、延綏、 百匹免罪,

麻氏多將才。 人以方鐵嶺李氏,曰「東李西麻」。

時,倘亦有天幸歟。 然列戟擁壓,世傳將種,而恇怯退避,隳其家聲。 贊曰:自俺答款宣、大,薊門設守固,而遼獨被兵。 麻貴宣力東西,勳閥可稱。 兩家子弟多歷要鎭,是以時論 語曰「將門有將」,諸人得無愧乎! 成梁遂擅戰功,至剖符受封,震耀一 以李、麻 並

校勘記

五年五月土蠻復入 原脱「五年」。 明史稿傳一一五李成梁傳作「五年」。 按神宗實錄卷六三

萬曆 五年六月丁卯條稱:「先是五月丙申,土蠻入犯錦州。」事在萬曆五年五月甚明,據補

復以二萬餘騎從大鎭堡入攻錦州 傳文記此事於九年正月之前,本書卷二○神宗紀、 神宗實

○録卷一○八均繫於萬曆九年正月癸酉。

_ 十九年閏三月 閏三月,原作「閏二月」。 按是年閏三月,不閏二月,今改。

Z9

*7 35. 成梁獻 殺二百八十人 議移建孤 山堡於張其哈剌佃 本書卷二二一及明史稿傳一〇二郝杰傳作「獲老弱二百八十餘級」。 張其哈刺佃,本書卷二二二張學顏傳作「張其哈佃」。

列 傳 第 百二十 六 校 勘 韶

[六] 固原總兵李昫攻其西 李昫,原作「李煦」,據明史稿傳一一六麻貴傳、神宗實錄卷二四九萬曆

二十六年六月丁酉條改。

明史卷二百三十九

列傳第一百二十七

張臣 子承廕 孫應昌 全昌 德昌 董一元 王保 杜桐

弟松

子文煥 孫弘域 蕭如薰 達雲 尤繼先 官秉忠

柴國柱 李懷信

臣。 壯之,擢延綏 李家溝、高家堡、田家梁、西紅山,並有功,遷宣府膳房堡守備。 |朋遇寇喪馬被圍,臣單騎馳救,射中其魁,奪馬載||明歸,由此知名。 臣召麾下酌水爲酒,歡呼歌飲,寇莫測所爲,不敢登。 張臣,榆林衞人。 入衞遊擊將軍。 起行伍,爲隊長。 蹻捷精悍, 搏戰好陷堅。 臣夜決圍出,取他道以歸。 寇嘗大入,環攻堡,欲生得 旋代朋職,屢戰跨馬梁、 從千總劉朋守黃甫川。 上官

列傳第

百 二 十

七

張臣

獲罪 宼 以數騎嘗,奮前 更 隆 遼帥 庆 以功 元 王 年 增 一治道 九 秩 月 三斬之。 曰:「敵衆我寡、往必無利。」臣不顧,率所部千人擐甲 土蠻 級。 追至棒槌崖,斬首百十餘級,墜崖死傷者無算。 大入昌黎、撫寧、樂亭、盧龍,遊騎至灤河。 無何,寇潛入場子嶺,參將吳昂被殺,命臣代之。 諸將莫敢 ·直馳,呼聲震 事寧,薊鎭 尋進副總兵,領 戦 臣 諸將悉 獨勒兵 山谷,

總

督標下

事,改守薊鎭西

協

望,劾罷之。 不 夏。 殁, 通, 餘衆被圍 順義 萬 復 曆 陳兵赤水口,日 Ī 初 俺答報怨 錄秋 臣急偕遊擊高 防 功, 瓦刺,欲取道賀蘭 進署都督僉事。 俺答乃從山後去。 廷 禮 等 馳 厄 救, 炒蠻潛入古北口, 不可 寇始. 三歲互市 ,俺答恚 去, 坐鐫 , 語語 毋敢譁者。 不遜。 秩。 參將范宗儒追 五. 臣夜決漢 年 閱 春 , 邊 給 以 至十八盤山 事 總兵官鎮守寧 、唐二渠 中 以苛禮 水, 書 道 戰

杂顏 其從 戶 犯黑 義王 母 長 十一年,小 峪 土 昂 乞慶哈棄妾也。 阿 屢 關 擾邊,薊鎭 妻 罷 東 歲 阿ト戸 賞。 桂款 關 犯黑峪關,守將陳文治以下俱逮繫。詔 旣 總兵官楊 臣等測: 納 乞降,乃撫賞 款,復 其詐,令將士出塞捕二十三人,繫之獄, 四畏不 猖 獗 如 能禦,乃 以謾 初。 詞 猛 報 調 可 邊 眞 四 臣, 者 畏 () 俺答 保定,而 而 令 弟老把 大嬖只 起臣副總兵,駐守馬蘭峪。 徙臣 代 代之。 都 棄妾 爲謝罪。 **介還我被掠人。** 長昂雅憚臣 也,坐與 大嬖只 八小阿卜 一,使 猛

甚厲 可眞 以所愛者五人在俘中,許獻還所掠,親叩關索故賞。 兩婦 叩頭請死,乃貸之。先後獻還八十餘人,中有被拘數十年者。 臣等幷召大嬖只入演武場, 臣以功紀 譙責

敍。 尋進署都督同 知,召僉書左府事。 出為陝西總兵官,鎭守固原。

罪,其母及順義王亦代爲言,乃還其女,而使歸陰。 臣以功進秩爲眞。 大慟曰:「傷哉我女,悔不用母言,以至此也。」自是不敢歸巢,與宰僧匿西海。 並 由 一中流矢走,臣亦被創。將士斬級以百數,生獲其愛女及牛馬羊萬八百有奇。 永昌宋家莊穴牆入。臣逆戰水泉三道溝,手格殺數人,奪其坐纛。 十八年春,移鎮甘肅。火落赤犯洮、河,卜失兔將往助之,其母泣沮,不從,遂攜妻女行 卜失冤及其黨炒胡兒 已,屬宰僧謝 卜失冤仰天

歸,帝不許。後二年,謝病去。 兵寡,餉絀寇驕,諸部順逆難明,宜復額兵,嚴勾卒,足糧餉,分敵勢,明賞罰 時諸部長桀驁甚,經略鄭洛專主款。臣以爲不足恃,上書陳八難、五要。 臣更歷四鎭,名著塞垣,爲一時良將。 ō 大略 且以創 云

却之,追斬八十餘人。 十七年代王威爲延綏總兵官。沙計及猛克什力數犯邊。 子承廕,由父廕積功至延綏副總兵。 沙計欲修貢,守臣惡其反覆,拒之,益徙近邊,以數千騎犯雙山堡 勇而有謀,尤精騎射, 是年冬,復犯波羅、神木。 數鏖戰未嘗挫衄。 萬曆三 承廕邀

列傳

第

奉約束,遼西得少安。承廕旋以病去。甫歲餘,起守薊鎭。未至,復改鎭遼東。 所、連山驛,副總兵李繼功等力戰,殪其魁,徐引去。自是虎墩兔所屬貴英哈等三十餘部悉 參將郎名忠等遏斬其四十餘騎。 及再舉,守將梁汝貴襲破其營。已而乃蠻諸部連犯中後 虎墩兔、炒花、煖兔、宰賽逼處遼境,無歲不犯邊。承廕未至時,虎墩兔以三萬騎犯穆家堡, 諸部近寧前,守將祖天壽間出獵,被圍曹莊,將士死者二百三十人,被掠者六百餘人,天壽 積前 承廕擊走之,俘斬百二十有奇。四十年,沙計復入塞。承廕遮擊之嚮水,斬首百七十餘級。 以數騎免。 功,進署都督同知,世廕本衞副千戶。是歲,遼東總兵官麻貴罷,敕承廕馳代之。 事聞、論死。承廕初抵任、獲免。敖克等犯中後所、拒斬其二長、餘走出塞。時

失,詔逮維翰、贈承廕少保,左都督、立祠曰精忠,世廕指揮僉事。廷相以下、贈廕有差。 亦陷陣死。 列火器。甫交鋒,大淸兵蹴之,大潰。承廕、世芳皆戰死。廷相、汝貴已潰圍出,見失主將, 頗廷相、參將蒲世芳、遊擊梁汝貴等諸營並發,次撫順。承廕據山險,分軍三,立營浚濠,布 四十六年四月,我太祖高皇帝起兵,拔撫順,巡撫李維翰趣承廕赴援。承廕急率副將 將士死者萬人,生還者十無一二,舉朝震駭。旣而撫安、三岔兒、白家衝三堡連

承廕子應昌、全昌、德昌。

應昌嗣祖臣職、當爲指揮僉事。以父陣亡,增三秩爲都司僉

書,經略楊鎬用爲左翼遊擊。 河套入犯,不能禦,発歸。 四路出師,使從李如柏。 督師孫承宗召置麾下,命駐錦州。 天啓元年, 遷大同井坪參將, 承宗去,高第盡 調 延

撤松、錦守具、應昌亦歸。

往逆,斬福頭懸城下,急擊,賊始降。 巡撫許鼎臣、總督張宗衡督兵攻。 從,報可。 總兵官馬士麟病免,擢應昌都督僉事代之。言者謂寧武卒善逃,宜令應昌率所部三千人以 春,應昌擒友才。混天猴陷宜君、鄜州,襲靖邊,應昌追敗之,射傷賊將白廣恩。八月,山西 政戴君恩、總兵曹文詔同應昌討之。數敗賊,敗棄城走。文詔偕應昌擊敗之駙馬溝。 楊鶴撫一魁,處之寧塞,而殺其黨茹成名。賊黨張孟金、黃友才懼,挾一魁以叛。延綏巡撫張 魁代領其衆,圍慶陽。應昌及杜文煥趨戰,圍始解。不沾泥圍米脂,應昌偕王承恩擊走之。 逼會城。 兵,鶴遂薦應昌以副將鎭定邊。 福臻令應昌及馬科擊之,斬首千七百餘級。友才走,一魁守不下。其冬,洪承疇代鶴,命參 崇禎二年,總督楊鶴檄應昌署定邊鎮將事。河套入寇,擊斬百二十餘級,擢昌平副總 鼎臣還,專以恢復責應昌。 王之臣陷臨縣。其地倚黃雲山,楡林河水出焉,入於黃河。 四年春,神一元陷保安,應昌偕左光先破斬一元。其弟一 賊與土寇田福、田科等相倚,久不拔。 六年春,賊約福劫官軍,撫標中軍陳國威因僞稱之臣 城三面峭壁,西阻水。 會王自用陷遼州, 明年

列

退還河南。 所劾,帝令圖功自贖。 **令會剿畿南賊**。 帝乃遣 限 應昌 應 近侍 與文 昌在 爲應昌內中軍。 其弟全昌爲宣府總兵官。 韶三月平賊。 關中,威名甚著。 久之,擊賊平山,偽報首功,連爲允中及巡按御史馮明玠、眞定巡撫周堪賡 七年春,追賊靈寶,稍有功。 應昌避賊不擊,殺良民冒功,爲巡按御史李嵩、兵科祝世美所劾。 及是選懦逗撓,務與賊相避。 七月,部卒潰鳴謙驛。 宣府有警,令應昌援,又無功,命解職候勘 已,擊賊均州五嶺山,敗績。 監視中官劉允中劾其避賊,帝猶貸之, 總督宗衡五檄之不赴,奏諸朝, 身中一矢,

令應昌收置麾下,應昌已得疾,不能軍。無何卒。 四十餘級,獲軍師一人。及全昌兵敗陷賊,其潰卒歸關中,掠沿河州縣。 安,承疇急檄應昌及光先還救。八月,李自成陷咸陽。越二日,應昌、光先兵至,擊斬四 陽轉赴興安、漢中,以會左光先、趙光遠諸軍。至六月,艾萬年、曹文詔相繼戰歿,賊盡趨 及鄧玘、尤翟文防漢江南北。 八年,洪承疇出師河南,令率私家士馬以從。 **印死,承疇以賊必由鳳縣棧道直入略陽,改命應昌、翟文** 三月抵信陽。 會賊大入秦,承疇命應昌 山西巡撫吳姓請 自鄖 百 西

韓城,首功多。 全昌由廕敍,歷官靈州參將。 巡撫練國事請加二將副將銜。大胤駐耀州、富平間,扼賊西路,全昌駐韓城、 崇禎四年與同官趙大胤擊點燈子於中部,已,連戰郃陽、

郃 間,扼賊東路。 五年七月代應昌爲定邊副總兵。 曹文詔追賊隴州、平、鳳界, 全昌及

馬科率千人應之,殄滅殆盡。

全昌、文韶爲援剿總兵官,與猛 文臣張宗衡等重論,而武臣輕貸,非法。 萬全右衞,日他城堡多失守。 至渾源,以捷聞,還軍葛峪、羊房口。寢等復不援。八月,大淸兵再入其境。 城固守。已而大清兵西行,全昌進兵應州。帝以其孤軍,敕吳襄、尤世威赴援,不應。 年七月,大清兵西征插漢,旋師入其境。攻圍龍門、新城、赤城,克保安州,薄鎭城, 明年五月擢署都督僉事,充總兵官,鎭守宣府。 旣解嚴,兄應昌以罪解職,命全昌幷將其軍。 如虎等大破高 於是全昌與文詔並戍邊。 加計。 應昌方鎭山西,兄弟接壤爲大帥。 用山西巡撫吳姓請,命 閏八月四 兵科常自裕言 全昌嬰 全昌 日克 明

泉。 遠提兵三千截潼關 蛟先赴渭、華格其前,親督軍尾其後,却賊紅鄕溝,賊乃南入商、雒。 應龍、張應龍戰死,艾萬年、曹文詔相繼歿,官軍益衰,賊盡趨西安。 五月與賀人龍敗老回回於秦王嶺。 光遠擅歸關 八年春,會洪承疇於汝寧,擊敗汝州賊。 中 一全昌迤邐至潁州。 大峪口,部卒大譁,闌入滎澤,劫庫殺人。 九月中,追蝎子塊於沈丘瓦店,戰敗被執,賊挾之攻 尋解鳳翔圍,走賊秦州,敗之張家川。 俄西入關,與祖大弼敗賊涇陽。 河南巡撫玄默請急援盧氏,不 承疇急檄全昌及曹變 承疇又命全昌及趙光 已而 未幾,敗賊醴 都司 田

列傳第

百

+

七

張

臣

信」。賊不聽命。人之,全昌脫歸,謁象昇陽和。 <u></u>
蘄、黃。全昌因代賊求撫,總理盧象昇不許,責全昌喪師辱國,曰「賊果欲降,可滅其黨示 功,帝不許。十年四月,以楊嗣昌言逮付法司,謫戍邊衞。 象昇令募兵山、陝。尋薦之朝,令赴軍前立

保定副總兵,仍從文岳,數有功。十六年卒。贈特進榮祿大夫,左都督。 連破土寇仁義王。十四年春,總督楊文岳命從虎大威以五千人援開封,不敢進。其冬,擢 德昌,崇禎初爲淸水營守備。三年夏,剿王嘉胤被傷,坐奪官。久之,起歷保定參將,

錫廕,春秋世祀。兄一奎,都督僉事。歷鎭山西、延綏、寧夏三邊,以勇敢著。 **董一元,宣府前衞人。父陽,嘉靖中爲宣府遊擊將軍。** 俺答犯滴水崖, 力戰死。

再進二級,遷副總兵,駐防古北口。移守宣府。 石,總兵官胡鎭禦之,一元功最,超俸三級,遷石門寨參將。隆慶初,破敵棒槌崖,功復最。 一元勇如兄,而智略過之。嘉靖時,歷薊鎭遊擊將軍。土蠻、黑石炭等以萬餘騎犯一片

萬曆十一年以都督僉事爲昌平總兵官,尋徙宣府。 十五年徙薊州。〔三人之,劾罷。 鄭

洛經略跳、河,命一元練兵西學。火落赤入犯,一元擊之西川,多所斬獲。 寧夏,擢延綏總兵官。哱拜之亂,套中諸部長悉助之。一元乘其西掠,輕騎搗土昧巢,獲首 尋以副總兵協守

功百三十,驅其畜產而還,寇內顧引去。進署都督同知,入爲中府僉事。

都督,加太子太保,廕本衞世指揮使。 守廉等固守,乃引去。時二十二年十月也。 中矢死,把兔兒亦傷,餘衆終夜馳,天明駐馬環哭。 午至酉。寇大奔,逐北七十餘里,至白沙堝。俘斬五百四十有奇,獲馬駝二千計。 匿鎭武外,爲空營待之。寇騎馳入營,大笑,以爲怯,乃深入。官軍忽從中起,奮呼陷陣,自 耳。今其衆不過萬騎,破之則西部將不戰走。」乃遣副將孫守廉馳右屯禦西部,而親將大軍 將入掠鎭武、錦、義。一元與巡撫李化龍策曰:「卜言雖衆,然去邊遠,我特患把兔兒及炒花 合一克灰正、腦毛大諸部、聲犯廣寧。而把兔兒以炒花、花大、煖兔、伯言兒之衆營舊遼陽, 益强。西部卜言台周,故插漢土蠻子也,部衆十餘萬,與把兔兒東西相倚,數侵邊。至是卜言 命一元。泰寧速把亥爲官軍所殺,其次子把兔兒常欲復讐。從父炒花及姑壻花大助之,勢 遼東自李成梁後,代以楊紹勳,一歲三失事。 兵部尚書石星以下亦進秩有差 捷聞,帝大喜,祭告郊廟,宣捷行賞,進一元左 尤繼先繼之,半歲病去。 其明日, 卜言台周入右屯, 攻五 廷議擇帥,乃以 伯言兒 日夜

伯言兒最慓悍,諸部倚 列 傅 第 百 _ + 七 以爲强。 董 元 嘗誘殺慶雲守備王鳳翔,坐革歲賞。至是被殲,諸部爲

之,以病歸,命王保代。 嘆曰:「我竟不獲報父讐乎。」未幾死,其衆散亂,諸部悉遠遁。 一元以功進世廕二秩。 久 百里,三日夜乃抵其巢。斬首百二十級,獲牛馬甲仗無算,全師而還。把兔兒以鎭武創重, 發以疑寇。 遼、瀋東西。 奪氣,其部下遂納款。把兔兒、炒花及卜言台周、瓜兔兒、歹青復臨邊駐牧,期以明年正月略 一元提健卒,踏冰渡河,監軍楊鎬與之俱。度墨山,天大雪,將士氣益奮。 一元慮歲晏不備,爲寇所乘,乃先西巡以遏其鋒。化龍亦留弱卒廣寧,數西 行四

亦至。 四路。 擊寨,碎其數處。衆軍進逼賊濠,毁其栅。忽營中礮裂,煙焰漲天。賊乘勢衝擊,固城援賊 濠,海艘泊寨下千計,築金海、固城爲左右翼。 一元分馬步夾攻。 步兵遊擊彭信古用大棓 事官,一元亦奪宮保,貶秩三等。會關白死,倭遁走。石曼子爲陳璘所殲,一元得還故秩, 賊退保泗州老營, 攻下之, 遊擊盧得功陣歿。前逼新寨。寨三面臨江, 一面通陸, 引海爲 朝鮮再用師,詔一元隸總督邢玠麾下,參贊軍事。尋代李如梅爲禦倭總兵官。時兵分 騎兵諸將先奔,一元亦還晉州。 一元由中路,禦石曼子於泗州,先拔晉州,下望晉,乘勝濟江,連毀永春、昆陽二寨。 事聞,詔斬遊擊馬呈文、郝三聘,落信古等職,充爲 與麻貴、張臣、杜桐、達雲爲邊將選云。

迨俺答款塞,宣、大、山西三鎭烽煙寂然。 小郎兒籌策,懼而謝罪,獻還被掠人畜,保乃釋還小郎兒。長昂補五貢,邊吏始補二賞,互 銀燈寇山海關。已,又馳喜峰口要賞。邦奇佯許增市,誘殺其通事二十五人。長昂益怒, 長昂當張臣鎭薊時納款。居五六年,復連寇石門路、木馬峪、花場谷,四逐罷其市賞。後偕 獨泰寧、猪蔥醬部時時犯遼東。而薊門密邇王畿,與遼帥俱愼選。以保有威望,用之。 與易任。自嘉靖庚戌後,薊鎭重於他鎭。 總兵。十九年冬,擢署都督僉事,充昌平總兵官,尋改山西。 犯大青山。 如初。 保,榆林衞人。 御史陳遇文援穆宗詔以請,進保署都督同知,副將張守愚以下皆進秩。 頃之,遣其黨小郎兒等潛伏喜峰口,射殺偵卒。會保已至,遂擒之。 驍勇絕倫, 起行伍, 積功爲延綏參將。萬曆十六年遷延綏、定邊副 穆宗有詔,獲大小部長者破格酬,他鎭不得比。 陝西四鎭以火落赤敗盟,始復用兵,然寇弱易禦。 薊鎭總兵官張邦奇被劾,命保 長昂每資

請遣官按問。 武場,擊之,殺數百人,以反聞。給事中戴士衡、御史汪以時言南兵未嘗反,保縱意擊殺, <u>蒯三協南營兵,戚繼光所募也,調攻朝鮮,撤還,道石門,鼓譟,挾增月餉。</u> 巡關御史馬文卿庇保,言南兵大逆有十,尚書石星附會之,遂以定變功進保 督撫孫鑛、李頤等亦進官受賜,時論尤之。 保誘令赴演

一十三年冬,順義王撦力克弟趕冤率三軍犯白馬關及東西臺,爲守備徐光啓,副將李 = + 七 蓝 元 五

復犯 横河 芳春 兒。 、戴 羅文峪,敗去。 延 春 寇果馳 所 却。 横河。 韶代 明 年秋,復偕部長倒布犯黑谷頂,敗而 一元鎭 官軍夜半疾抵 遼東。 朝鮮 石塘嶺, 再用 師,敕保防 襲其營。 去。 寇大驚潰, 海,卒於 保度其 海 州。 乘勢追 再至,分營开 贈 左都督 出 塞。 連 其冬, 口 及

子學書,宣府總兵官。學詩、學禮並副總兵。學書旣里居,守楡林城,拒李自成,不屈死。

綏 入衞 杜 桐,字來儀,崑山人,徙延安衞。 遊擊將 軍,改古北 口 一參將。 用總督梁夢龍 萬曆初,由世廕累官淸水營守備,以謀 薦,擢 延綏 副總兵。 十四年就 拜署都 勇著。 督愈 遷延

事

,充總兵官。

亂。 官指 擊李紹 市訖,復 靖 庚 及 揮 時 戊 祖自孤山,桐率輕騎自楡林,三道並出。 ト失発 1 同 臨邊 失冤 深 知 入石州 要賞,聲犯內 西助火落赤共擾河西,諸部 以都督同知爲食中主,威令不行,其下各雄長,志常叵測。 日,互市還,與其儕禿退台吉等俱染痘死。 , 染此症, 犯者輒死。 地。 桐與巡撫賈仁元計先出兵襲之。 打兒漢者,卜失冤祖 遂蠢動。 遇寇力戰,大破之,斬首四百七十餘級,馘 十九年冬,打兒漢子土昧與他部明安互 吉能部落也,數將命奉貢,累 禿退子阿計疑邊吏就其父,思 乃令參將張剛自神木,遊 朔漠素無痘症,自

阴安而還。延綏自吉能納款,塞上息肩二十年,自此兵端復開。 寇鈔無已時矣。 桐先被劾罷,以是役功,超授右都督,僉書後府。 明安子擺言太日思報復,

銀幣,許復用而已。久之,卒於家。桐自偏裨至大帥,積首功一千八百,時服其勇。 臣孫維城、黃嘉善協謀撫之,乃復貢市。 連破之,斬首二百餘級。而延綏將士亦數搗巢,諸部長懼,乞款,詞甚哀。 逆戰水塘溝,俘斬百二十。寇益糾諸部連犯平虜、興武,桐督諸將馬孔英、鄧鳳、蕭如蕙等 二十一年以總兵官鎭保定。二十四年徙延綏。明年再徙鎭寧夏。 論功,文臣自內閣以下悉進官。 著力兔、宰僧入犯, 桐以先去職,但齊 三十年,二鎭撫

之,改鎭薊州。 山副總兵。三十三年擢署都督僉事,代李如樟鎭延綏。 遊擊將軍,論功遷延綏參將。貴大舉搗巢,松以右軍出清平塞,多所斬獲,進副總兵。 中,見戰死,松、經皆重傷,士卒死過半。 失冤掠張春井,大入下馬關。松偕遊擊史見、李經以二千餘騎邀擊馬蓮井,小勝,誤入伏 本官改寧夏東路。 弟松,字水清。有膽智,勇健絕倫。 松爲將廉, 尚氣不能容物。 麻貴援軍至,松復裹創力戰,寇始敗走。時松已進 由舍人從軍,累功爲寧夏守備。萬曆二十二年,卜 嘗因小忿薙髮爲僧,部議 明年,套寇犯安邊、懷遠,松大破 聽 其歸。 尋起孤 尋以

落,悉縛殺之,非陣斬。、松愈忿,言撫按諸臣附會馬拯,害其奇功。自提兵出塞,將搗巢以 尚仁支解之。深入小凌河,肆焚掠。遊擊于守志遇於山口,大敗,死千餘人,守志亦重創。 乾指,潛搗黃台吉帳,以牽薊寇。乃從寧遠中左所夜馳至哈流兔,掩殺拱兔部落百四十餘 疆事弗問。兵部以聞,乃勒松歸里,而以王威代之。 松駐大凌河,不敢救。遼人多咎松,朝議謂松前僅抵錦州邊十里,未嘗出塞,所殺乃保塞部 愈急,韶予之。拱兔果以無罪見剿怒,小歹青又數激之,乃以五千騎攻陷大勝堡,執守將耿 爲邊患。與從父蟒金潛入薊鎭河流口,大掠去。復結黃台吉謀犯喜峰口。松受總督王象 雪前恥,而所得止五級,士馬多陷大凌河。|松益慚憤,數欲自經,盡焚其鎧冑器仗,置一切 以大捷聞,邀重賞。副使馬拯謂拱兔內屬,不當剿,彼且復讐,與松相訐。松忿,邀賞 三十六年夏,代李成梁鎭遼東。十二月敗敵連山驛。賴暈歹者,朶顏長昂子也,狡黠

騎搗火落赤營。獲首功二百有奇,復敍用。逾二年,薊、遼多事,特設總兵官鎭山海關,以 |柏等並進。||松勇而無謀,剛愎使氣。二十九日夜,出||撫順關,日馳百餘里,抵||渾河。半渡, 松任之。 衝,令松以六萬兵當之,故總兵趙夢麟、保定總兵王宣爲佐。 **松旣廢,時多惜其勇,然惡其僨事,無推轂之者。 至四十三年,河套寇大入,令松以輕** 四十六年,張承廕戰歿,詔松馳援遼陽。明年二月,楊鎬議四路出師。 期三月二日抵二道關,會李如 以撫順最

列傳第一百二十七 杜桐

崖。 車營五百尙阻渾河,而松已敗。 松與夢麟、宣皆歿於陣。 橫屍亙山野,流血成渠。 大清兵逐北二十里,至勺琴山而還。 時 湖山軍,死者相枕藉。所遣助吉林崖者,自山馳下擊松軍,二旗兵亦直前夾擊,松兵大敗, 續遣二旗兵趨界凡以爲援,而遣六旗兵攻松別將於撒爾湖山。明日,六旗兵大戰,破撒爾 議多咎松輕進。 精騎則盡伏谷口以待。 乘勢趨撒爾湖谷口。時大淸方築城界凡山上,役夫萬五千,以精騎四百護之。 **僉事。宣,楡林人。夢麟,見父岢傳。** 河流急,不能盡渡。 明日,松引大軍圍崖,別遣將營撒爾湖山上。松軍攻崖,方戰,大清益千人助之,已又 天啓初,贈少保左都督,世廕千戶,立祠賜祭。 松醉趣之,將士多溺河中。 松軍過將半,伏兵尾擊之,追至界凡渡口,與築城夫合據山旁吉林 頃之、馬林、劉綎兩軍亦敗,獨李如柏一軍遁還。 松遂以前鋒進,連克二小砦,松喜。三月朔 宣亦贈官,立祠,世廕指揮 聞松軍至, 事聞,朝

納款。 保寧,長樂,斬首三百有奇。 **僉事、寧夏總兵官。** 桐子文煥,字弢武。 既而復與吉能、明愛合、駐高家、柏林邊,要封王、補賞十事。 延綏被寇,文煥赴救,大破之。明年遂代官秉忠鎭延綏。屢敗寇安邊、 由廕敍、歷延綏遊擊將軍、累進參將、副總兵。 西路火落赤、卜言太懼,相率降。 沙計數盜邊,爲文煥所敗,遂 文煥襲其營,斬首百五 四十三年擢署都督

當是時,食寇號十萬。然其衆分四十二枝,多者二三千,少不及千騎,屢不得志。 沙溝,誘殺都指揮王國安,糾猛克什力犯雙山堡,復犯波羅。 吉能、明愛、猛克什力相繼納款,延綏遂少事。文煥尋以疾歸。 火落赤諸部落攢刀立誓,獻罰九九。九九者,部落中罰駝馬牛羊數也。已,沙計又伏兵 文煥擊破之,追奔二十餘里。 沙計乃與

告警,韶文煥馳援,俄令分鎭寧遠。進右都督,調守關門。 我續請令文煥赴救。 盡統川、貴、湖廣軍。 固原、慶陽,圍延安,揚言必縛文煥,掠十餘日始去。 天啓元年再鎭延綏。 度不能制賊、謝病去。坐延綏失事罪,成邊。七年起鎭寧夏。寧、錦 至則圍已解,偕諸軍復重慶。崇明遁永寧,文煥頓不進。 韶文煥援遼,文煥乃遣兵出河套,搗巢以致寇。 命解職候勘。 尋引疾去。 奢崇明圍成都,總督張 諸部大恨,深入 尋擢總理,

吳甡劾其殺延川難民冒功,給事中張承韶復劾之,下獄褫職。十五年用總督楊文岳薦,以 馳 河曲,大敗,賊入據其城。 鶴請令文煥署延鎭事,兼督固原軍。 故官討賊。 至 河曲,絕饟道以困之。 崇禎元年錄重慶功,廕指揮僉事。三年,陝西羣盜起,五鎭總兵並以勤王行。 無功,復謝病歸。 神一元陷寧塞,文煥家破。遂留文詔,令文煥西還。 部議設一大將、兼統山、陝軍協計。 數敗賊,賊亦日益多。 會山西總兵王國樑擊王嘉胤於 乃令文煥爲提督,偕曹文詔 四年,御史 總督楊

都督。崇禎 國變後,文煥父子歸原籍崑山,卒。 子弘域,天啓初歷延綏副總兵。七年夏,文煥援遼,即擢總兵官,代鎭寧夏。 中,提督池河、浦口二營練兵,遏賊南渡,頗有功。 十三年移鎭浙江。 積資至右 尋謝病

蕭如 薰,字季馨,延安衞人。萬曆中,由世廕百戶歷官寧夏參將,守平虜城。

諸援軍。其秋竟 賊,大喜,厚賚銀幣,擢官副總兵。六月遂以都督僉事爲寧夏總兵官,盡統延綏、甘肅 又襲著力兔營,獲人畜甚多。著力兔憤,復來攻,爲麻貴所却,城獲全。初,帝聞 士。拜養子雲最驍勇,引河套著力觅急攻。如薰伏兵南關,佯敗,誘賊入,射雲死,餘衆敗去。 秀徇平廣,獨如黨堅守不下。如黨妻楊氏,故尚書兆女也,賢而有智,贊夫死守,日具牛酒犒 桓拒守,為其下所執。 賊已徇中衞及廣武,參將熊國臣等棄城奔,列城皆風靡。 賊黨 土文 二十年春,哱拜、劉東陽據寧夏鎭城反,遣其黨四出略地。拜子承恩徇玉泉營,遊擊傅 一十二年八月, 與李如松等共平賊,再進署都督同知,廢錦衣世指揮僉事,妻楊氏亦被旌。 卜失兔西犯定邊,闌入固原塞,副將姜直不能禦,遂由沙梁隤牆入,直 如薰孤城抗 、固原

却之。 千人,獲駝馬甲仗無算。 抵下馬關,縱橫內地幾一月。如薰免官,直下吏。尋復以總兵官鎮守固原。 青海寇糾番族犯洮、岷,如薰及臨洮總兵孫仁禦之,擒斬三百四十有奇,撫叛番五 再鎭寧夏。 銀定、万成數入犯,輒挫衄去。 從鎭薊州。 套寇入犯,擊 **久之,罷**

明年出鎮徐州。 奪職。 天啓初,廷議京軍不足用,召邊將分營訓練。 崇禎初卒,賜恤如制。 俄召還京, 復以總兵官鎭守保定。 如薰典神機營。 五年夏,魏忠賢黨劾其與李三才聯姻, 陛見,帝賜食加與勞焉。

再起故官,鎭延綏。

外府。 簪珥供客猶不給。 結納,取足軍府。 兵、都督僉事,前府僉書;如蕙,寧夏總兵官、「ミン都督同知;如芷,提督南京教場、都督僉事 如 如薰爲將持重。 薰祖漢,涼州副總兵、都督僉事。 父文奎,京營副將、都督同知。 山人雜流,乞朝士尺牘往者,無不壓所欲。 如薰亦能詩,士趨之若騖,賓座常滿。 軍中患苦之,如薰莫能却也。 更歷七鎭,所在見稱。 自隆慶後,款市旣成,烽燧少警,輦下視鎭帥爲 一時風會所尙,諸邊物力爲耗,識者歎焉。 薊鎭戚繼光有能詩名,尤好延文士,傾貲 妻楊氏、繼妻南氏皆貴家女,至脫 兄如蘭,陝西副總

達雲,涼州衛人。 勇悍饒智略。 萬曆中,嗣世職指揮僉事。 擢守備,進肅州遊擊將軍

炒胡兒入犯,偕參將楊濬擊敗之,遷西寧參將。

總兵尤繼先生獲其讐。 把都爾哈,即前 六百八十餘級。 精卒二千與戰。 飲,擁勁騎直入南川。 息。[t] 嘗誘殺副將李魁。[c] 邊臣不能報, 市在宣府,守臣遇已厚,不可逞,乃隨俺答西迎活佛,留據 永邵 卜者,順義王俺答從子也,部衆强盛。 殺李魁者,其地卽魁陣亡處,時又皆九月也。先是,副將李聯芳爲寇所殺, 其走峽外者,又 為 方合、伏忽起、寇首尾不相顧、番人夾擊,大敗之。 屬番偵告,雲設兵要害,令番人繞出杂爾硤口外,潛扼其背, 邊人以此二事爲快。 番人所殲。 益有輕中國心。二十三年九月九日度將士 獲駝馬戎器無算。 先嘗授都督同 青海, 知, 與瓦剌他卜囊歲 再進龍虎將軍。 爲西陲戰功第一。 **雲手馘其帥一人,斬首** 爲 而己提 自以貢 所馘 西寧 必 燕

官。 破, 左右 誘官軍。 寇始遁,追奔數十里而還。 雲擢都 衝擊,自辰至申,戰數十合。 雲旣 番不能支,合於寇,寇遂逼西川。 勝,度寇必復至,厚集以待。 督 同 知,廕本衞 世指揮使。 捷聞,帝大喜,遣官告郊廟,宣捷。 寇死傷無算,乃以長鎗鈎杆專犯西寧軍。 踰月,寇果連眞相、火落赤諸部,先圍番 寇歲掠諸番,番不敵則折而 雲督諸軍營康纒溝,寇悉衆圍之,矢石 大學士趙志皐以下悉進 入寇。 及寇敗遠徙, 西寧軍 剌 卜爾 如 ·堅不 雨。 寨 以 可

列

總兵,至是命以總兵官鎮守延綏。未幾,鎮甘肅。二十六年,永邵卜復犯西寧,參將趙希雲 急招番,復業者七千餘戶。 永邵卜連犯明沙、上谷,雲並擊走之。初,南川奏捷,雲已進副

等陣歿,雲坐停俸。

雲及諸將<u></u>葛賴等大破之,斬首三百七十餘級。帝爲告廟,行賞,進雲世廕二秩。寇復入犯, 復。 雲破走之。 時潛兵入犯,雲據險邀擊之。寇大敗,斬首百六十。加雲太子少保。寇益糾其黨犯鎭番, 百七十有奇。松山旣復,爲築邊垣,分屯置戍。錄功進左都督。 百里。雲以功進右都督,廕世指揮僉事。 雲偕副將甘州馬應龍、凉州姜河、永昌王鐵塊等分道襲之。寇遠竄,盡拔其巢,攘 甘、寧間有松山,賓兔、阿赤兔、宰僧、著力兔等居之,屢爲兩鎭患。巡撫田樂決策恢 無何,青海寇糾衆分犯河西,五道俱有備,獻首功 寇戀其故巢,乘官軍撤防 地五

戰紅崖,大獲,斬首百三十有奇。 其長沙賴,餘敗奔。三十五年敍功,雲增勳廕。 連營犯鎭番。 是時,寇失松山,走據賀蘭山。後連青海諸部寇鈔不已,銀定、歹成尤桀驁。三十三年 **雲遣副將柴國柱擊之,寇大敗去。** 是年,松山、青海二寇復連兵犯涼州,雲逆 未幾,青海寇復大入,將士分道遮擊,生擒

雲爲將,先登陷陣,所至未嘗挫衄,名震西陲,爲一時邊將之冠。 以秋防卒於軍。 贈太

西海。 擒。 擊,大破之,斬首百五十有奇,生獲十二人。而拜巴爾的者,可卜列從子,前殺聯芳,至是被 例、宗塔兒等五百餘人牧莽剌川南山。 繼先乃令番以八百人前導,與故總兵承嗣,遊擊原進學、吳顯等疾馳七百里,直抵南山。 蠶食番族,且擾西寧。聞官軍大集,卜失冤又敗於水泉,乃乘冰堅渡黃河北走,留其黨可卜 李聯芳等戰死。 師旋,窓尾至撒川。見有備,乃夜走。他寇犯鎭羌、西寧、石羊亦俱敗。 尤繼先,楡林衞人。萬曆中,積功爲大同副總兵。十八年,火落赤、真相犯挑、河、副總兵 錄功,進秩爲眞,增世廕一秩。 韶進署都督僉事,充總兵官,代劉承嗣鎭守固原。 寇據莽剌、捏工二川, 尋以病歸。 南山即石門大山口,走鳥思藏門戶也。屬番來告, 起僉中軍府事。 火落赤遂徙帳 日

先出 |山 |口 歸。 達乃疏言番情難馭,恐遺後憂,請調繼先別鎭,俾降丁隨往。 關,短已縱掠寧前去。 ,輒敗去。 二十四年起鎭薊州。自戚繼光鎭守十年,諸部雖叛服不常,然邊警頗稀。 二十一年冬爲遼東總兵官。炒花二千騎入韓家路,繼先督諸軍奮擊,寇乃 最後,長昂導班、白二部長入犯,道石門,闞山海關,京東民盡逃入通州。 總督蹇達怒繼先不追擊,而繼先方收召降丁八百人,欲倚爲用。 部議以延綏杜松與易任,巡撫 寇嘗一入淸 去。 再引疾

列

傅

第

百二十七

遠 雲

劉四科爭之。 羽書狎至, 邊隘虛實久爲所窺。 達復疏言:「守邊在自强,繼先獨言惟藉降丁。 呼吸變生,安所措手!」兵科宋一韓等力主達議,且刻繼先 去歲出關,何竟不得降丁 **力**?

他事。繼先遂罷,卒於家。

繼先眇一目,習兵敢戰,時稱「獨目將軍」。

雲大破寇於<u>紅崖,銀定、歹成</u>屢被挫去。 官秉忠,楡林衛人。 萬曆中起世曆,歷官固原參將,擢寧夏、甘肅副總兵。 移守薊鎭東協,積功加署都督同 知。 嘗與主將達

近出 澗。〔亞一日再捷,俘斬二百五十,馘其長十二人。 向以勁騎遮擊,先後斬首二百二十有奇。 之,大獲。 塞。 四十年五月擢總兵官,代張承廕鎭延綏。 猛克什力犯保寧,秉忠又破之。已而猛克挾賞不獲,再寇保寧及懷遠,秉忠隨所 猛克及旗牌復以千餘騎犯波羅,遙見保寧軍,遂 套寇犯保寧,秉忠督參將杜文煥等敗之白土 無何,旗牌撒勒犯長樂,秉忠將輕騎追襲

挾求封王,且還八年市賞。 吉能者,卜失兔子,爲套中之主,士馬雄諸部。 邊臣不許,則大怨。 會他部鐵雷以痘瘡死,妄言邊吏毒殺之。而 見卜失 桑襲順義王,補其五年市賞, 遂

沙 安入犯,秉忠設伏待之。 等不救, 波羅 下,時鈔 計盜邊,又被衄去。 會故帥 西道 掠。 士卒死傷過半, 磚井、寧塞諸城堡盡被蹂 杜松、寧夏帥杜文煥援軍至,並破敵,而秉忠所部亦 秉忠亦屢出 吉能逐合套中諸部,大舉入寇。 遂大敗去,斬其首二百有 襲擊,多獲首功,竟以前負被劾去官。 洪謨遂降。 躪。 秉忠聞寇入,急遣遊擊張榜潛 副將孫洪謨禦之大柏油, 奇 東道高家、大柏油、神木、柏林,中道 有 方候代, 斬獲,寇始退。 劫其營,又敗,死 中伏被 沙計謀從雙山 圍。 遊 然猶 撃萬 四 化学 駐 百餘 建 塞

秉忠防守鎭城。 四十六年與劉綎、柴國 無何,辭疾歸。 柱等 久之卒。 同被召,令僉書前府,尋赴援遼東。 子撫民,亦爲寧夏總兵官 楊鎬之四路出師也,令

勇冠 軍。 柴國 柱,西寧衞人。 鍛 功 ,進都指揮 , 僉事。 萬曆中,由世廕歷西寧守備。 寇盜邊,輒爲國柱所挫。 驍猛善射。 屢進涼州 副 從參將達雲擊寇南川, [總兵。

急率遊擊王允中等擊走之。 斬首二百有奇 松山 旣復 ,獲馬駝甲仗無算。 ,方建堡置堠,寇數來擾,國柱頻擊却之。 銀定、歹成 青海 復犯河西, 寇大掠鎭羌、黑古城諸堡,守備楊國珍 國柱邀擊,獲首功百二十。 銀定、歹成連兵寇鎭番,國 不 擢署都 能禦,國 柱 、馳救, 督僉 柱

列

僔

第

百

= +

七

官

秉

忠

柴

國

柱

事,陝西總兵官。

松山諸部長合兵入寇,國柱檄諸將分道擊,復斬首百六十。屢加右都督,世廕指揮僉事。 久 至麻山湖,斬首百六十有奇。其部落復入寇,守備鄭崇雅等戰歿,國柱坐奪俸一年。 三十六年春,改鎭甘肅。 銀定、歹成屢不得志,益寇鈔永昌。國柱馳與大戰,敗之,追 河套、

柱等力遏之。尋移鎭瀋陽。謝病歸。 四十六年夏,召僉書都督府事。 無何,代杜松鎭山海關。松敗歿,虎墩兔乘機犯邊,國 天啓初,追錄邊功,加左都督。卒,賜恤如制。

之,罷官。

患尤棘。懷信勇敢有謀,寇入輒敗。其先後鎭帥杜松、王威、張承廕、官秉忠又皆一時選, 一般中路參將,進定邊副總兵。 李懷信,大同人。由世廕歷都指揮僉事,掌山西都司。廉勤,數被推薦。萬曆中,遷延 卜失兔、火落赤、鐵雷、擺言太等歲擾邊。定邊居延綏西,被

斬首三百有奇,獲駝馬甲仗無算。 已,復分三道犯鎭番諸堡,懷信亦分遏之。 寇引還,將士 四十三年擢甘肅總兵官,延人爲立生祠。松山寇入掠蘆溝墩諸處,懷信邀擊,大敗之。

故邊患雖劇,而士氣不衰。

山,南臨青海,諸部落環居其外,尤難禦。 寧多警,增設臨洮總兵官,遂爲五鎭。 尾其後,獲首功百九十有奇。 自後寇入多失利去,威名著河西。 然惟甘、延最當敵衝,故擇帥常慎。 先是,陝西止設四鎮,自西 而甘肅北有松

懷信在鎭,邊人恃以

無恐。

世賢 檄懷信禦却之。 以四萬人守瀋陽。 天啓二年起鎭大同。 四十七年,遼東急,詔充援剿總兵官,馳赴遼東。時熊廷弼爲經略,令懷信偕柴國柱、賀 遼事益急,諸老將多引避。 煖兔、炒花謀入犯,廷弼急移懷信戍首山,寇不敢入。 明年罷。 已,追錄邊功,進左都督。 廷弼復負氣凌諸將, **外之,卒於家。** 懷信不能堪,亦堅臥引疾 俄泛懿有警,

偉不下王越。 贊曰:張臣諸人,勇略自奮,著效邊陲,均一時良將選也。 至承廕與松,以將門子捐軀報國 ,視世所稱「東**|**李西脈」者,相去何等也。 董一元白沙堝、墨山之捷,奇

校勘記

萬全右 復陳兵赤木口 衞 本書卷二三莊烈帝紀及國權卷九三頁五六九五作「萬全左衞」。 赤水口,明史篇傳一一六张臣傅及读史方與纪要卷六二作「赤木口」。

列 傅 第 百二十 七 李 懷 信 校 勘

記

六二二九

尋徙宣府十五年徙薊州 明史稿傳一一六董一元傳作「尋徙薊州,又徙宣府」。

 $\overline{}$ Z 花場谷 明史稿傳一一六董一元傳附王保傳作「花場谷」。

五 分營开連口及橫河兒 开連口,明史稿傳一一六董一元傳附王保傳作「井連口」。

ベリ 寧夏總兵官 明史稿傳一一六蕭如薰傳作「延綏總兵官」。

「キン 與瓦剌他 卜囊歲爲西寧息 明史稿傳一一六達雲傳作「更名瓦刺他卜囊、歲爲西寧息」。

[八] 李魁 本書卷三三〇西域諸衞傅作「李奎」。

<u>へ</u>れ し 敗之白土澗 明史稿傳一一六官秉忠傳、 神宗實錄卷四九八萬曆四十年八月壬戌並作「白玉

澗

明史卷二百四十

列傳第一百二十八

葉向高 劉一燝 兄一焜 煜 韓爌 朱國祚 朱國禎

何宗彦 孫如游 孫嘉績

數瀕死,輒有神相之。舉<u>萬曆十一年進士,授庶吉士,進編修。遷南京國子司業,改左中</u> 葉向高,字進卿,福淸人。父朝榮,養利知州。 向高甫妊,母避倭難,生道旁敗厠中。

允,仍視司業事。

語皆切至。妖書獄興,移書沈一貫力諫。 鑑,不報。 二十六年召爲左庶子,充皇長子侍班官。礦稅橫行,向高上疏,引東漢西邸聚錢事爲 尋擢南京禮部右侍郎。 久之,改吏部。 再陳礦稅之害,又請罷遼東稅監高淮, 一貫不悦,以故滯南京九年。

後一貫罷,沈鯉亦去,朱賡獨當國。 帝命增閣臣。三十五年五月擢向高禮部尚書兼陳

列

傳

閣 出 大學 明 年 與與 首 「輔賡 王 錫爵、于愼行 亦卒,次輔 廷機 李廷機並命。 以人言久杜門,向高 十一月, 向高 逐 獨 入朝, 相 **慎行已先卒,錫**爵堅辭不

未正 無疑。 效 向高 納。 第成 大抵格 喪。 而 高擇吉以請,亦不報。 之國 也。一一帝報曰:「莊 祖 下 制 向高 因 四十一 ,工部以之國請,向高擬旨 乖 當 惟堅守明春期,而無以莊田藉口,天下疑自釋。」帝報福王無一 無有 進 隔甚。 向高 是 不用,所救正十二三而已。 曰:「田 時,帝在 以爲言,乃發喪。而禮官 年春,廷臣交章請, 是 用宿望居相位,憂國奉 廷臣 事。 ·輟,情意通。 四萬頃,必不能足,之國 位 曩惟世宗時景王有之。 田 部黨勢漸成, 日久,倦勤,朝事多廢弛,大僚或空署,士大夫推擇遷轉之命往往不下, 自有成例,且今大分已定, 自是歲春秋必懇請,帝皆不納。 今東宮輟講八年,且不奉天顏久,而 上。 復諭改明春。 丽 上其儀注,稽五 中官権稅、開礦,大爲民害。 公,每事執爭效忠蓋。 東宮輟講者五 帝不發, 景王 且無日,明旨又不信於天下矣。 改明春。 已,忽傳旨,莊田 久不之國,皇考在裕邸,危疑不安。 何猜。」向高因 年,廷臣屢請不 日 不行。 及期迫, 貴妃王氏,太子生母也,薨四 帝 向高復爭之,疏乃下。 心重向高, 疏謝,言:「皇考時, 向高請先飭儀衛 非四萬 帝又寵鄭貴妃, 福 ·得命。 王 日 頃不行, 兩見事 日 體貌優厚,然其言 三十七年二月,向 且王 兩見,以故不能 疏 廷臣 舟車、帝不 福王 引祖 名位 此 日不 福王 一大駭。 何 一 不肯 制 府 雖 日 發

帝令內閣宣諭。向高留上諭弗宣,請今冬預行慶壽禮,如期之國。帝遣中使至向高私邸, 外藩,何惓惓福王爲。」因封還手諭。帝不得已從之,福王乃之國 情益疑驗,將信王曰乾妖言,朝端必不靜。聖母聞之,亦必不樂。且潞王,聖母愛子,亦居 必 安。宜留中,而別諭法司治諸奸人罪,且速定明春之國期,以息羣喙,則天下帖然無事。」帝 妖 怒,遶殿行半日,曰:「此大變事,宰相何無言。」 內侍卽跪上向高奏。 奏言:「此事大類往年 盡 兄弟全矣。」明日,向高又言:「曰乾疏不宜發。發則上驚聖母,下驚東宮,貴妃、福王皆不 至 其 用其言,太子、福王得相安。貴妃終不欲福王之國,言明年冬太后七十壽,王宜留慶賀。 書,然妖書匿名難詰,今兩造具在,一訊卽情得。陛下當靜處之,稍張皇,則中外大擾。 欲下前諭。 詞 向高嘗上疏言:「今天下必亂必危之道,蓋有數端,而災傷寇盜物怪人妖不 牽引貴妃、福王,尤可痛恨。臣與九卿所見皆同,敢以聞。」帝讀竟太息曰:「吾父子 向高言:「外廷喧傳陛下欲假賀壽名留福王,約千人伏闕請。

今果有此諭,人

鄭妃內侍姜嚴山與學等及妖人王三詔用厭勝術詛咒皇太后、皇太子死,

相

許

向 高

告。[]刑官讞未竟,曰乾乃入皇城放礮上疏。

[有裁斷,善處大事。 錦衣百戶王曰乾者,京師奸人也,與孔學、趙宗舜、趙思聖等

刑官大驚,將擬曰乾

死罪。

日乾遂訐奏

擁立

福王。帝震

空虚,一也。上下否隔,二也。士大夫好滕喜爭,三也。多藏厚積,必有悖出之釁,四也**。** 與焉。 廊廟

風 愛,不能 政 事 罄 氣 舉 習 新 日 之,恐宗社之憂,不 趨 日 下 ·,莫可 挽回 五也。 在敵國外患, 非陛下奮然振作,簡任老成, 而卽在廟堂之上也。」其言絕痛切。 布 列 朝署, 取積 帝 知 年 廢弛 其 忠

流移 賢不 先朝露, 蒙思諭 離 以 曹署皆空,南都 之病。 爲 天下 奏不 載 用 初 求去 道, 留 向高 有餘幸矣。」 長 發,大僚不補,起廢不行,臣微誠 兩疏乞罷,帝 如 加中外空虚, 顧臣 ,向高特疏請留,亦不 入閣。 此,臣恐禍端一發,不可收也。」 九卿亦止存其二。 不 在一身去留,而在 未幾,陳用人理財策,力請補缺官,罷礦稅。 帝不省。 不允。 人才俱盡。 向高自獨相, 京師大水,四方多奏水旱。 報, 天下方面 罪不 國家治亂。 遂引 不 在 疾。 即請增閣 能 他 大吏,去秋至今,未嘗用一人。 帝亦 人,臣 上 屢論 今天下 達,留何 不省 一,乃出 何可 臣, 所在災傷死亡,畿輔、 益。 不去。 帝 向高 視事。 不聽。 誠用臣言,不徒縻 又言:「自閣 且陛下 見帝不能從, 已, 及 吏部尚書孫 又言:「臣屢求 ·用臣 陛下 臣 一,則 至 中 乃陳上下乖 當行 萬 九 臣 州 丕揚 身 事 卿 齊、魯 去, 亦 臺省, 一臣溘 其言。 以 輒 薦

因 進 退可 復 以 四 置 + 用 不問 年春 人行 ',而百僚必不可盡空,臺諫必不可盡廢,諸方巡按必不可不代。 政 請 向高 亦 以歷代帝王享國 不 報。 向高 志不 四十年以 行,無月不求去, 上 者,自三代迄今止十君,勸帝力行新政。 帝 輒 優旨勉 留。 向高 中外離心,輦 復 言。一臣

轂肘腋間,怨聲憤盈,禍機不測,而陛下務與臣下隔絕。帷幄不得關其忠,六曹不得舉其 職 天下 無一可信之人,而自以爲神明之妙用,臣恐自古聖帝明王無此 法 也。

前, 向 節,始起視 百 年不補,彈壓無人,人心何由戢。」帝但責言官妄言,而大僚迄不補。 命久不下。 高 餘上, 論者以 請盡付所司,定其去留。 先是,向高疾,閣中無人,章奏就其家擬旨者一月。 帝始用方從哲、吳道南。向高疏謝,因引退,優韶不允。 事。 爲 向高懇請數十疏,越二年乃下。言官旣多,攻擊紛起。 非體,向高亦自言其非,堅乞去。 其後,向高主癸丑會試,章奏皆送闡中,尤異事云。 因言:「大臣者, 小臣之綱。今六卿止趙煥一人, 而都御史十 帝卒不命他相,遣鴻臚官慰留。 及是,向高堅臥益久,卽家擬旨如 向高請增置閣臣,章至 帝心厭之,章悉留中。 帝考選科道七十餘 至帝萬壽

太子太師,賜白金百,彩幣四,表裏大紅坐蟒一襲,遣行人護歸 部尙書、武英殿;一品三載滿,加少傳兼太子太傅,改吏部尙書、建極殿。 向高以三載考績,進太子太保、文淵閣大學士,敍延綏戰功,加少保兼太子太保,改戶 四十二年二月,皇太后崩。三月,福王之國。向高乞歸益數,章十餘上。至八月,允其 至是,命加少師兼

元翰 ,左右兩人者相角。 向高在相位,務調劑羣情,輯和異同。 向高請盡下諸疏,敕部院評曲直,罪其論議顚倒者一二人,以警其 然其時黨論已大起,御史鄭繼芳力攻給 事中压

爲黨魁云。 至天啓時,王紹徽等撰所謂東林點將錄,令魏忠賢按氏名逐朝士。以向高嘗右東林,指目 以大體持之,察典得無撓,而兩黨之爭遂不可解。及後,齊、楚、浙黨人攻東林殆盡。 賢。會辛亥京察,攻三才者劉國縉以他過掛察典,喬應甲亦用年例出外,其黨大譁。 顧憲成家居,講學東林書院,朝士爭慕與游。三才被攻,憲成貽書向高暨尚書孫丕揚,訟其 帝不報。 諸臣旣無所見得失, 益樹黨相攻。未幾, 又爭李三才之事, 黨勢乃成。

諭。 傳滋疑議。 爲東西用兵之需。 年十月還朝,復爲首輔。言:「臣事皇祖八年,章奏必發臣擬。卽上意所欲行,亦遣中使傳 事有不可,臣力爭,皇祖多曲聽,不欲中出一旨。陛下虛懷恭己,信任輔臣,然間有宣 向高歸六年,光宗立,特詔召還。未幾,熹宗立,復賜敕趣之。屢辭,不得命。 宜慎重綸音,凡事令臣等擬上。」帝優旨報聞。自定統納向高請,發帑金二百萬 天啓元

防。」忠賢見向高疏刺己,恨甚。 高言:「客氏出復入,而一燝顧命大臣不得比保姆,致使人揣摩於奧笑不可知之地, 福,搆殺太監王安,以次逐吏部尙書周嘉謨及言官倪思輝等。大學士劉一燝亦力求 熹宗初政,羣賢滿朝,天下欣欣望治。 旣而刑部尚書王紀削籍,禮部尚書孫愼行、都御史鄒元標 然帝本沖年,不能辨忠佞。 魏忠賢、客氏 其 去。 漸竊威 (漸當 向

先 後被 攻致仕去。 向高爭不得,因請與元標同能。 帝不 聽,而忠賢益恨 (向高

稍 奏, 使。 向高 年。 郎,向高亦救觅。 餘。 有 帝從之。 向高 言僅 御史帥 匡 向 救。 倘盡括之,猝有如山東白蓮教之亂,何以應之。」帝皆不 高 育俸。 以去就爭,乃奪俸而止。 爲 給 衆指斥宮禁,奄人請帝出之外,以向高救免。 人光明 有請括 事 中章允儒請減上供袍服。 給事中陳良訓疏譏權奄,忠賢摘其疏中「國運將終」語,命下詔獄,窮治主 紀旣罷去, 忠厚,有德量,好扶植善類。再 天下布政司、府、州、縣庫藏盡輸京師者,向高言:「郡邑藏已竭, 御史吳甡、王祚昌薦之,部議以故官召。 熊廷弼、王化貞論死,言官勸帝速決。 奄人激帝怒,命廷杖。 入相,事 給事中傅櫆救王紀,將貶謫,亦以 沖主, 不能 納 向高 忠賢怒,將重譴文選 審直 論救者再,乃奪俸 向高請俟法 如 神宗時,然 藩庫 司覆 猶

困之。 東林禍自 朝,伺隙動 陛下止罪臣,而稍寬其他,以消縉紳之禍。」因力求速罷。 詔 忠 向高 賢旣默恨向高,而其時朝士與忠賢抗者率倚向高。〔三忠賢乃時毛舉細故,責向高以 獄 此 製水 起。 向高言:「文言內閣辦事 得櫆疏喜甚,欲藉是羅織東林,終憚向高舊臣,幷光斗等不罪,止罪文言。 去。 四年四月,給事中傅櫆劾左光斗、魏大中交通汪文言,招權納賄,命下 ,實臣具題。 光斗等交文言事曖昧,臣用文言顯然。 當是時,忠賢欲大逞,憚衆正盈

列

傳

給米五石,輿夫八。 十餘疏,至是請益力。乃命加太傅,遺行人護歸,所給賜視彝典有加。 忠賢雖憤,猶以外廷勢盛,未敢加害。 懼,投遵化巡撫所。或言汝翥,向高甥也,羣奄圍其邸大譟。 萬燝以劾忠賢廷杖,向高力救,不從,死杖下。 旨敍己功勤,累百餘言。向高駭曰:「此非奄人所能,必有代爲草者。」探之,則徐大化也。 數十上,或勸向高下其事,可決勝也。向高念忠賢未易除,閣臣從中挽回,猶冀無大禍。 具奏稱忠賢勤勞,朝廷寵待厚,盛滿難居,宜解事權,聽歸私第,保全終始。 至六月,楊漣上疏劾忠賢二十四大罪。向高謂事且決裂,深以爲非。廷臣相繼抗章至 其黨有導以興大獄者,忠賢意遂決。於是工部郎中 無何,御史林汝翥亦以忤奄命廷杖。 向高以時事不可爲,乞歸已一 **尋聽辭太傅,有司月** 忠賢不悅,矯帝 汝翥 乃

忠賢首誣殺漣,光斗等次第戮辱,貶削朝士之異己者,善類爲一空云。 月卒,年六十有九。 向高旣罷去,韓爌、朱國禎相繼爲首輔,未久皆罷。 崇禎初,贈太師,諡文忠。 居政府者皆小人,清流無所依倚。 熹宗崩,向高亦以是

兄一焜、一煜並舉於 鄉。 越七 年,又與一煜並 舉 進士。 改庶吉士,授檢討

務,偕何宗彦、韓爌並 年春京察,黨 **憬謝不可** 焜爲考功郎, 年始遷禮部右侍郎,敎習庶吉士。 人用事,謀逐孫承宗、繆昌期等,一燝力保持得免。 夢皐等竟以中旨留,由是忤一貫意。 命。 掌京察。大學士 時內閣止方從哲 沈一貫欲庇 一 人。 光宗卽位,擢禮部尚書兼東閣大學士,參預機 其私 尋歷祭酒, 詹事, 人錢夢皐、 故事,掌院無滿歲不遷者, 鍾 **兆斗等**,屬一 掌翰林 院 事 爆為請 匹 十. 五.

憬、爌。 傍輦疾行 侍頜之,復中悔,挽皇長子裾。 所匿耳。」一人憬大聲言:「誰敢匿新天子者。」安曰:「徐之,公等愼勿退。」遂趨入白選侍 奄:「皇長子當柩前卽位,今不在,何也。」羣奄東西走不對。 手,英國 甫拜命,帝巳得疾,一燝偕諸臣召見乾淸宮。 萬曆末年,神宗欲用史繼偕、沈淮 公張 明日復 ,翼升文華殿,先卽東宮位,羣臣 惟賢捧右手,掖升輦。 命朱國祚及舊輔葉向高。 安直前擁抱疾趨出。 及門,宮中厲聲呼:「哥兒却還」」使使追躡者三輩。一燝 兩人方在籍,帝命召之。未及至,帝復命宗彦、一 而宗彦、 叩頭呼萬歲 明日九月朔,帝崩。回 國祚、向高亦皆在籍, 一燝見之,急趨前呼萬歲,捧皇長子左 東宮伴讀王安前 諸臣 入臨畢, 惟 日「爲李選侍 燝、 一景詰羣 爌 入直。 選

事 稍定,選侍 列 傳 第 百 **猶超還乾淸。** + 八 時選侍居乾清。 煜 一燝曰:「乾淸不可居,殿下宜暫居慈慶。」

大定。 初五 列,中外欣欣望治焉。 乃引與共事。 宫。一燝曰:「本朝故事,仁聖,嫡母也,移慈慶,慈聖,生母也,移慈寧。 皇長子心憚選侍,然之。 公等不得辭責。」 日偕同官請卽日降旨,竚立宮門以俟。選侍不得已,移噦鸞宮,云天子復還乾淸,事始 帝旣踐阼,從哲被劾在告,一燝遂當國,與爌相得甚歡。念內廷惟王安力衞新天子, 安亦傾心嚮之。所奏請,無不從。發內帑,抑近倖,搜遺逸,舊德宿齒布滿九 明日,周嘉謨及左光斗疏請移宮。至時首輔從哲徘徊其間,已,又欲緩移 一燝語安曰:「主上沖年,無母后。外庭有事,吾受過;宮中起居, 今何日,可姑緩耶?

等官。言路多怨一燝。一燝嘗言:「任天下事者、惟六官。言路張、則六官無實政。善治天 諸臣洗心滌慮,悉破雷同附和,共憂國奉公。」帝優旨褒答。尋有詔盡謫前排廷弼者姚宗文 下部議,有不經者,詔格之。 下者,俾六官任事,言路得繩其愆,言官陳事,政府得裁其是,則天下治」於是一切條奏悉 然,不知何故翦除。及下廷議,又皆畏懼,不敢異同。嗣後軍國大事,陛下當毅然主持,敕 明年,天啓改元,瀋陽失。廷臣多請復用熊廷弼。 一燝亦言:「廷弼守遼一載,殘疆宴

怒,悉下法司,案治甚急。羣奄懼,搆蜚語,言帝薄先朝妃嬪,致選侍移宮日,跣足投井,以搖 初,選侍將移宮,其內豎李進忠、劉朝、田詔等盜內府秘藏,過乾淸門仆,金寶墮地。帝 列傳第一百二十八 劉一燝

政 排死 欲誅 春得 魏、客等漸用 議誅 其辭 惑外 不問 疑 加 朋 慰 燝 黨 恩三等。 司 再論 留, **燝主之**,與忠賢、客氏等比,而 定陵 削 諸 欲 盜 廷。 異 內 奄。 籍 旣 奄 時 不 脫 無 給 救,不 去。 而 御史賈繼 由 乃 奸 盜 可 事 成 維 諸言官論 王安為 人乘間 奄罪。 雪 厚賄忠賢爲地,而上疏辨冤。 事 會極門,例不 中 華 御史張愼言、高弘圖 ,一燝勢孤 忠賢 ,疏直下部,前無 聽 侯 外 震 轉,其 司 春遂上安選侍 一、士大夫必受其禍。 帝 欲以 暘、 而 禮,亦惡之。 客氏被謫者 惡繼春妄言,且 職 御 同官孫 爲 方 5、是年 當擬旨 史陳 鄎 功。 中余大成, 杰 此 九 应 書。 , ,謹封還 崎 制。 疏救繼春,帝 **嚋復劾之,幷刺其結納王安。** 疑 **爆援** 諸奄百 月 **燝皆疏** ٠, 刑部 疑其有 燝。 帰 屬 候 帝 故 乃具 補 原疏。」 不 御 1方救, 事 帝果免朝、詔 尚書黃克纘、給 史 嘉謨爲 御 得已,下其疏於閣。 救,又請出客氏於外。 疏 黨,將嚴譴之。 安伸, **燝**持 史 內臣 開帝意,為繼 欲幷罪,亦 卒不得。 劉 由是忠賢輩大 大體 之,上疏 非 重 給 慶 司 事 禮掌 逐力詆 ,不徇言路意。 死 中 久而 了 下 以 事 力攻 韋蕃、 春 中 即 爆言 李 恨 解 其疏法司。 帝 **爆**謂天 及提督陵工不得濫 // 爆 於是 爆不 漸忘 一 而 春曄、御史王業浩 ,朝等亦竟免死,益任 爆復言 霍維華交章 而 及言官交章論 反覆言朋黨 子新 可用。 前 止 言路 景四 事 1:「此疏: 燝 安亦為魏忠賢 卽 帝爈選侍甚,必 頗怨。 疏 疏 帝怒 爆執 位,輒 辨 劾 乞 外不 無實。 求 奏。詔 沈淮 調重 廕 爆。 叉密 輩 疑 張 由 臣 用。 窺 帝 帝 擬 通 繼 大 下

從中主之,傳旨允其去。

師。 官,遺官存問。 言,謂一燝尼己。至是,知其無他,力稱一燝有翼衞功,不可去。 二年三月,疏十二上,〔<〕 乃令乘傳歸。 | 巘爲一燝族,株連之。 刑部尚書王紀不可,遂被斥去,而一燝得白。 先是,從哲去,帝數稱一燝爲首輔,[刊]一燝不敢當,虛位俟葉向高。 福王時,追諡文端。 忠賢大熾,矯旨責一燝誤用廷弼,削官,追奪誥命,勒令養馬。崇禛改元,詔復 一燝在位,累加少傅、太子太傅、吏部尚書、中極殿大學士。八年卒,贈少 旣歸,兵部尚書張鶴鳴興奸細杜茂、劉一巘獄 帝復慰留,一燝堅臥不起。 鶴鳴,一燝向所推轂 及向高至,入讒 ,欲指

促屢疏請勿遣代。已得請,會命中官

呂貴護成遺裝,奸人遂請留貴督織造,疏直達禁中。 遣中官曹奉建鎭海寺於普陀山。一焜偕巡按李邦華爭不可,不聽。 執政私人。已,改文選,遷太常少卿,以憂去。久之,由故官擢右僉都御史,巡撫浙江。 **焜疏駁,且禁治其爪牙,貴爲斂威。** 焜與邦華極論其罪, 帝卒命貴代之。 一處,字元丙。萬曆二十年進士。授行人。歷考功郎中,佐侍郎楊時喬典京察,盡斥 一處以暇築龕山海塘千二百丈,濬復餘杭南湖,民 一焜復疏爭,不報。 **貴旣任,條行十事,多侵擾。** 織造中官劉成卒,

賴其利。 御史沈珣誣訐其贓私, 焜自引去。 卒,贈工部右侍郎。

一煜,兵部郎中。

韓爌, 字象雲,蒲州人。 萬曆二十年進士。 選庶吉士。 進編修,歷少詹事,充東宮講

官。 泰昌 四十五年擢禮部右侍郎,協理詹事府。 元年八月,光宗嗣位,拜禮部尚書兼東閣 久之,命教習庶吉士。 大學士,入參機務。 未幾,光宗疾大漸,

兄弟有罪,當逮治,中旨寬之。 與方從哲、劉 一燝同受顧命。 時宮府危疑,爌竭誠翼衞,中外倚以爲重。 **爌與一燥執奏,逮如律。** 以登極恩,加太子太保、戶部尙書、 大帥李 如柏、如楨

文淵閣 天啓元年正月,兩人以帝爲皇孫時,未嘗出閣讀書,請於十二日卽開經筵,自後日講不 大學士。 從哲去,一憬當國,爌協心佐理。

輟,從之。 遼陽失,都城震驚。 燃、一燥以人情偷玩,擬御札戒勵百官,共圖實效,帝納之。

廷臣以兵餉大絀, 合詞請發帑,爌、一燥亦以爲言,詔發百萬兩。 大婚禮成,加少保、吏部

學士。 尙書、武英殿大學士,廕一子尙寶司丞。 帝封乳 母客氏爲奉聖夫人,大婚成,當出外,仍留之宮中。 未幾,以貴州平苗功,加少傳、太子太傳、建極殿大 御史畢佐周切諫,六科

傳第一百二十八 韓媛

列

十三道復連署爭,皆不納。,爌、一燝引祖制爲言,乃命俟梓宮發引,擇日出宮。

二年四月,禮部尚書孫愼行劾方從哲用李可灼紅丸藥,罪同弑逆,廷議紛然。| 憬已

去位,爌特疏白其事,曰:

臣。」臣等出,少頃,中使傳聖體服藥後暖潤舒暢,思進飮膳,諸臣歡躍而退。比申末, 召見。諸臣問安畢,先帝卽顧皇上,命臣等輔佐爲麐、舜。又語及壽宮,臣等以先帝山 臣等問再服復何狀,答言平善如初。此本日情事也。次日,臣等趨朝,而先帝已於卯 可灼出云:「聖上恐藥力不繼,欲再進一丸。」諸醫言不宜驟。乃傳趣益急,因再進訖。 未敢明言宜否。須臾,先帝趣和藥,臣等復同入。可灼調以進,先帝喜曰:「忠臣,忠 速進。臣等復出,令與諸醫商搉。 信。」先帝卽命傳宣。臣等出,移時可灼至,同入診視,言病源及治法甚合。先帝喜,命 陵對,則云:「是朕壽宮。」因問有鴻臚官進藥。從哲奏云:「李可灼自謂仙丹,臣等未敢 漸,有鴻臚寺官李可灼來思善門進藥。從哲及臣等皆言彼稱仙丹,便不敢信。是日仍 丹欲進。|從哲愕然,出所具問安揭,有「進藥十分宜愼」語。 臣等深以爲然,卽諭之去。 二十七日召見羣臣,先帝自言不用藥已二十餘日。至二十九日遇兩內臣,言帝疾已大 先帝以去年八月朔踐阼。臣及一燝以二十四日入閣。適鴻臚寺官李可灼云有仙 一燝語臣,其鄕兩人用此,損益參半。諸臣相視,實

刻 上賓矣,痛哉!

末實止 口, 前,籲天以禱。臣子際此,惐不身代。 編摹者勿以信史爲謗史。 無恫怨,皇上終天之念何以爲懷。 何 如紀述。 抑且不以萌諸心。念先帝臨御雖止旬月,恩膏實被 方先帝召見羣臣時,被袞憑几,嚴然顧命。 如此。 乃禮臣忠憤之激談,與遠邇驚疑之紛議,不知謂當時若何情景,而進藥始 若不據實詳剖,直舉非命之凶稱,加諸考終之令主,恐先帝在天之靈不 乞渙發綸音,布告中外,俾議法者勿以小疑成大疑, 凡今所謂宜愼宜止者,豈不慮於心, 皇上焦顏侍側,臣等環跪徬徨,操藥 九坟。 爲臣子者宜何如頌揚, 實未出

於

HU

文震孟建言獲譴,論救甚力。

去 兩· 聽聞,有傷國體。」忠賢益不悅,傳旨切責。 忠賢,逼引邪黨。 爲善類所倚。 二十四大罪,忠賢頗懼,求援於爌。 大臣,臣民失望。 三年以山東平妖賊功,加少師、太子太師。時葉向高當國,爌次之。及楊漣劾魏忠賢 然向高有智術,籠絡羣奄,擴惟廉直自持,勢不能敵。 其冬,忠賢假會推事逐趙南星、高攀龍,爌急率朱國禛等上言:「陛下一 且中旨徑宣,不復到閣,而攀龍一疏,經臣等擬上者,又復更易,大駭 爌不應, 忠賢深銜之。 未幾,又逐楊漣、左光斗、陳于廷,朝政大變,忠 旣向高罷,爌爲首輔,每事持正, 而同官魏廣微又深結 日

賢勢益張。

伴食。 **悻求去,可馳驛還籍。」諸輔臣請如故事,加以體貌,不報。** 官,爲佐理溺職之戒。」得旨:「卿親承顧命,當竭忠盡職。 上釋此不問,責臣以協恭,責同官以協贊。同官奉詔以從事,臣欲補過無由矣。 出之紛更,不能先時深念,有調劑之方,又不能臨事執持,爲封還之戆。皆臣罪之大者。 掖,無能紆宵旰憂。忠直尙稽召還,而搒掠朝堂,無能回震霆怒。後先諸臣之罷斥,諭旨 去之,顧秉謙代其位。 重綸綍以重仕途,肅紀綱以肅朝宁」語。 故事 **騰惶懼,卽抗疏乞休。** 閣中秉筆止首輔一人。廣微欲分其柄,囑忠賢傳旨,諭爌同寅協恭,而責次輔毋 公卿庶僚皆忠賢私人矣。 略言:「臣備位綸犀,咎愆日積。 忠賢及其黨益恨。 乃歸非於上,退有後言。 騰疏謝,有「左右前後務近端良, **爌去,朱國禛爲首輔。** 如詰戎宜先營衞,而 乞巫褫臣 觀兵禁 今復悻 李蕃攻 皇 中

宅,貸親故以償,乃棲止先墓上。 五年七月,逆黨李魯生劾爌, 削籍除名。又假他事坐贓二千,斃其家人於獄。 **爌鬻田**

騰等,諭以擬旨務消異同,開誠和衷,期於至當。 官其一子。 莊烈帝登極,復故官。 至五月,始遣行人召之。至十二月還朝,復爲首輔。 崇禎元年,言者爭請召用,為逆黨楊維垣等所扼,但賜敕存問, **孅等頓首謝,退言:「上所諭甚善,而密勿** 帝御文華後殿閱 章奏,召

政機,諸臣參互擬議,不必顯言分合。至臣等晨夕入直,勢不能報謝賓客。 見於朝房,而一切禁私邸交際。」帝卽諭百僚遵行。 商政事者,宜相

贊化。 黜陟之。若戈矛妄起於朝堂,畛域横分於宮府,非國之福也。」又率同官力救贊化,不納。 退,具揭言:「人臣不可以黨事君,人君亦不可以黨疑臣。 但當論其才品臧否,職業修廢,而 皇長子生,請盡蠲天下積逋,報可。 史任贊化亦疏訐體仁。帝召見廷臣,體仁力詆贊化及御史毛羽健爲謙益 二年正月,大學士劉鴻訓以張慶臻敕書事被重譴,爌疏救,不聽。 溫體仁許錢謙益,御 死黨。 帝怒,切責

納,然羽健卒獲免。 而是日永光以羽健疏劾,請帝究主使者。擴退,申救都等,因言永光不宜請究言官。 召對廷臣詰責。巡視科道王都、高賚明二人力辨,帝命錦衣官執之,爌、標、龍錫並 之。爌等言永吉不宥,永光必不安,乃止奪俸一年。工部尚書張鳳翔奏廠、庫積弊。 時大治忠賢黨,爌與李標、錢龍錫主之。列上二百六十二人,罪分六等,名曰「欽定逆 頒行天下。 言者爭擊吏部尚書王永光, 南京禮部主事王永吉言之尤力。 帝怒,將罪 帝怒, 一救解。

列 熊廷弼旣死,傳首 九邊,屍不得歸葬。至是,其子詣闕疏請。 **騰等因言:「廷酮之**

冤之甚者。」帝乃許收葬。

死,由逆奄欲殺楊漣、魏大中,誣以行賄,因盡殺漣等,復懸坐廷嗣贓銀十七萬,刑及妻孥,

秋決,亦不從。 其所節省仍還之民。」帝然之。 兵止當清占冒及增設冗兵爾。 可,永光再疏爭。 時遼事急,朝議汰各鎭兵。 **爌言,故事當聽都察院咨用。帝方眷永光,不從。九月以將行慶典,請停** 衝地額兵不可汰也。 御史高捷、史堃以罪免,永光力引之。都御史曹于汴持不 又以兵科給事中劉懋疏,議裁驛卒。帝以問爌, 爌言:「汰 驛傳疲累,當責按臣核減,以甦民困,

東林。 上。爌卽三疏引疾。 初,袁崇煥入朝,嘗與錢龍錫語邊事。 重去爌,貶抱奇秩。 人加尚寶卿原抱奇故由輸貲進,亦劾爌主款誤國,招寇欺君,郡邑殘破,宗社阽危,不能設 策,拔一人,坐視成敗,以人國僥倖,宜與龍錫並斥。其言主款者,以爌,崇煥座主 時逆案雖定,永光及袁弘勛、捷、垄輩日爲翻案計。至十月,大清兵入畿甸,都城戒嚴 倡言大淸兵之入,由崇煥殺毛文龍所致。捷遂首攻龍錫,逐之。明年正月,中書舍 無何,左庶子丁進以遷擢愆期怨爌,亦劾之,而工部主事李逢申劾疏繼 詔賜白金彩幣, 馳驛遣行人護歸, 悉如彝典。進、逢申並 [[[會試所舉 龍錫,東林黨魁也,永光等謀因崇煥興大獄,可盡傾 也。

士也。

李自成陷瀟州,迫爌出見,不從。賊執其孫以脅。爌止一孫,乃出見,賊釋其孫。爌歸,憤 <u>懶先後作相,老成愼重。引正人,抑邪黨,天下稱其賢,獨嘗庇王永光云。十七年春,</u>

鬱而卒,年八十矣。

爲奸利耳,公獨不計辱國乎。」屋不能用。 尋進諭德。 朱國祚,字兆隆,秀水人。萬曆十一年進士第一。 日本陷朝鮮,石星惑沈惟敬言,力主封貢。 國祚面詰星:「此我鄉曲無賴,因緣 授修撰。 進洗馬,爲皇長子侍班官,

帝怒,幾逮楷,奉亦因此撤去。尚書余繼登卒,國祚攝部事。 二十六年超擢禮部右侍郎。 湖廣稅監陳奉橫甚。 國祚貽書巡按御史曹楷,令發其狀。

事,理不可緩。 服之制、祝醮、敕戒之辭,陞降、坐立之位,朝賀拜舞之節,因名制分,因分制禮,甚嚴且辨。 疏言:「本朝,外戚不得與政事。册立大典,非國泰所宜言。況先册立,後冠婚,其儀仗、冠 失其序,名分大乖。違累朝祖制,背皇上明綸,犯天下清議,皆此言也。」又言:「册立之 時皇長子儲位未定,冠婚踰期,國祚屢疏諫。 初謂小臣激聒,故遲之。 後羣臣勿言,則曰待嫡。 戚臣鄭國泰請先冠婚,後册立。 及中宮久無所出,則曰皇 國祚抗

列傳第

百二十八

給邊需,猶當六年乃足。必待取盈而後舉大禮,幾無時矣。」已,又言:「太祖、成祖、仁宗,卽 聞 位 遲典禮。 在殿不在宫。 長子體弱,須其强。今又待兩宮落成矣。自三殿災,朝廷大政令率御文華殿。三禮之行, [初,即建儲貳。宣宗、英宗册爲皇太子時,止二歲,憲宗、孝宗止六歲,陛下亦以六歲。 年十九而不册立者。」國祚攝尚書近二年,爭國本至數十疏,儲位卒定。 且詔旨採辦珠寶,額二千四百萬,而天下賦稅之額乃止四百萬。卽不充國用,不 頃歲趣辦珠寶,戶部所進視陛下大婚數倍之。遠近疑陛下借珠寶之未備,以

北京劾其縱酒踰檢,帝不問,國祚遂引疾歸 通下情、清濫獄四事。雲南巡撫陳用賓進土物,國祚劾之。 陝西狄道山崩,其南湧小山五,國祚請修省。 社稷壇枯樹生烟,復陳安人心、收人望、 **尋轉左侍郎,改吏部。御史湯**

紀爲禮部侍郎時,嘗以事忤國祚者也 故步履 六月還朝。 優詔不允。 事,總裁止 光宗卽位,以國祚嘗侍潛邸,特旨拜禮部尚書兼東閣大學士,入閣參機務。 猶艱。」 用內閣一人,是科用何宗彦及國祚,有譏其中旨特用者。 都御史鄒元標侍經筵而躓,帝遣中使問狀。 尋加太子太保,進文淵閣。 帝爲之改容。 刑部尚書王紀爲魏忠賢所逐。 國祚素行淸愼,事持大體,稱長者。 國祚進曰:「元標在先朝直言受杖, 國祚合疏救,復具私揭爭之。 國祚旣竣事,卽求罷, 明年 天啓元年 會試,故

傅,乘傳歸。 明年卒。贈太傅,諡文恪。從子大啓,文選郎中,終刑部左侍郎。 三年,進少保、太子太保、[10]戶部尚書,改武英殿。十三疏乞休,詔加少傅棄太子太

年卒。 惡,可令善去。」乃加少傳,賜銀幣,廕子中書舍人,遣行人送歸,月廩、輿夫皆如制。 奸,視國禎蔑如。 敵,公亦當早歸。」蕭州謂爌也。向高罷,爌爲首輔,爌罷,國禛爲首輔。廣微與忠賢表裏爲 魏忠賢竊國柄,國禎佐向高,多所調護。 月,國禎還朝,秉謙、延禧以列名在後,謙居其次。改文淵閣大學士,累加少保兼太子太保。 並命。閣中已有葉向高、韓爌、何宗彦、朱國祚、史繼偕,又驟增四人,直房幾不容坐。六 元年擢禮部右侍郎、未上。三年正月拜禮部尚書兼東閣大學士、與顧秉謙、朱延禧、魏廣微 向高慍甚,國禎請容之。及向高密奏忤忠賢,決計去,謂國禎曰:「我去,蒲州更非其 同時,朱國禎,字文寧,烏程人。萬曆十七年進士。累官祭酒,謝病歸,久不出。天啓 贈太傅、諡文肅。 其冬為逆黨李蕃所刻,三疏引疾。忠賢謂其黨曰:「此老亦邪人,但不作 四年夏,楊漣劾忠賢,廷臣多勸向高出疏,至有詬 崇禎五

何宗彦,字君美。其父由金谿客隨州, 遂家焉。 宗彥舉萬曆二十三年進士。 累官詹

事。四十二年遷禮部右侍郎,署部事。

宗彥力爭之。梃擊事起,宗彥因言:「天下疑陛下薄太子久。太子處積輕之勢,致慈慶宮門 社幸甚。」不報。 尋轉左侍郎,署部如故。 皇孫就傅,及瑞、惠、桂三王婚禮。太子生母王貴妃薨,不置守墳內官,又不置墳戶贍地, 止守以耄年二內侍,中門則寂無一人。乞亟下張差廷訊,凡青宮諸典禮,悉允臣部施行,宗 |福王之國河南,請求無已。|宗彥上疏,言可慮者有六,帝不聽。 又屢疏請東宮講學,

路喪師,開原、鐵嶺相繼沒,瀋陽孤危。 請陛下臨朝,與臣等面籌兵食大計。」帝亦不報。 時帝不視朝已三十載,朝政積弛,庶官盡曠。明年秋,遼事益棘。宗彥率僚屬上言:「自三 傅,宗彥再疏力言。 自是頻歲懇請,帝終不納。四十六年六月,京師地震。上修省三事。 四十四年冬,隆德殿災,宗彥請通下情,修廢政,補曠官。明年,皇長孫年十三,未就

中、左光斗、李徵儀、倪應春、彭際遇、張新詔等交章惜之,而延登同官亓詩教、薛鳳翔又屢 疏糾駁。 臣多首宗彦,獨吏科給事中張延登不署名,遂不獲與。宗彦旋乞假去。御史薛敷政、蕭毅 宗彥淸修有執。 其時濟黨勢盛,非同類率排去之。宗彦無所附麗,故終不安其位。 攝尚書事六年,遇事侃侃敷奏,時望甚隆。其年十二月會推閣臣,廷

明 (年,神宗崩,光宗立,即家拜禮部尚書兼東閣大學士。 天啓元年夏還朝。 屢加少師

兼太子太師、吏部尙書、建極殿大學士。四年正月卒官,贈太傅,諡文毅。

弟宗聖,由鄉舉歷官工部主事。 以附魏忠賢、驟加本部右侍郎。崇禛初,削籍,論配,

名麗逆案。

孫 如游,字景文,餘姚人,都御史燧曾孫也。萬曆二十三年進士。累官禮部右侍郎

得 命。 四十七年冬,左侍郎何宗彦去位,署印無人,大學士方從哲屢以如游請。 部事叢積,如游決遣無滯。時白蓮、無爲諸邪教横行,宗彥嘗疏請嚴禁,如游復申其 明年三月始

帝從之。七月,帝疾大漸,偕諸大臣受顧命。

而后者,則從子 遵遺旨諭閣臣,封貴妃爲皇太后。 游曰:「皇長子非選侍所愛。 三日,公卽援詔以請。」如游然之。八月朔,光宗卽位。三日,如游請建東宮,帝納之。俄 帝崩,鄭貴妃懼禍,深結李選侍,爲請封后。 之義。 祖宗以來,豈無抱衾之愛,而終引去席之嫌,此禮所不載也。 選侍后,嫡矣,他日將若何。亟白執政,用遺詔舉册 如游奏曰:「考累朝典禮,以配而后者,乃敵體之經,以妃 選侍喜,亦爲請封太后以悅之。 立。 楊漣語如 先帝念 登極

費妃勞,不在無名之位號,陛下體先帝志,亦不在非分之尊崇。 爲孝。 臣不 ·敢曲徇,自蹈不忠之罪。」疏入,未報 若義所不可,則遵命非孝,

皇后。 進。」帝漫應曰:「諾。」選侍聞,大不悅。 諭諄切,且有保護聖儲功,即如先所定期,亦無不可。」 帝許之。 端皇后、孝靖皇太后尊諡,又封郭元妃、王才人爲皇后,禮皆未竣,貴妃之封宜在後。 可。 二十三日命封選侍爲皇貴妃。 如游 二十九日再召廷臣,選侍迫皇長子言之。 尋進本部尚書。 帝旣命建東宮,又言皇長子體質淸弱,稍緩册立期。 。期已定矣,越三日,帝又趣之。 明日,帝崩,朝事 如游日:「上欲封選侍爲皇貴妃,當 ·大變。 選侍以貴妃爲未足,必欲 如游請改册封期,報 如游奏曰:「先奉諭 如游力持不 可。 卽 具儀 旣 得 凛

廟,則 勉留。 宗爲皇孫時、未就傅。 太保、文淵閣大學士,遺官護送,廕子給賜悉如彝典。 臣 |桂萼、方獻夫、夏言、徐階、袁煒、嚴訥、李春芳,在穆廟,則有 比,有累至 十月命以東閣大學士入參機務。言者詆其不由廷推,交章論列。 有許國、趙志皐、張位。 |天啓元年二月上疏言:「祖宗任用閣臣,多由特簡。 | 尊知人之明。乞速賜骸骨,還田 即位七日,如游卽請開講筵,亦報 即皇考之用朱國祚,亦特簡 里。 帝仍留之。 家居四年卒。 可 也。 陳 遠者無論,在世 以勤、張居正、趙貞吉,在神 今陛 如游 贈少保、諡文恭。 十四疏乞去,乃加太子 下 沖齡,臣才品又 如游亦屢乞去,帝輒 廟, 則 有 張璁、 非諸

列傳第一百二十八 孫如游 校勘記

魯王監國紹興,擢右僉都御史,累進東閣大學士。王航海,嘉績從至舟山。其年遘疾卒。 嘉績 爲參謀,不聽。徐石麒爲刑部尚書,具爰書奏,乃釋之。福王時,起九江兵備僉事,未赴。 卽 動 日 南下。 無所隱。擬雜犯死罪,繼擬烟瘴充軍,皆不允。保定總督張福臻陛見,薦嘉績才,請用 會諸生涂仲吉疏救道周,帝益怒,移獄錦衣嚴訊。諸生與道周往來者多詭詞自脫,獨 一衆莫測。 會有發其納賄事,遂下獄。已,黃道周亦下獄。 孫嘉績,字碩膚。崇禎十年進士。 於是尚書楊嗣昌以嘉績知兵,調爲職方員外郎。進郞中。 嘉績曰:「此待後至者,卽舉衆南下爾。」越三日,蒙古兵數萬果從青山口入, 授南京工部主事,召改兵部。 嘉績躬親飲食湯藥,力調護之,因從受 大清兵薄都城,按營 督師中官高起潛譖

於是而 肘、紛撓杌陧、幾不自全。朱國祚、何宗彥絀於黨人、孫如游又皆以中旨特用、爲外廷所詬。 移,非一日之積,勢固無如何也。劉一燝、韓爌諸人,雖居端揆之地,而宵小比肩,權璫掣 贊曰: 熹宗初,葉向高以宿望召起,海內正人倚以爲重,卒不能有所匡救。 蓋政柄內 知明良相遭,誠千載之一遇也夫。

校勘記

- 趙 思 聖等相託告 趙思聖,原作「趙聖」,據明史稿傳 九五葉向高傳補。
- 帝優! 旨報聞 優旨,原作「復旨」,據明史稿傳九五葉向高傳 改
- = 而 其 時朝 士與忠賢抗者率倚向 高 率 倚,原作「卒倚」,據明史稿傳九五葉向高 傳改。
- 24 明 H 九月 朔 帝崩 明日 `原作「明 年」。 按召見劉一燝諸大臣事是八月甲戌日 , 其 明日 正是九月
- 五 周 嘉謨及左光斗疏請移宮 (朔。據本書卷二一光宗紀、 周 明史稿傳一一 九劉一燝傳、光宗實錄泰昌元年九月 補

乙亥朔條改。

乙亥

- (嘉謨)原作「嘉謨」)據本書卷二二嘉宗紀、卷二四 周嘉謨傳
- ベン |殿, 初 五 見本書卷二二熹宗紀、又卷二四四楊漣傳及光宗實錄泰昌元年 日至選侍不得已移噦鸞宮 **噦鸞官,當作「仁壽殿」。** 按選侍於九月初五 九 月 己 加 日 條 己卯移居仁壽 又 選 侍
- -6 先是從哲 於二十七日辛 去 帝數 · 丑移居<u>噦鸞宮,見同上光宗實錄九月己亥條、國權卷八四頁五一八一。</u> 稱 **爆爲首輔** 原脫「去帝」二字,據明史稿傳一一 九劉一燝傳 補
- 二年三月疏 十二上 三月,原作「正月」,據本書卷二二熹宗紀、卷一〇九宰輔年表、 熹宗實錄
- 卷一五天啓二年三月丁酉條改。 疏十二,同上熹宗實錄作「十疏
- 九九山 至五 月始遣 行 人召之 五月,本書卷一一〇字輔年表 國權卷八九頁五四三一作「四月」。
- 三年進少保太子太保 三年,本書卷一一〇字輔年表作「元年」。

